




B 5


5

581

BIBLIOTECA NAZIONALE
CENTRALE - FIRENZE

Buonamici





T. LIVII O P E R A, Q U Æ S U P E R S U N T,

Obscuriorum locorum interpretationibus, &
selectis adnotationibus illustrata.

*Cum Supplementis in postremos libros
ex recensione*

A R N. DRAKENBORKII

EDITIO POSTREMA

In sex Tomos distributa:

T O M U S I V .



PATAVII, Typis Seminarii . MDCCLI.

Apud Joannem Manfrè.

Superiorum Permissu, ac Privilegio.

Manfrè

THE UNIVERSITY OF CHICAGO
 LIBRARY
 540 EAST 57TH STREET
 CHICAGO, ILL. 60637
 TEL: 773-936-5000
 FAX: 773-936-5000

B² 5.5.581

T. L I V I I

P A T A V I N I

Historiarum ab Urbe condita

LIBER XXXVI.

CAPUT I.

Inito magistratu a COSS. P. Cornelio Scipione, & Manio Acilio Glabrione, rogatio de bello Antiocho indicendo ad populum, post factas res divinas, perfertur. Inde cum, facta provinciarum sortitione, Italia Cornelio, Græcia Acilio evenisset, is pro felici belli exitu vota nuncupat.



Ublum Cornelium Cn. F. Scipionem & Man. Acilium Glabrionem consules inito magistratu, Patres priusquam de provinciis agerent, res divinas facere majoribus hostiis iusserunt in omnibus fanis, in quibus lectisternium majore parte anni fieri solet: precarique, quod senatus de novo bello in animo haberet, ut ea res senatui populoque Rom. bene atque feliciter eveniret. Ea omnia sacrificia læta fuerunt, primisque hostiis perlitatum est, & ita aruspices responderunt, eo bello terminos populi Rom. propagari, victoriam ac triumphum ostendi. Hæc cum renuntiata essent, solutis religione animis, Patres rogationem ad populum ferri iusserunt: vellent juberentne cum Antiocho rege, quique sectam ejus secuti essent, bellum iniri. si ea rogatio perlata esset, tum, si ita videretur consulibus, rem integram ad senatum referrent. P. Cornelius eam rogationem pertulit. tum senatus decrevit, ut consules Italiam & Græciam

provincias fortirentur. cui Græcia evenisset, ut præter eum numerum militum, quem L. Quintius in eam provinciam ex auctoritate senatus scripsisset, imperassetve, eum exercitum acciperet, quem M. Bæbius prætor anno prior ex S. C. in Macedoniam trajecisset. & extra Italiam permissum, ut si res postulasset, auxilia ab sociis ne supra quinque millium numerum acciperet. L. Quintium superioris anni consulem legari ad id bellum placuit. Alter COS. cui Italia provincia evenisset, cum Bojis iussus bellum gerere, utro exercitu mallet ex duobus, quos superiores COSS. habuissent: alterum ut mitteret Romam, eæque urbane legiones essent paratæ, quo senatus censuisset. His ita in senatu (1) ad id, quæcujus provincia foret, decretis, tum demum sortiri consules placuit. Acilio Græcia, Cornelio Italia evenit. (2) Certa deinde sorte senatusconsultum factum est, (3) quod populus Rom. eo tempore duellum jussisset cum Rege Antiocho esse, (4) quique sub imperio ejus essent, ut ejus rei causa supplicationem imperarent consules: utique Man. Acilius COS. ludos magnos Jovi voveret, & dona ad omnia pulvinaria. Id votum in hæc verba præeunte P. Licinio pontifice maximo consul nuncupavit: *Si duellum, quod cum Antiocho rege sumi populus jussit, id ex sententia senatus populique Rom. confectum erit, tum tibi Jupiter populus Rom. ludos magnos dies X. continuos faciet, donaque ad omnia pulvinaria dabuntur de pecunia, quantam senatus decreverit, quisquis magistratus eos ludos quando ubique faxit, hi ludi recte facti, donaque data recte*
fun-

(1) decreta Senatus facta sunt usque ad id caput, nempe quæcujus provincia esset; quod quidem caput nondum certum erat.

(2) jam enim certum erat, quæcujus provincia esset.

(3) ordo est. ut coss. imperarent supplicationem causa ejus duelli (antiquum pro belli) quod pop. R. jussisset &c.

(4) intellige, & cum iis, qui.

funto. Supplicatio inde ab duobus COSS. edita per biduum fuit.

CAPUT II.

Post COSS. Prætoribus quoque provincias sortitis, exercitus decernuntur: intentiori, quam alia omnia, cura bellum adversus Antiochum paratur.

CONsulibus sortitis provincias, extemplo & prætores sortiti sunt. M. Junio Bruto jurisdictio (1) utraque evenit: A. Cornelio Mamulæ Bruttii, M. Æmilio Lepido Sicilia, L. Oppio Salinatori Sardinia, C. Livio Salinatori classis, L. Æmilio Paulo Hispania ulterior. His ita exercitus decreti. A. Cornelio novi milites, conscripti priore anno ex S. C. a L. Quintio consule dati sunt: jussusque tueri omnem oram circa Tarentum Brundisiumque. L. Æmilio Paulo in ulteriorem Hispaniam præter eum exercitum, quem a M. Fulvio pro prætore accepturus esset, decretum, ut novorum militum tria millia duceret, & trecentos equites, ita ut in iis duæ partes socium Latini nominis, tertia civium Romanorum esset. Idem supplementi ad C. Flaminium, cui imperium prorogabatur, in Hispaniam citeriorem est missum. M. Æmilius Lepidus a L. Valerio, cui successurus esset, simul provinciam exercitumque accipere jussus: L. Valerium, si ita videretur, pro prætore in provincia retinere, & provinciam ita dividere, ut unâ ab Agrigento ad Pachynum esset, altera a Pachyno Tyndarium. eam maritimam oram L. Valerius XX. navibus longis custodiret. Eidem prætori mandatam, ut (2) duas decumas frumenti exigeret: id ad mare comportandum, devehendumque in Græciam curaret. Idem L. Oppio de alteris decumis exigendis in Sardinia imperatum. ceterum non in Græciam, sed Romam id frumentum portari placere.

A 2

C.

(1) urbana, & peregrina.

(2) nunc extra ordinem duplum imperatum.

- C. Livius prætor, cui classis evenerat, cum XXX. navibus paratis trajicere in Græciam primo quoque tempore jussus, & ab Atilio naves accipere. veteres naves, quæ in navalibus erant, ut reficeret & armaret, M. Junio prætori negotium datum est, & in eam classem socios navales (1) libertinos legeret. Legati terni in Africam ad Carthaginienses, & in Numidiam ad frumentum rogandum, & quod in Græciam portaretur, missi, pro quo pretium solveret populus Rom. Adeoque in apparatus curamque ejus belli civitas intenta fuit, ut P. Cornelius cos. ediceret, *qui senatores essent, quibusque in senatu sententiam dicere liceret, quique minores magistratus essent, ne quis eorum longius ab urbe Roma abiret, quam unde eodie redire posset: neve uno tempore quinque senatores ab urbe Roma abessent.* In comparanda impigre classe C. Livium prætorem contentio orta cum colonis maritimis paulisper tenuit. nam cum cogerentur in classem, tribunos plebis appellarunt. ab iis ad senatum rejehti sunt. senatus ita, ut ad unum omnes (2) consentirent, decrevit, vacationem rei navalis his colonis non esse. Ostia, & Fregena, & Castrum novum, & Pyrgi, & Antium, & Tarracina, & Minturnæ, & Sinuessæ fuerunt, quæ cum prætore de vacatione certaverunt.

CA-

- (1) remiges minoris erant dignitatis, quam milites; ideo libertini leguntur.
 (2) quia nemo excipiebatur: quamvis bello Punico secundo Ostiensium, & Antiatium vacatio a Senatu observata fuerat. v. l. 27. n. 38.

CAPUT III.

Consul Manius Acilius, consultis prius fecialibus de ratione belli Antiocho indicendi, edito militibus conventu Brundisium, ab Urbe proficiscitur.

Consul deinde Man. Acilius ex S. C. ad collegium fecialium retulit, ipsi ne utique regi Antiocho indiceretur bellum; an satis esset ad praesidium aliquod ejus nuntiare? & num Aetolis quoque separatim indici juberent bellum? & num prius societas eis & amicitia renuntianda esset, quam bellum indicendum? Feciales responderunt: jam ante sese, cum de Philippo consulerentur, decrevisse, nihil referre, ipsi coram, an ad praesidium nuntiaretur. amicitiam renuntiatam videri, cum legatis toties repetentibus res, nec reddi nec satisfieri equum censuissent. Aetolos ultro sibi bellum indixisse, cum Demetriadem, sociorum urbem, per vim occupassent: Chalcidem terra marique oppugnatum issent: regem Antiochum in Europam ad bellum populo Rom. inferendum traduxissent. Omnibus jam satis comparatis, Man. Acilius COS. edixit, ut quos L. Quintius milites conscripsisset, & quos sociis nominique Latino imperasset, quos secum in provinciam ire porteret, & tribuni militum legionis primae & tertiae, uti omnes Brundisium Idibus Majis convenirent. ipse ad quintum Nonas Majas paludatus urbe egressus est. Per eisdem dies & praetores in provincias profecti sunt.

CAPUT IV.

Reges Philippus, & Ptolemæus, itemque Carthaginienses, ac Masanissa auxilia ad bellum contra Antiochum per legatos Romam missos pollicentur.

Sub idem tempus legati ab duobus regibus, Philippo & Ptolemæo Aegypti rege, Romam venerunt, pollicentes ad bellum auxilia, & pecuniam & frumentum. ab Ptolemæo etiam mil-

le pondo auri, XX. millia pondo argenti allata. Nihil est acceptum, gratiæ regibus actæ. & cum uterque se cum omnibus copiis in Ætoliam venturum, belloque interfuturum polliceretur, Ptolemæo id remissum. Philippi legatis responsum, gratum eum senatui populoque Rom. facturum, si Man. Acilio consuli non defuisset. Item ab Carthaginiensibus & Masanissa rege legati venerunt. Carthaginienses tritici modium mille, hordei quingenta millia ad exercitum, dimidium ejus Romam apportaturos polliciti sunt. id ut ab se munus Romani acciperent, petere se, & classem suorum suo sumptu comparaturos, & stipendium quod pluribus pensionibus in multos annos deberent, præsens omne daturus. Masanissæ legati quingenta millia modium tritici, trecenta hordei ad exercitum in Græciam, Romam trecenta millia modium tritici, CC. quinquaginta hordei, equites quingentos, elephantos XX. regem ad Man. Acilium consulem missurum. De frumento utrisque responsum, ita usurum eo populum Romanum, si pretium acciperent. De classe Carthaginiensibus remissum, præterquam si quid navium ex foedere deberent. de pecunia ita responsum, nullam ante diem accepturos.

CAPUT V.

Græciæ gentes Epirotæ, Elei, & Bæoti Antiocho regi junguntur: cum in concilio consultaretur cum sociis ab rege de tentanda Thessalorum gente, Annibal interrogatus sententiam, de universi belli ratione dat consilium: rex ejus consilium, quamvis utile in præsens, tamen non exsecutus, in Thessaliam impetum facit: idem, dum inani consilio gratiam apud Macedones quærit, Philippi in se concitat odium.

5. **C**UM hæc Romæ agebantur, Chalcide Antiochus, ne cessaret per hibernorum tempus, partim ipse sollicitabat civitatum animos mittendis legatis, partim ultro ad eum veniebant, si-

cut

cut Epirotæ communi gentis consensu, & Elei e Peloponneso venerunt. Elei auxilium adversus Achæos petebant, quos post bellum non ex sua sententia indictum Antiocho, primum civitati suæ arma illaturos credebant. Mille iis pedites cum duce Cretenfi Euphane sunt missi. Epirotarum legatio erat minime in partem ullam liberi aut simplicis animi. apud regem gratiam innitam volebant, cum eo ut caverent, ne quid offenderent Romanos. petebant enim, *ne se temere in causam deduceret, expositos adversus Italiam pro omni Græcia, & primos impetus Romanorum excepturos. sed si ipse posset terrestribus navibusque copiis præsidere Epiro, cupide eum omnes Epirotas & urbibus & portubus suis accepturos. si id non posset, deprecari, ne se nudos atque inermes Romano bello objiceret.* Hac legatione id agi apparebat, ut sive (quod magis credebant) abstinisset Epiro, integra sibi omnia apud exercitus Romanos essent, conciliata satis apud regem gratia, quod accepturi fuissent venientem: si venisset, sic quoque spes veniæ ab Romanis foret, quod non exspectato longinquo auxilio ab se, præsentis viribus succubissent. Huic tam perplexæ legationi quia non satis in promptu erat quid responderet, legatos se missurum ad eos dixit, qui de iis, quæ ad illos, seque communiter pertinerent, loquerentur. In Bœotiam ipse profectus est, causas in speciem iræ adversus Romanos eas, quas (1) ante dixi, habentem, Brachyllæ necem, & bellum a Quintio Coroneæ propter Romanorum militum cædes illatum: re vera per multa jam secula publice privatimque labente egregia quondam disciplina gentis, & multorum eo (2) statu, qui diuturnus esse sine mutatione rerum non posset. Obviam effusus undique Bœotiæ principibus, Thebas venit. Ibi in concilio gentis, quanquam & ad Delium impetu in præsidium Romanum facto, & ad Chalcidem commiserat nec a parvis nec dubiis principi-

6.

ci-

(1) l. 33. c. 18. (2) *intellige*, existente.

cipiis bellum: tamen eandem orationem exorsus,
 qua in colloquio primo ad Chalcidem, quaque
 per legatos in concilio Achæorum usus erat, ut
 amicitiam secum institui, non bellum indici Ro-
 manis postularet, neminem, (1) quid ageretur,
 fallebat. decretum tamen sub levi verborum (2)
 prætextu pro rege adversus Romanos factum est.
 Hac quoque gente adjuncta Chalcidem regressus
 præmissis inde literis, ut Demetriadem conveni-
 rent principes Ætolorum, cum quibus de summa
 rerum deliberaret, navibus eo ad diem indictam
 concilio venit. Et Aminander accitus ad consul-
 tandum ex Athamania, & Annibal Pœnus, jam-
 diu non adhibitus, interfuit ei consilio. Con-
 sultatum de Theſſalorum gente est, quorum o-
 mnibus qui aderant, voluntas tentanda videba-
 tur. in eo modo diversæ sententiæ erant, quod
 alii extemplo agendum, alii ex hieme, quæ tunc
 ferme media erat, differendum in veris princi-
 pium, & alii legatos tantummodo mittendos, a-
 lii cum omnibus copiis eundem censebant, ter-
 rendosque metu, si cunctarentur. Cum circa hanc
 7. fere consultationem disceptatio omnis verteretur:
 Annibal nominatim interrogatus sententiam, in
 universi belli cogitationem regem, atque eos,
 qui aderant, tali oratione avertit. *Si ex quo tra-*
jecimus in Græciam, adhibitus essem in consilium,
cum de Eubœa, de Achæis, de Bœotia agebatur,
eandem sententiam dixissem, quam hodie, cum de
Theſſalis agitur, dicam. Ante omnia Philippum &
Macedonas in societatem belli quacunque ratione
censeo deducendos esse. nam quod ad Eubœam, Bœo-
tosque, & Theſſalos attinet, cui dubium est, quin,
ut quibus nullæ suæ vires sint, præsentibus adulan-
do semper, quem metum in consilio habeant, eodem
ad impetrandam veniam utantur? simul ac Roma-
num exercitum in Græcia viderint, ad consuetum
imperium se avertant? nec iis noxæ futurum sit,
 quod

(1) quorsum spectaret Antiochus.

(2) prætextu amicitiae cum Rege, non ad indicendum bellum Romanis.

quod, cum Romani procul abessent, vim tuam pręsentis, exercitusque tui experiri noluerint? Quanto igitur prius potiusque est Philippum nobis conjungere, quam hos, cui, si semel in causam descenderit, nihil integri futurum sit: quique eas vires afferat, quę non accessio tantum ad Romanum esse bellum, sed per se ipsę nuper sustinere potuerint Romanos. Hoc ego adjuncto, ((1) absit verbo invidia) qui dubitare de eventu possim? cum, quibus adversus Philippum valuerint Romani, iis nunc, fore videam, ut ipsi oppugnentur. Ætoli, qui Philippum (quod inter omnes constat) vicerunt, cum Philippo adversus Romanos pugnabunt. Aminander atque Athamanum gens, quorum secundum Aetolos plurima fuit opera in eo bello, nobiscum stabunt. Philippus tum te quieto totam molem sustinebat belli: nunc duo maximi reges, Asię Europęque viribus adversus unum populum, ut meam utranque fortunam taceam, Patrum certe ætate ne uni quidem Epirotarum regi parem (quid tandem erit vobiscum comparatus?) geretis bellum. Quę igitur res mihi fiduciam prębet conjungi nobis Philippum posse? una, communis utilitas, quę societatis maximum vinculum est: altera, auctores vos Aetoli. vester enim legatus hic Thoas inter cętera, quę ad exciendum in Gręciam Antiochum dicere est solitus, ante omnia hoc semper affirmavit, fremere Philippum, & egre pati sub specie pacis leges servitutis sibi impositas. ille quidem ferę bestię vinctę aut clausę, & refringere claustra cupienti, regis iram verbis æquabat: cujus si talis animus est, solvamus nos ejus vincula, & claustra refringamus, ut erumpere diu coercita ira in hostes communes possit. Quod si nihil eum legatio nostra moverit: at nos, quoniam nobis eum adungere non possumus, ne hostibus nostris ille adjungi possit, caveamus. Seleucus filius tuus Lysimachię est: qui si eo exercitu, quem secum habet, per Thraciam proxima Macedonię cęperit depopulari, facile ab auxilio ferendo Romanis Philippum ad sua potissimum tuenda avertet. De

Phi-

(1) quasi Philippo non adjuncto dubitaret.

Philippo meam sententiam habes . De ratione universi belli quid sentirem , jam ab initio non ignorasti . quod si tum auditus forem , non in Eubœa Chalcidem captam , & castellum Euripi expugnatum Romani , sed Erruriam , Ligurumque , & Gallie Cisalpinæ oram bello ardere , & , qui maximus iis terror est , Annibalem in Italia esse audirent . Nunc quoque arceffas censeo omnes navales terrestresque copias , sequantur classem onerariæ cum commeatibus . nam hic sicut ad belli munera pauci sumus , sic nimis multi pro inopia commeatuum . Cum omnes tuas contraxeris vires , divisa classe partem Corcyræ in statione habebis , ne transitus Romanis liber ac tutus pateat : partem ad litus Italiæ , quod Sardiniam Africanque spectat , trajicies : ipse cum omnibus terrestribus copiis in Byllinum agrum procedes : inde Græciæ præsidebis , & speciem Romanis trajeturum te præbens , & , si res poposcerit , trajecturus . Hæc suadeo , qui ut non omnis peritissimus sis belli , cum Romanis certe bellare bonis malisque meis didici . In quæ consilium dedi , in eadem nec infidelem , nec segnem operam polliceor . Dii approbent

8. *eam sententiam , quæ tibi optima visa fuerit . Hæc ferme Annibalis oratio fuit , quam laudarunt magis in præsentia qui aderant , quam rebus ipsis exsecuti sunt . nihil enim eorum est factum , nisi quod ad classem copiasque arceffendas ex Asia Polyxenidam misit . Legati Larissam ad concilium Thessalorum sunt missi , & Ætolis Aminandroque dies ad conveniendum exercitui Pheras est indictus : eodem & rex cum suis copiis confestim venit . Ibi dum opperiretur Aminandrum atque Ætolos , Philippum Megalopolitanum cum duobus millibus hominum ad legenda ossa Macedonum circa Cynoscephalas , ubi debellatum erat cum Philippo , misit : sive ab (1) ipso quærente sibi commendationem ad Macedonum gentem , & invidiam regi , quod insepultos milites reliquisset , monitus ; sive ab insita regibus vanitate , ad consilium specie amplum , re inane , ani-*

mo

(1) *Megalopolitano .*

mo adjecto. Tumulus est in unum ossibus, quæ passim strata erant, coacervatis factus, qui nullam gratiam ad Macedonas, odium ingens ad Philippum movit. Itaque qui ad id tempus fortunam esset in (1) consilio habiturus, is extemplo ad M. Bæbium pro prætore misit, Antiochum in Thessaliam impetum fecisse: si videretur ei, moveret ex hibernis: se obviam processurum, ut quid agendum esset, consultarent.

CAPUT VI.

*Antiochus in Thessalia Pheras aggressus ad deditio-
nem cogit: aliis oppidis potitus, a Larissæ obsidio-
ne, superveniente ad ejus præsidium Ap. Claudio,
misso a M. Bæbio pro prætore, recedit, ac Deme-
triadem redit.*

ANtiocho ad Pheras jam castra habenti, ubi 9.
conjunxerant ei se Ætoli, & Aminander,
legati ab Larissa venerunt, quærentes quod ob
factum dictumve Thessalorum bello lacefferet eos:
simul orantes, ut remoto exercitu, per legatos,
si quid ei videretur, secum disceptaret. Eodem
tempore quingentos armatos duce Hippolochō
Pheras in præsidium miserunt. hi exclusi aditu,
jam omnia itinera obsidentibus regiis, Scotussam
se receperunt. Legatis Larissæorum rex clemen-
ter respondit, non belli faciendi, sed tuendæ &
stabiliendæ libertatis Thessalorum causa se Thes-
saliam intrasse. Similia his qui cum Pheræis a-
geret, missus: cui nullo dato responso, Pheræi
ipsi suum legatum ad regem, principem civitatis
Pausaniam miserunt. Qui cum haud dissimilia
his, ut in causa pari, quæ pro Chalcidensibus
in colloquio ad Euripi fretum dicta erant, quæ-
dam etiam ferocius egisset: rex etiam atque e-
tiam deliberare eos iussos, ne id consilii cape-
rent, cujus, dum in futurum nimis cauti & pro-
vidi

(1) qui consilium capturus esset ex fortuna prout inclinaret.

vidi essent, extemplo pœniteret, dimisit. Hæc renuntiata Pheras legatio cum esset, ne paulum quidem dubitarunt, quin pro fide erga Romanos quicquid fors belli tulisset, paterentur. itaque & hi summa ope parabant se ad urbem defendendam, & rex ab omni parte simul oppugnare mœnia est aggressus: & ut qui satis intelligeret (neque enim dubium erat) in eventu ejus urbis positum esse, quam primam aggressus esset, aut sperni deinde ab universa gente Thessalorum, aut timeri se, omnem undique terrorem obsessis iniecit. Primum impetum oppugnationis satis constanter sustinuerunt: deinde cum multi propugnantes caderent, aut vulnerarentur, labare animi cœpere. revocati deinde castigationibus principum ad perseverandum in proposito, relicto exteriore circulo muri, deficientibus jam copiis, in interiorem partem urbis concesserunt, cui brevior orbis munitionis circumjectus erat. postremo victi malis, cum timerent ne vi captis nulla apud victorem venia esset, dederunt sese. Nihil inde moratus rex, IV. millia armatorum, dum recens terror esset, Scotussam misit. Nec ibi mora deditionis est facta, cernentibus Pheræorum recens exemplum. qui quod pertinaciter primo abnuerant, malo domiti tandem fecissent. cum ipsa urbs Hippolochus Larissæorumque deditum est præsidium. Dimissi ab rege inviolati omnes, quod eam rem magni momenti futuram rex ad conciliandos Larissæorum animos credebatur. Intra decimum diem, quam Pheras venerat, his perfectis, Cranonem profectus cum toto exercitu primo adventu cepit. inde Cypæram, & Metropolin, & iis circumjecta castella recepit: omniaque jam regionis ejus, præter Atracem & Gyrtonem, in potestate erant. Tum aggredi Larissam constituit, ratus vel terrore cæterarum expugnatarum, vel beneficio præsidii dimissi, vel exemplo tot civitatum dredientium sese, non ultra in pertinacia mansuros. Elephantis agi ante signa terroris causa jussit, quadrato agmine ad urbem incessit, ut incerti fluctuarentur

tur animi magnæ partis Larissæorum inter metum præsentem hostium, & (1) verecundiam absentium sociorum. Per eosdem dies Aminander cum Athamanum juventute occupat Pellinæum, & Menippus cum tribus millibus peditum Ætolorum, & ducentis equitibus in Perræbiam profectus, Mallœam & Cyretias vi cepit: depopulatusque est agrum (2) Tripolitanum. His raptim peractis, Larissam ad regem redeunt: consultanti, quidnam agendum esset de Larissa, supervenerunt. Ibi in diversum sententiæ tendebant: aliis vim adhibendam, & non differendum censentibus, quin operibus ac machinis simul undique moenia aggredierentur urbis sitæ in plano, a parte campestri undique facilis aditu: aliis nunc vires urbis nequaquam Pheris conferendæ memorantibus, nunc hiemem & tempus anni nulli bellicæ rei, minime obsidioni atque oppugnationi urbium aptum. Incerto regi interspem metumque legati a Pharsalo, qui ad dedendam urbem suam forte venerant, animos auxerunt. M. Bæbius interim cum Philippo in Dasfariitiis congressus, Ap. Claudium ex communi consilio ad præsidium Larissæ misit: qui per Macedoniam magnis itineribus in jugum montium, quod super Gonnos est, pervenit. Oppidum Gonnos XX. millia ab Larissa abest: in ipsis faucibus saltus, quæ Tempe appellantur, situm. Ibi castra metatus latius, quam pro copiis, & plures, quam quot satis in usum erant, ignes cum accendisset: speciem, quam quæsierat, hosti fecit: omnem ibi Romanum exercitum cum rege Philippo esse. Itaque hiemem instare apud suos causatus rex, unum tantum moratus diem, ab Larissa recessit, & Demetriadem rediit. Ætolique & Athamanes in suos receperunt se fines. Appius etsi cujus rei causa missus erat, solutam cernebat obsidionem: tamen Larissam ad confirman-

Tom. IV.

B

dos

(1) respectum Romanorum.

(2) ita dictus a tribus urbibus Doliche, Pytheo, & Azoto.

dos in reliquum sociorum animos descendit: duplexque lætitia erat, quod & hostes exceſſerant finibus, & intra moenia præſidium Romanum cernebant.

CAPUT VII.

Antiochus poſt hiemem una cum exercitu luxurioſe traductam Chalcide, in Acarnaniam profeſtus, Medionem urbem per fraudem occupat: ſimili aggreſſus arte Thyrium, dum ad præſidium ferendum ſupervenit Cn. Octavius miſſus a Quintio, inde Chalcidem revertitur.

11. **R**Ex Chalcidem a Demetriade profeſtus, amore captus virginis Chalcidenſis Cleoptolemi filiæ; cum patrem, primo (1) adlegando, deinde coram ipſe rogando fatigaſſet, invitum ſe gravioris fortunæ (2) conditioni illigantem; tandem impetrata re, tanquam in media pace nuptias celebrat, & reliquum hiemis, oblitus quantas ſimul duas res ſuſcepiffet, bellum Romanum, & Græciam liberandam, omiſſa omnium rerum cura, in conviviis, & vinum ſequentibus voluptatibus, ac deinde ex fatigue magis, quam ſatietate earum, in ſomno traduxit. Eadem omnes præfeſtos regios, qui ubique ad Bœotiam maxime præpoſiti hibernis erant, cepit luxuria. in eandem & milites effuſi ſunt, nec quiſquam eorum aut arma induit, aut ſtationem aut vigiliis ſervavit, aut quicquam, quod militaris operis aut muneris eſſet, fecit. Itaque principio veris cum per Phocidem in Acarnaniam, quo convenire omnem undique exercitum juſſerat, veniſſet: facile animadvertit nihilo ſeveriore diſciplina milites, quam ducem hibernaſſe. Alexandrum inde Acarnanem, & Menippum Macedonem Stratum Ætolix copias ducere juſſit: ipſe Delphis ſacrificio Apollini factò, Naupactum proceſ-

(1) per internuntios ſollicitandò.

(2) de matrimonio intelligendum.

cessit. concilio principum Ætoliz habitato, via, quæ præter Chalcidem & Lyfimachiam fert ad Stratum, suis, qui per Maliacum sinum veniebant, occurrit. Ibi Mnesilochus princeps Acarnanum multis emptus donis, non ipse solum gentem regi conciliabat, sed Clytum etiam prætorem, penes quem tum summa potestas erat, in suam sententiam adduxerat. Is cum Leucadios, quod Acarnaniæ caput est, non facile ad defectionem posse cerneret impelli, propter metum Romanæ classis, quæ cum Atilio, quæve circa Cephalleniam erat, arte eos est aggressus. nam cum in concilio dixisset tuenda mediterranea Acarnaniæ esse, & omnibus qui arma ferrent, exeundum ad Medionem & Thyrium, ne ab Antiocho aut Ætolis occuparentur: fuere qui dicerent, nihil attinere omnes tumultuose concitari: satis esse quingentorum hominum præsidium. eam juventutem nactus, trecentis Medione, ducentis Thyrii in præsidio positus, id agebat, ut pro obsidibus futuri venirent in potestatem regis. Per eosdem dies legati regis Medionem ve-

12.

cerunt. Thyrium a Medione profectus est, Mnefilocho eodem & legatis præmissis. Cæterum detecta Medione fraus, cautiores, non timidiore Thyrienses fecit: dato ei haud perplexo responso, nullam se novam societatem, nisi ex auctoritate Romanorum imperatorum accepturos: portisque clausis, armatos in muris disposuerunt. Et peropportune ad confirmandos Acarnanum animos Cn. Octavius missus a Quintio, cum præsidium & paucas naves ab A. Postumio, qui ab Atilio legato Cephallenia præpositus fuerat, accepisset: Leucadem venit, implevitque spei socios: Man. Acilium COS. jam cum legionibus mare trajecisse, & in Thessalia castra Romana esse. Hunc rumorem quia similem veri tempus anni maturum jam ad navigandum faciebat: rex, præsidio Medione imposito, & in quibusdam aliis Acarnania oppidis, Thyrio abscessit, & per Ætolia ac Phocidis urbes Chalcidem rediit.

CAPUT VIII.

M. Bæbius, & Philippus rex in Thessaliam descendentes, receptis multis oppidis, alter Pellinæum, alter Limnæam, quia oppugnatione opus est, circumfident.

13. **S**ub idem tempus M. Bæbius & Philippus rex jam ante per hiemem in Dassaretiis congressi, cum Ap. Claudium, ut obsidione Larissam eximeret, in Thessaliam misissent: quia id tempus rebus gerendis immaturum erat, in hiberna regressi, principio veris conjunctis copiis in Thessaliam descenderunt. in Acarnania tum Antiochus erat. advenientes, Philippus Malloeam Perrebia, Bæbius Phacium est aggressus. quo primo prope impetu capto, Phæstum eadem celeritate capit. Inde Atracem cum se recepisset, * al. Cyretias hinc & * Eritium occupat, præsidiis-
 Phri- que per recepta oppida dispositis, Philippo rur-
 eum. sus obsidenti Malloeam se conjungit. Sub adventum Romani exercitus, seu ad metum virium, seu

seu ad spem veniæ cum dedidissent sese : ad ea recipienda oppida, quæ Athamanes occupaverant, uno agmine ierunt. Erant autem hæc, Æginium, Ericinum, Gomphi, Silana, Tricca, Melibœa, Phaloria. Inde Pellinæum, ubi Philippus Megalopolitanus cum quingentis peditibus & equitibus XL. in præsidio erat, & circumfidunt, & priusquam oppugnarent, mittunt ad Philippum qui moneret, ne vim ultimam experiri vellet. Quibus ille satis ferociter respondit, vel Romanis vel Thessalis se crediturum fuisse : in Philippi se potestatem commissurum non esse. Posteaquam apparuit vi agendum, quia videbatur & Limnæam eodem tempore oppugnari posse, regem ad Limnæam ire placuit : Bæbius restitit ad Pellinæum oppugnandum.

CAPUT IX.

Et Limnæa a Philippo oppugnata, & Pellinæum a Bæbio circumfessum adventu in Thessaliam Man. Acilii COS. deditur : inde Philippus ducto in Athamaniam exercitu, gentem recipit : consul quoque post datam Larissæ exercitui quietem, profectus, acceptis in deditionem multis oppidis, Thaumacos cum cæde oppidanorum, qui armati se in insidiis collocarant, occupat.

PER eos forte dies Man. Acilius COS. cum decem millibus peditum, duobus millibus equitum, XV. elephantis mari trajecto, pedestres copias Larissam ducere delectos militum tribunos iussit : ipse cum equitatu Limnæam ad Philippum venit. Adventu consulis deditio sine cunctatione est facta, traditumque præsidium regium, & cum iis Athamanes. Ab Limnæa Pellinæum consul proficiscitur. Ibi primi Athamanes tradiderunt sese. deinde & Philippus Megalopolitanus : cui decedenti de præsidio cum obuius forte fuisset Philippus rex, ad ludibrium regem eum consalutari iussit : ipse congressus fratrem haud sane decoro maiestati suæ joco appellavit. deductus

inde ad COS. custodiri iussus: & haud ita multo post in vinculis Romam missus. cætera multitudo Athamanum, aut militum Antiochi regis, quæ in præfidiis deditorum per eos dies oppidorum fuerat, Philippo tradita regi est. fuere autem ad tria millia hominum. Consul Larissam est profectus, ibi de summa belli consultaturus. in itinere ab Pieria, & Metropoli legati tradentes urbes suas occurrerunt. Philippus, Athamanum præcipue captivis indulgenter habitis, ut per eos conciliaret gentem: nactus spem Athamanicæ potiundæ, exercitum eo duxit, præmissis in civitates captivis. Et illi magnam auctoritatem apud populares habuerunt, clementiam erga se regis munificentiamque commemorantes: & Aminander, cujus præsentis majestas aliquos in fide continuisset, veritus ne traderetur Philippo jam pridem hosti, & Romanis merito tum propter defectionem infensis, cum conjuge ac liberis regno excessit, Ambraciamque se contulit. ita Athamania omnis in jus ditionemque Philippi concessit. Consul ad reficienda maxime jumenta, quæ & navigatione, & postea itineribus fatigata erant, paucos Larissæ moratus dies, velut reparato modica quiete exercitum, Cranonem est profectus. Venienti Pharsalus, Scotussa & Pheræ, quæque in eis præfidia Antiochi erant, deduntur. ex iis interrogatis, qui manere secum vellent, mille volentes Philippo tradit, cæteros inermes Demetriadem remittit. Proernam inde recepit, & quæ circa eam castella erant. Ducere tum porro in sinum Maliacum coepit. Appropinquante faucibus, super quas siti Thaumaci sunt, deserta urbe juvenus omnis armata silvas & itinera infedit, & in agmen Romanum ex superioribus locis incurfavit. Consul primo mittere qui ex propinquo colloquentes deterrerent eos a tali furore. posteaquam perseverare in incœpto vidit, tribuno cum duorum signorum militibus circummisso, interclusit ad urbem iter armatis, vacuumque eam cepit. tum clamore ab ætergo captæ urbis audito, refugientium undique

ex filvis insidiatorum cædes facta est. A Thaumacis altero die consul ad Sperchium amnem pervenit, inde Hypatæorum agros vastavit.

CAPUT X.

Antiochus & ab suis, & ab sociis desertus, intra saltum Thermopylarum se recipit: locum suapte natura admodum difficilem, munimentis insuper impedit, atque dispositis Aetolorum præsidiis aditum Romanis obsepit.

Cum hæc agebantur, Chalcide erat Antiochus: qui jam tum cernens nihil se ex Græcia præter amœna Chalcide hiberna, & infames nuptias petisse, Ætolorum vana promissa incusare & Thoantem: Annibalem vero non ut prudentem tantum virum, sed prope vatem omnium quæ tum evenirent, admirari. ne tamen temere cœpta segnitia insuper everteret, nuntios in Ætoliā mittit, ut omni contracta juventute convenirent. Jam & ipse eo decem millia fere perditum ex iis, qui postea venerant ex Asia, expleta, & equites quingentos duxit. Quo cum aliquanto pauciores, quam unquam antea convenissent: & principes tantummodo cum paucis clientibus essent, atque ii dicerent, omnia sedulo ab se facta, ut quamplurimos ex civitatibus suis evocarent, nec auctoritate nec gratia nec imperio adversus detrectantes militiam valuisse; destitutus undique & ab suis, qui morabantur in Asia, & ab sociis, qui ea, in quorum spem vocaverant, non præstabant, intra (1) saltum Thermopylarum sese recepit. Id jugum, sicut Apennini dorso Italia dividitur, ita mediam Græciam dirimit. ante saltum Thermopylarum septentrionem versus Epirus & Perræbia & Magnesia, & Thessalia est, & Phthiotæ Achæi, & sinus Maliacus. intra fauces ad meridiem vergunt Ætolia pars major, & Acarnania, & cum Locride

(1) Octam montem.

Phocis, & Bœotia, adjunctaque insula Eubœa, & excurrente in altum velut promontorio Attica terra sita ab tergo, & Peloponnesus. Hoc jugum ab Leucade & mari ad occidentem verso per Ætoliâ ad alterum mare orienti objectum tendens, ea aspreta rupesque interjectas habet, ut non modo exercitus, sed ne expediti quidem facile ullos ad transitum calles inveniant. extremos ad orientem montes Oetam vocant, quorum quod altissimum est, Callidromon appellatur: in cujus valle ad Maliacum sinum vergente iter est non latius, quam sexaginta passus. hæc una militaris via est, qua traduci exercitus, si non prohibeantur, possint. ideo Pylæ, & ab aliis, quia calidæ aquæ in ipsis faucibus sunt, Thermopylæ locus appellatur, nobilis Lacedæmoniorum adversus Persas (1) morte magis memorabili, quam pugna. Haudquaquam pari tum animo Antiochus intra portas loci ejus castris positus, munitionibus insuper saltum impendebat; & cum duplici vallo fossaque, & muro etiam, qua res postulabat, ex multa copia passim jacentium lapidum permunisset omnia: satis fidens, nunquam ea vim Romanum exercitum facturum, Ætolos ex IV. millibus (tot enim convenerant) partim ad Heracleam præsidio obtinendam, quæ ante ipsas fauces posita est, partim Hypatam mittit: & Heracleam haud dubius consulem oppugnaturum, & jam multis nuntiantibus circa Hypatam omnia evastari.

C A-

(1) Leonidas quatuor millibus militum triduo angustias Thermopylarum adversus decies fere centena millia Persarum defendit. quarta die occupato a 20. millibus hostium cacumine, solos 600. Lacedæmonios secum retinuit, quibuscum ad certam mortem se devovit.

CAPUT XI.

COS. *Acilius inclusum Thermopylarum saltu Antiochum obsessurus, eo adinovel castra: missis M. Porcio Catone, & L. Valerio Flacco legatis ad dejiciendos Ætolos, qui imminencia castris regiis juga infederant, ipse interim vocatos in concionem milites ad pugnam inflammat.*

CONsul depopulatus Hypatensem primo, deinde Heracleensem agrum, inutili utrobique auxilio Ætolorum, in ipsis faucibus prope fontes calidarum aquarum adversus regem castra posuit. Ætolorum (1) utræque manus Heracleam sese incluserunt. Antiochum, cui, priusquam hostem cerneret, satis omnia permunita & præsidii obsepta videbantur, timor deinde incessit, ne quos per imminencia juga calles inveniret ad transitum Romanus. nam & Lacedæmonios quondam ita a Persis (2) circumitos fama erat, & nuper (3) Philippum ab iisdem Romanis. itaque nuntium Heracleam ad Ætolos mittit, ut hanc saltem sibi operam eo bello præstarent, ut vertices circa montium occuparent obsiderentque, ne qua transire Romanus posset. Hoc nuntio audito, dissensio inter Ætolos orta est. pars imperio parendum regis, atque eundum censebant: pars subsistendum Heracleæ ad utramque fortunam: ut sive victus a consule rex esset, in expedito haberent integras copias ad opem propinquis ferendam civitatibus suis: sive vinceret, ut dissipatos in fugam Romanos persequerentur. Utræque pars non mansit modo in sententia sua, sed etiam exsecuta est consilium. duo millia Hera-

B 5

cleæ

(1) *tum eorum qui Hypatam, tum eorum qui regia Heracleam missi fuerant.*

(2) *ut dictum est, occupato cacumine. ita enim Persæ a tergo Spartanos aggressi sunt.*

(3) *non quidem hic, sed in saltu, ad Aoum fluvium. v. l. 32. n. 5. & 12.*

cleæ substiterunt, duo trifariam divisa, Callidromum & Rhoduntiam, & Tichiunta (hæc nomina cacuminibus sunt) occupavere. Consul posteaquam inſeſſa ſuperiora loca ab Ætolis vidit: 17. M. Porcium Catonem & L. Valerium Flaccum conſulares legatos cum binis millibus deſectorum peditum ad caſtella Ætolorum, Flaccum in Rhoduntiam & Tichiunta, Catonem in Callidromum mittit. ipſe priuſquam ad hoſtem copias admo- veret, vocatos in concionem milites paucis eſt allocutus: Plerosque omnium ordinum, milites, inter vos eſſe video, qui in hac eadem provincia T. Quintii ductu auſpicioque militaveritis. Macedonico bello inexſuperabilis magis ſaltus ad amnem Aoun- fuit, quam hic. quippe portæ ſunt hæ: & unus inter duo maria clauſis omnibus velut naturalis tranſitus eſt. munitiones & locis opportunioribus tunc fuerunt, & validiores impoſitæ. exercitus hoſtium ille & numero maior, & militum genere aliquanto melior: quippe illic Macedones Thracæſque & Illyrii erant, ferociſſimæ omnes gentes: hic Syri & Aſiatici Græci ſunt, leviffima genera hominum, & ſervituti nata: rex ille bellicoſiſſimus, exercitatus jam inde ab juventa finitimis Thracum atque Illyriorum & circa omnium accolarum bellis: hic, ut aliam omnem vitam omittant, is eſt, qui cum ad inferendum populo Romano bellum ex Aſia in Europam tranſiſſet, nihil memorabilius toto tempore hibernorum geſſerit, quam quod amoris cauſa ex domo privata, & obſcure etiam inter populares generis uxorem duxit: & novus maritus, velut ſaginata nuptialibus cœnis, ad pugnam proceſſit. Summa viriunt ſpei que ejus in Ætolis fuit, gente vaniſſima & ingratiffima, ut vos prius experti eſtis, nunc Antiochus experitur. nam nec convenerunt frequentes, nec contineri in caſtris potuerunt, & in ſeditione ipſi inter ſe ſunt: & cum Hypatam tuendam Heracleamque depopuſciſſent, neutram tutati, pars re- fugerunt in juga montium, pars Heracleæ incluſe- runt ſeſe. Rex ipſe confeſſus nuſquam æquo campo non modo congredi ſe ad pugnam audere, ſed ne caſtra quidem in aperto ponere, relicta omni ante ſe regio-

regione ea, quam se nobis ac Philippo ademisse gloriabatur, condidit se intra rupes: ne ante fauces quidem saltus, ut quondam Lacedæmonios fama est: sed intra penitus retractis castris. quod quantum interest, ad timorem ostendendum, an muris alicujus urbis obsidendum sese incluserit? Sed neque Antiochum ruebuntur angustiae: nec Ætolos vertices illi quos ceperunt. satis undique provisum atque præcautum est, ne quid adversus vos in pugna præter hostes esset. Illud proponere animo vestro debetis: non vos pro Græciæ libertate tantum dimicare (quanquam is quoque egregius titulus esset, liberatam a Philippo ante, nunc ab Ætolis & ab Antiocho liberare) neque ea tantum in præmium vestrum cessura, quæ nunc in regiis castris sunt: sed illum quoque omnem apparatus, qui in dies ab Epheso expectatur, prædæ futurum: Asiam deinde Syriamque, & omnia usque ad ortus solis ditissima regna imperio Romano aperturos. Quid deinde aberit, quin ab Gadibus ad mare (1) rubrum Oceano fines terminemus, qui orbem terrarum amplexu finit? & omne humanum genus secundum deos nomen Romanum veneretur? In hæc tanta præmia dignos parate animos, ut crastino die bene juvantibus diis acie decernamus. Ab hac concione dimissi milites, priusquam corpora curarent, arma telaque parant. 18.

CAPUT XII.

Man. Acilius COS. cum Antiocho ad Thermopylas prælio congreditur; quo rex superatus Chalcidem se recipit: consul in Phocidem, atque Bæotians ducens exercitum, civitates, quæ defecerant, Bæotiis verbis tantum castigatis, non violat.

Luce prima signo pugnae proposito, instruit aciem consul arcta fronte, ad naturam & angustias loci. Rex posteaquam signa hostium con-

B 6

spe-

(1) eo nomine Veteres complectebantur ulteriorem etiam Oceanum ad orientalem Indiam.

spexit, & ipse copias eduxit. Levis armaturæ partem ante vallum in primo locavit: tum Macedonum robur, quos (1) sarissophoros appellabant, velut firmamentum circa ipsas munitiones constituit. his ab sinistro cornu jaculatorum sagittariorumque & funditorum manum sub ipsis radicibus montis posuit, ut ex altiore loco nuda latera hostium incesserent, & ab dextro Macedonibus ad ipsum munimentorum finem; qua loca usque ad mare invia palustri limo & voraginibus claudunt, elephantos cum assueto præsidio posuit: post eos equites: tum modico intervallo relicto, cæteras copias in secunda acie. Macedones pro vallo locati primo facile sustinebant Romanos tentantes ab omni parte aditus, multum adjuvantibus qui ex loco superiore fundis, velut nimbium, glandes & sagittas simul ac jacula ingeriebant. deinde ut major nec jam toleranda vis hostium inferebat se, pulsi loco intra munimenta subductis ordinibus concesserunt. Inde ex vallo prope alterum vallum hastis præ se objectis fecerunt. & ita modica altitudo valli erat, ut & locum superiorem ad pugnandum suis præberet, & propter longitudinem hastarum subiectum haberet hostem. Multi temere subeuntes vallum transfixi sunt: & aut incoepto irriti recessissent, aut plures cecidissent, ni M. Porcius ab jugo Callidromi, dejectis inde Ætolis, & magna ex parte cæsis (incautos enim & plerosque sopitos oppres-

(1) *h. e. Sarissas ferentes. a σάρις, fero. sarissæ autem longiores hasta Macedonum propriæ. hi autem fuere Syro-Macedones. h. e. posteri Macedonum, qui sub Alexandro M. ac deinde Seleuco militarunt: quanquam constat, retenta vetustâ appellatione (ut phalangem, & phalangitas) rebur peditum apud Syros vocatum fuisse Macedones Liv. l. 37. n. 40. decem & sex millia peditum (hicerat numerus peditum in phalange Macedonica. supra l. 33. n. 4.) more Macedonum armati fuere, qui Phalangitæ appellabantur.*

prefferat) super imminentem castris collem apparuisset . Flacco non eadem fortuna ad Tichiunta & Rhoduntiam , nequicquam subire ad ea castris conato , fuerat . Macedones , quique alii in castris regis erant , primo , dum procul nihil aliud , quam turba & agmen apparebat , Ætolos credere visa procul pugna subsidio venire , cæterum ut primum signaque & arma ex propinquo cognita errorem aperuerunt , tantus repente pavor omnes cepit , ut abjectis armis fugerent . Et munimenta (1) sequentes impediunt , & angustiae vallis , per quam sequendi erant : & maxime omnium quod elephanti novissimi agminis erant , quos pedes ægre præterire , eques nullo poterat modo , timentibus equis , tumultumque inter se majorem , quam in prælio , edentibus . aliquantum temporis & direptio castrorum tenuit . Scarphiam tamen eo die persecuti sunt hostem . Multis in ipso itinere cæsis captisque , non equis virisque tantum , sed etiam elephantis , quos capere non potuerant , interfectis , in castra revertuntur : quæ tanta eo die inter ipsum pugnae tempus ab Ætolis Heracleam obtinentibus præsidio , sine ullo haud parum audacis incæpti effectu fuerant . Consul noctis insequentis tertia vigilia præmissis equitatu ad persequendum hostem , signa legionum prima luce movit . Aliquantum viæ præceperat rex , ut qui non ante , quam Elatie , ab effuso constiterit cursu : ubi primum reliquiis pugnaeque , & fugæ collectis , cum perexigua manu semermium militum Chalcidem se recepit . Romanus equitatus ipsum quidem regem Elatie affecutus non est , sed magnam partem agminis aut lassitudine subsistentis , aut errore , ut qui sine ducibus per ignota itinera fugerent , dissipatos oppræsserunt . nec præter quingentos , qui circa regem fuerunt , ex toto exercitu quisquam effugit : etiam ex decem millibus militum , quos Polybio auctore trajecisse secum regem in Græciam scripsimus , exiguus numerus . (quid si Antiati Valerio credamus , LX. millia militum fuisse

in

(1) Romanos .

in regio exercitu scribenti ? XL. inde millia cecidisse ? supra V. millia capta cum signis militaribus CCXXX. ?) Romanorum CL. interfecti
 20. sunt. Consule per Phocidem & Bœotiam exercitum ducente conscie defectionis civitates cum (1) velamentis ante portas stabant, metu ne hostiliter diriperentur : ceterum per omnes dies haud secus, quam in pacato agro, sine violatione ullius rei agmen processit : donec in agrum Coronensem ventum est. ibi statua regis Antiochi posita in templo Minervæ Ithoneæ iram accendit : permissumque militi est, ut circumjectum templo agrum popularetur. deinde cogitatio animum subiit, cum communi decreto Bœotorum posita esset statua, indignum esse in unum Coronensem agrum sequire. revocato extemplo milite, finis populandi factus : castigati tantum verbis Bœoti ob ingratum in tantis tamque recentibus beneficiis animum erga Romanos.

CAPUT XIII.

Nuntiata adversa Antiochi ad Thermopylas pugna, in navibus ejus stantibus in sinu Maliaco oritur trepidatio : per idem tempus commeatus regii, qui ex Asia in Græciam vehebantur, ab Atilio, multis captis navibus excipiuntur.

INter ipsum pugne tempus X. naves regie cum præfecto Isidoro ad Thronium in sinu Maliaco stabant. eo gravis vulneribus Alexander A-carnan nuntius adversę pugne cum perfugisset, trepidę inde recenti terrore naves Ceneum Euboeę petierunt. ibi mortuus sepultusque Alexander. Tres, quę ex Asia profectę eundem portum tenuerant, naves, audita exercitus clade, Ephesum redierunt. Isidorus ab Ceneo Demetriadem, si forte eo deferret fuga regem, trajecit. Per eodem dies A. Atilius, præfectus Romanę classis, magnos regios commeatus jam fretum, quod ad
 An-

(1) *supplicum vittis.*

Andrum insulam est, prætervectos excepit. alias merfit, alias cepit naves. quæ novissimè agminis erant, cursum in Asiam verterunt. Atilius Piræum, unde profectus erat, cum agmine captivarum navium revectus. magnam vim frumenti & Atheniensibus & aliis ejusdem regionis sociis divisit.

CAPUT XIV.

Acilius COS. Chalcidem post fugam inde Antiochi veniens, totam Eubœam recipit: ad Thermopylas regressus, nuntium rerum prospere gestarum M. Catonem Romanum mittit. quibus Romæ auditis, supplicatio & sacrificia decernuntur: M. Fulvius Nobilior ex alteriore Hispaniâ profectus, orans Urbem ingreditur.

ANtiochus sub adventum consulis a Chalcide profectus, Tenum primo tenuit, inde Ephesum transmisit. Consuli Chalcidem venienti portæ patuerunt, cum appropinquante eo Aristoteles præfectus regis urbe excessisset. & cæteræ urbes in Eubœa sine certamine traditæ. paucosque per dies omnibus perpacatis, sine ullius noxa urbis exercitus Thermopylas reductus, multo modestia post victoriam, quam ipsa victoria laudabilior. Inde consul M. Catonem, per quem quæ gesta essent, senatus populusque Romanus haud dubio auctore sciret, Romam misit. Is a Creusa (Thespiensium emporium est, in intimo sinu Corinthiaco retractum) Patras Achajæ petit: a Patris Corcyram usque Ætolia, atque Arcarnaniæ littora legit. atque ita ad Hydruntum Italiæ trajecit: quinto die inde pedestri itinere Romam ingenti cursu pervenit. ante lucem ingressus urbem, a portâ ad prætorem M. Junium iter intendit. Is primæ luce senatum vocavit. quo L. Cornelius Scipio aliquot diebus ante a consule dimissus, cum adveniens audisset prægressum Catonem in senatu esse, supervenit exponendi quæ gesta essent. Duo inde legati jussu senatus

tus in concionem sunt producti: atque ibi eadem quæ in senatu de rebus in (1) Ætolia gestis exposuerunt. Supplicatio in triduum decreta est: & ut XL. hostiis majoribus prætor, quibus diis ei videretur, sacrificaret. Per eosdem dies & M. Fulvius Nobilior, qui biennio ante prætor in ulteriorem Hispaniam erat profectus, ovans urbem est ingressus. Argenti bigati præ se tulit CXXX. millia: & (2) extra numeratum XII. millia pondo argenti: auri pondo CXXVII.

CAPUT XV.

Ætoli, qui Heracleam præsidio occupaverant, diu summa vi a COS. Acilio oppugnati, tandem Romanis deduntur.

22. **A** Cilius consul ab Thermopylis Heracleam ad Ætolos præmisit: ut tunc saltem experti regiam vanitatem, respiscerent: traditaque Heraclea, cogitarent de petenda ab senatu seu furoris sui, seu erroris venia. & cæteras Græciæ civitates defecisse eo bello ab optime de se meritis Romanis: sed quia post fugam regis, cujus fiducia ab officio decessissent, non addidissent pertinaciam culpæ, in fidem receptas esse. Aetolos quoque, quanquam non secuti sint regem, sed arcessierint, & duces belli, non socii fuerint, si pœnitere possint, posse & incolumes esse. Ad ea cum pacati nihil responderetur, appareretque armis rem gerendam, & rege superato bellum Aetolicum integrum restare, castra ab Thermopylis ad Heracleam movit: eoque ipso die, ut situm nosceret urbis, ab omni parte equo mœnia est circumvectus. Sita est Heraclea in radicibus Oetæ montis: ipsa in campo, arcem imminentem loco alto & undique præcipiti habet. Contemplatus omnia quæ noscenda erant, quatuor simul locis aggredi urbem constituit. a flumine Asopo, qua & gymnasium est L. Valerium ope-

(1) *b. e. disione Theßalica Ætolorum.*

(2) *præter argentum numeratum.*

operibus atque oppugnationi præposuit . arcem extra muros , quæ frequentius prope quam urbs habitabatur , Tib. Sempronio Longo oppugnandam dedit a sinu Maliaco , quæ aditum haud facilem pars habebat , M. Bëbium : ab altero amniculo , quem Melana vocant , adversus Dianę templum App. Claudium opposuit . (1) Horum magno certamine intra paucos dies turres arietesque , & alius omnis apparatus oppugnandarum urbium perficitur . & cum ager Heracleensis paluster omnis , frequensque proceris arboribus benigne ad omne genus operum materiam suppeditabat : tum quia refugerant intra mœnia Aetoli , desertaque in vestibulo urbis erant tecta , in varios usus non tigna modo & tabulas , sed laterem quoque & cęmenta & saxa varię magnitudinis præbebant . Et Romani quidem operibus magis , quam armis urbem oppugnabant . Aetoli contra armis se tuebantur . nam cum ariete quaterentur muri , non (2) laqueis , ut solet , exceptos declinabant ictus , sed armati (3) frequentes , quidam ignes etiam , quos aggeribus injicerent , ferebant . fornices quoque in muro erant apti ad (4) excurrendum : & ipsi cum pro dirutis reficerent muros , crebriores eos , ut pluribus erumperetur in hostem locis , faciebant . Hoc primis diebus , dum integrę vires erant , & frequentes & impigre fecerunt , in dies deinde pauciores , & segnius . etenim cum multis urgerentur rebus , nulla eos res æque ac vigilię conficiebant : Romanis in magna copia militum succedentibus aliis in stationem aliorum , Aetolos propter paucitatem eisdem dies noctesque assiduo labore urgente . per IV. & XX. dies , ita ut nullum tempus vacuum dimicatione esset , adversus quatuor e partibus simul oppugnan-

(1) *illis rem certatim promoventibus .*

(2) *Vegetius l. 4. 33. alii laqueis captos arietes per multitudinem hominum de muro in obliquum trahunt , & cum ipsis testudinibus evertunt . hinc vides laqueorum usum .*

(3) *alii addunt , erumpebant . (4) erumpendum .*

gnantem hostem nocturnus diurno continuatus labor est. Cum fatigatos jam Aetolos sciret COS. & ex ratione temporis, & quod ita transfugæ affirmabant, tale consilium iniit. media nocte receptui signum dedit, & ab oppugnatione simul omnes milites deductos usque ad tertiam diei horam quietos in castris tenuit: inde cœpta oppugnatione ad mediam rursus noctem perducta est, intermissa deinde usque ad tertiam diei horam. Fatigationem rati causam esse Aetoli non continuandæ oppugnationis, quæ & ipsos affecerat: ubi Romanis datum receptui signum esset, velut ipsi quoque hoc revocati, pro se quisque ex stationibus decedebant: nec ante tertiam diei horam armati
 24. in muris apparebant. Consul cum nocte media intermisisset oppugnationem, quarta vigilia rursus ab tribus partibus summa vi aggressus, ab una Tib. Sempronium tenere intentos milites, signumque expectare iussit: ad (1) ea in nocturno tumultu, unde clamor exaudiretur, haud dubie ratus hostes concursuros. Aetoli pars sopiti affecta labore ac vigiliis corpora ex somno moliebantur: pars vigilantes adhuc ad strepitum pugnantium in tenebris currunt. Hostes partim per ruinas jacentis muri transcendere conantur, partim scalis ascensus tentant. adversus quos undique ad opem ferendam concurrunt Aetoli. Pars una, in qua ædificia extra urbem erant, neque defenditur neque oppugnatur: sed qui oppugnarent, intenti signum expectabant, defensor nemo aderat. Jam dilucebat, cum signum consul dedit: & sine ullo certamine partim per semiruta, partim scalis integros muros transcendere. Simul clamor index capti oppidi est exauditus, undique Ætoli desertis stationibus in arcem refugiunt. Oppidum victores permissu consulis diripiunt: non tam ab ira, nec ab odio, quam ut miles coercitus in tot receptis ex potestate hostium urbibus, aliquo tandem loco fructum victoriæ sentiret. Revocatos inde a medio ferme die milites cum in duas divisisset partes:

(1) loca.

LIB. XXXVI. CAP. XVI. 31

tes : unam radicibus montium circumduci ad rupem iussit : quæ (1) fastigio altitudinis par , media valle velut abrupta ab arce erat : sed adeo prope geminata cacumina eorum montium sunt , ut ex vertice altero conjici tela in arcem possint : cum dimidia militum parte consul ab urbe ascensurus in arcem , signum ab iis qui ab tergo in rupem evasuri erant , expectabat . Non tulere qui in arce erant Ætoli primum eorum qui rupem ceperant clamorem , deinde impetum ab urbe Romanorum : & fractis jam animis , & nulla ibi præparata re ad obsidionem diutius tolerandam , utpote congregatis foeminis puerisque , & imbelli alia turbam in arcem , quæ vix capere , nedum tueri multitudinem tantam posset . itaque ad primum impetum abjectis armis , dederunt sese . Traditus inter ceteros principes Ætolorum & Damocritus est : qui principio belli decretum Ætolorum , quo arcessendum Antiochum censuerant , T. Quintio poscenti responderat , in Italia datum , cum castra ibi Ætoli posuissent . ob eam ferociam majus victoribus gaudium traditus fuit .

CAPUT XVI.

Rex Philippus Lamiam oppugnat : cum in liberanda obsidione quereret COS. Acilius gratiam suam facere , rex , ejus accepto nuntio , ab oppugnatione obsistit .

Eodem tempore quo Romani Heracleam , Philippus Lamiam ex composito oppugnabat , 25. circa Thermopylas cum consule redeunte ex Bœotia , ut victoriam ipsi populoque Romano gratularetur , excusaretque , quod morbo impeditus (2) bello non interluisset , congressus . inde diversi ad duas simul oppugnandas urbes profecti . intersunt septem millia ferme passuum . & quia Lamia

(1) est auferendi casus .

(2) ad Thermopylas .

mia posita in tumulo est: (1) tum regionem eam maxime despectat oppidum, qua breve interval- lum videtur, & omnia in conspectu sunt: cum enixe, velut proposito certamine, Romani Macedonesque diem, ac noctem aut in operibus aut in præliis essent: hoc major difficultas Macedonibus erat, quod Romani aggere, & vineis, & omnibus supra terram operibus, subtus Macedones cuniculis oppugnabant: & in asperis locis flex sæpe impenetrabilis ferro occurrebat. & cum parum procederet inceptum, per colloquia principum oppidanos tentabat rex, ut urbem dederent: haud dubius, quin, si prius Heraclea capta foret, Romanis se potius quam sibi dedituri essent suamque gratiam consul in obsidione liberanda facturus esset. Nec eum opinio est frustrata. confestim enim ab Heraclea capta nuntius venit, ut oppugnatione abstineret. Æquius esse, Romanos milites, qui acie dimicassent cum Ætolis, præmia victoriæ habere. Ita recessum ab Lamia est, & (2) propinquæ clade urbis ipsi, ne quid simile paterentur, effugerunt.

C A.

(1) præterea oppidum despectat regionem maxime ea parte, qua brevi intervallo oppugnari potest, ut propterea ea parte omnia in conspectu sint. iccirco cum Romani Heracleam, Philippus Lamiæ oppugnaret, non pari labore afficiebantur. nam molitiones Philippi cum in conspectu hostium essent, dirui potuissent. hinc castris propius ad urbem positis eo brevi intervallo, cuniculis oppugnabat.

(2) Heracleæ.

CAPUT XVII.

Ætoli conati per legatos in Græciam ad bellum renovandum Antiochum revocare, post amissam Heracleam, oratores pacis ad COS. Acilium mittunt: quæ imperarentur ut nimis difficilia cum altercatione refugientibus, induciæ ad deliberandum dantur: cum in concilio principes, etsi dolenter, parendum tamen victori censerent, multitudo exasperatur, sublata præsertim adventu Nicandri auxilia ab Antiocho pollicentis.

PAUCIS, priusquam Heraclea caperetur, diebus 26.
 Ætoli, concilio Hypatam coacto, legatos ad Antiochum miserunt: inter quos & Thoas idem, qui & antea, missus est. mandata erant, ut ab rege peterent primum, ut ipse coactis rursus terrestribus navalibusque copiis in Græciam trajiceret: deinde, si qua ipsum teneret res, ut pecuniam & auxilia mitteret. id cum ad dignitatem ejus fidemque pertinere, non prodi socios: tum etiam ad incolumitatem regni, non sinere Romanos omni cura vacuos, cum Ætolorum gentem fustulissent, oninibus copiis in Asiam trajicere. Vera erant quæ dicebantur. eo magis regem moverunt. itaque in præsentia pecuniam, quæ ad usus belli necessaria erat, legatis dedit: auxilia terrestria navalique affirmavit missurum. Thonntem unum ex legatis retinuit, & ipsum haud invitum morantem, ut exactor præsens promissorum adesset. Cæterum Heraclea capta fregit tandem animos Ætolorum: & post paucos dies, quam 27.
 ad bellum renovandum, acciendumque regem, in Asiam miserant legatos, abjectis belli consiliis, pacis petendæ oratores ad consulem miserunt. Quos dicere exorsos consul interfatus, cum alia sibi prævertenda esse dixisset, redire Hypatam eos, datis dierum X. induciis, & L. Valerio Flacco cum iis misso, jussit: ei, quæ secum asturi fuissent, exponere, & si qua vellent alia. Hypatam ut est ventum, principes Ætolorum apud Flac-

Flaccum concilium habuerunt, consultantes, quonam agendum modo apud consulem foret. Parantibus iis antiqua jura foederum ordiri, meritaque in populum Romanum, *absistere iis Flaccus jussit, quæ ipsi violassent: confessionem iis culpæ magis profuturam, & totam in preces orationem versam. nec enim in causa ipsorum, sed in populi Romani clementia spem salutis positam esse. & se suppliciter agentibus iis adfuturum & apud consulem, & Romæ in senatu. eo quoque enim mittendos fore legatos.* Hæc una via omnibus ad salutem visa est, ut in fidem se permitterent Romanorum. ita enim & illis (1) violandi supplices verecundiam se imposituros: & ipsos nihilominus suæ potestatis fore, si quid melius fortuna ostendisset. Posteaquam ad consulem ventum est, Phæneas legationis princeps longam orationem, & varie ad mitigandam iram victoris compositam, ita ad extremum finivit, ut diceret, *Ætolos (2) se suaque omnia fidei populi Romani permittere.* Id consul ubi audivit, *Etiā, atque etiā videte,* inquit, *Ætoli, ut ita permittatis.* Tum decretum Phæneas, in quo id diserte scriptum erat, ostendit. *Quando ergo, inquit, ita permittitis, postulo, ut mihi Dicearchum civem vestrum, & Menetam Epirotam, (Naupactum is cum præsidio ingressus, ad defectionem compulerat) & Aminandrum cum principibus Athamanum, quorum consilio ab nobis defecistis, sine mora dedatis.* Prope dicentem interfatus Romanum Phæneas, *Non in servitutem, inquit, sed in fidem tuam nos tradimus: & certum habeo, te imprudentia labi, qui nobis imperes quæ moris Græcorum non sint.* Ad hæc COS. *Nec bercule, inquit, magnopere nunc curo, quid Ætoli satis ex more Græcorum factum esse*

(1) lædendi.

(2) hujus formulæ ea vis erat, ut populus Romanus de vita, ac fortunis eorum, qui se fidei illius permiserant, pro arbitrio statuere posset. quod non intellectum fraudi fuit Ætolis. idem tamen sentiebant Galli. l. 39. n. 54.

*esse censeant : dum ego (1) more Romano imperium * al. id habeam in deditos modo decreto suo, ante armis inhi- victos . itaque ni propere fit quod impero , vinciri beā . vos jam jubeo . afferrique catenas, & circumfiste- re liētores, jussit . Tum fracta Phæneæ ferocia, Ætolisque aliis est : & tandem cujus conditionis essent, sensere . & se quidem Phæneas, & qui ad- sunt Ætolorum, scire facienda esse, quæ imperen- tur, dixit : sed ad decernenda ea concilio Ætolorum opus esse : ad id, petere, ut X. dierum inducias da- ret . Petente Flacco pro Ætolis, induciæ datæ : & Hypatam reditum est . Ubi cum in concilio delectorum, quos Apocletos vocant, Phæneas & quæ imperarentur, & quæ ipsis prope accidis- sent, exposuisset : ingemuerunt quidem principes conditioni suæ : parendum tamen victori cense- bant : & ex omnibus oppidis convocandos Æto- los ad concilium . Posteaquam vero omnis coa- cta multitudo eadem illa audivit : adeo sævitia imperii atque indignitate exasperati animi sunt : ut, si in pace fuissent, illo impetu iræ concita- ri potuerint ad bellum . Ad iram accedebat & difficultas eorum quæ imperarentur : quonam mo- do enim utique regem Aminandrum se tradere pos- se ? & spes forte oblata, quod Nicander, eo ipso tempore ab rege Antiocho veniens, implevit ex- pectatione vana multitudinem, terra marique in- gens parari bellum . Is duodecimo die, quam conscenderat navem, in Ætoliam perfecta lega- tione rediens, Phalaram in sinu Maliaco tenuit . inde Lamiam pecuniam cum devexisset, ipse cum expeditis vespera prima inter Macedonum, Ro- manaque castra medio agro dum Hypatam notis callibus petit, in stationem incidit Macedonum : deductusque ad regem est, nondum convivio di- misso . Quod ubi nuntiatum est, velut hospitis,*

non

(1) l. 28. c. 16. n. 34. mos vetustus erat Ro- manis, cum quo nec fœdere, nec æquis legi- bus jungeretur amicitia, non prius imperio in eum tanquam pacatum uti, quam omnia divi- na, humanaque deditisset .

non hostis adventu motus Philippus, accumbere eum, epularique jussit: atque inde, dimissis aliis, solum retentum, ipsum quidem de se timere quicquam vetuit. Ætolorum prava consilia, atque in ipsorum caput semper recidentia accusavit: qui primum Romanos, deinde Antiochum in Græciam adduxissent. sed præteritorum, quæ magis reprehendi, quam corrigi possint, oblitum se, non facturum ut insultet adversis rebus eorum. Ætolos quoque finire tandem adversus se odia debere: & Nicandrum privatim ejus dici, quo servatus a se foret, meminisse. Ita datis qui in tutum eum prosequerentur, Hypatam Nicander consultantibus de pace Romana supervenit.

CAPUT XVIII.

Cum impetus Ætolici belli maxime ab Naupactō instaret, COS. Acilius eo cum exercitu profectus, urbem circumfidet.

80. **M**AN. Acilius, vendita aut concessa militi circa Heracleam præda, posteaquam nec Hypatæ pacata esse consilia, & Naupactum concurrisse Ætolos, ut inde totum impetum belli sustinerent, audivit, præmisso App. Claudio cum IV. millibus militum ad occupanda juga, qua difficiles transitus montium erant, ipse Ætam ascendit: Herculi que sacrificium fecit in eo loco, quem Pyram, quod ibi mortale corpus ejus (1) dei sit crematum, appellant. inde toto exercitu profectus, reliquum iter satis expedito agmine fecit. Ut ad Coracem est ventum: (mons est altissimus inter Callipolin & Naupactum) ibi & jumenta multa ex agmine præcipitata cum ipsis oneribus sunt, & homines vexati. & facile apparebat, quam cum inerti hoste res esset, qui tam impeditum saltum nullo præsidio, ut clau-

(1) qui indutus veste Centauri, in furorem adactus se combussit.

clauderet transitum, insedisset. Tum quoque vexato exercitu ad Naupactum descendit: & uno castello adversus arcem posito, cæteras partes urbis, divisis copiis pro situ moenium, circumse-dit. nec minus operis laborisque ea oppugnatio, quam Heracleæ, habuit.

CAPUT XIX.

Messenii a Diophane Achæorum prætoris, quod cum Ætolis sentirent, oppugnati, T. Quintio per Legatos Chalcidem missos deditionem pollicentur: is, revocato statim ab oppugnatione Diophane, concilium Achæorum indici jubet: ibi questus de intercepta per fraudem Zacyntho, illam, frustra adversante Diophane, recipit.

Eodem tempore & Messene in Peloponneso ab 31^o Achæis, quod concilii eorum recusaret esse, oppugnari cœpta est. Etenim duæ civitates Messene & Elis extra concilium Achaicum erant, cum Ætolis sentiebant. Elei tamen post fugatum ex Græcia Antiochum legatis Achæorum lenius responderant, dimisso præsidio regio, cogitatu-
se, quid sibi faciendum esset. Messenii, si-
ne responso dimissis legatis, moverant bellum: trepidique rerum suarum, cum jam ager effuso exercitu passim ureretur, castraque prope urbem poni viderent: legatos Chalcidem ad T. Quintium auctorem libertatis miserunt, qui nuntia-
rent, Messenios Romanis, non Achæis, & ape-
rire portas, & dedere urbem paratos esse. Au-
ditis legatis, extemplo profectus Quintius, a
Megalopoli, ad Diophanem Pr. Achæorum mi-
sit: qui extemplo reducere eum a Messene exer-
citum, & venire ad se juberet. Dicto paruit
Diophanes: & soluta obsidione expeditus ipse
prægressus agmen, circa Andaniam, parvum op-
pidum inter Megalopolin Messenenque positum,
Quintio occurrit. & cum causas oppugnationis
exponeret, castigatum leniter, quod tantam rem
sine auctoritate sua conatus esset, dimittere e-

xercitum iussit: nec pacem omnium bono partem
turbare. Messeniis imperavit, ut exules reduce-
rent, & Achæorum concilii essent. si qua habe-
rent, de quibus aut recusare, aut in posterum
cavere sibi vellent, Corinthum ad se venirent.
Diophanem concilium Achæorum extemplo sibi
(1) præbere iussit. ibi de Zacyntho intercepta
per fraudem insula questus postulavit, ut restitue-
retur Romanis. Philippi Macedonum regis Za-
cynthus fuerat: eam mercedem Aminandro de-
derat, ut per Athamaniam ducere exercitum in
superiorem partem Ætoliae liceret: qua expedi-
tione fractis animis, Ætolos compulit ad peten-
dam pacem. Aminander Philippum Megalopoli-
tanum insulæ præfecit: postea per bellum, quo
se Antiocho adversus Romanos conjunxit, Phi-
lippo ad munia belli revocato, Hieroclem Agri-
32. gentinum successorem misit. Is post fugam ab
Thermopylis Antiochi, Aminandrumque a Phi-
lippo Athamania pulsum, missis ultro ad Dio-
phanem prætorem Achæorum nuntiis, pecuniam
pactus, insulam Achæis tradidit. Id præmium
belli suum esse, æquum censebant Romani. non
enim Man. Acilium COS. legionesque Romanas
Diophani & Achæis ad Thermopylas pugnasse.
Diophanes adversus hæc purgare interdum sese,
gentemque: interdum de jure facti differere.
Quidam Achæorum & initio eam se rem asper-
natos testabantur, & tunc pertinaciam increpi-
tabant prætoris: auctoribusque iis decretum est,
ut T. Quintio ea res permitteretur. Erat Quin-
tius sicut adversantibus asper; ita, si cederes,
idem placabilis. Omissa igitur contentione vocis
vultusque, Si utilem, inquit, possessionem ejus in-
sule censerem Achæis esse, auctor essem senatui po-
puloque Romano, ut eam vos habere sinerent. cete-
rum sicut (2) testudinem, ubi collecta in suum te-
gi-

(1) vocare.

(2) In nummis antiquis, ut annotat Jac. de Voil-
de p. 79. Peloponnesus testudini assimilatur. hic
Apologus narratur etiam a Plut. in Quint.

gimen est, tutam ad omnes ictus video esse: ubi exserit partes aliquas, quodcunque nudavit, obnoxium atque infirmum habere: haud dissimiliter, vos Achæi, clausos undique mari, quæ intra Peloponnesi sint terminos, ea & jungere vobis, & juncta tueri facile: simul aviditate plura amplectendi, hinc excedatis: nuda vobis omnia, quæ extra sint, & exposita ad omnes ictus esse. Assentiente omni concilio, nec Diophane ultra tendere auso, Zacynthus Romanis traditur:

CAPUT XX.

Philippus rex, permittente Acilio consule, Demetriadem, & alias Græciæ urbes, & gentes, quæ ab Romanis defecerant, recipit.

PER idem tempus Pilippus rex proficiscentem^{33.} COS. ad Naupactum percunctatus, si se interrim, quæ defecissent ab societate Romana, urbes recipere vellet: permittente eo, ad Demetriadem copias admovit, haud ignarus, quanta ibi tum perturbatio esset. Destituti enim ab omni spe, cum desertos se ab Antiocho, spem nullam in Ætolis esse cernerent: dies noctesque aut Philippi hostis adventum, aut infestiores etiam, quo justius irati erant, Romanorum expectabant. Turba erat ibi incondita regionum: qui primo pauci in præsidio relictæ, postea plures, plerique inermes ex prælio adverso fuga delati, nec virium nec animi satis ad obsidionem tolerandam habebant. itaque præmissis a Philippo, qui spem impetrabilis veniæ ostendebant: responderunt, patere portas regi. Ad primum ejus ingressum, principum quidam urbe excefferunt. Eurylochus mortem sibi conscivit. Antiochi milites (sic enim pacti erant) per Macedoniam, Thraciamque, prosequentibus Macedonibus, ne quis eos violaret, Lyfimachiam deducti sunt. Erant & paucae naves Demetriade, quibus præerat Isidorus. eæ quoque cum præfecto suo dimissæ sunt. Inde Dolopiam, & Aperantiam, & Perræbiæ quasdam civitates recepit.

*Ex T. Quintii consilio, Acilius COS. obsidione Nau-
pacti abscedit; Ætolisque, donec legatos Romanos
mittant, dat inducias.*

DUm hæc a Philippo geruntur, T. Quintius
recepta Zacyntho ab Achaico concilio Nau-
pactum trajecit: quæ jam per duos menses (sed
prope excidium erat) oppugnabatur: & si capta
vi foret, omne ibi nomen Ætolorum ad interne-
cionem videbatur venturum. Cæterum quanquam
merito iratus erat Ætolis, quod solos obtrectasse
gloriæ suæ, cum liberaret Græciam, meminerat:
& nihil auctoritate sua motos esse, cum quæ tum
maxime acciderant, casura præmonens, a furioso
incepto eos deterreret: tamen sui maxime ope-
ris esse credens, nullam gentem liberatæ a se Græ-
ciæ funditus everti, obambulare muris, ut facile
nosceretur ab Ætolis, cœpit. Confestim a pri-
mis stationibus cognitus est, vulgatumque per
omnes ordines, Quintium esse. itaque concursu
facto undique in muros, manus pro se quisque
tendentes, consonante clamore, nominatim Quin-
tium orare, ut opem ferret ac servaret. Et tum
quidem, quanquam moveretur his vocibus, manu
tamen * annuit, quidnam opis in se esset? Cæ-
terum posteaquam ad COS. venit, *Utrum fallit,*
inquit, *te, Mani Acili, quid agatur? an, cum satis*
provideas, nihil id magnopere ad summam reipublicæ
pertinere censes? Erexerat exspectatione COS. &
quin expromis, inquit, quid rei sit? Tum Quin-
tius: *Ecquid vides te devicto Antiocho in duabus*
urbibus oppugnandis tempus terere: cum jam prope
annus circumactus sit imperii tui? Philippum autem,
qui non aciem, non signa hostium vidit, non solum
urbes, sed tot jam gentes, Athamaniam, Perræbiam,
Aperantiam, Dolopiam sibi adjunxisse? atqui non
tantum interest nostra, Ætolorum opes ac vires mi-
nui, quantum non supra modum Philippum crescere:
Et victoriae tue præmium te militesque tuos nondum
duas

* al.
ab-
nuit.

duas urbes, Philippum tot gentes Græciæ habere. Assentiebatur his COS.; sed pudor, si irrito in- 35.
coepto abscederet obsidione, occurrebat. tota in-
de Quintio res permissa est. Is rursus ad eam
partem muri, qua paulo ante vociferati Ætoli
fuerant, rediit. ibi cum impensius orarent, ut
misereretur gentis Ætolorum: exire aliquos ad
se iussit. Phœneas ipse, principesque alii exem-
plo egressi sunt. quibus provolutis ad pedes,
Fortuna, inquit, vestra facit, ut & ira mea & o-
rationi temperem. evenerunt quæ prædixi eventura:
& ne hoc quidem reliqui vobis est, ut indignis ac-
cidisse ea videantur. ego tamen sorte quadam nu-
triendæ Græciæ datus, ne ingratis quidem benefacere
absistam. mittite oratores ad COS. qui inducias tan-
tum temporis petant, ut mittere legatos Romam pos-
sitis, per quos senatui de vobis permittatis. ego a-
pud COS. deprecator defensorque vobis adero. Ita ut
consuerat Quintius, fecerunt: nec aspernatus est
legationem COS. induciisque in diem certam da-
tis, qua legatio renuntiari ab Roma posset: so-
luta obsidio est, & exercitus in Phocidem missus.

CAPUT XXII.

Acilius, soluta Naupacti obsidione, ad Achaicum con-
cilium profisciscitur: venientes Epirotas ad pristi-
nam petendam amicitiam, Romam ad senatum
ire jubet: eo legati quoque a Philippo rege gra-
tulatum de victo Antiocho cum donis mittuntur.

COS. cum T. Quintio ad Achaicum concilium
 Ægium trajecit. ibi de Eleis & de exilibus
 Lacedæmoniorum restituendis actum: & neutra
 perfecta res: quia suæ gratiæ reservari eam A-
 chæi, Elei per se ipsi, quam per Romanos ma-
 luerunt Achaico contribui concilio. Epirotarum
 legati ad COS. venerunt: quos non sincera fide
 in amicitia fuisse satis constabat: militem tamen
 nullum Antiocho dederant: pecunia juvisse eum
 infimulabantur: legatos ad regem ne ipsi quidem
 misisse inficiabantur. Iis petentibus, ut in ami-

citia pristina esse liceret, respondit COS. *se, utrum hostium, an pacatorum eos numero haberet, nondum scire: senatum ejus rei judicem fore. integram se causam eorum Romam rejicere: inducias ad id dierum XC. dare.* Epirotæ Romanæ missi senatum adierunt. iis magis quæ non fecissent hostilia referentibus, quam purgantibus ea de quibus arguebantur, responsum datum est, quo veniam impetrasse, non causam probasse videri possent. Et Philippi regis legati sub idem tempus in senatum introducti gratulantes de victoria. iis petentibus, ut sibi sacrificare in Capitolio, donumque ex auro liceret ponere in æde Jovis OPT. MAX. permissum ab senatu. C. pondo coronam auream posuerunt. Non responsum solum benigne legatis est: sed Philippi quoque filius Demetrius, qui obses Romæ erat, ad patrem reducendus legatis datus est. Bellum, quod cum Antiocho rege in Græcia gestum est a Man. Acilio COS. hunc finem habuit.

CAPUT XXIII.

COS. P. Cornelius renuente senatu pecuniam decernere ad eos ludos faciendos, quos ex sua sententia in Hispania vovisset, nihilominus eos facit: *Ædes Magnæ Matris Idææ dedicatur, & Megalesia primum celebrantur: Juventutis quoque dedicata Æde, ludi fiunt.*

36. **A**lter COS. P. Cornelius Scipio Galliam provinciam fortitus, priusquam ad bellum, quod cum Bojis gerendum erat, profisceretur, postulavit ab senatu, ut pecunia sibi decerneretur ad ludos, quos pro prætore in Hispania inter ipsum discrimen pugnæ vovisset. Novum atque iniquum postulare est visus. censuerunt ergo, quos ludos inconsulto senatu ex sua unius ^{al.} sententia vovisset, eos ^{uti.} vel de manubiis, si quam pecuniam ad id reservasset, vel sua ipse impensa faceret. Eos ludos per dies X. P. Cornelius fecit. Per idem fere tempus ædes Matris

magnæ Idææ dedicata est: quam deam is P. Cornelius advectam ex Asia, P. Cornelio Scipione, cui post Africano fuit cognomen, P. Licinio COSS. in palatium a matre detulerat. Locaverant ædem faciendam ex S. C. M. Livius, C. Claudius censores. M. Cornelio, P. Sempronio COSS. tredecim annis posteaquam locata erat, dedicavit eam M. Junius Brutus: ludique ob dedicationem ejus facti: quos (1) primos scenicos fuisse Valerius Antias est auctor, Megalesia appellatos. Item Juventutis ædem in circo maximo C. Licinius Lucullus duumvir dedicavit. voverat eam sexdecim annis ante M. Livius COS. quo die Asdrubalem exercitumque ejus cecidit. idem censor eam faciendam locavit, M. Cornelio, P. Sempronio COSS. Hujus quoque dedicandæ causa ludi facti: & eo omnia cum majore religione facta, quod novum cum Antiocho instabat bellum.

CAPUT XXIV.

Prodigia, & eorum expiatio.

PRincipio ejus anni, quo hæc, jam profecto ad bellum Man. Acilio, manente adhuc Romæ P. Cornelio cos. agebantur, boves duos domitos in Carinis per scalas pervenisse in tegulas ædificii, proditum memoriæ est. eos vivos comburi, cineremque eorum dejici in Tiberim aruspices jusserunt. Tarracinæ & Amiterni nuntiatum est, aliquoties lapidibus pluuisse: Minturnis ædem Jovis, & tabernas circa forum de cœlo tactas esse: Vulturni in ostio fluminis duas naves fulmine ietas conflagraisse. Eorum prodigiorum causa libros Sibyllinos ex S. C. decemviri cum adissent, renuntiavit, jejunium instituendum Cereri esse: & id quinto quoque anno servandum: & ut novendiale sacrum fieret, & unum diem supplicatio esset: coronati supplicarent: & cos. P. Cornelius, quibus diis quibusque hostiis edidissent decemviri, sacrificaret.

C. 4.

CA-

(1) cum Valerio tamen non sentit Livius. v. l. 34. c. 28.

P. Cornelius cos. contra Bojos ab Urbe proficiscitur : Ligures Minutii procos. castra aggressi caduntur : non multo post etiam a cos. Cornelio Boji ingenti victoria superantur .

38. **P**lacatis diis nunc votis rite solvendis, nunc prodigiis expiandis, in provinciam proficiscitur cos.: atque inde Cn. Domitium procos. dimisso exercitu Romam decedere iussit: ipse in agrum Bojorum legiones induxit. Sub idem fere tempus Ligures lege sacrata coacto exercitu, nocte improvise castra Q. Minutii procos. aggressi sunt. Minutius usque ad lucem intra vallum militem instructum tenuit, intentus ne qua transcenderet hostis munimenta: prima luce duabus simul portis eruptionem fecit. Nec primo impetu, quod speraverat, Ligures pulsi sunt: duas amplius horas dubium certamen sustinere. postremo cum alia atque alia agmina erumperent, & integri fessis succederent ad pugnam: tandem Ligures inter cætera etiam vigiliis confecti, terga dederunt. cæsa supra quatuor millia hostium: ex Romanis fociiisque minus CCC. perierunt. Duobus fere post mensibus P. Cornelius cos. cum Bojorum exercitu signis collatis egregie pugnavit. Duodetriginta millia hostium cæsa Antias Valerius scribit: capta tria millia & quadringentos: signa militaria CXXIV. equos mille ducentos triginta: carpenta ducenta quadraginta septem: ex victoribus mille quadringentos octoginta quatuor cecidisse. Ubi, ut in numero scriptori parum fidei sit, quia in augendo eo non alius intemperantior est, magnam tamen victoriam fuisse apparet, quod & castra capta sunt, & Boji post eam pugnam extemplo dediderunt sese, & quod supplicatio ejus victoriæ causa decreta ab senatu,
39. victimæque majores cæse. Per eosdem dies M. Fulvius Nobilior ex ulteriore Hispania ovans urbem est ingressus: argenti transtulit decem millia

lia pondo, bigati argenti centum & (1) triginta, auri centum viginti (2) quinque.

CAPUT XXVI.

Cos. P. Cornelius, victis Bojis, Romam ad triumphum revertitur: hunc, cum a Senatu, frustra intercedente Blæso tribuno plebis, impetrasset, præda Gallica insignem agit.

P Cornelius cos. primo obsidibus a Bojorum gente acceptis, agri parte fere dimidia eos multavit: quo, si vellet, P. R. colonias mittere posset. inde Romam ut ad triumphum haud dubium decedens, exercitum dimisit; & adesse Romæ ad diem triumphi iussit. ipse postero die, quam venit, senatu in ædem Bellonæ vocato, cum de rebus ab se gestis disseruisset, postulavit, ut sibi triumphanti liceret in urbem invehiri. P. Sempronius Blæsus tribunus plebis non negandum Scipioni, sed differendum honorem triumphi censebat. Bella Ligurum Gallicis semper juncta fuisse: eas inter se gentes mutua ex propinquo ferre auxilia. Si P. Scipio devictis acie Bojis, aut ipse cum victore exercitu in agrum Ligurum transisset, aut partem copiarum Q. Minutio misisset, qui jam tertium ibi annum dubio detineretur bello, debellari cum Liguribus potuisse. Nunc ad triumphum frequentandum deductos esse milites, qui egregiam navare operam reipub. potuissent: possent etiam, si senatus, quod festinatione triumphi prætermisum esset, id restituere differendo triumpho vellet. Juberent cos. cum legionibus redire in provinciam: dare operam, ut Ligures subigantur. nisi illi cogantur in jus ditionemque P. R. ne Bojos quidem quieturos. aut pacem, aut bellum utrobique habenda. devictis Liguribus, paucos post menses procos. P. Cornelium, multorum exemplo, qui in magistratu non triumphaverunt, triumphaturum esse. Ad ea COS. neque se Ligures pro-

C 5

vin-

40-

{ 1 } intellige, millia.

{ 2 } hic vero intellige, pondo.

vinciam sortitum esse ait, neque cum Liguribus bellum gessisse, neque triumphum de iis postulare. Quod Minutium, confidere brevi subactis iis meritum triumphum postulaturum atque impetraturum esse; se de Gallis Bojis postulare triumphum, quos acie vicerit, castris exuerit: quorum gentem biduo post pugnam totam acceperit in deditionem: a quibus obfides abduxerit, pacis futuræ pignus. Verum enimvero illud multo majus esse, quod tantum numerum Gallorum ceciderit in acie, (1) quod cum tot millibus certe Bojorum nemo ante se imperator pugnaverit. plus partem dimidiam ex quinquaginta millibus hominum caesam, multa millia capta, senes puerosque Bojis superesse. Itaque id quenquam mirari posse, cur victor exercitus, cum hostem in provincia neminem reliquisset, Romam venerit ad celebrandum cos. triumphum? Quorum militum si & in alia provincia opera uti senatus velit: utro tandem modo promptiores ad aliud periculum, novumque laborem ituros credat, si persoluta iis sine detractione prioris periculi laborisque merces sit? an si spem pro re ferentes dimittant, jam semel in prima spe deceptos? Nam, quod ad se attineat, sibi gloriæ in omnem vitam illo die satis questum esse, quo se virum optimum judicatum ad accipiendam matrem Idæam misisset senatus. hoc titulo, etsi nec consulatus, nec triumphus addatur, satis honestam honoratamque P. Scipionis Nasicæ imaginem fore. Univerſus senatus non ipse modo ad decernendum triumphum consensit, sed etiam Tr. pl. auctoritate sua compulſit ad remittendam intercessionem. P. Cornelius cos. triumphavit de Bojis. in eo triumpho Gallicis carpentis arma, signaque, & spolia omnis generis transvexit, & vasa ænea Gallica: & cum captivis nobilibus equorum quoque captorum gregem traduxit: aureos torques tranſtulit MCDLXX. ad hæc auri pondo CCXLV. argenti infecti factique in Gallicis vasis non infabre suo more factis, duo millia CCCXL. pondo: bigatorum nummorum CCXXXIV. militi-

(1) alii: quot cum millibus.

tibus qui currum secuti sunt, trecenos vicanos quinos asses divisit: duplex centurioni, triplex equiti. Postero die concione advocata, de rebus ab se gestis, & de injuria tribuni bello alieno se illigantis, ut suæ victoriæ fructu se defraudaret, cum disseruisset, milites exauctoratos dimisit.

CAPUT XXVII.

Antiochus, suadente Annibale, prohibiturus Romanis transitum in Asiam, terrestres, navalesque copias parat.

DUm hæc in Italia geruntur, Antiochus Ephesi securus admodum de bello Romano erat, tanquam non transitoris in Asiam Romanis. quam securitatem ei magna pars amicorum aut per errorem aut assentando faciebat. Annibal unus, cujus eo tempore maxima apud regem auctoritas erat, magis mirari se aiebat, quod non jam in Asia essent Romani, quam venturos dubitare. (1) Propius esse in Asiam ex Græcia, quam ex Italia in Græciam trajicere: & multo majorem causam Antiochum, quam Ætolos esse: neque enim mari minus, quam terra, pollere Romana arma. jam pridem classem circa Maleam esse. audire sese, nuper novas naves, novumque imperatorem rei gerendæ causa ex Italia venisse. itaque desineret Antiochus pacem sibi spe vana facere: in Asia, & de ipsa Asia brevi terra marique dimicandum ei cum Romanis esse, & aut imperium adinendum orbem terrarum affectantibus, aut ipsi regnum amittendum. Unus vera & providere & fideliter prædicere visus. itaque ipse rex navibus, quæ paratæ instructæque erant, Chersonesum petit, ut ea loca,

C 6 fi

(1) *facilius. quia classe magis nunc Romani pol-
lent, quam pollerent, antequam in Græciam tran-
sirent. cæterum latius est Ægeum Mare, quo A-
sia dirimitur a Græcia, quam Adriaticus sinus,
qui Græciam ab Italia sejungit.*

si forte terra venirent Romani, præfidiis firmaret. cæteram classem Polyxenidam parare & deducere iussit. speculatorias naves ad omnia exploranda circa insulas dimisit.

CAPUT XXVIII.

Classe profectus in Græciam C. Livius, prospere, adjuvante Eumene rege, cum Polyxenida Antiochi præfecto navali prælio ad Corycum concreditur.

42. **C** Livius præfectus Romanæ classis, cum quinquaginta navibus testis profectus ab Roma Neapolim, quo ab sociis ejus oræ convenire iusserat apertas naves, quæ ex fœdere debebantur, Siciliam inde petit; fretoque Messanam prætervectus, cum sex Puniceas naves ad auxilium missas accepisset, ab Rheginis Locrisque & ejusdem juris sociis debitas exegisset naves, lustrata classe ad Lacinium, altum petit. Corcyram, quam primam Græciæ civitatem adiit, cum venisset, percunctatus de statu belli (necdum enim omnia in Græcia perpacata erant) & ubi classis Romana esset, posteaquam audivit, circa Thermopylarum saltum in statione COS. ac regem esse, classem Piræei stare, maturandum ratus omnium rerum causa, pergit protinus navigare Peloponnesum. Samem, Zacynthumque, quia partis Ætolorum maluerant esse, protinus depopulatus, Maleam petit: & prospera navigatione usus, paucis diebus Piræeum ad veterem classem pervenit. Ad Scyllæum Eumenes rex cum tribus navibus occurrit, cum Æginæ diu incertus consilii fuisset, utrum ad tuendum rediret regnum, (audiebat enim, Antiochum Ephesi navales terrestresque parare copias) an nusquam abscederet ab Romanis, ex quorum fortuna sua penderet. A Piræeo A. Atilius, traditis successori quinque & XX. navibus testis, Romam est profectus. Livius una & LXXX. rostratis navibus, multis præterea minoribus, quæ aut apertæ rostratæ, aut sine rostris speculatoriæ erant, Delium trajecit.

Eo

Eo fere tempore COS. Acilius Naupactum oppugnabat. Livium Deli per aliquot dies (& est ventosissima regio inter Cycladas fretis alias majoribus, alias minoribus divisas) adversi venti tenuerunt. Polyxenidas certior per dispositas speculatorias naves factus, Deli stare Romanam classem, nuntios ad regem misit. qui omissis, quæ in Hellesponto agebat, cum rostratis navibus, quantum accelerare potuit, Ephesum rediit, & consilium extemplo habuit, faciendumne periculum navalis certaminis foret. Polyxenidas negabat cessandum: *& utique prius conflegendum, quam classis Eumenis, & Rhodiæ naves conjungerentur Romanis. ita numero non ferme impares futuros se, cæteris omnibus superiores, & celeritate navium, & varietate auxiliorum. nam Romanas naves, cum ipsas inscite factas immobiles esse, tum etiam, ut, quæ in terram hostium veniant, oneratas commeatus venire. suas autem, ut pacata omnia circa se relinquentes, nihil præter militem atque arma habituras. multum etiam adjuturam notitiam maris terrarumque & ventorum, quæ omnia ignaros turbatura hostes essent.* Movit omnes auctor consilii, qui & re consilium exsecuturus erat. Biduum in apparatu morati, tertio die CC. navibus, quarum septuaginta tectæ, cæteræ apertæ, minoris omnes formæ erant, profecti Phocæam petierunt. inde cum audisset appropinquare jam Romanam classem rex, quia non interfuturus navali certamini erat, (1) Magnesium, quæ ad Sipylum est, concessit ad terrestres copias comparandas. classis ad Cyssuntem portum Erythræorum, tanquam ibi aptius expectatura hostem, contendit. Romani ubi primum aquilones (ii namque per aliquot dies tenerant) cecidere, ab Delo Phanas, portum Chiorum in Ægeum mare versum, petunt: inde ad (2) urbem circumegere naves, commeatuque sumpto, Phocæam trajiciunt. Eumenes Eleam

(1) hic Niobe in rupem versa dicitur. ea vero urbs postea victoria Scipionis Asiatici de Antiocho habitata est. (2) Chium.

lęam ad suam classem profectus, paucis post inde diebus cum quatuor & viginti navibus testis, apertis pluribus paulo, a Phocęa ad Romanos parantes instruentesque se ad navale certamen rediit. Inde centum quinquaginta testis navibus, apertis ferme quinquaginta profecti, primo aquilonibus transversis cum urgerentur in terram, cogebantur tenui agmine prope in ordinem singule naves ire: deinde ut lenita paulum vis venti est, ad Corycum portum, qui super Cyssuntem est, conati sunt trajicere. Polyxenidas, ut appropinquare hostes allatum est, occasione pugnandi letus, sinistrum ipse cornu in altum extendit, dextrum cornu prefectos navium ad terram explicare jubet: & equa fronte ad pugnam procedebat. Quod ubi vidit Romanus, vela contrahit, malosque inclinat, & simul armamenta componens opperitur insequentes naves. Jam ferme XXX. in fronte erant: quibus ut æquaret lævum cornu, dolonibus erectis altum petere intendit, jussis, qui sequebantur, adversus dextrum cornu prope terram proras dirigere. Eumenes agnien (1) cogebat: cæterum ut demendis armamentis tumultuari primum coeptum est, & ipse, quanta maxima celeritate potest, concitat naves. Jam omnibus in conspectu (2) erant, duę Punicę naves antecedeabant Romanam classem; quibus obvię tres fuerunt regię naves: &, ut in numero impari, duę regię unam circumfistunt. & primum ab utroque latere remos detergunt: deinde transcendunt armati, & dejectis cæsisque propugnatoribus, navem capiunt. Una, quę compari Marte concurrerat, postquam captam alteram navem vidit, priusquam a tribus simul circumveniretur, retro ad classem refugit. Livius indignatione accensus, prætoria nave in hostes tendit.

* al. adversus * quem eadem spe duę, quę Punicam
quę. unam navem circumvenerant, cum inferrentur, demittere in aquam remos ab utroque latere remiges stabiliendę navis causa jussit, & in adven-

nien-

(1) a tergo classis. (2) Eumenis naves.

nientes hostium naves ferreas manus injicere: & ubi pugnam pedestri similem fecisset, meminisse Romanæ virtutis, nec pro viris ducere regia mancipia. Haud paulo facilius, quam ante duæ unam, tunc una duas naves expugnavit cepitque. Et jam classes quoque undique concurrerant, & passim permistis navibus pugnabatur. Eumenes, qui extremus commisso certamine advenerat, ut animadvertit lævum cornu hostium ab Livio turbatum, dextrum ipse, ubi æqua pugna erat, invadit. Nec ita multo post primum ab lævo cornu fuga cœpit. Polyxenidas enim, ut virtute militum haud dubie superari se vidit, sublatis doloribus effuse fugere intendit. Mox idem & qui 45. prope terram cum Eumene contraxerant certamen, fecerunt. Romani & Eumenes, quoad sufficere remiges potuerunt, & in spe erant extremi agminis vexandi, satis pertinaciter secuti sunt. posteaquam celeritate navium, utpote levium, suas commeatu onustas eludi frustra tendentes viderunt, tandem substiterunt, XIII. captis navibus cum milite ac remige, X. demersis. Romanę classis una Pænica navis in primo certamine ab duabus circumventa periit. Polyxenidas non prius quam in portu Ephesi fugæ finem fecit. Romani eo die, unde egressa regia classis erat, manserunt: postero die hostem persequi intenderunt. Medio fere in cursu obvię fuere iis V. & XX. rectę Rhodię naves cum Pausistrato præfecto classis. Iis adjunctis Ephesum hostem persecuti, ante ostium portus acie instructa steterunt. Posteaquam confessionem victis satis expresserunt, Rhodii & Eumenes domos dimissi, Romani Chium petentes, Phœnicuntum primum portum Erythræę terrę prætervecti, nocte anchoris jactis, postero die in (1) insulam ad ipsam urbem trajecerunt. ubi paucos dies remige maxime reficiendo morati, Phocæam transmittunt. ibi relictis ad præsidium urbis IV. quinquereuib, ad Canas classis venit; & cum jam hiems appeteret, fossa valloque

cir-

(1) Chium. & urbs est ejusdem nominis.

circundatis naves subductę . Exitu anni comitia Romę habita, quibus creati sunt coss. L. Cornelius Scipio, & C. Lęlius, (1) intuentibus cunctis ad finiendum cum Antiocho bellum. Postero die Prętores creati, M. Tuccius, L. Aurunculejus, Cn. Fulvius, L. Āmilius, Pub. Junius, C. Atinius Labeo..

LIBER XXXVII.

CAPUT I.

Novi COSS. sunt L. Corn. Scipio, & C. Lęlius: primum omnium de Ātolis, qui ad pacem petendam Romam venerant, in senatu agitur: ad propositas ab senatu conditiones nihil certi respondentes, pace infecta, dimittuntur.

1.
U.C.
560.



Ucio Cornelio Scipione, & C. Lęlio COSS. nulla prius secundum religiones acta in senatu res est, quam de Ātolis. & legati eorum institere, quia brevem induciarum diem habebant, & ab T. Quintio, qui tum Romam ex Gręcia redierat, adjuti sunt. Ātoli, ut quibus plus in misericordia senatus, quam in causa ĩpei esset, simpliciter egerunt, veteribus benefactis nova pensantes maleficia. cęterum & pręsentes interrogationibus undique senatorum confessionem magis noxę, quam responsa exprimentium fatigati sunt. & excedere curia jussi, magnum (2) certamen prębuere. Plus ira, quam misericordia, in causa eorum valebat: quia non ut hostibus modo, sed tanquam indomitę & insociabili genti succensebant. Per aliquot dies cum certatum esset, postremo neque dari neque negari pacem placuit. duę conditiones eis latę sunt, vel senatui liberum arbitrium de se permetterent, vel mille talentum darent, eos-

(1) *intentis.* (2) *occasionem contentionis.*

eosdemque amicos atque inimicos haberent. Exprimere cupientibus, quarum rerum in se arbitrium senatui permitterent, nihil certi responsum est. ita infecta pace dimissi, urbe eodem die, Italia intra XV. dies excedere iussi.

CAPUT II.

Cum Græcia provincia Lælio cos. dari ab senatu videretur; dicente P. Scipione Africano, si fratri decerneretur, se legatum iturum, L. Cornelio Scipioni decernitur: Lælio Italia assignatur: Prætores quoque provincias sortiuntur.

TUM de consulum provinciis coeptum est agi. Ambo Græciam cupiebant. multum Lælius in senatu poterat. Is, cum senatus aut fortiri aut comparare inter se provincias consules iussisset, elegantius facturos dixit, si iudicio Patrum, quam si sorti eam rem permisissent. Scipio, responso ad hoc dato, cogitaturum quid sibi faciendum esset, cum fratre uno locutus, iussusque ab eo permittere audacter senatui, renuntiat collegæ, facturum se quod is censeret. Cum res aut nova, aut vetustate exemplorum memoriæ jam exoletæ, relata expectatione certaminis senatum erexisset, P. Scipio Africanus dixit, si L. Scipioni fratri suo provinciam Græciam decrevisset, se legatum iturum. Hæc vox magno assensu audita sustulit certamen. Experiri libebat, utrum plus regi Antiocho in Annibale victo, an in victore Africano COS. legionibusque Romanis auxilii foret, ac prope omnes Scipioni Græciam, Lælio Italiam decreverunt. Prætores provincias sortiti, L. Aurunculejus urbanam, Cn. Fulvius peregrinam, L. Æmilius Regillus classem, P. Junius Brutus Tuscos, M. Tuccius Apuliam & Bruttios, C. Atinius Siciliam.

CAPUT III.

Provinciarum, & exercituum distributio.

Consuli deinde, cui Græcia provincia decreta erat, ad eum exercitum, quem a Man. Acilio (duæ autem legiones erant) accepturus esset, in supplementum addita peditum civium Romanorum tria millia, equites centum, & socium Latini nominis quinque millia, equites CC. & adjectum, ut, cum in provinciam venisset, si e rep. videretur esse, exercitum in Asiam trajiceret. Alteri COS. totus novus exercitus decretus, duæ legiones Romanæ, & socium Latini nominis XV. millia peditum, equites sexcenti. Exercitum ex Liguribus Q. Minutius (jam enim (1) confectam provinciam scripserat, & Ligurum omne nomen in deditionem venisse) traducere in Bojos, & P. Cornelio pro consule tradere jussus. Ex agro, quo victos bello multaverat Bojos, deductæ urbanæ legiones, quæ priore anno conscriptæ erant, M. Tuccio Prætori datæ, & socium Latini nominis peditum XV. millia, equites sexcenti, ad Apuliam Bruttiosque obtinendos. A. Cornelio, superioris anni Prætori, qui Bruttios cum exercitu obtinuerat, imperatum, si ita consuli videretur, ut legiones in Ætoliæm trajectas Man. Acilio traderet, si is manere ibi vellet. si Acilius redire Romam mallet, ut A. Cornelius cum eo exercitu in Ætoliæ remaneret. C. Atinium Labeonem provinciam Siciliam exercitumque a M. Æmilio accipere placuit, & in supplementum scribere ex ipsa provincia, si vellet, peditum duo millia, & centum equites. P. Junius Brutus in Tuscos exercitum novum, legionem unam Romanam, & decem millia socium Latini nominis scribere, & quadringentos equites: L. Æmilius, cui provincia maritima erat, viginti naves longas, & socios

na-

(1.) *se perfunctum munere suo.*

navales a M. Junio, Prætoris superioris anni, accipere iussus, & scribere ipse mille navales socios, duo millia peditum: cum iis navibus militibusque in Asiam proficisci, & classem a C. Livio accipere. Duas Hispanias Sardiniamque obtinentibus prorogatum in annum imperium est, & iidem exercitus decreti: Siciliae Sardiniaeque binæ eo anno decimæ frumenti imperatae. Siculum omne frumentum in Ætoliam ad exercitum portari iussum, ex Sardinia pars Romam, pars in Ætoliam, eodem quo Siculum.

CAPUT IV.

Predigia, & eorum expiatio.

PRIUSquam COSS. in provincias proficiscerentur, prodigia per pontifices procurari placuit. Romæ Junonis Lucinæ templum de cælo tactum erat, ita ut fastigium valvæque deformerentur. Puteolis pluribus locis murus, & porta fulmine icta, & duo homines exanimati. Nursiæ (1) sereno satis constabat nūbium ortum, ibi quoque duos liberos homines exanimatos. Terra apud se pluisset, Tusculani nuntiabant, & Reatini mulam in agro suo peperisse. Ea procurata, Latinæque instauratae, quod Laurentibus (2) carnis, quæ dari debet, data non fuerat. Supplicatio quoque earum religionum causa fuit. quibus diis decemviri ex libris ut fieret, ediderunt. decem ingenui, decem virgines, patrimi omnes matrimique ad id sacrificium adhibiti, & decemviri nocte (3) lactentibus rem divinam fecerunt. P. Cornelius Scipio Africanus, priusquam proficisceretur, fornicem in Capitolio adversus viam, qua in Capitolium ascenditur, cum signis.

(1) cælo. (2) nominativus est. v. Priscian. l. 6. 684. solebat autem Latii populis dividi victima Jovi Latiari mactata; ut dictum est alias.
(3) istæ hostiæ opponuntur majoribus.

signis septem auratis, duobus equis, & marmorea duo (1) labra ante fornicem posuit.

CAPUT V.

Ætolorum principes ab Acilio Romam missi in Latomias conjiciuntur: legati ab Ptolemæo, & Cleopatra regibus Ægypti veniunt gratulatum de pulso ex Græcia Antiocho.

PER eosdem dies principes Ætolorum tres & XL. inter quos Damocritus, & frater ejus erant, ab duabus cohortibus missis a Man. Acilio Romam deducti, & in * Latomias conjecti sunt. * al. latomias. cohortes inde ad exercitum redire L. Cornelius COS. jussit. Legati ab Ptolemæo & (2) Cleopatra, regibus Ægypti, gratulantes, quod Man. Acilius COS. Antiochum regem Græcia expulisset, venerunt, adhortantesque ut in Asiam exercitum trajicerent. omnia perculsa metu non in Asia modo, sed etiam in Syria esse: reges Ægypti ad ea quæ censuisset senatus, paratos fore. Gratiae regibus actæ, legatis munera dari jussa, in singulos quaternum millium æris.

CAPUT VI.

L. Cornelius COS. in Græciam provinciam abit: per eosdem dies contingit solis eclipsis: Æmilius Regillus, cui maritima provincia evenerat, proficiscitur.

4. **L** Cornelius COS., peractis quæ Romæ agenda erant, pro concione edixit, ut milites, quos

(1) vasa ad lavandum apta.

(2) at erat ea filia Antiochi. non est credibile eam de calamitate Patris gavisam esse. Ptolemæus itaque ex more usurpari jussit & nomen Reginae. eum autem in Ægypto fuisse morem, ut Regina in publicis Solemnibus, ac monumentis una cum maritis nominarentur, docet Spanh. diss. 7. de præst. & us. Numism.

quos ipse in supplementum scripsisset, quique in Bruttis cum A. Cornelio pro prætoribus essent, ut hi omnes Idibus Quintilibus Brundisium convenirent. item tres legatos nominavit, Sex. Digitum, L. Apustium, C. Fabricium Luscinum, qui ex ora maritima undique naves Brundisium contraherent. & omnibus jam paratis paludatus ab urbe est profectus. Ad V. millia voluntariorum ex Romanis sociisque, qui emerita stipendia sub imperatore P. Africano habebant, preesto fuere exeunti COS. & nomina dederunt. Per eos dies, quibus est profectus ad bellum COS. ludis Apollinaribus, ad quintum Idus Quintiles cælo sereno interdiu (1) obscurata lux est, cum luna sub orbem solis subisset. Et L. Æmilius Regillus, cui navalis provincia venerat, eodem tempore profectus est. L. Aurunculejo negotium ab senatu datum est, ut XXX. quinqueremes, viginti triremes faceret, quia fama erat, Antiochum post prælium navale majorem classem aliquanto reparare.

CAPUT VII.

Acilius, ut incautos Ætolos opprimat, Lamiam improviso aggreditur; qua capta Amphissam adortur: eam dum oppugnat, advenit successor L. Cornelius Scipio COS. qui Ætolorum legatione, deprecantibus pro illis Atheniensibus, audita, nec pace conveniente dat inducias, ut legatos Romam mittant: inde COS. per Macedoniam, & Thessaliam, callide prius Philippi regis animo, ac voluntate explorata, ad Hellepontum, transiturus in Asiam, pervenit.

ÆToli, posteaquam legati ab Roma retulerunt nullam spem pacis esse, quanquam omnis ora maritima eorum, quæ in Peloponnesum ver-

(1) defectus ille Solis ex calculo Dionysii Petavii, convenit anno Periodi Julianæ 4524. Cyclo Solis 16. Lunæ 2. Martii 14. Fera 2.

versa est, depopulata ab Achæis erat, periculi magis, quam danini, memores, ut Romanis intercluderent iter, Coracem montem occupaverunt. neque enim dubitabant, ad oppugnationem Naupacti eos principio veris redituros esse. Acilio, qui id exspectari sciebat, fatius visum est inopinatam aggredi rem, & Lamiam oppugnare. nam & a Philippo prope ad excidium adductos esse, & tunc eo ipso quod nihil tale timerent, opprimi incautos posse. Profectus ab Elatia primum in hostium terra circa Sperchium amnem posuit castra: inde nocte motis signis, prima luce corona mœnia est aggressus. Magnus pavor ac tumultus, ut in re improvisa, fuit. constantius tamen, quam quis facturos crederet in tam subito periculo, cum viri propugnarent, feminae tela omnis generis saxaque in muros gererent, multifariam scalis appositis, urbem eo die defenderunt. Acilius, signo receptui dato, suos in castra medio ferme die reduxit, & tunc cibo & quiete refectis corporibus, priusquam prætorium dimitteret, denunciavit, ut ante lucem armati paratique essent: nisi expugnata urbe, se eos in castra non reducturum. Eodem tempore quo pridie pluribus locis aggressus, cum oppidanos jam vires, jam tela, jam ante omnia animus deficeret, intra paucas horas urbem cepit. Ibi partim divendita, partim divisa præda, consilium habitum, quid deinde faceret. Nemi ad Naupactum iri placuit, occupato ad Coracem ab Ætolis saltu. ne tamen segnia æstiva essent, & Ætoli non impetratam pacem ab senatu nihilo minus per suam cunctationem (1) haberent, oppugnare Acilius Amphissam statuit. ab Heraclea per Oetam exercitus eo ductus. Cum ad mœnia castra posuisset, non corona, sicut Lamiam, sed operibus oppugnare urbem est adortus. Pluribus simul locis aries admovebatur: & cum quaterentur muri, nihil adversus tale machinationis genus parare aut comminisci oppidani

(1) pacem, quam non impetrarunt.

ni conabantur . omnis spes in armis & audacia erat . eruptionibus crebris & stationes hostium , & eos ipsos qui circa opera & machinas erant , turbabant . Multis tamen locis murus decussus 6. erat , cum allatum est , (1) successorem Apolloniæ exposito exercitu , per Epirum ac Thessaliam venire . Cum XIII. millibus peditum , & quingentis equitibus COS. veniebat . Jam in finem Maliacum venerat . & præmissis Hypatam , qui tradere urbem juberent , posteaquam responsum est , nihil nisi ex communi Ætolorum decreto facturos , ne teneret se oppugnatio Hypatæ , nondum Amphissa recepta , præmisso fratre Africano , Amphissam ducit . Sub adventum eorum , oppidani relicta urbe (jam enim magna ex parte nudata mœnibus erat) in arcem , quam inexpugnabilem habent , omnes armati atque inermes concessere . COS. sex millia ferme passuum inde posuit castra . eo legati Athenienses primum ad P. Scipionem prægressum agmen (sicut ante dictum est) deinde ad COS. venerunt , deprecantes pro Ætolis . Clementius responsum ab Africano tulerunt , qui causam relinquendi honeste Ætolici belli quærens , Asiam & regem Antiochum spectabat : jusserratque Athenienses non Romanis solum , ut pacem bello præferrent , sed etiam Ætolis persuadere . Celeriter auctoribus Atheniensibus frequens ab Hypata legatio Ætolorum venit . & spem pacis eis sermo etiam Africani , quem priorem adierunt , auxit , commemorantis multas gentes populosque in Hispania prius , deinde in Africa in fidem suam venisse , *in omnibus se majora clementiæ benignitatisque , quam virtutis bellicæ , monumenta reliquisse .* Perfecta videbatur res , cum aditus COS. idem illud responsum retulit , quo fugati ab senatu fuerant . Eo tanquam (2) novo cum icti Ætoli essent (nihil enim nec legatione Atheniensium , nec placido Africani responso profectum videbant)

(1) *In Cornelium Cos.*(2) *re nova , non expectata .*

7. bant) referre ad suos dixerunt velle. Reditum inde Hypatam est, nec consilium expediebatur. nam neque unde mille talentum daretur, erat: & permissio libero arbitrio, ne in corpora sua sæviretur, metuebant. redire itaque eosdem legatos ad COS. & Africanum iusserunt, & petere, ut, si dare vere pacem, non tantum ostendere, frustrantes spem miserorum, vellent, aut e summa pecuniæ demerent, aut permissionem extra civium corpora fieri juberent. Nihil impetratum ut mutaret COS.: & ea quoque irrita legatio dimissa est. Secuti & Athenienses sunt: & princeps legationis eorum Echedemus fatigatos tot repulsis Ætolos, & complorantes inutili lamentatione fortunam gentis, ad spem revocavit, auctor inducias sex mensium petendi, ut legatos Romam mittere possent. *dilationem nihil ad presentia mala, quæ ultima essent, adjecturam. levare per multos casus tempore interposito præsentis clades posse.* Auctore Echedemo iidem missi, prius P. Scipione convento, per eum inducias temporis ejus quod petebant, ab COS. impetraverunt. & soluta obsidione Amphissæ, Man. Acilius, tradito consuli exercitu, provincia decessit. & COS. ab Amphissa Thessaliam repetit, ut per Macedoniam Thraciamque duceret in Asiam. Tum Africanus fratri: *Iter quod insistis, L. Scipio, ego quoque approbo. sed totum id vertitur in voluntate Philippi. qui si imperio nostro fidus est, & iter, & commeatus, & omnia quæ in longo itinere exercitus alunt juvantque, nobis suppeditabit. si is destituat, nihil per Thraciam satis tutum habebis. itaque prius regis animum explorari placet: optime explorabitur, si nihil ex preparato agentem opprimit qui mittetur.* Tib. Sempronius Gracchus longe tum acerrimus juvenum ad id delectus, per dispositos equos prope incredibili celeritate ab Amphissa (inde enim est dimissus) die tertio Pellam pervenit. In convivio rex erat, & in multum vini processerat. ea ipsa remissio animi suspicionem dempsit novare eum quicquam velle. Et tum quidem comiter acceptus hospes. postero die commeatus exercitui

paratos benigne, pontes in fluminibus factos, vias, ubi transitus difficiles erant, munitas vidit. Hæc referens, eadem qua ierat celeritate Thaumacis occurrit consuli. Inde certiore & maiore spe lætus exercitus ad præparata omnia in Macedoniam pervenit. Venientes regio apparatu accepit & prosecutus est rex. Multa in eo & dexteritas & humanitas visa, quæ commendabilia apud Africanum erant, virum sicut ad cætera egregium, ita a comitate, quæ sine luxuria esset, non aversum. Inde non per Macedoniam modo, sed etiam Thraciam, prosequente & præparante omnia Philippo, ad Hellespontum perventum est.

CAPUT VIII.

Antiochus, ne ab Romanis, jam navali prælio victoribus, tota maris possessione pellatur, classem reparat: ad maritimas Eoliidis urbes continendas Seleucum filium in ea relinquit.

Antiochus post navalem ad Corycum pugnam, cum totam hiemem liberam in apparatus terrestres maritimosque habuisset, classi maxime reparandæ, ne tota maris possessione pelleretur, intentus fuerat. Succurrebat, superatum se, cum classis abfuisset Rhodiorum. quod si ea quoque (nec commissuros Rhodios, ut iterum morarentur) certamini adesset, magno sibi navium numero opus fore, ut viribus & magnitudine classem hostium æquaret. Itaque & Annibalem in Syriam miserat ad Phœnicum arcessendas naves: & Polyxenidam, quo minus prospere gesta res erat, eo enixius & eas quæ erant, reficere, & alias parare naves iussit. Ipse in Phrygia hibernavit. Undique auxilia arcessens, etiam in (1) Gallogræciam miserat. Bellicosiores ea tempestate erant, Gallicos adhuc nondum exoleta stirpe gentis, servantes animos.

Tom. IV.

D

Fi-

(1) Gallorum in Asiam transitum, post vastatam Græciam, Pausanias, Strabo, Justinus narrant.

Filium Seleucum in Æolide reliquerat cum exercitu ad maritimas continendas urbes, quas illinc a Pergamo Eumenes, hinc a Phocæa Erythrisque Romani sollicitabant.

C A P U T IX.

Romani cum Eumene rege, Thyatirenorum agrum populati ingentem prædam avertunt. Phocæa, trahente multitudine, ab Romanis ad Antiochum deficit. Rhodii classem, præfecto Pausistrato, ad Romanos mittunt.

9. **C**Lassis Romana, sicut ante dictum est, ad Canas hibernabat. eo media ferme hieme rex Eumenes cum duobus millibus peditum, equitibus centum venit. Is cum magnam prædam agi posse dixisset ex hostium agro, qui circa Thyatira esset, hortando perpulit Livium, ut quinque millia militum secum mitteret. missi ingentem prædam intra paucos dies averterunt. Inter hæc Phocææ seditio orta, quibusdam ad Antiochum multitudinis animos avocantibus. Gravia hiberna navium erant, grave tributum, quod togæ quingentæ imperatæ erant cum quingentis tunicis. gravis etiam inopia frumenti, propter quam naves quoque, & præsidium Romanum excessit. tum vero liberata metu factio erat, quæ plebem in concionibus ad Antiochum trahebat. senatus & optimates in Romana societate perstandum censebant, defectionis auctores plus apud multitudinem valuerunt. Rhodii, quo magis cessatum priore æstate erat, eo maturius æquinoctio verno eundem Pausistratum classis præfectum cum sex & triginta navibus miserunt.

CAPUT X.

Livius classe Hellespontum petens, Ilium ascendit: facto ibi Minervæ sacrificio, urbes finitimas recipit: inde pergens, Sesto, dedentibus suis, potitus, Abydum, quia colloquiis nihil proficit, parat oppugnare.

JAM Livius a Canis cum XXX. navibus, & VII. quadriremibus, quas secum Eumenes rex adduxerat, Hellespontum petebat, ut ad transitum exercitus, quem (1) terra venturum opinabatur, præpararet quæ opus essent. In portum, quem vocant (2) Achæorum, classem primum advertit, inde Ilium ascendit; sacrificioque Minervæ facto, legationes finitimas ab Eleunte & Dardano & Rhœteo, tradentes in fidem civitates suas, benigne audivit. inde ad Hellesponti fauces navigat: & decem navibus in statione contra Abydum relictis, cætera classe in Europam ad Seston oppugnandam trajecit. Jam subeuntibus armatis muros, fanatici Galli primum cum solenni habitu ante portam occurrunt. jussu se matris deum famulos deæ venire memorant ad precandum Romanum, ut parceret mœnibus, urbique. Nemo eorum violatus est. mox universus senatus cum magistratibus ad dedendam urbem processit. Inde Abydum trajecit classis. ubi cum, tentatis per colloquia animis, nihil pacati responderetur, ad oppugnationem sese expediebant.

D 2

CA-

(1) per Macedoniam, & Thraciam.

(2) quia ibi Græcorum Trojani potentium Classis stationem habuit.

Polyxenidas Antiochi præfectus, simulata regie classis proditione, Pausistratum Rhodiorum præfectum fraude circumvenit, & clade afficit.

10. **D**Um hæc in Hellesponto geruntur, Polyxenidas, regius præfectus (erat autem exul Rhodius) cum audisset profectam ab domo popularium suorum classem, & Pausistratum præfectum superbe quædam, & contemptim in se concionantem dixisse, præcipuo * certamine animi adversus eum sumpto, nihil aliud dies noctesque agitabat animo, quam ut verba magnifica ejus rebus confutaret. Mittit ad eum hominem & illi notum, qui diceret, & se Pausistrato patriæque suæ magno usui, si liceat, fore, & a Pausistrato se restitui in patriam posse. Cum quonam modo ea fieri possent, mirabundus Pausistratus percontaretur, fidem petenti dedit agendę communiter rei, aut silentio tegendæ. Tum internuntius aperit, regiam classem aut totam aut majorem ejus partem Polyxenidam traditurum ei. pretium tanti meriti nullum aliud pacisci, quam redditum in patriam. Magnitudo rei, nec ut crederet, nec ut aspernaretur dicta, effecit. Panormum Samiæ terræ petit, ibique ad explorandam rem, quæ oblata erat, subsistit. Ultro citroque nuntii cursare, nec fides ante Pausistrato facta est, quam coram nuntio ejus Polyxenidas sua manu scripsit, se ea, quæ pollicitus esset, facturum, signoque suo impressas tabellas misit. eo vero pignore velut auctoratum sibi proditorem ratus est. neque enim eum, qui sub rege viveret, commissurum fuisse, ut adversus semetipsum indicia manu sua testata daret. Inde ratio simulatæ proditionis composita. Omnium se rerum apparatus omisurum, Polyxenidas dicere: non remigem, non socios navales ad classem frequentes habiturum: subducturum per simulationem reficiendi quasdam naves, alias in propinquos portus dimisurum, pau-

cas ante portum Ephesi in salo habiturum : quas, si exire res cogeret, objecturus certamini foret. Quam negligentiam Polyxenidam in classe sua habiturum Pausistratus audivit, eam ipse exemplo habuit. partem navium ad comitatus arcessendos Halicarnassum, partem (1) Samum ad urbem misit, ut paratus esset, cum signum aggreendi a proditore accepisset. Polyxenidas augere simulando errorem : subducit quasdam naves, alias velut subducturus esset, navalia reficit. remiges ex hibernis non Ephesum arcessit, sed Magnesium occulte cogit. Forte quidam Antiochi miles, cum Samum rei privatæ causa venisset, pro speculatore comprehensus, deducitur Panormum ad præfectum. is percunctanti quid Ephesi ageretur, incertum metu, an erga suos haud sincera fide, omnia aperit, classem instructam paratamque in portu stare, remigium omne Magnesium ad Sipylum missum, perpaucas naves subductas esse, & navalia tegi, nunquam intentius rem navalem administratam esse. Hæc ne pro veris audirentur, animus errore & spe vana præoccupatus fecit. Polyxenidas satis omnibus comparatis, nocte remige a Magnesia arcessito, deductisque raptim, quæ subductæ erant, navibus, cum diem non tam in apparatu absumpsisset, quam quod conspici proficiscentem classem nolebat, post solis occasum profectus LXX. navibus tectis, vento adverso, ante lucem Pygela portum tenuit. ubi cum interdiu ob (2) eandem causam quievisset, nocte in proxima Samiæ terræ trajecit. Hinc Nicandro quodam archipirata cum quinque navibus tectis Palinurum jussu petere, atque inde armatos, qua proximum per agros iter esset, Panormum ad tergum hostium ducere, ipse interim classe divisa, ut ex utraque parte fauces portus teneret, Panormum petit. Pausistratus primo, ut in re nec opinata, turbatus parumper, deinde vetus miles celeriter

(1) id quoque nomen est urbi.
 (2) ne conspiceretur.

collecto animo, terra melius arceri, quam mari, hostes posse ratus, armatos duobus agminibus ad promontoria, quæ cornibus objectis ab alto portum faciunt, ducit: inde facile telis (1) anticipibus hostem summoturus. id inceptum ejus Nicander a terra visus cum turbasset, repente mutato consilio naves conscendere omnes jubet. Tum vero ingens pariter militum nautarumque trëpidatio orta, & veluti fuga in naves fieri, cum se mari terraque simul cernerent circumventos. Pausistratus unam viam salutis esse ratus, ^{* al. si} ^{* vim.} viam facere per fauces portus, atque erumpere in mare apertum posset: posteaquam conscendisse suos vidit, sequi cæteris jussis, ipse princeps concitata nave remis ad ostium portus tendit. Superantem jam fauces navem ejus Polyxenidas tribus quinquereimis circumfistit. Navis rostris ista supprimitur, telis obruuntur propugnatores, inter quos & Pausistratus impigre pugnans interficitur. Navium reliquarum ante portum aliæ, aliæ in portu deprehensæ, quædam a Nicandro, dum (2) moliuntur a terra, captæ. Quinque tantum Rhodiæ naves cum duabus Cois effugerunt, terrore flammæ micantis, via sibi inter confertas naves facta. contis enim binis a prora prominentibus, trullis ferreis multum conceptum ignem præ se portabant. Erythrææ triremes, cum haud procul a Samo Rhodiis navibus, quibus ut essent præsidio, veniebant, obviæ fugientibus fuissent, in Hellepontum ad (3) Romanos cursum averterunt. Sub idem tempus Seleucus proditam Phocæam porta una per custodes aperta recepit: & Cyma aliæque ejusdem oræ urbes ad eum metu defecerunt.

CA-

- (1) quia ab utroque cornu, sive parte jactis.
 (2) dum conantur littus relinquere.
 (3) ad classem Livii.

CAPUT XXII.

Livius, allato nuntio cladis Rhodiorum, occursum Polyxenidæ conatibus, Abydi oppugnationem omittit: Phocæam petens, maritimam oram populatur: Rhodii quoque audita cum dolore clade suorum, aliam classem, præfecto Eudamo, mittunt.

DUm hæc in Æolide geruntur, Abydus cum ^{12.} per aliquot dies obsidionem tolerasset, præsidio regio tutante mœnia, jam omnibus fessis, Philota quoque præfecto præsidii permittente, magistratus eorum cum Livio de conditionibus tradendæ urbis agebant. rem distinebat, quod utrum armati, an inermes emitterentur regii, parum conveniebat. Hæc agentibus cum intervenisset nuntius Rhodiorum cladis, emissæ de manibus res est. metuens enim Livius, ne successu tantæ rei elatus Polyxenidas, classem quæ ad Canas erat, opprimeret, Abydi obsidione, custodiaque Hellepontii extemplo relicta, naves, quæ subductæ Canis erant, deduxit. Et Eumenes Elæam venit. Livius omni classe, cui adjunxerat triremes duas Mitylenæas, Phocæam petit. quam cum teneri valido regio præsidio audisset, nec procul Seleuci castra esse; depopulatus maritimam oram, & præda maxime hominum raptim in naves imposita, tantum moratus, dum Eumenes cum classe assequeretur, Samum petere intendit. Rhodiis primo audita clades simul pavorem, simul luctum ingentem fecit. nam præter navium militumque jacturam, quod floris, quod roboris in juventute fuerat, amiserant, multis nobilibus secutis inter cætera auctoritatem Pausistrati, quæ inter suos merito maxima erat. deinde quod fraude capti, quod a (1) cive potissimum suo forent, in iram luctus vertit. Decem extemplo naves, & diebus post paucis decem alias præfecto omnium Eudamo miserunt, quem aliis virtutibus

D 4

bus

(1) Polyxenidas enim Rhodius erat.

bus bellicis haudquaquam Pausistrato parem, cautiorem, quo minus animi erat, ducem futurum credebant.

CAPUT XIII.

Polyxenidas cum frustra ad Æthalian insulam, ut Romanorum, & Eumenis classem opprimeret, stettisset, Ephesum redit: eodem cum ab Samo profectæ essent Romanæ naves, Rhodiis adjunctis; milites egressi in terram prædatum, ad mare, eruptione ex urbe ab hostibus facta, rediguntur: paulo post, fugientibus certamen hostibus, Romana classis Samum repetit.

13. **R**omani & Eumenes rex in Erythræam primum classem applicuerunt. ibi noctem unam morati, postero die Corycum Tejorum promontorium tenuerunt. inde cum in proxima Samiæ vellent trajicere, non expectato solis ortu, ex quo statum cœli notare gubernatores possent, in incertam tempestatem miserunt. medio in cursu aquilone in septentrionem verso, exasperato fluctibus mari jactari cœperunt. Polyxenidas Samum petituros ratus hostes, ut se Rhodiæ classi conjungerent, ab Epheso profectus primo ad Myonnesum stetit, inde ad Macrin (quam vocant) insulam trajecit: ut prætervehientis classis si quas aberrantes ex agmine naves posset, aut postremum agmen opportune adoriretur. Posteaquam sparsam tempestate classem vidit, occasionem primo aggrediendi ratus, paulo post increbescente vento, & majores jam volvente fluctus, quia pervenire se ad eos videbat non posse, ad Æthalian insulam trajecit, ut inde postero die Samum ex alto petentes naves aggrederetur. Romani pars exigua, primis tenebris portum (1.) Samiæ desertum tenuerunt, classis cætera noctem totam in alto jactata in eundem portum decurrit. Ibi ex agrestibus cognito hostium naves ad Æthalian stare, con-

(1) intellige; terræ.

consilium habitum, utrum extemplo decernerent, an Rhodiam exspectarent classem. dilata re (ita enim placuit) Corycum, unde venerant, trajecerunt. Polyxenidas quoque cum frustra stetisset, Ephesum rediit. Tum Romanæ naves, vacuo ab hostibus mari, Samum trajecerunt. Eodem & Rhodia classis post dies paucos venit. Quam ut exspectatam esse appareret, profecti extemplo sunt Ephesum, ut aut decernerent navali certamine, aut, si detrectaret hostis pugnam, quod plurimum intererat ad animos civitatum, timoris confessionem exprimerent. Contra fauces portus instructa in frontem navium acie sterere. posteaquam nemo adversus ibat, classe divisa, pars in salo ad hostium portus in anchoris stetit, pars in terram milites exposuit. In eos jam ingentem prædam late depopulato agro agentes, Andronicus Macedo, qui in præsidio Ephesi erat, jam mœnibus appropinquantibus, eruptionem fecit, exutisque magna parte prædæ, ad mare ac naves redegit. Postero die insidiis medio ferme viæ positis ad eliciendum extra mœnia Macedonem, Romani ad urbem agmine iere. inde, cum ea ipsa (1) suspicio, ne quis exiret, deterruisset, redierunt ad naves, & terra marique fugientibus certamen hostibus, Samum, unde venerat, classis repetit. inde duas sociorum ex Italia, duas Rhodias triremes cum præfecto Epicrate Rhodiorum ad fretum Cephallenæ tuendum Prætor misit. Infestum id latrocinio Lacedæmonius Hybristas cum juventute Cephalenum faciebat, clausumque jam mare commeatibus Italicis erat.

L. Æmilius Regillus Prætor Samum veniens classem a C. Livio accipit: cum ibi de bello consultaretur, non probata sententia Livii consentis petendam Ephesum, claudendumque, demersis navibus, portum hostibus; mittitur, suadente Epicrate Rhodio, in Lyciam Livius: is frustra tentatis Pataris, Phœnicunta petit: commisso cum oppidanis ancipiti certamine, victoria haud incruentæ abscedit.

14. **P**iræei L. Æmilio Regillo succedenti ad navale imperium Epicrates occurrit. qui, audita clade Rhodiorum, cum ipse duas tantum quinqueremes haberet, Epicratem cum quatuor navibus in Asiam secum reduxit. persecutæ etiam apertæ Atheniensium naves sunt. Ægeο mari trajecit. Eodem Timasicles Rhodius cum duabus quadriremibus ab Samo nocte intempesta venit, deductusque ad Æmiliū, præsidii causa se misit, ait, quod eam oram maris infestam onerariis regiæ naves excursionibus crebris ab Hellesponto atque Abydo facerent. Trajicienti Æmilio a Chio Samum duæ Rhodiæ quadriremes missæ obviam ab Livio, & rex Eumenes cum duabus quinqueremibus occurrit. Samum posteaquam ventum est, accepta ab Livio classe, & sacrificio, ut assolet, rite factō, Æmilius concilium advocavit. Ibi C. Livius (is enim est primus rogatus sententiam) neminem fidelius dare posse consilium dixit, quam eum, qui id alteri suaderet, quod ipse, si in eodem loco esset, facturū fuerit. Se in animo habuisse, tota classe Ephesum petere, & onerarias ducere multa saburra gravatas, atque eas in faucibus portus suppressere. & eo minoris molimenti ea claustra esse, quod in fluminis modum, longum & angustum & vadosum ostium portus sit. ita adempturum se maris usum hostibus
15. fuisse, inutilemque classem facturum. Nulli ea placere sententia. Eumenes rex quæsit, quid tandem,

dam, ubi demersis navibus frenassent claustra maris? utrum libera sua classe abscessuri inde forent ad opem ferendam sociis, terroremque hostibus præbendum, an nihilo minus tota classe portum obsessuri? si enim abscedant, cui dubium esse, quin hostes extracturi demersas moles sint? & minore molimento aperturi portum, quam obstruatur? sin autem manendum nihilo minus sit, quid attinere claudi portum? Quin contra illos tutissimo portu, opulentissima urbe fruenter, omnia Asia præbente, quiesca æstiva acturos: Romanos aperto in mari fluctibus tempestatibusque objectos, omnium inopes in assidua statione futuros, ipsos magis alligatos impeditosque, ne quid eorum quæ agenda sint, possint agere, quam ut hostes clausos habeant. Eudamus, præfectus Rhodiæ classis, magis eam sibi displicere sententiam ostendit, quam ipse quid censeret, faciendum dixit. Epicrates Rhodius, ommissa in præsentia Epheso, mittendam navium partem in Lyciam censuit, & Patara caput gentis in societatem adiungendam. in duas res magnas id usui fore, & Rhodios pacatis contra insulam suam terris, totis viribus incumbere in unius belli, quod adversus Antiochum sit, curam posse: & eam classem, quæ in Lycia compararetur, intercludi, ne Polyxenidæ conjungatur. Hæc maxime movit sententia: placuit tamen Regillum tota classe evehi ad portum Ephesi ad inferendum hostibus terrorem. C. Livius 16. cum duabus quinquereimis Romanis, & quatuor quadriremibus Rhodiis, & duabus apertis Smyrnæis in Lyciam est missus. Rhodum prius jussus adire, & omnia cum iis communicare consilia. Civitates, quas prætervectus est, Miletus, Myndus, Halicarnassus, Cnidus, Cous, imperata enixe fecerunt. Rhodum ut est ventum, simul & ad quam rem missus esset, iis exposuit, & consuluit eos. Approbantibus cunctis, & ad eam, quam habebat classem, assumptis tribus quadriremibus, navigat Patara. Primo secundus ventus ad ipsam urbem ferebat eos, sperabantque subito terrore aliquid moturos. posteaquam circumagente se vento, fluctibus dubiis volvi

coeptum est mare, pervicerunt quidem remis, ut tenerent terram: sed neque circa urbem tuta statio erat, nec ante hostium portus in salvo stare poterant, aspero mari, & nocte imminente. prætervecti moenia, portum Phoenicuntæ minus duum millium spatio inde distantem petiere, navibus a maritima vi tutum. sed altæ rupes insuper imminebant. quas celeriter oppidani, assumptis regiis militibus, quos in præsidio habebant, ceperunt. adversus quos Livius, quanquam erant iniqua ac difficilia ad exitus loca, Issæos auxiliares, & Smyrnæorum expeditos juvenes misit. Ii, dum missilibus primo, & adversus paucos levibus excursionibus, lacebatur magis quam conferebatur pugna, sustinuerunt certamen. posteaquam plures ab urbe affuebant, & jam omnis multitudo effundebatur, timor incessit Livium, ne & auxiliares circumvenirentur, & navibus etiam ab terra periculum esset. ita non milites solum, sed etiam navales socios, remigum turbam, quibus quisque poterat telis, armatos in prælium eduxit. Tum quoque anceps pugna fuit: neque milites solum aliquot, sed L. Apustius tumultuario prælio cecidit. postremo tamen fusi fugatique sunt Lycii, atque in urbem compulsi: & Romani cum haud incruenta victoria ad naves redierunt. inde in Telmessicum profecti sinum, qui latere uno Cariani, altero Lyciam contingit, omissa Patara amplius tentandi spe, Rhodii domum dimissi sunt. Livius prætervectus Asiam, in Græciam transmisit, ut conventis Scipionibus, qui tum circa Thessaliam erant, in Italiam trajiceret.

CAPUT XV.

*Æmilius petiturus Patara frustra & Livio tentata, ad Jasum excensione facta, urbem oppugnare aggre-
ditur: calamitatem deprecantibus iis, qui pro-
pter fidem in Romanos ibi regis præsidio obside-
bantur, oppugnationem omittit: inde progressus,
cum sensisset non esse tutum Epheso abscedi, Sa-
mum revertitur.*

Æ Milius posteaquam omissas in Lycia res, 17-
& Livium profectum in Italiam cognovit,
cum ipse ab Epheso repulsus tempestate irritò
incepto Samum revertisset, turpe ratus tentata
frustra Patara esse, proficisci eo tota classe, &
summa vi aggredi urbem statuit. Miletum &
cæteram oram sociorum prætervecti, in (1) Bar-
gylitico sinu excensionem ad Jasum fecerunt.
Urbem regium tenebat præsidium. agrum circa Ro-
mani hostiliter depopulati sunt. Missis deinde
qui per colloquia principum & magistratuum ten-
tarent animos, posteaquam nihil in potestate sua
responderunt esse, ad urbem oppugnandam du-
cit. Erant Jasensium exules cum Romanis. ii
frequentes Rhodios orare instituerunt, ne urbem
& vicinam sibi & (2) cognatam, innoxiam perire
sinerent. sibi exilii nullam aliam causam esse, quam
fidem erga Romanos. eadem vi regionum, qua ipsi
pulsæ sint, teneri eos qui in urbe maneat. omnium
Jasensium unam mentem esse, ut servitutem regionis
effugere vellent. Rhodii moti precibus, Eumene
etiam rege assumpto, simul suas necessitudines
commemorando, simul obfessæ regio præsidio ur-
bis casum miserando, pervicerunt ut oppugna-
tione abstineretur. Profecti inde pacatis cæte-
ris cum oram Asiæ legerent, Loryma. (portus
adversus Rhodum est) pervenerunt. Ibi in
(1)

(1) alii: Bargylitico.

(2) orti enim ab Atheniensibus & Rhodiis, & Ja-
sensibus, ut & reliqui Iones.

(1) principiis sermo primo inter tribunos militum secretus oritur, deinde ad aures ipsius Æmilii pervenit, abduci classem ab Epheso, ab suo bello, ut ab tergo liber relictus hostis in tot propinquas sociorum urbes omnia impune conari posset. Movere ea Æmilium; vocatosque Rhodios cum percunctatus esset, posset ne Patariis universa classis in portu stare? cum respondissent non posse, causam nactus omittendæ rei, Samum reduxit naves.

CAPUT XVI.

Seleucus Antiochi filius ab Æolide profectus, Pergamum oppugnatum pergit: domestico bello avocatus Eumenes rex, eo ab Samo contendit: paulo post classes quoque Romana, atque Rhodia, regi latuæ auxilium, Elæam veniunt: harum adventu, & fama festinantis ex Macedonia Romani cos. motus Antiochus agit cum Æmilio de pace, quam non impetrat.

18. **P**ER idem tempus Seleucus Antiochi filius cum per omne hibernorum tempus exercitum in Æolide continuisset, partim sociis ferendo opem, partim quos in societatem pellicere non poterat, depopulandis: transire in fines regni Eumenis, dum is procul a domo cum Romanis & Rhodiis Lyciæ maritima oppugnaret, statuit. Ad Elæam primo infestis signis accessit: inde omissa oppugnatione urbis, agros hostiliter depopulatus, ad caput arcemque regni Pergamum ducit oppugnandam. (2) Attalus primo stationibus ante urbem positis, & excursionibus equitum levisque armaturæ magis laceſſebat, quam sustinebat hostem. postremo, cum per levia certamina expertus, nulla parte virium se parem esse, intra mœnia se recepisset, obsideri urbs cœpta

(1) ea loca erant, in quibus principes (secundus militum ordo) versabantur.

(2) Eumenis frater.

pta est. Eodem ferme tempore & Antiochus ab Apamea profectus, Sardibus primum, deinde haud procul Seleuci castris ad caput Caici amnis stativa habuit, cum magno exercitu misto variis ex gentibus. plurimum terroris in (1) Gallorum mercede conductis quatuor millibus erat. hos, paucis admittis, ad pervastandum passim Pergamenum agrum misit. Quæ posteaquam Samum sunt nuntiata, primo Eumenes avocatus domestico bellæ cum classe Elæani petit: inde cum præsto fuissent equites, peditumque expediti: præsidio eorum tutus, priusquam hostes sentirent aut moverentur, Pergamum contendit. ibi rursus levia per excursiones prælia fieri cœpta, Eumene summæ rei discrimen haud dubie detrectante. Paucos post dies Romana Rhodiaque classis, ut Regi opem ferrent, Elæam ab Samo venerunt. Quos ubi exposuisse copias Elææ, & tot classes in unum convenisse portum, Antiocho alatum est: & sub idem tempus audivit, consulem cum exercitu jam in Macedonia esse, parique quæ ad transitum Hellesponti essent: tempus venisse ratus, prius, quam terra marique simul urgeretur, agendi de pace, tumultum quendam adversus Elæam castris cepit. ibi peditum omnibus copiis relictis, cum equitatu (erant autem sex millia equitum) in campos sub ipsa Elææ mœnia descendit, misso caduceatore ad Æmiliū, velle se de pace agere. Æmilius Eumene a Pergamo accito, adhibitis & Rhodiis, consilium habuit. Rhodii haud aspernari pacem. Eumenes *nec honestum esse dicere eo tempore de pace agi: nec exitum rei imponi posse. Qui enim, inquit, aut honeste inclusi mœnibus & obsessi velut leges pacis accipiemus? aut cui rata ista pax erit, quam sine consule non ex auctoritate senatus, * non* ^{al.} *injustu populi Romani peregerimus? Quæro enim, pascu.* *ce per te facta, rediturusne extemplo in Italiam sis? classē exercitumque deducturus? an expectaturus, quid de ea re consuli placeat? quid senatus censcat?*
aut

(1) e Gallogræcia.

aut populus jubeat? Restat ergo, ut maneat in Asia, & rursus in hiberna copiæ reductæ, omisso bello, exhauriant commeatibus præbendis socios: deinde, si ita visum sit iis, penes quos potestas fuerit, instauremus novum de integro bellum: quod possumus, si ex hoc impetu rerum nihil prolatando remittitur, ante hiemem diis volentibus perfecisse. Hæc sententia vicit responsumque Antiocho est, ante consulis adventum de pace agi non posse.

CAPUT XVII.

Antiochus, non impetrata ab Æmilio pace, agrum circa Elæam, Pergamum, & Adramytteum populatur: per eosdem dies venientes ex Achæia milites, deductique, duce Diophane, Pergamum præsidium, cogunt, strenue factis ab urbe eruptionibus, Seleucum Antiochi filium ex agro Pergameno castra movere.

Antiochus, pace nequicquam tentata, vastatis Elæensium primum, deinde Pergameno-
* al. Adramyt-
tium. rum agris, relicto ibi Seleuco filio, * Adramyt-
20. teum hostiliter itinere facto petit: agrum opulentum, quem vocant Thebes campum carmine Homeri (1) nobilitatum. neque alio ullo loco Asiæ major regiis militibus parta est præda. Eodem, ut urbi præsidio essent, navibus circumvecti Æmilii, & Eumenes venerunt. Per eosdem forte dies Elæam ex Achæia mille pedites cum centum equitibus, Diophane omnibus his copiis præposito, accesserunt. quos egressos navibus obviam missi ab Attalo nocte Pergamum deduxerunt. veterani omnes & periti belli erant, & ipse dux Philopoemenis, summi tum omnium Græ-

(1) *hujus campi apud Homerum nulla mentio est, neque esse potuit; nam si Straboni l. 13. credimus, post Trajana tempora hic campus ita cognominatus est. ideo alii legunt nobilitatæ, scil. Thebes. hujus enim mentio Iliad. 1. v. 366. & 2. vers. 691. & alibi.*

Græcorum imperatoris, discipulus. qui biduum simul ad quietem hominum equorumque, & ad visendas hostium stationes, quibus locis temporibusque accederent reciperentque sese, sumpserunt. Ad radices fere collis, in quo posita est urbs, regii succedebant: ita libera ab tergo populatio erat, nullo ab urbe, ne in stationes quidem qui procul jacularetur, excurrente. postquam semel compulsi metu se mœnibus incluserunt, contemptus eorum, & inde negligentia apud regios oritur. non stratos, non (1) infrenatos magna pars habebant equos: paucis ad arma & ordines relictis, dilapsi cæteri sparserant se toto passim campo: pars in juveniles lusus lasciviamque versi, pars vefcentes sub umbra, quidam somno etiam strati. Hæc Diophanes ex alta urbe Pergamo contemplatus, arma suos capere, & ad portam præsto esse jubet: ipse Attalum adiit, & in animo sibi esse dixit hostium stationem tentare. Ægre id permittente Attalo, quippe qui centum equitibus adversus trecentos, mille peditibus cum quatuor millibus pugnaturum cerneret: porta egressus, haud procul statione hostium occasionem opperiens confedit. Et qui Pergami erant, amentiam magis, quam audaciam, credere esse: & hostes paulisper in eos versi, ut nihil moveri viderunt, nec ipsi quicquam ex solita negligentia, insuper etiam eludentes paucitatem, mutarunt. Diophanes quietos aliquandiu suos, velut ad spectaculum modo eductos, continuit: posteaquam dilapsos ab ordinibus hostes vidit, peditibus, quantum accelerare possent, sequi iussis, ipse princeps inter equites cum turma sua, quantum potuit, effusissimis habenis, clamore ab omni simul pedite atque equite sublato, stationem hostium improvise invadit. Non homines solum, sed equi etiam territi, cum vincula abruptissent, trepidationem, & tumultum inter suos fecerunt. pauci stabant impavidi equi: eos ipsos non sternere, non infrenare aut conscendere facile

(1) *idem ac frenatos.*

cile poterant: multo maiorem, quam pro numero equitum, terrorem Achæis inferentibus. pedites vero ordinati & præparati sparsos per negligentiam, & semisomnes prope adorti sunt. cædes passim fugaque per campos facta est. Diophanes secutus effusus, quoad tutum fuit, magno Achæorum genti decore parto (spectaverant enim e moenibus Pergami non viri modo, sed
21. foeminæ etiam) in præsidium urbis rediit. Postero die regiæ magis compositæ & ordinatæ stationes: quingentis passibus longius ab urbe posuerunt castra: & Achæi eorum ferme tempore atque in eundem locum processerunt. Per multas horas intenti utrinque velut jam futurum impetum exspectare: posteaquam haud procul oecasu solis redeundi in castra tempus erat, regii signis collatis abire agmine ad iter magis, quam ad pugnam composito coepere. Quievit Diophanes, dum in conspectu erant, deinde eodem quo pridie impetu in postremum agmen incurrit: tantumque rursus pavoris ac tumultus incussit, ut cum terga cæderentur, nemo pugnandi causa restiterit: trepidantesque, & vix ordinem agminis servantes in castra compulsi sunt. Hæc Achæorum audacia Seleucum ex agro Pergameno movere castra coegit.

C A P U T XVIII.

Antiochus Adramyttei populatus agrum, alias urbes expugnat: Romani, & Eumenes rex cum Rhodia classe Phocæam transmittentes, oppugnationem, quia operis difficilis, omittunt: dimisso domum Eumene, Romana, & Rhodia classis Samum revertitur: inde Rhodii profecturi adversus Antiochi classem ex Syria venientem, Rhodum veniunt.

ANtiochus posteaquam Romanos & Eumenem ad tuendum Adramytteum venisse audivit, ea quidem urbe abstinuit, depopulatus agros. Peræam inde coloniam Mitylenæorum expugnavit. Cotton, & Corylenus, & Aphrodisias, & Crenæ.

ne primo impetu captæ sunt. inde per Thyatira Sardes rediit. Seleucus in maritima ora permanens, aliis terrori, aliis præsidio erat. Classis Romana cum Eumene Rhodiisque Mitylenen primo, inde retro, unde profecta erat, Elæam rediit. Inde Phocæam petentes, ad insulam quam Bacchium vocant, (imminet urbi Phocæensium) appulerunt, & quibus ante abstinuerant templis signisque, (egregie autem exornata insula erat) cum hostiliter diripuissent, ad ipsam urbem transmiserunt. eam divisis inter se partibus cum oppugnarent, & viderent sine operibus, armis, scalisque capi non posse: missum ab Antiocho præsidium millium armatorum cum intrasset urbem: extemplo oppugnatione omissa, classis ad insulam se recepit: nihil aliud, quam depopulato circa urbem hostium agro. Inde placuit Eumenem donum dimitti, & præparare consuli atque exercitui quæ ad transitum Hellesponti opus essent. Romanam Rhodiamque classem redire Samum: atque ibi in statione esse, ne Polyxenidas ab Epheso moveret. Rex Elæam, Romani & Rhodii Samum redierunt. Ibi M. Æmilius frater prætoris decessit. Rhodii, celebratis exequiis, adversus classem, quam fama erat ex Syria venire, XIII. suis navibus, & una Coa quinqueremi, altera Cnidia, Rhodum, ut ibi in statione essent, profecti sunt.

CAPUT XIX.

Clara Rhodiorum pugna adversus Antiochi classem ex Syria, ducibus Annibale, & Apollonio, venientem, prospere in mari Pamphylio commissæ.

BIduo ante quam Eudamus cum classe a Samo veniret, XIII. a Rhodo naves cum Pamphilida præfecto adversus eandem Syriacam classem missæ, assumptis navibus quatuor, quæ Carie præsidio erant, oppugnantibus regiis Dædala, & quædam alia parva castella obsidione exemerunt. Eudamum confestim exire placuit: additæ

ditæ huic quoque sunt ad eam classem, quam habebat, sex apertæ naves. Profectus cum, quantum accelerare poterat, maturasset: ad portum quem (1) Megisten vocant, prægressos consequitur, inde uno agmine (2) Phaselidem cum venissent, optimum visum est ibi hostem opperiri. In confinio Lyciæ, & Pamphyliæ Phaselis est, prominet penitus in altum, conspiciturque prima terrarum Rhodum a Cicilia petentibus, & procul navium præbet prospectum: eo maxime * ut in obvio classi hostium essent, electus est. Cæterum quod non providerunt, & loco gravi, & tempore anni, (medium enim æstatis erat) ad hoc insolito odore, ingruere morbi vulgo, maxime in remiges, cœperunt, cujus pestilentia metu profecti cum præterveherentur Pamphylium sinum, ad Eurymedontem amnem, appulsa classe, audiunt ab Aspendiis ad Sidam jam hostes esse. Tardius navigaverant regii adverso tempore Etesiarum, quod velut statum Favoniis ventis esset. Rhodiorum duæ & triginta quadriremes, quatuor triremes fuere. Regia classis VII. & XXX. majoris formæ navium erat, in quibus tres hepteres & quatuor hexeres habebat, præter has decem triremes erant. & ii. adesse hostes ex specula quadam cognovere. Utraque classis postero die luce prima, tanquam eo die pugnatura, e portu movit: & posteaquam, superavere Rhodii promontorium quod ab Sida prominet in altum, extemplo & conspecti ab hostibus sunt, & ipsi eos viderunt. * Ab regio sinistro cornu, quod ab (3) alto objectum erat, Annibal: dextero Apollonius (4) purpuratorum unus præerat. & jam in frontem directas habebant naves. Rhodii longo agmine veniebant.

pri-

* al.
uti
obvii.

* al.
ab
Re-
giiis.

(1) in ora Lyciæ insula parva per antiphrasim Megiste appellata. *μεγιστή* enim maxima.

(2) ea postea piratarum sedes. inde phaselus, navigii genus.

(3) ergo dextrum a parte littoris.

(4) familiarium Regis.

prima prætoria navis Eudami erat: (1) coge-
 bat agmen Chariclitus: Pamphilidas mediæ classi
 præerat. Eudamus, posteaquam hostium aciem
 instructam & paratam ad concurrendum vidit,
 & ipse in altum evehitur, & deinceps quæ se-
 quebantur, servantes ordinem in frontem diri-
 gere jubet. Ea res primo tumultum præbuit.
 nam nec sic in altum evectus erat, ut ordo o-
 mnium navium ad terram explicari posset: & fe-
 stinans ipse præpropere cum quinque solis navi-
 bus Annibali occurrit: cæteri, quia in frontem
 dirigere iussi erant, non sequebantur. extremo
 agmini loci nihil ad terram relictum erat: trepi-
 dantibusque iis inter se, jam in dextro cornu
 adversus Annibalem pugnabatur. Sed momento ²⁴
 temporis & (2) navium virtus & usus rei ma-
 ritimæ terrorem omnem Rhodiis dempsit. nam
 & in altum celeriter evectæ naves locum post se
 quæque venienti ad terram dedere, & si qua con-
 currerat rostro cum hostium navi, aut proram
 lacerabat, aut remos detergebat, aut libero in-
 ter ordines discursu prætervecta, in puppim im-
 petum dabat. Maxime exterruit hepteteris regia
 a multo minore Rhodia nave uno ictu demersa.
 itaque jam haud dubie dexterum cornu hostium
 in fugam inclinabat. Eudamum in alto multitu-
 dine navium maxime Annibal, cæteris omnibus
 longe præstantem, urgebat: & circumvenisset,
 ni, signo sublato ex prætoria nave, quo disper-
 sam classem in unum colligi mos erat, omnes,
 quæ in dextro cornu vicerant naves, ad opem
 ferendam suis concurrissent. tum & Annibal,
 quæque circa eum erant naves, capeffunt fugam:
 nec insequi Rhodii, ex magna parte ægris, & ob
 id celerius fessis remigibus, potuerunt. Cum in
 alto, ubi substiterant, cibo reficerent vires, con-
 temptus Eudamus hostes claudas mutilatasque
 naves apertis navibus remulco trahentes, XX.
 paulo amplius integras abscedentes, e turri præ-
 toriæ navis silentio facto, *Exsurgite*, inquit, &
 egre-

(1) claudabat. (2) alii navalium.

egregium spectaculum capeffite oculis. Confurrexere omnes, contemplatique trepidationem fugamque hostium, prope una voce exclamavere omnes, ut sequerentur. Ipsi Eudami multis ictibus vulnerata navis erat. Pamphilidam & Chariclitum insequi, quoad putarent tutum, iussit. Aliquandiu secuti sunt: posteaquam terræ appropinquabat Annibal, veriti ne includerentur vento in hostium ora, ad Eudamum reverts, heptem captam, quæ primo concursu icta erat, ægre Phaselidem pertraxerunt. inde Rhodum non tam victoria læti, quam alius alium accusantes, quod, cum potuisset, non omnis submersa aut capta classis hostium foret, redierunt. Annibal ictus uno prælio adverso, ne tum quidem prætervehi Lyciam audebat, cum conjungi veteri regiæ classi quamprimum cuperet. Et id ne ei facere liberum esset, Rhodii Chariclitum cum XX. navibus rostratis ad Patara & Megisten portum miserunt. Eudamum cum VII. navibus maximis ex ea classe, cui præfuerat, Samum redire ad Romanos iusserunt, ut, quantum consilio, quantum auctoritate valeret, compelleret Romanos ad Patara
 25. oppugnanda. Magnam lætitiâ Romanis jam prius nuntius victoriæ, deinde adventus attulit Rhodiorum. & apparebat, si ea cura Rhodiis dempta esset, vacuos eos tuta ejus regionis maria præstituros. sed profecto Antiocho ab Sardibus, ne opprimerentur urbes maritimæ, abscedere custodia Joniæ atque Æolidis prohibuerunt. Pamphilidam cum quatuor navibus tetis ad eam classem, quæ circa Patara erat, miserunt.

CAPUT XX.

Antiochus in societatem tentat pertrahere Prusiam Bithyniæ regem: hujus animus a Scipionibus, & a C. Livio legato, ab Roma misso, confirmatur.

Antiochus non civitatum modo, quæ circa se erant, contrahebat præsidia, sed ad Prusiam Bi-

Bithyniæ regem miserat legatos literasque, quibus transitum in Asiam Romanorum increpabat. *Venire eos ad omnia regna tollenda, ut nullum usquam orbis terrarum, nisi Romanum imperium esset. Philippum & Nabin expugnatos, se tertium peti. ut quisque proximus ab oppresso sit, per omnes velut continens incendium pervasurum. ab se gradum in Bithyniam fore, quando (1) Eumenes in voluntariam servitutem concessisset.* His motum Prusiam literæ Scipionis consulis, sed magis ejus fratris Africani, a suspicione tali averterunt. qui præter consuetudinem perpetuam populi Romani, augendi omni honore regum sociorum majestatem, domesticis ipse exemplis Prusiam ad promerendam amicitiam suam compulit. *Regulos se acceptos in fidem in Hispania reges reliquisse: Massanissam non in patrio modo locasse regno, sed in Syphacis, a quo ante expulsus fuisset, regnum imposuisse: & esse eum non Africæ modo regum longe opulentissimum, sed toto in orbe terrarum cuiusvis regum vel majestate vel viribus parem. Philippum & Nabin hostes & bello superatos ab T. Quintio, tamen in regno relictos. Philippo quidem anno priore etiam stipendium remissum, & filium obsidem redditum: & quasdam civitates extra Macedoniam, patientibus Romanis imperatoribus, recepisse eum. In eadem dignitate & Nabin futurum fuisse, nisi eum suus primo furor, deinde fraus Ætolorum absumpsisset.* Maxime confirmatus est animus regis, posteaquam ad eum C. Livius, qui prætor ante classi præfuerat, legatus ab Roma venit, & edocuit, quanto & spes victoriæ certior Romanis, quam Antiocho, & amicitia sanctior firmiorque apud Romanos futura esset.

CA-

(1) qui medius erat inter Antiochum, & Prusiam.

CAPUT XXI.

Colophonem oppugnante Antiocho, Romani cum Rhodiis, ut sociæ urbi auxilium ferant, ab Samo proficiscuntur: ex medio cursu Teum ad occupandos commeatus classi regis ibi paratos avertuntur: interim cum piraticæ naves apparuissent, illas ad Myonesum promontorium persequuntur: eodem cum classe regia advenientem Polyxenidam Antiochi præfectum, commisso navali certamine, strenue adjuvantibus Rhodiis, superant.

26. **A**ntiochus posteaquam a spe societatis Prusiæ decedit, Ephesum ab Sardibus est profectus ad classem, quæ per aliquot menses instructa ac parata fuerat, visendam: magis, quia terrestribus copiis exercitum Romanum & duos Scipiones imperatores videbat sustineri non posse: quam quod res navalis ipsa per se aut tentata sibi unquam feliciter, aut tunc magnæ & certæ fiduciæ esset. erat tamen momentum in præsentia spei, quod & magnam partem Rhodiæ classis circa Patara esse, & Eumenem regem cum omnibus navibus suis consuli obviam in Hellespontum profectum audierat. aliquid etiam inflabat animos classis Rhodia ad Samum per occasionem fraude præparatam absumpta. His fretus, Polyxenida cum classe ad tentandam omni modo certaminis fortunam misso, ipse copias ad Notium ducit: (id oppidum Colophonium mari imminens abest a vetere Colophone duo ferme milia passuum) & ipsam urbem suæ esse potestatis volebat, adeo propinquam Epheso, ut nihil terra marive ageret, quod non subiectum oculis Colophoniorum, ac per eos notum extemplo Romanis esset: quos audita obsidione non dubitabat ad opem ferendam sociæ urbi classem a Samo moturos; eam occasionem Polyxenidæ ad rem gerendam fore. Igitur operibus oppugnare urbem aggressus, & ad mare partibus duabus pariter munitionibus deductis, utrinque vineas & aggerem

rem muro injunxit, & testudinibus arietes ad-
 movit. Quibus territi malis Colophonii orato-
 res Sanium ad L. Æmilium, fidem prætoris po-
 pulique Romani implorantes, miserunt. Æmilium
 & Sami segnis diu mora offendebar, nihil minus
 opinantem, quam Polyxenidam bis nequicquam
 ab se provocatum, potestatem pugne facturum
 esse. & turpe existimabat. Eumenis classem ad-
 juvare consulem ad trajiciendas in Asiam legio-
 nes: se Colophonis obsessæ auxilio incertam fi-
 nem habituro alligari. Eudamus Rhodius, qui
 & tenuerat cum Sami cupientem proficisci in
 Hellespontum, cunctique instare & dicere: *quan-*
to satius esse, vel socios obsidione eximere, vel vi-
ctam jam semel classem iterum vincere, totamque
maris possessionem hosti eripere, quam desertis sociis,
tradita Antiocho Asia, terra marique in Hellespon-
tum, ubi satis esset Eumenis classis, ab sua parte
belli discedere? Profecti ab Samo ad petendos
 commeatus, consumptis jam omnibus, Chium pa-
 rabant trajicere. Id erat horreum Romanis: eo-
 que omnes ex Italia missæ onerariæ dirige-
 bant cursum. (1) Circumvesti ab urbe ad aver-
 sula (objecta aquiloni, ad Chium & Erythras
 sunt) cum pararent trajicere, literis certior fit
 prætor, frumenti vim magnam Chium ex Italia
 venisse: vinum portantes naves tempestatibus re-
 tentas esse. simul allatum est, Tejos regiæ classi
 benigne commeatus præbuisse: quinque millia va-
 forum vini esse pollicitos: Teum ex medio cur-
 su classem repente avertit: aut, volentibus iis,
 usus commeatu parato hostibus, aut ipsos pro
 hostibus habiturus. Cum direxissent ad terram
 proras, quindecim ferme eis naves circa Myon-
 nesum apparuerunt, quas primo ex classe regia
 prætor esse ratus, institit sequi: apparuit inde,

27.

Tom. IV.

E

pi-

(1) *profecti ab urbe (Samo) ut Chium peterent,*
circumierunt insulam (Samum) & ad aver-
sa ejus, vel tergum (in fronte enim Insula Urbs
erat) cursum habebant: quod tergum objectum
erat Aquiloni, & spectabat Chium, & Erythras.

piraticas celoces & lembos esse. Chiorum maritimam oram depopulati, cum omnis generis præda revertentes, posteaquam videre ex alto classem, in fugam verterunt. & celeritate superabant levioribus, & ad id fabrefactis navigiis, & propiores terræ erant. itaque priusquam appropinquaret classis, Myonnesum perfugerunt. unde se a portu ratus abstracturum naves, ignarus loci sequebatur prætor. Myonnesus promontorium inter Teum (1) Samumque est: ipse collis est in modum metæ, in acutum caeumen a fundo satis lato fastigiatus, a continenti arctæ semitæ aditum habet: a mari exesæ fluctibus rupes claudunt: ita ut quibusdam locis superpendentia saxa plus in altum, quam quæ in statione sunt naves, promineant. Circa ea appropinquare non ausæ naves, ne sub ictu superstantium in rupibus piratarum essent, diem trivere. tandem sub noctem vano incepto cum abstitissent, Teum postero die accessere: & in portu, qui a tergo urbis est, (Geræsticum ipsi appellant) navibus constitutis, prætor ad depopulandum

28. circa urbem agrum milites emisit. Teji, cum in oculis populatio esset, oratores cum infulis & velamentis ad Romanum miserunt. Quibus (2) purgantibus civitatem omnis facti dictique hostilis adversus Romanos, & *juvisse eos commeatu classem hostium* (3) arguit, & *quantum vini Polyxenidæ promississent. quæ si eadem classi Romanæ darent, revocaturum se a populatione militem*:

* al. *si minus, pro hostibus eos habiturum.* Hoc tam
fin. triste responsum cum retulissent legati: vocatur in concionem a magistratibus populus, ut, quid agerent, consultarent. Eo forte Polyxenidas cum regia classe a Colophone profectus, posteaquam movisse a Samo Romanos audivit, & ad Myonnesum piratas persecutos Tejorum agrum depopulari, naves in Geræsticò portu stare: ipse ad-

(1) *an, Lebedumque? ex Sirab. l. 14.*

(2) *affirmantibus nihil fecisse, aut dixisse &c.*

(3) *Æmilius.*

adversus Myonnesum in insula (Macrin nautici vocant) anchoras portu occulto jecit . inde ex propinquo explorans quid hostes agerent , primo in magna spe fuit , quemadmodum (1) Rhodiam classem ad Samum circumfessis ad exitum faucibus portus expugnasset , sic & Romanam expugnaturum . nec est dissimilis natura loci . promontoriis coeuntibus inter se ita clauditur portus , ut vix duæ simul inde naves possint exire . nocte occupare fauces Polyxenidas in animo habebat ; & denis navibus ad promontoria stantibus , quæ ab utroque cornu in latera exeuntium navium pugnarent , ex cætera classe , sicut ad Panormum fecerat , armatis in litora expositis , terra marique simul hostes opprimere . quod non vanum ei consilium fuisset , ni cum Teji facturos se imperata promississent , ad accipiendos commeatus aptius visum esset Romanis , in eum portum , qui ante urbem est , classe transire . Dicitur & Eudamus Rhodius vitium alterius portus ostendisse , cum forte duæ naves in arcto ostio implicitos remos fregissent . & inter alia id quoque movit prætorem ut traduceret classem , quod ab terra periculum erat , haud procul inde Antiocho stativa habente . Traducta 29. classe ad urbem , (2) ignavis omnibus , egressi milites nautæque sunt ad commeatus & vinum maxime dividendum in naves : cum medio forte diei agrestis quidam ad prætorem adductus nuntiat , alterum jam diem classem stare ad insulam Macrin : & paulo ante visas quasdam moveri tanquam ad profectionem naves . Re subita percussus prætor tubicines canere jubet , ut , si qui , per agros palati essent , redirent . tribunos in urbem mittit ad cogendos milites nautasque in naves . Haud secus , quam in repentino incendio aut capta urbe trepidatur : aliis in urbem currentibus ad suos revocandos : aliis ex urbe naves cursu repetentibus : incertisque clamoribus ,

(1) *supra* . c. 11.(2) *insidiarum* .

(1) quibus ipsis tubæ obstreperent, turbatis imperiis, tandem concursum ad naves est. Vix suam quisque noscere aut adire præ tumultu poterat: trepidatumque cum periculo & in mari & in terra foret, ni (2) partibus divisis Æmilius cum prætoria nave primus e portu in altum eVectus, excipiens insequentes suo quaque ordine in frontem instruxisset: (3) Eudamus Rhodiaque classis substitissent ad terram, ut & sine trepidatione conscenderent; & ut quæque parata esset, exiret navis. ita & explicuere ordinem primæ in conspectu prætoris, & coactum agmen ab Rhodiis est: instructaque acies velut cerneret regios, in altum processit. inter Myonnesum & Corycum promontorium erant, cum hostem conspexere. Et regia classis binis in ordinem navibus longo agmine veniens, & ipsa aciem adversam explicuit, tantum lævo eVecta cornu, ut amplecti & circumire dexterum cornu Romanorum posset. quod ubi Eudamus, qui cogebat agmen, vidit, non posse exæquare ordinem Romanos, & tantum non jam circumiri a dextro cornu: concitat naves: (& erant Rhodiæ naves longe omnium celerrimæ tota classe) æquatque cornu, prætoriamnavi, in qua Polyxenidas erat, suam objecit. Jam totis classibus simul ab omni parte pugna conferta erat. Ab Romanis LXXX. naves pugnabant, ex quibus Rhodiæ * V. & XX. erant. Hostium classis undenonginta navium fuit, & maximæ formæ naves, tres hexeros habebat, duas hepteres. Robore navium & virtute militum Romani longe * Rhodios præstabant: Rhodiæ naves agilitate, & arte gubernatorum, & scientia remigum. Maximo tamen hostibus terrori fuere, quæ ignes præ se portabant: & quod unum iis ad Panormum circumventis (4) salutis fuerat, id tum maximum mo-

30.
* al.
VI. &
XX.

* al.
Re-
gios.

(1) quos clamores tubarum strepitus efficiebat magis confusos.

(2) muneribus. (3) repetere, ni.

(4) v. c. 11. in fin.

momentum ad victoriam fuit . nam metu ignis
 * adversi regię naves , ne prora concurrerent * al.
 cum declinassent , neque ipsę ferire rostro hostem ad-
 poterant : & obliquas se ipsę ad ictus præbe- ver.
 bant : & siqua concurrerat , obruebatur infuso fas.
 igni , magisque ad incendium , quam ad prælium
 trepidabant . Plurimum tamen quę solet , mili-
 tum virtus in bello valuit . mediam namque
 aciem hostium Romani cum rupissent , circumve-
 sti ab tergo , pugnantibus adversus Rhodios re-
 giis sese objecere : momentoque temporis & me-
 dia acies Antiochi , & lævo in cornu circumven-
 tæ naves mergebantur . Dextera (1) pars inte-
 gra sociorum magis clade , quam suo periculo
 terrebatur . cæterum posteaquam alias circumven-
 tas , prætoriam navem Polyxenidæ relictis fociis
 vela dantem videre : sublatis raptim dolonibus
 (& erat secundus petentibus Ephesum ventus)
 capeffunt fugam , quadraginta duabus navibus in
 ea pugna amissis : quarum tredecim captæ in po-
 testatem hostium venerunt : ceterę incensæ aut
 demersæ . Romanorum duę naves fractæ sunt ,
 vulneratæ aliquot . Rhodia una capta memora-
 bili casu . nam cum rostro percussisset Sidoniam
 navem , anchora ictu ipso excussa e nave sua ,
 unco dente , velut manu ferrea injecta , alliga-
 vit (2) alterius proram : inde tumultu injecto
 cum divellere se ab hoste cupientes (3) inhi-
 berent Rhodii , (4) tractu anchorali & implici-
 tum remis . latus alterum deterfit , & debilita-
 tam , ea ipsa quę icta coheserat , navim cepit .

E 3 C A-

- (1) regię classis . (2) Sidonię .
 (3) remos . (4) alii : tractum anchorale , & im-
 plicitum remis , latus alterum &c. *h. e. funis* ,
*cui anchora alligata erat , tractus ab ipsa ancho-
 ra in navim Sidoniam excussa , dum tumultuose
 evoluitur , magna parte delapsus in mare , atque
 ita implicitus remis , latus remis spoliavit , clau-
 damque navim fecit .*

CAPUT XXII.

Antiochus pulsus ab Romanis possessione maris Lyfimachiam, quia longinqua se posse tueri diffidit, hostibus ultro tradit; relictaque Colophonis obsidione, undique arcessit auxilia.

31.

HOc maxime modo ad Myonnesum navali praelio pugnatum est. Quo territus Antiochus, quia possessione maris pulsum, longinqua tueri diffidebat se posse: praesidium ab Lyfimachia, ne opprimeretur ibi ab Romanis, deduci, pravo, ut res ipsa postea docuit, consilio iussit. non enim tueri solum Lyfimachiam a primo impetu Romanorum facile erat: sed obsidionem etiam per totam hiemem tolerare, & obsidentes quoque ad ultimam inopiam adducere extrahendo tempus, & interim spem pacis per occasiones tentare. Nec Lyfimachiam tantum hostibus tradidit post adversam navalem pugnam: sed etiam Colophonis obsidione abcessit, & Sardes recepit se. atque inde in Cappadociam ad (1) Ariarathen, qui auxilia arcesserent, & quocunque alio poterat ad copias contrahendas, in unum jam consilium, ut acie dimicaret, intentus, misit.

CAPUT XXIII.

Regillus Praetor post navale praelium prospere ad Myonnesum commissum, Ephesum, inde Chium navigat: paulo post missa parte navium ad Hellespontum, ad cos. Scipionis copias trajiciendas, Phocæam ipse petit: urbem diu a suis defensam tandem per deditionem recipit: nihilominus ab ira milites ut captam diripiunt.

Regillus Æmilius post victoriam navalem profectus Ephesum, (2) directis ante portum
na-

(1) Regem.

(2) is fuit mos, ut victores in conspectu eorum qui vi-

navibus, cum confessionem concessi maris ultimam hosti expressisset: Chium, quo ante navale praelium cursum a Samo intenderat, navigat. ibi naves in praelio quassatas cum refecisset, L. Æmilium Scaurum cum XXX. navibus Hellepontum ad exercitum trajiciendum misit, * Rhodias ^{* al. Rhodios.} parte prædæ & spoliis navalibus decoratas domum redire jubet. Rhodii impigre prævertere, ad trajiciendasque copias consulis iere: atque eo quoque functi officio, tum demum Rhodum rediere. Classis Romana ab Chio Phocæam trajecit. In sinu maris intimo posita hæc urbs est, oblonga forma: duum millium & quingentorum passuum spatium murus amplectitur: coit deinde ex utraque parte in arctiorem velut cuneum: Lamptera ipsi appellant. mille & ducentos passus ibi latitudo patet. inde in altum lingua mille passuum excurrens, medium fere sinum velut nota distinguit. ubi cohæret faucibus angustis, duos in utramque regionem versos portus tutissimos habet. qui in meridiem vergit, (1) Nau-
 stathm̄os ab re appellatur, quia ingentem vim navium capit: alter prope ipsum Lamptera est. Hos portus tutissimos cum occupasset Romana ^{32.} classis; priusquam aut scalis aut operibus mœnia aggrederentur, mittendos censuit prætor qui principum magistratuumque animos tentarent. posteaquam obstinatos vidit, duobus simul locis oppugnare est adortus. Altera pars infrequens ædificiis erat: templa deum aliquantum tenebant loci. (2) ea prius ariete admoto, quaterne muros turreſque cœpit. deinde cum eo multitudo occurreret ad defendendum, altera quoque parte admotus aries: & jam utrinque sternebantur muri. ad quorum casum cum impetum Romani milites per ipsam stragem ruinarum facerent; alii

E 4

ſca-

visi essent instruerentur, & ea re confessionem victoriæ ab hoste elicerent. itaque lib. priore n. 45. ante ostium portus acie instructa steterunt &c. (1) navium statio. a ναῦς, navis, & ἵσχυς, ſto. (2) parte.

scalis etiam ascensum in muros tentarent, adeo obstinate restiterunt oppidani, ut facile apparet plus in armis & virtute, quam in mœnibus auxilii esse. coactus ergo periculo militum prætor receptui cani iussit, ne objiceret incautos furentibus desperatione ac rabie. Dirempto prælio, ne tum quidem ad quietem versi, sed undique omnes ad munienda & obmolienda, quæ ruinis strata erant, concurrerunt. Huic operi intentis supervenit Q. Antonius a prætore missus: qui, castigata pertinacia eorum, *maiorē curā Romanis, quam illis, ostenderet esse, ne in perniciem urbis pugnaretur. si absistere furore vellent, potestatem iis dare eadem conditione qua prius C. Livii in (1) fidem venissent, se tradendi.* Hæc cum audissent, quinque dierum spatio ad deliberandum sumpto, tentata interim spe auxilii ab Antiocho, posteaquam legati missi ad regem, nihil in eo esse præsidii retulerant: tum portas aperuerunt, pacti, ne quid hostile paterentur. Cum signa in urbem inferrentur, & pronuntiasset prætor, parci se deditis velle: clamor undique est sublatus, *indignum facinus esse, Phocenses, nunquam fidos socios, semper infestos hostes, impune (2) eludere.* ab hac voce, velut signo a prætore dato, ad diripiendam urbem passim discurrerunt. Æmilius primo resistere & revocare, dicendo *captas non deditas diripi urbes, & in his tamen arbitrium esse imperatoris, non militum.* posteaquam ira & avaritia imperio potentiora erant: præconibus per urbem missis, liberos omnes in forum ad se convenire jubet, ne violarentur: & in omnibus, quæ ipsius potestatis fuerunt, fides constitit prætoris. urbem agrosque & suas leges iis restituit: &, quia jam hiems appetebat, Phocææ portus ad hibernandum classi delegit.

CA-

(1) de hoc nihil diserte scriptum est. nisi quod eo anno superiore Romanorum partis fuisse constat l. prior. fin. (2) pœnam effugere.

CAPUT XXIV.

L. Scipio Cos. pervenit ad Hellespontum, & in Asiam transgreditur.

PER idem fere tempus consuli transgresso Ænio-
rum Maronitarumque fines nuntiatur, victam
regiam classem ad Myonnesum, relictamque a
præsidio Lysimachiam esse. Id multo, quam de
navali victoria lætius fuit: utique posteaquam
eo venerunt: refertaque urbs omnium rerum
commeatibus velut in adventum exercitus præ-
paratis, eos excepit: ubi inopiam ultimam labo-
remque in obsidenda urbe sibi proposuerant. I-
bi paucos dies stativa habuere, ut impedimen-
ta ægrique consequerentur, qui passim per om-
nia Thraciæ castella fessi morbis ac longitudi-
ne viæ relictæ erant. (1) Receptis omnibus, in-
gressi rursus iter per Chersonesum Hellespontum
perveniunt. ubi omnibus cura regis Eumenis ad
trajiciendum præparatis, velut in pacata litora,
nullo prohibente, aliis alio delatis navibus, si-
ne tumultu trajecere. Ea vero res Romanis au-
xit animos, concessum sibi * transitum cernen-
tibus in Asiam, quam rem magni certaminis fu-
turam crediderant. Stativa deinde ad Hellespon-
tum aliquandiu habuerunt: quia dies forte, qui-
bus ancilia (2) moventur, religiosi ad iter in-
ciderant. iidem dies P. Scipionem propiore et-
iam religione, quia (3) Salius erat, disjunxerant
ab exercitu; causaque & is ipse moræ erat, dum
consequeretur.

* al.
Trans-
ire.

E 5 C A-

(1) collectis.

(2) per urbem saltatione religiosa a Saliis defere-
bantur, ominosum autem erat iter facere, ante-
quam ea ancilia condita essent.

(3) non licebat Saliis per eos dies e loco, in quo
erant, discedere. Africanus vero adhuc in Euro-
pa erat, cum illi dies incidissent. Polyb. Legat. 23.

C A P U T XXV.

Ad consulem L. Scipionem jam Hellepontum transgressum Antiochus legationem de pace mittit: cum ea neque in concilio, neque privatim tentando animum P. Scipionis cos. fratris, quibus veller conditionibus esset impetrabilis, acriter bellum parat.

34. **P**ER eos forte dies legatus ab Antiocho in castra venerat, Byzantius Heraclides de pace afferens mandata: quam impetrabilem fore, magnam ei spem attulit mora & cunctatio Romanorum: quos, simul Asiam attigissent, effuso agmine ad castra regia ituros crediderat. Statuit tamen non prius adire consulem, quam P. Scipionem: & ita mandatum ab rege erat: in eo maximam spem habebat: præterquam quod & magnitudo animi, & satietas gloriæ placibilem eum maxime faciebat, notumque erat gentibus, qui victor ille in Hispania, qui deinde in Africa fuisset: etiam quod filius ejus captus in potestate regiserat. Is ubi, & quando, & quo casu captus sit, sicut pleraque alia, parum inter auctores constat. alii principio belli a Chalcide Oreum petentem, circumventum ab regiis navibus tradunt. alii, posteaquam transitum in Asiam est, cum turma Fregellana missum exploratum ad regia castra, effuso obviam equitatu cum reciperet sese, in eo tumultu delapso equo, cum duobus equitibus oppressum, ita ad regem deductum esse. Illud satis constat, si pax cum populo Romano maneret, hospitiumque privatim regi cum Scipionibus esset, neque liberalius neque benignius haberi colique adolescentem, quam cultus est, potuisse. Ob hæc cum adventum P. Scipionis legatus exspectasset: ubi is venit, consulem adit, petitque, ut mandata audiret. Advocato frequenti concilio, legati verba sunt audita.
35. Is multis ante legationibus nequicquam ultro citroque de pace missis, *eam ipsam fiduciam*

impetrandi sibi esse dixit, quod priores legati nihil impetrassent. Smyrnam enim & Lampfacum, & Alexandriam Troadem, Lyfimachiam in Europa iactatas in illis disceptationibus esse: quarum Lyfimachia jam cessisse regem, ne quid in Europa habere eum dicerent: eas quæ in Asia sint civitates tradere paratum esse: & si quas alias Romani, quod suarum partium fuerint, vindicare ab imperio regio velint: impensæ quoque in bellum factæ partem dimidiam regem præstiturum populo Romano. Hæ conditiones erant pacis. Reliqua oratio fuit, ut memores rerum humanarum & suæ fortunæ moderarentur, & alienam ne urgerent. finirent Europa imperium, id quoque immensum esse: & parari singula acquirendo facilius potuisse, quam universa teneri posse. Quod si Asiæ quoque partem aliquam abstrahere velint, dummodo non dubiis regionibus finiant, vinci suam temperantiam Romana cupiditate, pacis & concordie causa regem passurum. Ea quæ legato magna ad pacem impetrandam videbantur, parva Romanis visa. nam & impensam, quæ in bellum facta esset, omnem præstare regem, æquum censebant, cujus culpa bellum excitatum esset: & non Jonia modo atque Æolide deduci debere præsidia regia: sed sicut Græcia omnis liberata esset, ita quæ in Asia sint, omnes liberari urbes. id aliter fieri non posse, quam ut cis Taurum montem possessione Asiæ Antiochus cedat. Legatus posteaquam nihil æqui in concilio 36. impetrare se censebat: privatim (sic enim impetratum erat) P. Scipionis tentare animum est conatus. Omnium primum filium ei sine pretio redditurum regem dixit: deinde ignarus & animi Scipionis, & moris Romani, auri pondus ingens est pollicitus, & nomine tantum regio excepto, societatem omnis regni, si per eum pacem impetrasset. Ad ea Scipio: Quod Romanos omnes, quod me, ad quem missus es, ignoras, minus miror, cum te fortunam ejus, a quo venis ignorare cernam. Lyfimachia tenenda erat, ne Chersonesum intraremus: aut ad Hellespontum obsistendum, ne in Asiam trajiceremus, si pacem tanquam a sollicitis de belli eventu petituri eratis. concesso vero in Asiam transitu,

Et non solum frenis, sed etiam (1) jugi accepto, quæ disceptatio ex equo, cum imperium patiendū sit relicta est. Ego ex munificentia regia maximum donum filium habebō: aliis, deos precor, ne unquam fortuna egeat mea, animus certe non egebit. pro tanto in me munere gratum me esse in se sentiet, si privatam gratiam pro privato beneficio desiderabit. publice nec habebō quicquam ab illo, nec dabo. quod ira præsentia dare possim, fidele consilium est. abi, nuntia meis verbis, bello absistat, pacis conditionem nullam recuset. Nihil ea moverunt regem, (2) tutam fore belli aleam ratum: quando perinde ac victo jam sibi leges dicerentur. omīssa igitur in præsentia mentione pacis, totam curam in belli apparatus intendit.

CAPUT XXVI.

L. Scipio cos. e stativis, quæ ad Hellespontum erant, egressus, ad Antiochi castra contendit: rex, P. Scipioni patri remisso filio, quem captum in potestate habebat, trans Phrygium amnem se recipit: cum insequutus cos. haud procul a regis castra posuisset, tumultuaria certamina committuntur.

CONsul, omnibus præparatis ad proposita exsequenda, cum ex stativis movisset, Dardanum primum, deinde Rhœteum, utraque civitate obviam effusa, venit. inde Ilium processit: castrisque in campo, qui est subiectus mœnibus, positis, in urbem atcēque cum ascendisset, sacrificavit Minervæ præsidi arcis; & Iliensibus in omni rerum verborumque honore ab se oriundos Romanos præferentibus, & Romanis lætis origine

(1) Plutar. in apophth. p. 196. ait, non solum freno, sed etiam infessore, & alludit ad fabulam equi, de quo Arist. 2. Rhet. 20. Et Horat. Ep. l. 1. ep. 10. non equitem dorso, non frenum depulit ore. (2) quasi deteriores conditiones proponi non possent, si vinceretur.

ne sua. Inde profecti (1) sextis castris ad caput 37-
 Cayci annis pervenerunt. Eo & Eumenes rex,
 conatus primo ab Hellesponto reducere classem in
 hiberna Elæam, adversis deinde ventis cum ali-
 quot diebus superare Leæton promontorium non
 potuisset, in terram egressus, ne deesset princi-
 piis rerum, qua proximum fuit, in castra Roma-
 na cum parva manu contendit. Ex castris Perga-
 mum remissus ad commeatus expediendos, tradi-
 to frumento quibus jusserat COS., in eadem sta-
 tiva rediit. inde plurium dierum præparatis ciba-
 riis, consilium erat ire ad hostem, priusquam hiems
 opprimeret. Regia castra circa Thyatira erant. i-
 bi cum audisset Antiochus P. Scipionem ægrum
 Elæam delatum, legatos qui filium ad eum redu-
 cerent, misit. Non solum animo patrio gratum
 munus, sed corpori quoque salubre gaudium fuit.
 satiatûsque tandem complexu filii, *Renuntiate*, in-
 quit, *gratias regi me agere: referre gratiam aliam*
nunc non posse, quam ut suadeam ne ante in aciem
descendat, quam (2) *ut in castra me redisse audierit.*
 Quanquam LX. millia peditum, plus XII. millia
 equitum aninos interdum ad spem certaminis fa-
 ciebant: motus tamen Antiochus tanti auctorita-
 te viri, in quo ad incertos belli eventus omnis
 fortunæ posuerat subsidia, recepit se transgressus
 Phrygium amnem: circaque Magnesium, quæ ad
 Sipylum est, posuit castra. & ne, si extrahere
 tempus vellet, munimenta Romani tentarent: fos-
 sam sex * cubitis altam, XII. latam cum duxis-
 set, extra duplex vallum fossæ circundedit: in-
 teriore labro murum cum turribus crebris objecit: ^{al. cubi-}
 unde facile arceri transitu fossæ hostis posset. Con-
 sul circa Thyatira regem esse ratus continuis iti-
 neribus quinto die ad Hyrcanum campum descen-
 dit. inde cum profectum audisset, secutus vesti-
 gia citra Phrygium amnem quatuor millia ab ho-
 ste posuit castra. Eo mille ferme equites (maxi-
 ma pars Gallogræci erant, & Dahæ quidam, a-
 liarumque gentium sagittarii equites intermisti)
 tu-

(1) itinere sex dierum. (2) ubi.

tumultuose amne trajecto, in stationes impetum fecerunt. Primo turbaverunt incompósitos. deinde cum longius certamen fieret: Romanorum, ex propinquis castris facili subsidio, cresceret numerus: regii fessi jam, & plures non sustinentes, recipere se conati, circa ripam amnis, priusquam flumen ingrederentur, ab instantibus tergo aliquot interfecti sunt. Biduum deinde silentium fuit, neutris transgredientibus amnem. tertio post die Romani simul omnes transgressi sunt & duo millia ferme & quingentos passus ab hoste posuerunt castra. Metantibus & muniendo occupatis tria millia delecta equitum peditumque regionum magno terrore ac tumultu advenere. aliquanto pauciores in statione erant: & tamen per se nullo a munimento castrorum milite avvocato, & primo æquum prælium sustinuerunt, & crescente certamine pepulerunt hostes, centum ex his occisis, centum ferme captis.

CAPUT XXVII.

Antiocho detrectante certamen, Scipio cos. milites invadere castra paratos educit: tum rex castris egressus aciem instruit: (copiarum utrinque summa, & ordo recensetur) commissio prælio, Romani, Eumene rege adjuvante, superant.

39. **P**ER quatrimum insequens instructæ utrinque acies pro vallo steterunt. quinto die Romani processerunt in medium campi. Antiochus nihil promovit signa, ita ut extremi minus mille pedes a vallo abessent. Consul, posteaquam detrectari certamen vidit, postero die in consilium advocavit, quid sibi faciendum esset, si Antiochus pugnandi copiam non faceret. instare hiemem: aut sub pellibus habendos milites fore: aut si concedere in hiberna vellent, differendum esse in æstatem bellum. Nullum unquam hostem Romani æque contempserunt. conclamatum undique est, duceret ex templo, & uteretur ardore militum, qui tanquam non pugnandum cum tot millibus hostium, sed

sed par numerus pecorum trucidandus esset, per fossas, per vallum castra invadere parati erant, si in prælium hostis non exiret. Cn. Domitius ad explorandum iter, & qua parte adiri vallum hostium posset, missus, posteaquam omnia certa retulit, postero die propius castra admoventi placuit: tertio signa in medium campi prolata, & instrui acies cœpta est. Nec Antiochus ultra tergiversandum ratus, ne & suorum animos minueret detrectando certamen, & hostium spem augeret, & ipse copias eduxit, tantum progressus a castris, ut dimicaturum appareret. Romana acies unius prope formæ fuit & hominum & armorum genere. duæ legiones Romanæ, (1) duæ socium ac Latini nominis erant: quina millia & quadringentos singulæ habebant. Romani mediam aciem, cornua Latini tenuerunt: hastatorum prima signa, deinde principum erant: triarii postremos claudebant. Extra hanc veluti iustam aciem a parte dextera consul Achæorum cetratis immistos auxiliares Eumenis tria millia ferme peditum æquata fronte instruxit: ultra eos equitum minus tria millia opposuit, ex quibus Eumenis octingenti, reliquus omnis equitatus Romanus erat: extremos Tralles & Cretenses (quingentorum utrique numerum explebant) statuit. lævum cornu non videbatur egere talibus auxiliis, quia flumen ab ea parte ripæque diruptæ claudebant: quatuor tamen inde rurmæ equitum oppositæ. Hæc summa copiarum erat Romanis, & duo millia mistorum Macedonum Thracumque, qui voluntate secuti erant. hi præsidio relictæ sunt castris. sexdecim elephantos post triarios in subsidio locaverunt. nam præterquam quod multitudinem regionum elephantorum (erant autem quatuor & L.) sustinere non videbantur posse:

se:

(1) alii: duæ alæ socium. neque enim aspiciam legiones sociorum memorantur. sed ille sunt tantum Romanorum: nisi intelligas Livium significare Romanorum, & sociorum parem numerum fuisse.

se : ne pari quidem numero Indicis Africi resistunt : sive quia magnitudine , (longe enim illi præstant) sive robore animorum vincuntur .

40. Regia acies varia magis multis gentibus , dissimilitudine armorum auxiliorumque erat . X. & sex millia peditum more Macedonum armati fuisse , qui phalangitæ appellabantur . hæc media acies fuit in fronte , in decem partes divisa . partes eas interpositis binis elephantis distinguebat . a fronte introrsus in duos & XXX. ordines armorum acies patebat . hoc & roboris in regiiis copiis erat : & perinde cum alia specie , tum eminentibus tantum interarmatos elephantis magnum terrorem præbebat . Ingentes ipsi erant : addebant speciem frontalia & cristæ , & tergo impositæ turres , turribusque superstantes , præter rectorem , quaterni armati . Ad latus dexterum phalangitarum mille & quingentos equites Gallogræcorum opposuit . his tria millia equitum loricatorum (cataphractus ipsi appellant) adjunxit . addita his ala mille ferme equitum . (1) agema eam vocabant . Medi erant lecti viri , & ejusdem regionis misti multarum gentium equites . continens his grex XVI. elephantorum est oppositus in subsidiis . ab eadem parte paululum producto cornu regia cohors erat . (2) Argyræspides a genere armorum appellabantur . Da hæc deinde equites sagittarii mille & ducenti . tum levis armatura trium millium , pari ferme numero , pars Cretenses , pars (3) Tralles , duo millia & quingenti Mysi sagittarii adjuncti erant . Extremum cornu claudebant quatuor millia misti Cyrtæi funditores , & Elymæi sagittarii . Ab lævo cornu phalangitis adjuncti erant Gallogræci equites mille & quingenti , & similiter his armati duo millia Cappadocum ab Ariarathe misti rege . inde auxiliares misti omnium generum duo

(1) selectum equitum agmen , quod Regem præibat . vox græca . (2) argenteis clypeis armati . vox græca . (3) Asiatici . quod si illi Illyrici , fuerint mercede conducti .



duo millia & septingenti, & tria millia cataphractorum equitum, & mille alii equites, (1) regia ala levioribus tegumentis suis equorumque, alio haud dissimili habitu: Syri plerique erant Phrygibus & Lydis immisti. ante hunc equitatum (2) falcatae quadrigae, & cameli quos appellant dromadas. his insidebant Arabes sagittarii gladios habentes tenues, longos quaterna cubita: ut ex tanta altitudine contingere hostem possent. inde alia multitudo par ei quae in dextro cornu erat: primi Tarentini, deinde Gallograecorum equitum duo millia & quingenti: inde (3) Neocretes mille: & eodem armatu Cares & Cilices mille & quingenti, & totidem Tralles, & tria millia cetratorum: Pisidae hi erant, & Pamphylii, & Lycii: tum Cyrtæorum & Elymaeorum paria in dextro cornu locatis auxilia: XVI. elephantum modico intervallo distantes. Rex ipse in dextro cornu erat: Seleucum filium & Antipatrum fratris filium in laevo praeposuit: media acies tribus permissa, Mendi & Zeuxidi & Philippo magistro elephantorum. Nebula matutina crescente die levata in nubes, caliginem dedit: humor inde ab austro velut perfudit omnia. quae nihil admodum Romanis, eadem perincommoda regiis erant. nam & obscuritas lucis in acie modica Romanis non adimebat in omnes partes conspectum: & humor toto fere gravi armatu nihil gladios aut pila hebetabat. regii tam lata acie, ne ex medio quidem cornua sua circumspicere poterant, nedum extremi inter se conspicerentur: & humor arcus fundasque, & jaculorum amenta emollierat. falcatae quoque quadrigae quibus se perturbaturum hostium aciem Antiochus crediderat, in suos terrorem verterunt. Armatae autem in (4) hunc maxime modum erant. cuspi-

- (1) amicorum, & sodalium alam vocat Appianus B. Syr. p. 107. (2) formam earum v. in Curt. l. 4. c. 9. (3) novi ex Creta milites. vox graeca. (4) figuram curruum saltatorum exprimere con-

pides circa (1) temonem ab jugo decem cubita exstantes velut cornua habebant : quibus quicquid obvium daretur, transfigerent : & in extremis jugis binæ circa eminebant falces : altera (2) equata jugo, altera inferior in terram devexa : illa, ut quicquid ab latere objiceretur, absunderet : hæc, ut prolapsos subeuntesque contingeret. item ab axibus rotarum utrinque binæ eodem modo diversæ deligabantur falces. Sic armatas quadrigas, quia si in extremo aut in medio locatæ forent, per suos agenda erant, in prima acie, ut ante dictum est, locaverat rex. Quod ubi Eumenes vidit, haud ignarus pugnae, & quam anceps esset auxilii genus, si quis pavorem magis equis injiceret, quam iusta adoriretur pugna : Cretenses sagittarios funditoresque & jaculatores equitum non confertos, sed quam maxime possent dispersos excurrere jubet : simul omnibus partibus tela ingerere. Hæc velut procella partim vulneribus missilium undique conectorum, partim clamoribus dissonis ita consternavit equos, ut repente velut effrenati passim incerto cursu ferrentur : quorum impetus & levis armatura, & expediti funditores, & velox Cretensis momento declinabant : & eques insequendo, tumultum ac pavorem equis camelisque & ipsis simul consternatis augebat, clamore & ab alia circumstantium turba multiplici adjecto. Ita medio inter duas acies campo (3) exiguntur quadrigæ : amotoque inani ludibrio, tum demum ad justum prælium, signo utrinque dato, concursum est.

42. Cæterum vana illa res veræ mox cladis causa fuit. auxilia enim subsidiaque, quæ proxima locata erant, pavore & consternatione quadrigarum territa, & ipsa in fugam versa nudarunt omnia

*sur Steuvvech. ad Veget. de re milit. 3. 24. Scheff.
de re vebic. 2. 15.*

(1) alii temonem, & ab jugo decem cubito.

aut pro decem, duo si ad cubita referas.

(2) per longum super jugum strata.

(3) expelluntur.

omnia usque ad cataphractos equites. ad quos cum dissipatis subsidiis pervenisset equitatus Romanus, ne primum quidem impetum pars eorum sustinuerunt: alii fusi sunt, alii propter gravitatem tegumentorum armorumque oppressi sunt. totum deinde lævum cornu inclinavit: & turbatis auxiliariis, qui inter equitem, & quos appellant phalangitas, erant, usque ad mediam aciem terror pervenit. Ibi simul perturbati ordines, & impeditus intercursum suorum usus prælongarum hastarum (sarissas Macedones vocant.) Intulere signa Romanæ legiones, & pila inter turbatos conjecere. ne interpositi quidem elephanti militem Romanum deterrebant, assuetum jam ab Africis bellis & vitare impetum belluæ, & ex transverso aut pilis incessere, aut si propius subire posset, gladio nervos incidere. Jam media acies ferre omnis a fronte prostrata erat: subsidia circumita a tergo cedeabantur: cum in parte alia fugam suorum, & prope jam ad ipsa castra clamorem paventium accepere. nanque Antiochus a dextro cornu, cum ibi fiducia fluminis nulla subsidia cerneret, præter quatuor turmas equitum, & eas, dum (1) applicant se suis, ripam nudantes: impetum in eam partem cum auxiliis & cataphracto equitatu facit. nec a fronte tantum instabat, sed circumito a flumine cornu, jam ab latere urgebat, donec fugati equites primum, deinde proximi peditum effuso cursu ad castra compulsi sunt. Præerat castris M. Æmilius, tribunus militum, M. Lepidi filius, qui post annos paucos pontifex maximus factus est. Is, quæ 43.
fugam cernebat suorum, cum præsidio omni occurrit: & stare primo, deinde redire in pugnam jubebat, pavorem & turpem fugam increpans. minæ exinde erant: in perniciem suam cæcos ruere, ni dicto parerent. postremo dat signum suis, ut primos fugientium cedant, turbam insequentium ferro & vulneribus in hostes redigant. Hic major timor minorem vicit. ancipi-
ti

(1) paulatim accedunt, ut conjungantur cum suis.

ti coacti metu, primo constiterunt, deinde & ipsi redierunt in pugnam : & Æmilius cum suo præsidio (erant autem duo millia virorum fortium) effuse sequenti regi acriter restitit : & Attalus Eumenis frater a dextro cornu , a quo lævum hostium primo impetu fugatum fuerat : ut ab sinistro fugam suorum & tumultum circa castra vidit : in tempore cum ducentis equitibus advenit . Antiochus posteaquam & eos , quorum terga modo viderat , repetentes pugnam , & aliam & a castris & ex acie affluentem turbam conspexit , in fugam vertit equum . ita utroque cornu victores Romani , per acervos corporum , quos in media maxime acie cumulaverant , ubi & robur fortissimorum virorum , & arma gravitate fugam impediabant , pergunt ad castra diripienda . equites primi omnium Eumenis , deinde & alius equitatus toto passim campo sequuntur hostem : & postremos , ut quosque adepti sunt , cædunt . cæterum fugientibus major pestis intermissis quadrigis elephantisque & camelis erat sua ipsorum turba : cum solutis ordinibus , velut cæci , super alios alii ruentes , & incurfu belluarum obtererentur . In castris quoque ingens , & major prope , quam in acie , cædes est edita . nam & primorum fuga in castra maxime inclinavit : & hujus fiducia multitudinis , qui in præsidio erant , pertinacius pro vallo pugnarunt . retenti in portis valloque , quæ se impetu ipso capturos crediderant Romani , posteaquam tandem perruperunt , ab ira graviores sediderunt cædem . Ad 44. quinquaginta millia peditum cæsa eo die dicuntur : equitum quatuor millia , mille & quadringenti capti , & quindecim cum rectoribus elephantum . Romanorum aliquot vulnerati sunt : ceciderunt non plus CCC. pedites , quatuor & viginti equites , & de Eumenis exercitu quinque & viginti . Et illo quidem die victores direptis hostium castris cum magna præda in sua revertunt . postero die spoliabant cæsorum corpora , & captivos contrahebant .

CAPUT XXVIII.

Victo, fugatoque Antiocho, Asiæ civitates Romanis se dedunt.

Legati ab (1) Thyatira & Magnesia ad Sipyllum ad dedendas urbes venerunt. Antiochus cum paucis fugiens, in ipso itinere pluribus congregantibus se, modica manu armatorum media ferme nocte Sardes concessit. inde cum audisset Seleucum filium & quosdam amicorum Apameam prægressos, & ipse quarta vigilia cum conjugē ac filia petit Apameam, Zenoni tradita custodia urbis, Timone Lydiæ præposito. quibus spretis, consensu oppidanorum, & militum, qui in arce erant, legati ad consulem missi sunt. Sub idem fere tempus & ab Trallibus & a Magnesia, quæ super Mæandrum est, & ab Epheso legati ad dedendas urbes venerunt. Reliquerat Ephesum Polyxenidas audita pugna: & classe usque ad Patara Lyciæ pervectus, metu stationis Rhodiarum navium, quæ ad Megistē erat, in terram egressus, cum paucis itinere pedestri Syriam petiit. Asiæ civitates in fidem consulis ditionemque populi Romani sese tradebant. 45.

CAPUT XXIX.

Antiochus devictus, missis ad Scipionem cos. oratoribus, pacis conditiones, respondente Africano, accipit: ut data pax a senatu comprobetur, Romanam legatos mittit: eodem proficiscitur Eumenes rex, & Asiæ totius legationes.

Sardibus jam consul erat: eo & P. Scipio ab Elæa, cum primum pati laborem viæ potuit, venit. Sub idem fere tempus caduceator ab Antiocho P. Scipionem a consule petiit impetravitque,

(1) hic effertur femin. genere, cum alias neutro, & quidem numero plurali.

que, ut oratores mittere liceret regi. paucos post dies Zeuxis, qui præfectus Lydiæ fuerat, & Antipater fratris filius, venerunt. hi prius Eumene convento, quem propter vetera certamina aversum maxime a pace credebant esse, & placatiore eo & sua, & regis spe invento, tum P. Scipionem & per eum COS. adierunt: præbitoque iis petentibus frequenti concilio ad mandata edenda, *Non tam quid ipsi dicamus, habemus, inquit Zeuxis, quam ut a vobis quæramus, Romani, quo piaculo expiare errorem regis, pacem veniamque impetrare a victoribus possimus. Maximo semper animo victis regibus populisque ignovistis. quanto id majore & placatiore animo decet vos facere in hac victoria, quæ vos dominos orbis terrarum fecit? positis jam adversus omnes mortales certaminibus, haud secus quam deos, consulere & parcere vos generi humano oportet. Jam antequam legati venirent, decretum erat, quid responderetur. respondere Africanum placuit. is in hunc modum locutus fertur. Romani, ex iis quæ in deum immortalium potestate erant, ea habemus, quæ dii dederunt: animos, qui nostræ mentis sunt, eosdem in omni fortuna gessimus, gerimusque: neque eos secundæ res extulerunt, nec adversæ minuerunt. ejus rei, ut alios omittam, Annibalem vestrum vobis darem testem, nisi vos ipsos dare possem. Posteaquam Hellepontum trajecimus, priusquam castra regia, priusquam aciem videremus, cum communis mars, & incertus belli eventus esset, de pace vobis agentibus, quas pares paribus ferebamus condiciones, easdem nunc victores victis ferimus. Europa abstinete: Asiaque omni, quæ cis Taurum montem est, decedite. pro impensis deinde in bellum factis, XV. millia talentum (1) Euboicorum dabitis, quingenta præ-*

-
- (1) Euboicum talentum nummo græco septem millium, & quingentorum cistophorum est: nostro quatuor millium denariorum. Festus. de Cistophoris autem v. Turneb. 3. advers. 5. & 21. Scalig. de re num. Cuper. 4. observ. 16. Goezium epist. de re numism. p. 30.

præsentia, duo millia & quingenta, cum S. P. Q. R. pacem comprobaverint, (1) mille deinde talentum per XII. annos. Eumeni quoque reddi CCCC. talenta, & quod frumenti reliquum ex eo quod patri debitum est, placet. Hæc cum pepigerimus, facturos vos ut pro certo habeamus, erit quidem aliquod pignus, si obsides viginti nostro arbitrato dabit. Sed nunquam satis liquebit nobis ibi pacem esse P. R. ubi Annibal erit. eum ante omnia deposcimus. (2) Thoantem quoque Ætolum, concitatorem Ætolici belli, qui & illarum fiducia vos, & vestra illos in nos armavit, dedetis, & cum eo (3) Mnasi-machum Acarnanæ, & (4) Chalcidenses Philonem & Eubulidam. In deteriore sua fortuna pacem (5) faciet rex, quia serius facit, quam facere potuit. si nunc moratus fuerit, sciat, regum majestatem difficilius ab summo fastigio ad medium detrahi, quam a mediis ad ima præcipitari. Cum his mandatis ab rege missi erant legati, ut omnem pacis conditionem acciperent. itaque Romam mitti legatos placuit. COS. in hiberna exercitum Magnesium ad Mæandrum & Tralles Ephesumque divisit. Ephesum ad COS. paucos post dies obsides ab rege adducti sunt: & legati, qui Romam irent, venerunt. Eumenes quoque eodem tempore profectus est Romam, quo legati regis. secutæ eos sunt legationes omnium Asiæ populorum.

C A-

- (1) alii: millena deinde talenta.
 (2) v. 4. 35. n. 12.
 (3) an Mnasilochum? de quo l. 36. c. 7.
 (4) de his iterum l. 38. n. 38.
 (5) facturus est,

CAPUT XXX.

Manius Acilius Glabrio de Antiocho, quem ex Græcia expulerat, triumphat: triumphī lætitiā minuit nuntius ex Hispania adversæ pugnae procos. Æmilii cum Lusitanis.

46. **D**Um hæc in Asia geruntur, duo fere sub idem tempus cum triumphī spe pro consulibus de provinciis Romam redierunt, Q. Minutius ex Liguribus, Man. Acilius ex Ætolia. Auditis utriusque rebus gestis, Minutio negatus triumphus, Acilio magno consensu decretus: isque triumphans de rege Antiocho & Ætolis urbem est investus. Præлата sunt in eo triumpho signa militaria CCXXX.: & argenti infecti tria millia pondo: signati (1) tetradrachmum Atticum CXIII. millia: cistophorum (2) CCXLVIII. vasa argentea cælata multa, magnique ponderis. tulit & supellectilem regiam argenteam, ac vestem magnificam: coronas aureas, dona sociarum civitatum, XLV. spolia omnis generis: captivos nobiles, Ætolos, & regios duces sex & triginta duxit. Damocritus Ætolorum dux paucos ante dies cum e carcere nocte effugisset, in ripa Tiberis consecutis custodibus, priusquam comprehenderetur, gladio se transfixit. milites tantum, qui sequerentur currum, defuerunt: alioqui magnificus & spectaculo, & fama rerum triumphus fuit. Hujus triumphī minuit lætitiā nuntius ex Hispania tristis; adversa pugna in Vastetanis ductu L. Æmilii pro prætore apud oppidum Lyconem cum Lusitanis, sex millia de exercitu Romano cecidisse, cæteros paventes intra vallum compulsos, ægre castra defendisse, & ad modum fugientium magnis itineribus in agrum pacatum reductos. Hæc ex Hispania nuntiata.

CA-

(1) tetradrachmorum. ea singula continent quatuor drachmas. (2) intellige, millia.

CAPUT XXXI.

Comitia consularia, & pratoria habentur: novi consules sunt M. Fulvius Nobilior, & Cn. Manlius Vulso: temere vulgatus Romæ de Scipionibus in Asia captis ab Antiocho, & exercitu deleto rumor, cujus Valerius Antias auctor est, exponitur.

EX Gallia legatos Placentinorum & Cremonensium L. Aurunculejus prætor in senatum introduxit. Iis querentibus inopiam colonorum, aliis belli casibus, aliis morbo absumptis, quosdam tædio accolarum Gallorum reliquisse colonias: decrevit senatus, uti C. Lælius COS. si ei videretur, sex millia familiarum conscriberet, quæ in eas colonias dividerentur: & ut L. Aurunculejus prætor triumviros crearet ad eos colonos deducendos. Creati M. Atilius Serranus, L. Valerius P. F. 47. Flaccus, L. Valerius C. F. Tappus. Haud ita multo post cum jam consularium comitiorum appeteret tempus, C. Lælius COS. ex Gallia Romam rediit. is non solum ex facto absente se S. C. in supplementum Cremonæ & Placentiæ colonos scripsit, sed ut novæ coloniæ duæ in agrum, qui Bojorum fuisset, deducerentur, & retulit, & auctore eo Patres censuerunt. Eodem tempore L. Æmilii * prætoris literæ allatæ de navali pugna ad Myonnesum facta, & L. Scipionem COS. exercitum in Asiam trajecisse. Victoriæ navalis ergo in unum diem supplicatio decreta est; in alterum diem, quod exercitus Romanus tum primum in Asia posuisset castra, ut ea res prospera & læta eveniret, vicienis majoribus hostiis in singulas supplicationes sacrificare COS. est iussus. Inde consularia comitia magna contentione habita. M. Æmilius Lepidus petebat, adversa fama hominum, quod provinciam Siciliam (1) petendi causa, non consulto senatu ut sibi id facere liceret, reliquisset. petebant cum eo M. Fulvius

* al.
Pro-
con-
sulis.

Tom. IV.

F

No-

(1) *Consulatus.*

Nobilior, Cn. Manlius Vulso, M. Valerius Messala. Fulvius COS. unus creatur, cum cæteri centurias non (1) expleissent. isque postero die Cn. Manlium, Lepido (2) dejecto (nam Messala (3) tacuit) collegam dixit. prætores exinde facti, duo Q. Fabii, Labeo & Pictor, (Flamen Quirinalis eo anno (4) inauguratus fuerat)

48. M. Sempronius Tuditanus, Sp. Postumius Albinus, L. Plautius Hypsæus, L. Bæbius Dives. U.C. 561. M. Fulvio Nobiliore, & Cn. Manlio Vulstone COSS., Valerius Antias auctor est, rumorem celebrem Romæ fuisse, & pene pro certo habitum, (5) recipiendi Scipionis adolescentis causa COS. L. Scipionem, & cum eo P. Africanum in colloquium evocatos regis, & ipsos comprehensos esse, & ducibus captis confestim ad castra Romana exercitum ductum, eaque expugnata, & deletas omnes copias Romanorum esse: ob hæc Ætolos sustulisse animos, & abnuisse imperata facere, principesque eorum in Macedoniam, & in Dardanos, & in Thraciam ad conducenda mercede auxilia profectos: hæc qui nuntiarent Romam, A. Terentium Varronem, & M. Claudium Lepidum ab A. Cornelio pro prætore ex Ætolia missos esse. Subtexit deinde fabulæ huic, legatos Ætolos in senatu inter cætera hoc quoque interrogatos esse, unde audissent, imperatores Romanos in Asia captos ab Antiocho rege, & exercitum deletum esse? Ætolos respondisse, ab suis legatis se, qui cum COS. fuerint, certiores factos. Rumoris hujus quia neminem alium auctorem habeo, neque affirmata res mea opinione sit, nec pro vana prætermissa.

CA-

- (1) ad justum numerum. suffragia enim necessaria erant ultra dimidiam partem centuriarum.
 (2) ex eo quod minorem numerum suffragiorum tulit, quam competitor: scil. Manlius.
 (3) non iterum petiit. (4) Fabius Pictor.
 (5) quem antea Antiochus remisit. c. 26: hoc lib.

CAPUT XXXII.

Ætoli legati, qui Romam ad pacem petendam venerant, tum verborum insolentia, tum animorum ferocium habitu irritato senatu, ut hostes ab Urbe dimittuntur.

ÆToli legati in senatum introducti, cum & 49-
 causa eos sua, & fortuna hortaretur, ut
 confitendo seu suæ culpæ, seu errori veniam pe-
 terent supplices: orsi a beneficiis in populum
 Romanum, & prope exprobrantes virtutem suam
 in Philippi bello, & offenderunt aures insolentia
 sermonis, & eo, vetera & oblitterata repe-
 tendo, rem adduxerunt, ut haud paulo plurimum
 maleficiorum gentis, quam beneficiorum memoria
 subiret animos Patrum, & quibus misericordia
 opus erat, iram & odium irritarent. Interrogati
 ab uno senatore, *permitterentne arbitrium de se po-
 pulo Romano?* deinde ab altero, *habiturine eosdem,
 quos populus Romanus, socios & hostes essent?* ni-
 hil ad ea respondentes, egredi templo iussi sunt.
 Conclamitatum deinde prope ab universo senatu
 est, *totos adhuc Antiochi Ætolos esse, & ex unica
 ea spe pendere animos eorum, itaque bellum cum
 haud dubiis hostibus gerendum, perdomandosque se-
 roces animos esse.* Etiam illa res accendit, quod
 eo ipso tempore, quo pacem ab Romanis pete-
 bant, Dolopiarum atque Athamaniarum bellum infere-
 bant. Senatusconsultum in Man. Acilii senten-
 tiam, qui Antiochum Ætolosque devicerat, fa-
 ctum est, *ut Ætoli eo die juberentur proficisci ab
 urbe, & intra quintumdecimum diem Italia exce-
 dere.* A. Terentius Varro ad custodiendum iter
 eorum missus: denunciaturumque, si qua deinde le-
 gatio ex Ætolis, nisi permissu imperatoris, qui
 eam provinciam obtineret, & cum legato Romano
 venisset Romam, pro hostibus omnes futuros.
 Ita dimissi Ætoli.

CAPUT XXXIII.

Consules Prætoresque provincias sortiantur.

50. **D**E provinciis deinde *coff.* retulerunt. sortiri eos *Ætoliæ* & *Asiam* placuit. qui *Asiam* sortitus esset, exercitus ei, quem *L. Scipio* haberet, est decretus, & in (1) eum supplementum quatuor millia peditum Romanorum, ducenti equites, & sociorum ac *Latini nominis* octo millia peditum, & quadringenti equites: his copiis ut bellum cum *Antiocho* gereret. Alteri *coff.* exercitus, qui erat in *Ætoliæ*, est decretus: & ut in supplementum scriberet, permissum, civium sociorumque eundem numerum, quem collega: naves quoque idem *coff.*, quæ priore anno paratæ erant, ornare iussus, ac ducere secum: nec cum *Ætolis* solum bellum gerere, sed etiam in *Cephaleniam insulam* trajicere. Mandatum eidem, si per commodum reipublicæ facere posset, ut ad comitia Romam rediret. nam præterquam quod magistratus annui subrogandi essent, censores quoque placere creari. si qua res eum teneret, senatum certiorum faceret, se ad comitiorum tempus occurrere non posse. *Ætoliæ* *M. Fulvio*, *Asia* *Cn. Manlio* sorte venit. Prætores deinde sortiti sunt, *Sp. Postumius Albinus* urbanam, & inter peregrinos, *M. Sempronius Tuditanus* *Siciliam*, *Q. Fabius Pictor*, *Flamen Quirinalis*, *Sardiniam*, *Q. Fabius Labeo* classem, *L. Plautius Hypsæus* *Hispaniam citeriorem*, *L. Bæbii Dives* *ulteriorem*. *Siciliæ* legio una, & classis, quæ in ea provincia erat, decreta, & ut duas decimas frumenti novus prætor imperaret *Siculis*. earum alteram in *Asiam*, alteram in *Ætoliæ* mitteret. Idem ab *Sardis* exigere, atque ad eosdem exercitus id frumentum, ad quos *Siculum*, deportari iussus. *L. Bæbio* supplementum in *Hispaniam* datum, mille Ro-
ma-

(1) exercitum, alii, ejus.

mani pedites, equites quinquaginta, & sex millia peditum Latini nominis, & CC. equites. Plautio Hypsæo in Hispaniam citeriorem mille Romani dati sunt pedites, duo millia socium Latini nominis, & ducenti equites. cum his supplementis ut singulas legiones duæ Hispaniæ haberent. Prioris anni magistratibus, C. Lælio cum suo exercitu prorogatum in annum imperium est. prorogatum & P. Junio pro prætore in Etruria cum eo exercitu qui in provincia esset: & M. Tuccio pro prætore in Bruttis & Apulia.

CAPUT XXXIV.

P. Licinius Pontifex Maximus post magna certamina tenet, ne Q. Fabius Pictor Flamen Quirinalis, creatus Prætor, in Sardiniam provinciam profiscatur.

Priusquam in provincias prætores irent, certamen inter P. Licinium Pontificem maximum fuit, & Q. Fabium Pictorem, Flaminem Quirinalem, quale Patrum memoria inter L. Metellum, & Postumium Albinum fuerat. Cos. illum cum C. Lutatius collega in Siciliam ad classem proficiscentem, ad sacra retinuerat Metellus Pont. Max. prætorem (1) hunc, ne in Sardiniam profisceretur, P. Licinius tenuit. & in senatu, & ad populum magnis contentionibus certatum est: & imperia (2) inhibita ultro citroque, & pignora capta, & multæ dictæ, & tribuni appellati, & provocatum ad populum est. religio ad postremum vicit, & dicto audiens esse Flamen Pontifici iussus. & multæ ex jussu populi remissæ. * Ira provinciæ (3) ereptæ prætorem magistratu abdicare se conantem, Patres auctoritate sua deterruerunt: & ut jus inter peregrinos diceret, decreverunt. Delectibus deinde in-

51.
al.
ira
pro-
vin-
cia
ere-
pta.

F 3 tra

(1) Fabium Pictorem. (2) adhibita.

(3) iussus enim Pictor dicto audiens esse Pontifici, retentus est, ne in Sardiniam profisceretur.

tra paucos dies (neque enim multi milites Ie-
gendi erant) perfectis, cos. prætoresque in pro-
vincias proficiscuntur.

CAPUT XXXV.

*Certi primum nuntii, deinde adventus Cottæ legati
Scipionis cos., temere vulgatos de rebus in Asiæ
gestis rumores discutunt: propter prosperum belli
exitum sacra Diis fiunt.*

Fama deinde de rebus in Asia gestis temere
vulgata sine auctore: & post dies paucos
nuntii certi, literæque imperatoris Romam al-
latæ, quæ non tantum gaudium ab recenti metu
attulerunt, (desierant enim (1) victam Æto-
liam metuere) (2) quam averterunt famam;
quod ineuntibus id bellum gravis hostis & suis
viribus, & quod Annibalem rectorem militiæ ha-
beret, visus fuerat. nihil tamen aut de cos. mit-
tendo in Asiam mutandum, aut minuendas ejus
copias censuerunt: metu, ne cum (3) Gallis
foret bellandum. Haud multo post M. Aurelius
Cotta, legatus L. Scipionis, cum Antiochi re-
gis legatis, & Eumenes rex Rhodiique, Romam
venerunt. Cotta in senatu primum, deinde in
concione, jussu Patrum, quæ acta in Asiæ essent,
exposuit. supplicatio inde in triduum decreta
est: & XL. majores hostiæ immolari jussæ.

CA-

- (1) alii; victum (b. e. Antiochum) in Ætolia
metuere. (2) alii: quam a veteri fama.
(3) Gallo-græcis.

CAPUT XXXVI.

Rex Eumenes, graviter in Senatu suis in populum Rom. meritis commemoratis, contendit impetrare, ut ea pars Asiae, qua emotus est Antiochus, suo adjiciatur imperio.

TUM omnium primum Eumeni senatus datus est. Is cum breviter & egisset gratias Patribus, quod obsidione se ac fratrem exemissent, regnumque ab injuriis Antiochi vindicassent: & gratulatus esset, quod mari terraque prospere res gessissent: quodque regem Antiochum fuscum fugatumque, & exutum castris, prius Europa, post & Asia, quæ cis Taurum montem est, expulissent: sua deinde merita malle eos ex imperatoribus suis legatisque, quam se commemorante, cognoscere, dixit. Hæc approbantibus cunctis, jubentibusque dicere ipsum, omissa in id verecundia, quid sibi ab S. P. Q. R. tribui æquum censeret: propensius cumulatiisque, si quo possit, pro ut ejus merita sint, senatum facturum: ad ea rex: *Si ab aliis sibi præmiorum optio deferretur, libenter, data modo facultate consulendi senatum Romanum, consilio amplissimi ordinis usurum fuisse, ne quid aut immoderate cupisse, aut petisse parum modeste videri posset. verum enimvero cum ipsi daturi sint, multo magis munificentiam eorum in se fratresque suos ipsorum arbitrii debere esse. Nihil hac oratione ejus P. C. deterriti sunt, quominus dicere ipsum juberent. & cum aliquandiu hinc indulgentia, hinc modestia, inter permittentes invicem, non magis mutua, quam (1) inexplicabili facilitate certatum esset, Eumenes templo excessit. Senatus in eadem peristare sententia, ut absurdum esse diceret, ignorare regem, quid sperans aut petens venerit. quæ * commoda regno suo sint, ipsum optime * al. scire: Asiam longe melius, quam senatum nosse. re- acco- vocandum igitur, & cogendum, quæ vellet, quæque mo- dat.*

F 4 sen-

(1) neutra parte quidquam explicante.

53. *sentiret, expromere. Reductus a pretore in templum rex, & dicere jussus: Perseverassem, inquit, tacere P. C. nisi Rhodiorum legationem mox vocaturos vos scirem: & illis auditis, mihi necessitatem fore dicendi. quæ quidem eo difficilior oratio erit, quod ea postulata eorum futura sunt, ut non solum nihil, quod contra me sit, sed ne quod ad ipsos quidem proprie pertineat, petere videantur. agent enim causam civitatum Græcarum, & liberari eas dicent debere. quo impetrato, cui dubium est, quin & a nobis aversuri sint, non eas modo civitates quæ liberabuntur, sed etiam veteres stipendiarias nostras? ipsi autem tanto obligatos beneficio, verbo socios, revera subiectos imperio & obnoxios habituri sint? & (si diis placet) cum has tantas opes affectabunt, dissimulabunt ulla parte id ad se pertinere: vos modo id decere, & conveniens esse antefactis dicent. Hæc vos ne decipiat oratio, providendum vobis erit: neve non solum inæqualiter alios nimium deprimatis ex sociis vestris, alios præter modum extollatis: sed etiam ne qui adversus vos arma tulerint, in meliore statu sint, quam socii & amici vestri. Quod ad me attinet; in aliis rebus cessasse intra finem juris mei cuilibet videri malim, quam nimis pertinaciter in obtinendo eo zetendisse. in certamine autem amicitie vestræ, benevolentie erga vos, honoris qui a vobis habebitur, minime æquo animo vinci possum. Hanc ego maximam hereditatem a patre accepi, qui primus omnium Asiam Græciamque incolentium in amicitiam vestram venit, eamque perpetua & constanti fide ad extremum finem vitæ perduxit: nec animum duntaxat vobis bonum ac fidelem præstitit, sed omnibus interfuit bellis, quæ in Græcia gessistis, terrestribus navalibusque: omni genere com meatuum ita, ut nemo sociorum vestrorum æquari ulla parte posset, vos adjuvit. postremo cum Bæotos ad societatem vestram hortaretur, in ipsa concione intermortuus, haud multo post exspiravit. Hujus ego vestigia ingressus, voluntati quidem & studio in colendis vobis adjicere (etenim inexsuperabilia hæc erant) nihil potui: rebus ipsis meritisque & impensis officiorum ut superare possem, fortuna, tempora, Antiochus, & bellum in*
- Asia*

Asia gestum præbuerunt materiam. Rex Asiae, & partis Europæ Antiochus (1) filiam suam in matrimonium mihi dabat, restituebat extemplo civitates quæ defecerant a nobis, spem magnam in posterum amplificandi regni faciebat, si secum adversus vos bellum gessissem. Non gloriabor eo, quod nihil in vos deliquerim. illa potius, quæ vetustissima domus nostræ vobiscum amicitia digna sunt, referam. terrestribus navalibusque copiis, ut nemo vestrorum sociorum me equiparare posset, imperatores vestros adjuvi: commeatus terra marique suppeditavi: navalibus præliis, quæ multis locis facta sunt, omnibus affui; nec labori meo, nec periculo usquam peperi. quod miserrimum est in bello, obsidionem passus sum, Pergami inclusus cum discrimine ultimo simul vitæ regnique. liberatus deinde obsidione, cum alia parte Antiochus, alia Seleucus circa arcem regni mei castra haberent, relictis rebus meis, tota classe ad Hellespontum L. Scipioni cos. vestro occurri, ut eum in trajiciendo exercitu adjuvarem. Postquam in Asiam exercitus vester est transgressus, nunquam a cos. abscessi, nemo miles Romanus magis assiduus in castris vestris fuit, quam ego fratresque mei. nulla expeditio, nullum equestre prælium sine me factum est. in acie ibi steti, eam partem sum tutatus, in qua me cos. esse voluit. Non sum hoc dicturus P. C.: quis hoc bello meritis erga vos mecum comparari potest? ego nulli omnium neque populorum, neque regum, quos in magno honore habetis, non ausim me comparare. Masanissa (2) hostis vobis antequam socius fuit: nec incolumi regno cum auxiliis suis, sed extorris, expulsus; amissis omnibus copiis, cum turma equitum in castra confugit vestra: tamen eum, quia in Africa adversus Syphacem & Carthaginienses fideliter atque impigre vobiscum stetit, non in patrium solum regnum restituisistis: sed adjecta opulentissima parte Syphacis regni, præpotentem inter Africa reges fecistis. Quo tandem igitur nos premio atque honore digni apud vos sumus, qui nunquam hostes, semper socii fuimus? Pater, ego, fratresque

F 5 mei

(1) Laodicea. (2) v. l. 29. n. 29.

mei non in Asia tantum, sed etiam procul ab domo in Peloponneso, in Bœotia, in Ætolia, Philippi, Antiochi, Ætolico bello, terra marique pro vobis arma tulimus. Quid ergo postulas? dicat aliquis. Ego P. C. quoniam dicere utique volentibus vobis parendum est: si vos ea mente ultra Tauri iuga Antiochum emovistis, ut ipsi teneretis eas terras: nullos accolas nec finitimos habere, quam vos, malo: nec ulla alia re tutius stabiliusque regnum meum futurum spero. sed si vobis decedere inde, atque exercitus deducere in animo est: neminem digniorem esse ex sociis vestris, qui bello a vobis parva possideat, quam me, dicere ausim. At enim magnificum est liberare civitates servas. ita opinor, si nihil hostile adversus vos fecerunt. sin autem Antiochi partis fuerunt, quanta est vestra prudentia & equitate dignius, sociis benemeritis, quam hostibus, vos consulere?

Grata oratio regis Patribus fuit, & facile apparebat munifice omnia & propenso animo facturos.

C A P U T XXXVII.

Post Smyrneos introducti in Senatum Rhodii legati, Græcarum civitatum suscepta causa, suadent, ut iis libertas detur.

Interposita Smyræorum brevis legatio est, quia non aderant quidam Rhodiorum. Colaudatis egregie Smyræis, quod omnia ultima pati, quam se regi tradere, maluissent, introducti Rhodii sunt. quorum princeps legationis, expositis initiis amicitiae cum P. R. meritisque Rhodiorum, Philippi prius, deinde Antiochi bello: Nihil, inquit, nobis tota nostra actione P. C. neque difficilius, neque molestius est, quam quod cum Eumene nobis disceptatio est, cum qua uno maxime regum & privatum singulis, & quod magis nos movet, publicum civitati nostræ hospitium est. ceterum non animi nostri P. C. nos, sed rerum natura, quæ potentissima est, disjungit: ut nos liberi etiam aliorum libertatis causam agamus: reges serva omnia. & subiecta imperio suo esse velint. Utcunque tamen

res se habet: magis verecundia nostra adversus regem nobis obstat, quam ipsa disceptatio aut nobis impedita est, aut vobis perplexam deliberationem præbitura videtur. nam si aliter socio atque amico regi; & benemerito hoc ipso in bello, de cuius præmiis agitur, honos haberi nullus posset, nisi liberæ civitates ei in servitutem traderetis: esset deliberatio anceps, ne aut regem amicum inbonoratum dimitteretis; aut decederetis instituto vestro, & gloriam Philippi bello partam, nunc servitute tot civitatum deformaretis. sed ab hac necessitate aut gratiæ in amicum minuendæ; aut gloriæ vestræ, egregie vos fortuna vindicat: est enim deum benignitate non gloriosa magis, quam divæ, victoria vestra: quæ vos facile isto velut ære alieno exsolvat. nam & Lycaonia, & Phrygia utraque, & Pisidia omnis, & Chersonesus, quæque circumjacent Europæ, in vestra sunt potestate: quarum una quælibet regi adjecta multiplicare regnum Eumenis potest: omnes vero datæ, maximis eum regibus æquare. licet ergo vobis & præmiis belli ditare socios, & non decedere instituto vestro & meminisse, quem titulum prætenderitis prius adversus Philippum, nunc adversus Antiochum, belli: quid feceritis Philippo victo, quid nunc a vobis, non magis quia fecistis, quam quia id vos facere decet, desideretur atque expectetur. alia enim aliis & honesta & probabilis est causa armorum. illi agrum, hi vires, hi oppida, hi portus oramque aliquam maris ut possideant. vos nec cupistis hæc, antequam haberetis, nec nunc cum orbis terrarum in ditione vestra sit, cupere potestis. pro dignitate & gloria apud omne genus humanum, quod vestrum nomen imperiumque juxta ac deos immortales jampridem intuetur, pugnavistis. quæ parare & querere arduum fuit, nescio, an tueri difficilius sit. (1) gentis vetustissimæ nobilissimæque vel fama rerum gestarum, vel omni commendatione humanitatis doctrinarumque, tuendam ab servitio regio libertatem suscepistis. hoc patrocinium receptæ in fidem & clientelam vestram universæ gentis perpetuum vos præstare decet. Non

quæ in solo modo (1) antiquo sunt, Græcæ magis urbes sunt, quam colonie earum, illinc quondam (2) profectæ in Asiam; nec terra mutata mutavit genus aut mores. certare pio certamine cujuslibet bonæ artis ac virtutis ausi sumus cum parentibus quæque civitas & conditoribus suis. Adistis Græciæ, adistis Asiæ urbes plerique. nisi quod longius a vobis absumus, nulla vincimur alia re. Massilienses, quos, si natura insita velut ingenio terræ vinci posset, jampridem efferassent tot indomitæ circumfusæ gentes, in eo honore, in ea merito dignitate audimus apud vos esse, ac si medium umbilicum Græciæ incolerent. non enim sonum modo linguae, vestitumque, & habitum, sed ante omnia mores & leges & ingenium sincerum integrumque a contagione accolarum servarunt. Terminus est nunc imperii vestri mons Taurus. quicquid intra eum cardinem est, nihil longinquum vobis videri debet. quo arma vestra pervenerunt, eodem jus hinc profectum perveniat. Barbari, quibus pro legibus semper dominorum imperia fuerunt, (3) quo gaudent, reges habeant: Græci suam fortunam, vestros animos gerunt. domesticis quondam viribus etiam imperium amplectebantur. nunc imperium ubi est, ibi ut sit perpetuum, optant: libertatem vestris tueri armis satis habent, quoniam suis non possunt. At enim quædam civitates cum Antiocho senserunt. & aliæ prius cum Philippo, & cum Pyrrho Tarentini. ne alios populos enumerem, Carthago libera cum suis legibus est. huic vestro exemplo quantum debeatis, videte P. C. inducetis in animum negare Eumenis cupiditati, quod justissimæ iræ vestræ negastis. Rhodii & in hoc & in omnibus bellis, quæ in illa ora gessistis, quam forti fidelique opera vos adjuverimus, vestro iudicio relinquimus. nunc in pace id consilium asserimus: quod si comprobaveritis, magnificentius vos victoris usos.

(1) Græcia Europæa, quæ Achaja dicta.

(2) tres distinguuntur Græcorum in Asiam migrationes, Ionica, Æolica, & Dorica, quarum nomina maritimis Asiæ minoris ad Ægeum mare regionibus imposita. (3) quam rem amant;

usos esse, quam vicisse, omnes existimaturi sint. Apta 55.
magnitudini Romanæ oratio visa est.

CAPUT XXXVIII.

*Auditis Antiochi legatis, senatus pacem a Scipione
cos. regi datam sua auctoritate confirmat: intro-
ductis aliis Asia legationibus, decernitur, ut pro-
vinciæ, quibus cis Taurum cessisset Antiochus,
sint Eumenis regis, attributa Rhodiis quoque ter-
rarum parte: Solos urbem in Cilicia cum tanquam
ad se pertinentem, Rhodii peterent; adversantibus
magnopere Antiochi legatis, desistunt.*

Post Rhodios Antiochi legati vocati sunt. Ii
vulgato petentium veniam more, errorem
fassi regis, obtestati sunt P. C. ut suæ potius cle-
mentiae, quam regis culpæ, qui satis superque pœna-
rum dedisset, memores consulere: postremo pacem
datam a L. Scipione imperatore, quibus legibus de-
disset, confirmarent auctoritate sua. Et senatus eam
pacem servandam censuit: & paucos post dies po-
pulus iussit. foedus in Capitolio cum Antipatro
principe legationis, & eodem fratris filio regis
Antiochi est ictum. Auditæ deinde & aliæ lega-
tiones ex Asia sunt. quibus omnibus datum est
respondum, decem legatos more majorum senatum
missurum ad res Asiæ disceptandas componendasque:
summam tamen hanc fore, ut cis Taurum montem,
quæ intra regni Antiochi fines fuissent, Eumeni at-
tribuerentur; præter Lyciam Cariamque, usque ad
Mæandrum omnem. ea civitatis Rhodiorum essent.
ceteræ civitates Asiæ, quæ Attali stipendiariæ fuis-
sent, eadem Eumeni vectigal penderent: quæ vecti-
gales Antiochi fuissent, eæ libere atque immunes es-
sent. Decem legatos hos decreverunt: Q. Minu-
cium Rufum, L. Furium Purpureonem, Q. Mi-
nucium Thermum, Ap. Claudium Neronem, Cn.
Cornelium Merulam, M. Junium Brutum, L. Au-
runculejam, L. Æmilium Paulum, P. Cornelium
Len-

56. Lentulum, P. Ælium Tuberone. His, quę (1) presentis disceptationis essent, libera mandata. De summa rerum senatus constituit. Lycaoniam omnem, & Phrygiam utranque, & Mysiam, regias silvas, & Lydię Jonięque, extra ea oppida, quę libera fuissent, quo die cum rege Antiocho pugnatum est, & nominatim Magnesium ad Sipyllum, & Cariam, quę Hydrela appellatur, agrumque Hydrelatanum ad Phrygiam vergentem, & castella vicosque ad Męandrum amnem, & oppida, nisi quę libera ante bellum fuissent: Telmissum item nominatim, & castra Telmissium, præter agrum qui Ptolemei Telmissii fuisset: hæc omnia quę supra scripta sunt, regi Eumeni iussa dari. Rhodiis Lycia data, extra eundem Telmissum, & castra Telmissium, & agrum qui Ptolemei Telmissii fuisset: hæc & ab Eumene, & ab Rhodiis excepta. Ea quoque his pars data Carię, quę propior Rhodum insulam trans Męandrum amnem est, oppida, vici, castella, agri, qui ad Pisidiam vergunt: nisi quę eorum oppida in libertate fuissent pridie, quam cum Antiocho rege in Asia pugnatum est. Pro his cum gratias egissent Rhodii: de Solis urbe, quę in Cilicia est, egerunt. Argis & illos, sicut sese, oriundos esse. ab ea germanitate fraternam sibi cum iis caritatem esse. petere hoc extraordinarium munus, ut eam civitatem ex servitute regia eximerent. Vocati sunt regis Antiochi legati, actumque cum iis est: nec quicquam impetratum, restante foedere Antipatro: adversus quę ab Rhodiis non Solos, sed Ciliciam peti, & juga Tauri transcendendi. Revocatis in senatum Rhodiis, cum, quantopere tenderet legatus regius, exposuissent Patres, adjecerunt: si utique eam rem ad civitatis suę dignitatem pertinere censerent Rhodii, senatum omni modo expugnaturum pertinaciam legatorum. Tum vero impensius quam ante Rhodii gratias egerunt: cessurosque se potius arrogantię An-

(1) his permissum est liberum arbitrium earum rerum, quę nisi a presentibus judicari non possent.

Antipatri, quam causam turbandæ pacis præbitorum, dixerunt. ita nihil de Solis mutatum est.

CAPUT XXXIX.

Bæbius Prætor in Hispaniam provinciam proficiscens, a Liguribus circumventus occiditur: dum in eandem provinciam mittitur Junius Brutus prætor, ibi interim L. Æmilius Paulus ingenti prælio Lusitanos superat.

PER eos dies, quibus hæc gesta sunt, legati 57.
Massiliensium nuntiaverunt, L. Bæbium prætorem in provinciam Hispaniam proficiscentem, ab Liguribus circumventum: magna parte comitum cæsa, vulneratum ipsum cum paucis sine lictoribus Massiliam perfugisse, & intra triduum exspirasse. Senatus, ea re audita, decrevit, uti P. Junius Brutus, qui pro prætore in Etruria esset, provincia exercituque traditis uni cui videretur ex legatis, ipse in ulteriorem Hispaniam proficisceretur: eaque ei provincia esset. Hoc S. C. literæque a Sp. Postumio prætore in Etruriam missæ sunt. profectusque in Hispaniam est P. Junius pro prætore. in qua provincia prius aliquanto quam (1) successor veniret, L. Æmilius Paulus, qui postea regem Persea magna gloria vicit, cum priore anno haud prospere rem gefisset, tumultuario exercitu collecto, signis collatis cum Lusitanis pugnavit. fusi fugatique sunt hostes. cæsa decem & octo millia armatorum, tria millia CCC. capti, & castra expugnata. Hujus victoriæ fama tranquilliores in Hispania res fecit.

CAPUT XL.

Bononiam colonia deducitur . Censura ingenti certamine petitur : Manius Acilius Glabrio , in quem maxime favor hominum se inclinabat , accusatus quod non omnem prædam in Antiochi castris captam detulisset in ærarium , petitione desistit : creantur Censores T. Quintius Flamininus , M. Claudius Marcellus .

Eodem anno ante diem tertium Calendas Januarias Bononiam Latinam coloniam ex S. C. L. Valerius Flaccus , M. Atilius Serranus , L. Valerius Tappus triumviri deduxerunt . tria milia hominum sunt deducta . equitibus septuagena jugera ; cæteris colonis quinquagena sunt . data . ager captus de Gallis Boliis fuerat . Galli (1) Tuscos expulerant . Eodem anno censuram multi & clari viri petierunt . quæ res tanquam in se parum magni certaminis causam haberet , aliam contentionem multo majorem excitavit . petebant T. Quintius Flamininus , P. Cornelius Cn. F. Scipio , L. Valerius Flaccus , M. Porcius Cato , M. Claudius Marcellus , Man. Acilius Glabrio , qui Antiochum ad Thermopylas Ætolosque devicerat . in hunc maxime , quod multa congiaria habuerat , quibus magnam partem hominum obligarat , favor populi se inclinabat . Id cum ægre paterentur tot nobiles , novum sibi hominem præferri tantum , P. Sempronius Gracchus , & C. Sempronius Rutilus tribuni plebis ei diem dixerunt , quod pecuniæ regiæ prædæque aliquantum captæ in Antiochi castris , neque in triumpho tulisset , neque in ærarium detulisset . Varia testimonia legatorum tribunorumque militum erant . M. Cato ante alios testes conspiciebatur : cujus auctoritatem perpetuo tenore vitæ partam , toga (2) candida elevabat . is testis , quæ vasa
au-

(1) v. l. 5. n. 33. (2) candidatus nunc erat Cato .
ideo in re præfenti minus ei habebatur fidei .

aurea atque argentea captis castris inter aliam prædam regiam vidisset, ea se in triumpho negabat vidisse. postremo in hujus maxime invidiam desistere se petitione Glabrio dixit: (1) quando quod taciti indignarentur nobiles homines, id æque (2) novus competitor inestimabili perjurio incesset. centum millium multa irrogata erat. bis de eâ re certatum est. tertio, cum de petitione desitisset reus: nec populus de multa suffragium ferre voluit: & tribuni eo negotio destiterunt. Censores, T. Quintius Flaminus, M. Claudius Marcellus creati. 58.

CAPUT XLI.

L. Æmilii Regilli, qui Polyxenidam Antiochi præfectum ad Myonesum classe devicerat, navalis triumphus.

PER eosdem dies L. Æmilio Regillo, qui classe præfectum Antiochi regis devicerat, extra urbem in æde Apollinis cum senatus datus esset; auditis rebus gestis ejus, quantis cum classibus hostium dimicasset, quot inde naves demersisset aut cepisset, magno consensu Patrum triumphus navalis est decretus. Triumphavit Kal. Februariis. in eo triumpho undequingenta coronæ aureæ translate sunt: pecunia nequaquam tanta pro specie regii triumphi: tetradrachma Attica XXXIIII. millia DCC. cistophori CXXXI. millia CCC. Supplicationes deinde fuerunt ex S. C. quod L. Æmilius in Hispania prospere rempugnavisset.

C A.

(1) quoniam.

(2) Cato, æque ac Glabrio, novus homo, perjurio, cujus pretium nullum esse potest, petebat censuram, tanquam pretium sui perjurii. Sed alii, pro inestimabili, legunt, inexpressibili. alii; inestabili.

CAPUT XLII.

L. Scipio de rege Antiocho ingenti apparatu triumphat: cognomine fratri Africano cognatus, Asiaticus appellatur.

* al. **H** Aud ita multo post L. Scipio ad urbem venit: qui, ne * cognomine fratri cederet, Asiaticum se appellari voluit: & in senatu & in concione de rebus ab se gestis disseruit. Erant qui fama id majus bellum, quam difficultate rei fuisse interpretarentur. uno memorabili prelio debellatum, gloriamque ejus victorie defloratam ad Thermopylas esse. Ceterum vere aestimanti, Ætolicum magis ad Thermopylas bellum, quam regium fuit. quota enim parte virium suarum ibi dimicavit Antiochus? in Asia totius Asiæ steterunt vires, ab ultimis orientis omnium gentium contractis auxiliis. Merito ergo & diis immortalibus, quantus maximus poterat, habitus est honos, quod ingentem victoriam facilem etiam fecissent: & imperatori triumphus est decretus.

39. Triumphavit mense (1) intercalario pridie Kal. Martias. qui triumphus (2) spectaculo oculorum major, quam Africani fratris ejus fuit: (3) recordatione rerum, & estimatione periculi, certaminisque, non magis comparandus, quam si imperatorem imperatori, aut Antiochum ducem Annibali conferres. Tulit in triumpho signa militaria CCXXXIIII. oppidorum simulacra CXXXIIII. eburneos dentes mille CCXXXI. aureas coronas CCXXXIIII. argenti pondo CXLVII. millia, & CCCCXX. tetradrachmum Atticorum CCXXIIII. millia: cistophorum CCCXXXI. millia, & LXX. nummos aureos Philippeos CXL. millia: vasorum argenteorum (omnia cælata erant) mille pondo, & CCCCXXIIII. aureorum mille pondo XXIIII. & duces regii, præfecti, & purpurati duo & XXX. ante currum ducti. Militibus quini-

(1) *Februario.* (2) *quidem.* (3) *autem.*

niviceni denarii dati : duplex centurioni , triplex equiti . & stipendium militare , & frumentum duplex post triumphum datum . prælio in Asia facto , duplex dederat . Triumphavit anno fere posteaquam consulatu abiit .

CAPUT XLIII.

Profecto in Asiam Manlio cos. , prætor quoque Q. Fabius Labeo venit ad classem : belli materiam quærens , in Cretam trajicit : recepta ibi magna captivorum multitudine , Ephesum rediit : inde missis in Thraciam navibus , Ænios , & Maronitas in libertatem asserit .

Eodem fere tempore & Cn. Manlius cos. in 60. Asiam , & Q. Fabius Labeo prætor ad classem venit . cæterum cos. non deerat cum (1) Gallis belli materia . mare pacatum erat , devicto Antiocho . cogitantique Fabio , cui rei potissimum insisteret , ne otiosam provinciam habuisse videri posset : optimum visum est in Cretam insulam trajicere . Cydoniatæ bellam adversus Gortynios Gnosiosque gerebant . & captivorum Romanorum , atque Italici generis magnus numerus in servitute esse per totam insulam dicebatur . Classe ab Epheso profectus , cum primum Cretæ litus attigit , nuntios circa civitates misit , ut armis absterent , captivosque in suis quæque urbibus agrisque conquisitos reducerent , & legatos mitterent ad se , cum quibus de rebus ad Cretenses pariter Romanosque pertinentibus ageret . Nihil magnopere ea Cretenses moverunt . captivos , præter Gortynios , nulli reddiderunt . Valerius Antias ad quatuor millia captivorum , quia belli minas timuerunt , ex tota insula reddita scripsit : eamque causam Fabio , cum rem nullam aliam gessisset , navalis triumphi impetrandi ab senatu fuisse . A Creta Ephesum Fabius rediit . inde tribus navibus in Thraciæ oram missis , ab Æno & Maronia præsidia Antiochi deduci iussit , ut in libertate eæ civitates essent .

LI-

(1) Asiaticis .

LIBER XXXVIII.

CAPUT I.

Aminander Athamanum rex, ab suis vocatus, patrium regnum, pulsus inde Macedonum præsidiis, per Ætolos recuperat.

1.



Um in Asia bellum geritur, ne in Ætolia quidem quietæ res fuerant, principio a gente Athamanum orto. Athamania ea tempestate, pulso Aminandro, sub præfectis Philippi regio tenebatur præsidio, qui superbo atque immodico imperio desiderium Aminandri fecerant. Exulanti tum Aminandro in Ætolia, literis suorum, indicantium statum Athamaniæ, spes recuperandi regni facta est, remissique nuntii ab eo ad principes Argitheam, (id enim caput Athamaniæ erat) si popularium animos satis perspectos haberet, impetrato ab Ætolis auxilio, in Athamaniam se venturum cum (1) delectis Ætolorum, (2) quod consilium esset gentis, & Nicandro prætore. Quos ubi ad omnia paratos esse vidit, certiores subinde facit, quo die cum exercitu Athamaniam ingressurus esset. Quatuor primo fuere conjurati adversus Macedonum præsidium. hi senos sibi adjutores ad rem gerendam assumpserunt. deinde paucitate parum freti, quæ celandæ rei, quam regendæ aptior erat, parem priori numerum adjecerunt. ita duo & L facti, quadrisariam se dividerunt. pars una Heracleam, altera Tetraphyliam petit, ubi custodia regiæ pecuniæ esse solita erat: tertia Theudoriam, quarta Argitheam. Ita inter omnes convenit, ut primo quieti, velut ad privatam rem agendam venissent, in fo-

ro

(1.) *Apocletis. v. l. 36. n. 28.*

(2.) *ut Athamanes Apocletorum consilio uterentur.*

ro obversarentur : die certa multitudinem omnem convocarent ad præsidia Macedonum arcibus expellenda . Ubi ea dies advenit , & Aminander cum mille Ætolis in finibus erat : ex composito quatuor simul locis præsidia Macedonum expulsa , literæque in alias urbes passim dimissæ , ut vindicarent sese ab impotenti dominatione Philippi , & restituerent in patrium ac legitimum regnum . Undique Macedones expelluntur . Theium oppidum , literis a Zenone præfecto præsidii interceptis , & arce ab regiis occupata , paucos dies obsidentibus restitit : deinde id quoque traditum Aminandro est , & omnis Athamania in potestate erat , præter Athenæum castellum , finibus Macedoniae subiectum .

CAPUT II.

Philippus rex , audita Athamaniae defectione , eo celeriter cum exercitu proficiscitur : a gente repulsus , amissa etiam manu militum , quos ad Ethiopiam occupandam præmiserat , in Macedoniam revertitur .

Philippus , audita defectione Athamaniae , cum sex millibus armatorum profectus , ingenti celeritate Gomphos pervenit . ibi relicta maiore parte exercitus (neque enim ad tanta itinera sufficissent) cum duobus millibus Athenæum , quod unum a præsidio suo retentum fuerat , pervenit . inde proximis tentatis , cum facile animadvertisset cætera hostilia esse , Gomphos regressus , omnibus copiis simul in Athamaniam rediit . Zenonem inde cum mille peditibus præmissum Ethiopiam occupare jubet , opportune Argitheæ imminentem : quem ubi teneri a suis locum vidit , ipse circa templum Jovi sacrum posuit castra . Ibi unum diem fœda tempestate retentus , postero die ducere ad Argitheam intendit . Euntibus extemplo apparuere Athamanes , in tumulos imminentes viæ discurrentes . ad quorum conspectum constitere prima signa , totoque agmi-

agmine pavor & trepidatio erat, & pro se quisque, quidnam futurum esset, cogitare, si in vales subjectas rupibus agmen foret demissum. Hæc tumultuatio regem cupientem, si se sequerentur, raptim evadere angustias, revocare primos, & eadem qua venerat via referre coegit signa. Athamanes primo ex intervallo quieti sequebantur. posteaquam Ætoli se conjunxerunt: hos, ut ab tergo agmini instarent, reliquerunt: ipsi a lateribus se circumfuderunt. quidam per notos calles breviori via prægressi, transitus infedere: tantumque tumultus Macedonibus est injectum, ut fugæ magis effusæ, quam itineris ordinati modo, multis armis virisque relictis, flumen trajecerint. Hic finis sequendi fuit. inde tuto Macedones Gomphos, & a Gomphis in Macedoniam redierunt. Athamanes Ætolique Ethiopiam ad Zenonem ac mille Macedonas opprimendos undique concurrerunt. Macedones parum loco freti, ab Ethiopia in altiore diruptioreque undique tumulum concessere: quo, pluribus locis aditu invento, expulere eos Athamanes: dispersosque, & per invias atque ignotas rupes iter fugæ non expedites, partim ceperunt, partim interfecerunt. multi pavore in derupta præcipitati, perpauci cum Zenone ad regem evaserunt. postera die per inducias sepeliendi cæsos potestas facta est.

CAPUT III.

Aminander usus excusatione, quod patrium regnum recuperavit, pacem ab Romanis petit. Ætoli nonnullas gentes, quæ Philippi erant, in suam ditionem redigunt: territi deinde tum Romanorum victoria de rege Antiocho, tum adventu Fulvii cos. per legatos Romam missus pacem tentant.

3. **A**Minander recuperato regno legatos & Romam ad senatum, & ad Scipiones in Asiam, Ephesi post magnam cum Antiocho prælium

lium morantes, misit. Pacem petebat, excusabatque sese, quod per Ætolos recuperasset paternum regnum. Philippum incusabat. Ætoli ex Athamania in Amphilochos profecti sunt, & majoris partis voluntate in jus ditionemque totam redegerunt gentem. Amphilochia recepta (nam fuerat quondam Ætolorum) eadem spe in Aperantiam transcenderunt. ea quoque magna ex parte sine certamine in deditionem venit. Dolopes nunquam Ætolorum fuerant: Philippi erant. hi primum ad arma concurrerunt: cæterum posteaquam Amphilochos cum Ætolis esse, fugamque ex Athamania Philippi, & cædem præsidii ejus acceperere, & ipsi a Philippo ad Ætolos deficiunt. Quibus circumjectis gentibus, jam undique se a Macedonibus tutos credentibus esse Ætolis, fama affertur Antiochum in Asia victum ab Romanis. nec ita multo post legati ab Roma rediere sine spe pacis: Fulviumque COS. nuntiantes jam cum exercitu trajecisse. His territi, prius ab Rhodo & Athenis legationibus excitis, ut per auctoritatem civitatum earum suæ preces super repudiata, faciliorem aditum ad senatum haberent: principes gentis, ad tentandum ultimam spem, Romam miserunt: nihil, ne bellum haberent (1) prius, (nam pœne in conspectu hostis erat) præmeditati.

CAPUT IV.

M. Fulvius cos. per Epirum ducto exercitu Ambraciam, bellum inde contra Ætolos incepturus, acriter eam urbem aggreditur: oppugnatio, ferentibus auxilium Ætolis, ab oppidanis strenue sustinetur.

JAm M. Fulvius Apolloniam exercitu trajecto, cum Epirotarum principibus consultabat, unde

(1) alii; prius quam pœne &c. h. e. nihil solliciti fuerunt, ut bellum averterent, prius quam consulem cum exercitu prope in cervicibus haberent.

de bellum inciperet. Epirotis Ambraciam placebat aggredi, quæ tum (1) contribuerat se Ætolis. sive ad tuendam eam venirent Ætoli, apertos circa campos ad dimicandum esse: sive detrectarent certamen, oppugnationem fore haud difficilem. nam & copiam in propinquo materiæ ad aggeres excitandos & cetera opera esse: & Arethontem, navigabilem amnem, opportunum ad comportanda quæ usui sint, præter ipsa mœnia fluere, & æstatem aptam rei gerendæ adesse. His persuaferunt, ut per Epirum duceret. Consuli ad Ambraciam advenienti magni operis oppugnatio visa est. Ambracia tumulo aspero subjecta est: (2) Perrhantem incolæ vocant. urbs, qua murus vergit in campos & flumen, occidentem: arx, quæ posita in tumulo est, orientem spectat: amnis Arethon ex Acarnania fluens, cadit in sinum maris ab nomine propinque urbis Ambracium appellatum: præterquam quod hinc amnis munit, hinc tumuli, muro quoque firmo septa erat, patente in circuitu paulo amplius tria millia passuum. Fulvius bina a (3) campo castra modico inter se distantia intervallo, unum castellum loco edito contra arcem objecit: ea omnia vallo ac fossa ita jungere parat, ne exitus inclusis ab urbe, neve aditus foris ad auxilia intromittenda esset.

CAPUT V.

Ætoli obsessæ ab Romanis Ambraciæ opem ferentes, ubi jam circumsessam vident, dividunt copias: cum pars earum in urbem penetrasset, ceteras ad Acarnaniam populandam ducunt: Ambracienses interim undique oppugnati, strenue obsistunt.

AD famam oppugnationis Ambraciæ Stratum jam edito Nicandri prætoris convenerant Ætoli. inde primo copiis omnibus ad prohibendam

(1) in societatem se dederat.

(2) Eum tumulum.

(3) in loco plano.

dam obsidionem venire in animo fuerat : deinde, posteaquam urbem jam magna ex parte operibus septam viderunt, Epirotarum trans flumen loco plano castra posita esse, dividere copias placuit. cum mille expeditis Eupolemus Ambraciam profectus, per nondum commissâ inter se munimenta urbem intravit. Nicandro cum cætera manu primo Epirotarum castra nocte aggredi consilium fuerat, haud facili ab Romanis auxilio, quia flumen intererat. deinde periculosum inceptum ratus, ne qua sentirent Romani, & regressus inde in tutum non esset, deterritus ab hoc consilio, ad depopulandam Acarnaniam iter convertit. Consul jam munimentis, quibus sepienda urbs erat, jam operibus, quæ admove-
 re muris parabat, perfectis, quinque simul locis mœnia est aggressus: tria paribus intervallis faciliore aditu a campo adversus Pyrrheum, quod vocant, admovit : unum e regione Æsculapii, unum adversus arcem : arietibus muros quatiebat, asseribus falcatis detergebat pinnas. Oppidanos primo & ad speciem, & ad ictus mœnium cum terribili sonitu editos pavor ac trepidatio cepit. deinde ut præter spem stare muros viderunt : collectis rursus animis, in arietes tollentibus libramenta plumbi, aut saxorum, stipitesve robustos (1) incutiebant; falces, anchoris ferreis injectis, in interiorem partem muri trahentes asserem, perfringebant : ad hoc eruptionibus & nocturnis in custodias operum, & diurnis in stationes, ultro terrorem inferebant.

(1) arietes pondere incusso deorsum deprimebant.

CAPUT VI.

Ætoli, qui ad Acarnaniam populandam se converterant, tentant denuo Ambraciam ab obsidione liberare: manu militum intromissa, reliqui extra urbem, ut ancipiti tumultu res contra Rom. geratur, se continent: cum hi mox alio advocati discessissent, intra urbem obsessi sentientes se desertos, ad oppugnationem sustinendam seniores fiunt.

IN hoc statu res ad Ambraciam cum essent, jam Ætoli a populatione Acarnaniæ Stratum redierant: inde Nicander prætor spem nactus solvendæ incœpto forti obsidionis, Nicodamum quendam cum Ætolis quingentis Ambraciam intromittit. noctem (1) certam tempusque etiam noctis constituit, quo & illi ab urbe opera hostium quæ adversus Pyrrheum erant, aggredirentur, & ipse ad castra Romana terrorem faceret: posse ratus ancipiti tumultu, & nocte augente pavorem, memorabilem rem geri. Et Nicodamus intempesta nocte, cum alias custodias fessellisset, per alias impetu constanti erupisset, superato (2) brachio, in urbem penetrat: animique aliquantum ad omnia audenda, & spei obsessis adjecit: & (3) simul constituta nox venit, ex composito repente opera est aggressus. Id incœptum conatu, quam effectu gravius fuit, quia nulla ab exteriori parte vis admota est, seu metu deterrito prætore Aetolorum, seu quia potius visum est Amphilochis opem ferre nuper (4) receptis: quos Perseus Philippi filius, missus ad Dolopiam Amphilochosque recipiendos, 6. summa vi oppugnabat. Tribus locis, sicut ante dictum est, ad Pyrrheum opera Romana erant: quæ omnia simul, sed nec apparatu nec vi simili

(1) determinatam. (2) ea parte valli, quæ in brachii formam facta erat. (3) simul atque. (4) in Ætolorum amicitiam.

li Ætoli aggressi sunt. alii cum ardentibus facibus, alii stuppam picemque & malleolos ferentes, tota collucente flammis acie, advenere: multos primo impetu custodes oppresserunt. deinde posteaquam clamor tumultusque in castra est perlatus, datumque a consule signum, arma capiunt, & omnibus portis ad opem ferendam effunduntur. uno in loco ferro ignique gesta res est, a duobus irrita incepto, cum tentassent magis, quam inissent certamen, Ætoli abscesserunt. atrox pugna in unum inclinaverat locum. ibi diversis partibus duo duces Eupolemus & Nicodamus pugnantes hortabantur, & prope certa fovebant spe: jam Nicandrum ex composito affore, & terga hostium invasurum. Hæc res aliquandiu animos pugnantium sustinuit. cæterum posteaquam nullum ex composito signum a suis accipiebant, & crescere numerum hostium cernebant, destituti segnius instare: postremo re omissa, jam vix tuto receptu, fugientes in urbem compelluntur, parte operum incensa, & pluribus aliquanto, quam ipsi ceciderant, interfectis. quod si ex composito acta res fuisset, haud dubium erat expugnari una utique parte opera cum magna cæde hostium potuisse. Ambracienses, quique intus erant Ætoli, non ab ejus solum noctis incepto recessere, sed in reliquum quoque tempus, velut proditi a suis, segniores ad pericula erant. jam nemo eruptionibus, ut ante, in stationes hostium, sed dispositi per muros & turres ex tuto pugnabant. Perseus ubi adesse Ætolos 7. audivit, omissa obsidione urbis, quam oppugnabat, depopulatus tantum agros, Amphilo-
chia excessit, atque in Macedoniam rediit. Et Ætolos inde avocavit populatio maritimæ oræ. Pleuratus Illyriorum rex cum LX. lembis Corinthium sinum inVectus, adjunctis Achæorum quæ (1) Patris erant navibus, maritima Ætolia vastabat. adversus quos mille Ætoli missi, quacunque se classis circumegerat, per litorum anfractus brevioribus semitis occurrebant.

G 2

CA-

(1) apud os sinus Corinthiaci.

CAPUT VII.

Ambracienses occulto etiam cuniculo ab Romanis oppugnati, eorum conatum irritum reddunt.

ET Romani ad Ambraciam pluribus locis qua-
 tiendo arietibus muros aliquantum urbis nu-
 daverant : nec tamen penetrare in urbem pote-
 rant . nam & pari celeritate novus pro diruto
 murus objiciebatur, & armati ruinis superstantes
 instar munimenti erant . itaque cum aperta vi
 parum procederet COS. res , cuniculum occul-
 tum, vineis ante contexto loco , agere instituit .
 & aliquandiu , cum dies noctesque in opere ef-
 fient , non solum sub terra fodientes , sed ege-
 rentes etiam humum , fefellere hostem . tumulus
 repente terræ eminens , index operis oppidanis
 fuit . pavidique ne jam subrutis muris facta in
 urbem via esset , fossam intra murum e regione
 ejus operis , quod vineis contextum erat , duce-
 re instituunt . cujus ubi ad tantam altitudinem ,
 quantæ esse solum infimum cuniculi poterat ,
 pervenerunt : silentio facto , pluribus locis aure
 admota , sonitum fodientium captabant . quem
 ubi acceperunt , aperiunt rectam in cuniculum
 viam . nec fuit magni operis . momento enim ad
 inane , suspensio * fulturis ab hostibus muro ,
 pervenerunt . ibi (1) commissis operibus , cum
 e fossa in ^{Ambraciam} hum pateret iter , primo ipsis
 ferrameptis . ^{Ambraciam} us in opere usi erant : dein ce-
 leriter armati etiam subeuntes occultam sub ter-
 ram ediderunt pugnam . segnior deinde ea facta
 est , intersepientibus cuniculum , ubi vellent ,
 nunc ciliciis prætentis , nunc foribus raptim
 objectis . Nova etiam haud magni operis adver-
 sus eos , qui in cuniculo erant , excogitata res
 est . dolium a fundo pertusum , qua fistula modi-
 ca inferi posset , & fistulam ferream , operculum-
 que

(1) cum fossa Ambraciensium , & cuniculus Roma-
 norum conjungerentur .

que dolii ferreum, & ipsum pluribus locis perforatum fecerunt. hoc tenui pluma completum dolium ore in cuniculum verso posuerunt. per operculi foramina prælongæ hastæ, quas sarissas vocant, ad summovendos hostes eminebant. scintillam levem ignis inditam plumæ, folle fabrili ad caput fistulæ imposito, flando accenderunt. inde non solum magna vis fumi, sed acrior etiam foedo quodam nidore ex adusta pluma, cum totum cuniculum compleisset, vix durare quisquam intus poterat.

CAPUT VIII.

Ætoli diversis simul bellis petiti, legationem de pace ad Fulvium cos. Ambraciam obsidentem mittunt: interim, dum ultro citroque cum pacis conditionibus legati redeunt, Ambracienses, opera maxime Aminandri regis Athamanum, se Romanis permittunt.

Cum in hoc statu res ad Ambraciam esset: legati ab Ætolis Phæneas & Damoteles cum liberis mandatis decreto gentis ad COS. venerunt. nam prætor eorum cum alia parte Ambraciam oppugnari cerneret, alia infestam oram navibus hostium esse, alia Amphilochos Dolopiamque a Macedonibus vastari: nec Ætolos simul ad tria diversa bella occurrentes si convocato concilio, Ætolos principes, agendum esset, consuluit. Omnium eo sententiæ decurrerunt, ut pax, si posset, equis, si minus, tolerandis conditionibus peteretur. Antiochi fiducia bellum susceptum. Antiocho terra marique superato, & prope extra orbem terræ ultra jura Tauri exacto, quam spem esse sustinendi belli? Phæneas, & Damoteles quod e re Ætolorum, ut in tali casu, fideque sua esse censerent, agerent. quod enim sibi consilium, aut cujus rei electionem a fortuna relictam? Cum his mandatis legati missi orare COS. ut parceret urbi, misereretur gentis quondam sociæ, nolle dicere injuriis, miseriis certe coactæ insanire. non plus

malis meritis Ætolos Antiochi bello, quam boni ante, cum adversus Philippum bellatum sit, fecisse. nec tum large gratiam relatum sibi, nec nunc immodice pœnam injungi debere. Ad ea COS. respondit: Magis sæpe, quam vere unquam Ætolos pacem petere. imitarentur Antiochum in petenda pace, quem in bellum traxissent. non paucis urbibus eum, de quarum libertate certatum sit, sed omni Asia cis Taurum montem, opimo regno excessisse. Ætolos nisi inermes de pace agentes non auditurum se. arma illis prius, equosque omnes tradendos esse, deinde mille talentum argenti P. R. dandum, cuius summæ dimidium præsens numeretur, si pacem habere vellent. ad ea adjecturum etiam in fœdus esse, ut eosdem quos P. R. amicos atque hostes

9. *babeant. Adversus quæ legati, & quia gravia erant, & quia suorum animos indomitos ac (1) immutabiles noverant, nullo reddito responso domum regressi sunt, ut etiam atque etiam, quid agendum esset, re integra prætorem & principes consularent. Clamore & jurgio excepti, quod diu rem traherent, qualemcunque pacem referre jussi cum redirent Ambraciam, Acarnanum insidiis prope viam positis, quibuscum bellum erat, circumventi, Tyrreum custodiendi deducuntur. Hæc mora injecta est paci. Cum jam Athenien-sium Rhodiorumque legati, qui ad deprecandum pro his venerant, apud COS. essent: Aminander quoque Athamanum rex, fide accepta, venerat in castra Romana, magis pro Ambracia, ubi majorem partem temporis exulaverat, quam pro Ætolis sollicitus. per hos certior factus COS. de casu legatorum, adduci eos a Tyrreo jussit. quorum post adventum agi cœptum est de pace. Aminander, quod sui maxime operis erat, impigre agebat, ut Ambracienses compelleret ad deditionem. id cum per colloquia principum succedens muris parum proficeret: postremo, COS. permissu, ingressus urbem, partim consilio, partim precibus evicit, ut permetterent se Romanis.*

(1) *alii; mutabiles.*

nis. Et Ætolos C. Valerius Lævini filius, qui cum ea gente primum amicitiam pepigerat, consulis frater, matre genitus eadem, egregie adjuvit. Ambracienses prius pacti ut Ætolorum auxiliares sine fraude emitterent, aperuerunt portas. dein ut quingenta Euboica darent talenta, ex quibus CC. præsentia, CCC. per annos sex pensionibus æquis: captivos perfugasque redderent Romanis. (1) urbem ne quam formulæ sui juris facerent, quæ post id tempus, quo T. Quintius trajecisset in Græciam, aut vi capta ab Romanis esset, aut voluntate in amicitiam venisset. Cephallenia insula ut extra jus fœderis esset. Hæc quanquam spe ipsorum aliquanto leviora erant: petentibus Ætolis ut ad concilium referrent, permissum est. Parva disceptatio de urbibus tenuit. quæ cum sui juris aliquando fuissent, avelli velut a corpore suo ægre patiebantur. ad unum tamen omnes accipi pacem jusserunt. Ambracienses coronam auream COS. centum & quinquaginta pondō dederunt. signa ænea niarmoreaque, & tabulæ pictæ, quibus ornatior Ambracia, quia regia ibi Pyrrhi fuerat, quam cæteræ regionis ejus urbes erant, sublata omnia avectaque. nihil præterea tactum, violatumve.

CAPUT IX.

Ætoli jussu Fulvii cos. legatos Romam, ut a senatu quoque pacem accipiant, mittunt: quamvis Patres propter recentes maxime Philippi criminationes primo sint ab Ætolis aversi, placati tamen Atheniensem Rhodiorumque legatorum precibus, tandem, præscriptis conditionibus, dant pacem.

Profectus ab Ambracia COS. in mediterranea 10. Ætolix, ad Argos (2) Amphilochum (XXII. millia ab Ambracia abest) castra posuit. eo tandem

G 4

(1) ne ullam urbem contribuerent sibi, & ad formulam legum Ætolicarum alligarent.

(2) alii; Amphilochium.

dem legati Ætoli, mirante COS. quod morarentur, venerunt. Inde posteaquam approbasse pacem concilium Ætolorum accepit, iussis proficisci Romam ad senatum, permissoque ut & Athenienses & Rhodii deprecatores irent, dato, qui simul cum iis proficisceretur, C. Valerio fratre, ipse in Cephalleniam trajecit. Præoccupatas aures animosque principum Romæ criminibus Philippi invenerunt, qui, per legatos, per literas, Dolopas, Amphilochosque, & Athamaniam ereptas sibi querens, præsidiaque sua, postremo etiam filium Persea ex Amphilochois pulsum, averterat senatum ab audiendis precibus eorum. Rhodii tamen, & Athenienses cum silentio auditi sunt. Atheniensis legatus Leon Icesæ filius, eloquentia etiam dicitur movisse. qui vulgata similitudine, *mari tranquillo, quod ventis concitaretur, æquiparando multitudinem Ætolorum, usus, cum in fide Romanæ societatis mansissent, insita gentis tranquillitate quiescere eos aiebat.* posteaquam flare ab Asia (1) Thoas & Dicearchus, ab Europa Menetas & Damocritus cœpissent: tum illam tempestatem coortam, quæ ad Antiochum eos, sicuti in scopulum, intulisset. Diu jactati Ætoli, tandem ut conditiones pacis convenirent, effecerunt. fuerunt autem hæ. (2) Imperium majestatemque P. R. gens Ætolorum conservato (3) sine dolo malo. ne quem exercitum, qui adversus socios amicosque eorum ducetur, per fines suos transire finito, neve ulla ope juvato, hostes eosdem habero, quos P. R. armaque in eos sero, bellumque pariter gerito. perfugas, fugitivos capti-

(1) de Thoasnte l. 35. n. 12. 32. 42. 45. de Dicearcho ejus fratre. l. 35. n. 12. & l. 36. n. 18. de Meneta Epirota Naupacti præfecto. l. 36. n. 28. de Damocrito Prætoꝛe Ætolorum. l. 31. n. 32. lib. 35. n. 12. 25. 33. & l. 37. n. 36.

(2) hæc est formula fœderum inter inæquales. v. Cic. pro Corn. Balbo c. 16.

(3) pro his Cic. dicto loco substituit, comiter. Polyb. tamen Legat. 28. ἀδελῶς. quæ quomodo differant, exponit Herald. 2. de re judic. auctor. 16.

privosque reddito Romanis sociisque : præterquam si qui capti, cum domos redissent, iterum capti sunt : aut si qui eo tempore ex iis capti sunt, qui tum hostes erant Romanis, cum inter præsidia Romana Ætoli essent. aliorum qui comparebunt, intra dies centum Corcyraeorum magistratibus sine dolo malo tradantur. qui non comparebunt, quando quisque eorum primum inventus fuerit, reddatur. obsides XL. arbitratu COS. Romani dato, ne minores XII. annorum, neu majores XL. obses ne esto prætor, præfectus equitum, scribe publicus, neu quis qui ante obses fuerit apud Romanos. Cephallenia extra pacis leges esto. De pecuniæ summa quam penderent, pensionibusque ejus nihil ex eo quod cum COS. convenerat, mutatum. pro argento si aurum dare mallerent, darent, convenit : dum pro argenteis (1) decem aureus unus valeret. Quæ urbes, qui agri, qui homines Ætolorum juris aliquando fuerunt, qui eorum I. Quintio, Cn. Domitio COSS. postve eos COSS. aut armis subacti, aut voluntate in ditionem P. R. venerunt, ne quem eorum Ætoli recepisse velint. Oeniada cum urbe agrisque Acarnanum sunt. His legibus foedus ictum cum Ætolis est.

CAPUT X.

Manlius cos. Ephesi parat expeditionem in Gallogræciam : eo non recta contendens, ad alias Asiæ gentes subigendas divertit.

E Adem non æstate solum, sed etiam iisdem 12. prope diebus, quibus hæc a M. Fulvio COS. in Ætolia gesta sunt, COS. alter Cn. Manlius in Gallogræcia bellum gessit, quod nunc ordiri pergam. Vere primo Ephesum COS. venit, acceptisque copiis a L. Scipione, & exercitu lustrato, concionem apud milites habuit. qua, collaudata virtute eorum, quod cum Antiocho uno prælio debellassent, adhortatus eos ad novum cum Gal-
lis

(1) apud veteres decupla fuit argenti ad aurum proportio.

his suscipiendum bellum, qui & auxiliis Antiochum juvissent, & adeo indomita haberent ingenia, ut nequicquam Antiochus emotus ultra juga Tauri montis esset, nisi frangerentur opes Gallorum: de se quoque pauca, nec falsa, nec immodica adjecit. Læti milites cum frequenti assensu COS. audiverunt, partem virium Antiochi fuisse Gallos credentes, rege superato nullum momentum in solis per se Gallorum copiis fore. Eumenem haud in tempore abesse, (Romæ tunc erat) credere COS. gnarum locorum hominumque, & cujus interesset frangi Gallorum opes. Attalum igitur fratrem ejus arcessit a Pergamo. hortatusque ad capeffendum secum bellum, pollicentem suam suorumque operam, donum ad comparandum copias dimittit. Paucos post dies profecto ab Epheso COS. ad Magnesium occurrit Attalus cum mille peditibus, equitibus CC.: Athenæo fratre jussu cum cæteris copiis subsequi: commendata iis custodia Pergami, quos fratri regnoque fidos credebat. COS. colaudato juvene, cum omnibus copiis ad Mæandrum progressus, castra posuit: quia vado superari amnis non poterat, & contrahendæ naves erant ad exercitum trajiciendum. Transgressi Mæandrum ad Hieran (1) comen pervenerunt. Fanum ibi augustum Apollinis, & oraculum. sortes versibus haud inconditis dare vates dicuntur. hinc (2) alteris castris ad Harpasum flumen ventum est. quo legati ab Alabandis venerunt, ut castellum quod ab ipsis nuper descisset, aut auctoritate aut armis cogeret jura antiqua pati. Eodem & Athenæus Eumenis & Attali frater cum Cretenfi Leuso, & Corrago Macedone venit. mille pedites mistarum gentium, & trecentos equites secum adduxerunt. Consul, tribuno militum misso cum modica manu, castellum vi receptum Alabandensibus reddit. Ipse nihil

(1) pagum Carie. nomen significat vicum; hieran, sacrum.

(2) altero die.

hil via digressus, ad Antiochiam super (1) Mæandrum amnem posuit castra. Hujus amnis fontes Celænis oriuntur. Celænæ urbs caput quondam Phrygiæ fuit. migratum inde haud procul veteribus Celænis, novæque urbi Apameæ nomen inditum ab Apamea sorore Seleuci regis. Et Marfyas amnis haud procul a Mæandri fontibus oriens, in Mæandrum cadit. fama que ita tenet, Celænis Marfyam cum Apolline tibiæ cantu certasse. Mæander ex arce summa Celænarum ortus, media urbe decurrens per * Garas primum, * al. Carav. deinde Jonas in sinum maris editur, qui inter Prienem, & Miletum est. Ad Antiochiam in castra consulis Seleucus Antiochi filius ex foedere isto cum Scipione ad frumentum exercitui dandum venit. parva disceptatio de Attali auxiliariis orta est, quod, Romano tantum militi pactum Antiochum ut daretur frumentum, Seleucus dicebat. discussa ea quoque est constantia consulis, qui misso tribuno edixit, ne Romani milites acciperent, priusquam Attali auxilia accepissent. Inde ad Gordiutichos (quod vocant) processum est. ex eo loco ad Tabas tertiis castris perventum. In finibus Pisidarum posita est urbs in ea parte, quæ vergit ad Pamphylium mare: integris viribus regionis ejus, feroces ad bellandum habebat viros. Tum quoque equites, in agmen Romanum eruptione facta, haud modice primo impetu turbavere: deinde ut apparuit nec numero se, nec virtute pares esse, in urbem compulsi, veniam erroris petebant, dedere urbem parati. V. & XX. talenta argenti, & X. millia medimnum tritici imperata. ita in deditionem accepti. Tertio inde die ad Chaum amnem perventum. inde profecti Erizam urbem 14. primo impetu ceperunt. Ad Thabusion castellum imminens flumini Indo ventum est, cui fecerat nomen Indus ab elephanto dejectus. Haud procul a Cibra aberant, nec legatio ulla a Moa-

(1) *sinuosus is est. hinc vasa, & obliqua consilia, Mæandri dicuntur.*

gete tyranno civitatis ejus, homine ad omnia infido atque importuno, veniebat. ad tentandum ejus animum C. Helvium cum quatuor millibus peditum & quingentis equitibus consul præmittit. Huic agmini jam fines ingredienti legati occurrerunt, nuntiantes, paratum esse tyrannum imperata facere. orabant, ut pacatus fines iniret, cohiberetque a populatione agri militem; (1) & in coronam auream XV. talenta afferebant, Helvius integros a populatione agros servaturum pollicitus, ire ad consulem legatos jussit, quibus eadem referentibus consul, *Neque Romani, inquit, bonæ voluntatis ullum signum erga nos tyranni habemus, & ipsum talem esse inter omnes constat, ut de pœna ejus magis, quam de amicitia nobis cogitandum sit.* Perturbati hac voce legati nihil aliud petere, quam ut coronam acciperet: veniendique ad eum potestatem tyranno, & copiam loquendi ac purgandi se faceret. Permissu consulis postero die in castra tyrannus venit, vestitus comitatusque vix ad privati modice locupletis habitum, & oratio fuit summissa & infracta, extenuantis opes suas, urbiumque suæ conditionis egestatem querentis. Erant autem sub eo præter Cibyam, Syleum, & quæ Alimne appellatur. ex his, ut se suosque spoliaret, V. & XX. talenta se confecturum, prope ut diffidens pollicebatur. Enimvero, inquit consul, *ferri jam ludificatio ista non potest. parum est non erubuisse absentem, cum per legatos frustraveris nos; nisi præsens quoque in eadem impudentia persistas? V. & XX. talenta tyrannidem tuam exhaurient? quingenta ergo talenta nisi triduo numeras, populationem in agris, obsidionem in urbe expecta.* Hac denuntiatione conterritus, perstare tamen in pertinaci simulatione inopiæ, & paulatim illiberali adjectione, nunc per cavillationem, nunc precibus & simulatis lacrymis, ad centum talenta est perductus. adjecta X. millia medimnum frumenti. Hæc omnia

(1) alii: & coronam auream XV. talentum afferebant.

omnia intra sex dies exacta . A Cibra per agros 15.
 Sindensium exercitus ductus, transgressusque Cau-
 larem amnem, posuit castra. postero die est præ-
 ter Caralitin paludem agmen ductum. ad Man-
 dropolim manserunt. inde progredientibus ad (1)
 Lagon proximam urbem, metu incolæ fugerunt.
 vacuum hominibus, & refertum rerum omnium
 copia oppidum diripuerunt. inde ad Lysis flumi-
 nis fontem, postero die ad (2) Cobulatum a-
 mnem progressi. Thermentenses eo tempore Hyri-
 ensium arcem urbe capta oppugnabant. inclusi,
 cum alia spes auxilii nulla esset, legatos ad con-
 sulem orantes opem miserunt. cum conjugibus
 ac liberis in arce inclusos se mortem in dies aut
 ferro aut fame patiendam expectare. Volenti
 consuli causa in Pamphyliam divertendi oblata
 est. adveniens obsidione Hyrienses exemit. Ter-
 meso pacem dedit, quinquaginta talentis argenti
 acceptis. item Aspendiis cæterisque Pamphyliæ
 populis. Ex Pamphyliā rediens ad flumen Tau-
 rum primo die, postero ad (3) Xylinem (quam
 vocant) comen posuit castra. profectus inde con-
 tinentibus itineribus ad Cormasam urbem perve-
 nit. Darfa proxima urbs erat: eam metu inco-
 larum desertam, plenam omnium rerum copia in-
 venit. Progredienti præter paludes legati ab Ly-
 sinoe dedentes civitatem venerunt. Inde in a-
 grum Sagalassenum, uberem fertilemque omni ge-
 nere frugum, ventum est. Colunt Pisidæ, longe
 optimi bello regionis ejus. cum ea res animos
 facit, tum agri fecunditas, & multitudo homi-
 num, & situs inter paucas munitæ urbis. Con-
 sul, quia nulla legatio ad fines præsto fuerat,
 prædatum in agros misit. tum demum fracta per-
 tinacia est, ut ferri agique res suas viderunt.
 legatis missis pacti quinquaginta talentis, & XX.
 millibus medimnum tritici, & XX. hordei, pa-
 cem impetraverunt. Progressus inde ad Obrimæ
 fontes, ad vicum, quem Aporidos comen vocant,

po-

- (1) *ignotus is locus.* (2) *alii: Colobatum.*
 (3) *lignum pagum, ut sonat vox græca.*

posuit castra. Eo Seleucus ab Apamea postero die venit. Ægros inde & inutilia impedimenta cum Apameam dimisisset, ducibus itinerum a Seleuco acceptis, profectus eo die in Metropolitanum campum, postero die Dinias Phrygiæ processit. inde Synnada venit, metu omnibus circa oppidis desertis. quorum jam præda grave agmen trahens, vix quinque millium die toto itinere perfecto, ad Beudos, quod vetus appellant, pervenit. ad Anabura inde, & altero die ad Alandri fontes, tertio ad Abassum posuit castra. ibi plures dies stativa habuit, quia perventum erat ad (1) Tolistobogiorum fines.

CAPUT XI.

Gallorum Asiam incolentium origo, divisio, & imperium.

16. **G**alli, magna hominum vis, seu inopia agrì, seu prædæ spe, nullam gentem, per quas ituri essent, parem armis rati, Brenno duce in (2) Dardanos pervenerunt. ibi seditio orta, & ad XX. millia hominum cum Leonorio ac Lutariorum regulis, secessione facta a Brenno, in Thraciam iter averterunt. ubi cum resistantibus pugnando, pacem petentibus stipendium imponendo, Byzantium cum pervenissent, aliquandiu oram Propontidis vestigalem habendo, regionis ejus urbes obtinuerunt. Cupido inde eos in Asiam transeundi, audientes ex propinquo quanta ubertas terræ ejus esset, cepit. & Lysimachia fraude capta, Chersonesoque omni armis possessa, ad Hellepontum descenderunt. ibi vero exiguò divisis freto cernentibus Asiam, multo magis animi ad transeundum accensi, nuntiosque

ad

(1) Gallorum qui in Asiam profecti sunt, tres erant gentes præcipuæ, Tectosages, Trocmi, & Tolistobogii.

(2) Gallorum expeditiones narrat Polyb. l. 2. Justin. l. 24. c. 4. Strabo l. 12. Pausan. in Phocicis.

ad Antipatrum præfectum ejus oræ de transitu mittebant. quæ res cum lentius spe ipsorum traheretur, alia rursus nova inter regulos orta feditio est. Leonorius retro, unde venerat, cum majore parte hominum repetit Byzantium. Lutarus Macedonibus per speciem legationis ab Antipatro ad speculandum missis, duas testas naves, & tres lembos adimit. his alios atque alios dies noctesque transvehendo, intra paucos dies omnes copias trajecit. Haud ita multo post Leonorius, adjuvante Nicomede Bithyniæ rege, a Byzantio transiit. coeunt deinde in unum rursus Galli, & auxilia Nicomedi dant, adversus Zybœam, partem tenentem Bithyniæ, gerenti bellum. atque eorum maxime opera devictus Zybœa est, Bithyniaque omnis in ditionem Nicomedis concessit. Profecti ex Bithynia in Asiam processerunt. non plus ex XX. millibus hominum quam decem armata erant. tamen tantum terroris omnibus, quæ cis Taurum incolunt, gentibus injecerunt, ut quas adissent, quasque non adissent (1) pariter ultimæ propinquis imperio parerent. Postremo cum tres essent gentes, Tolistobogii, Trocmi, Teetofages, in tres partes, qua cuique populorum suorum vectigalis Asia esset, diviserunt. Trocmis Hellesponti ora data, Tolistobogii Æolida atque Joniam, Teetofagi mediterranea Asiæ sortiti sunt. & stipendium tota cis Taurum Asia exigebant. sedem autem ipsi sibi circa Halyn flumen ceperunt: tantusque terror eorum nominis erat, multitudine etiam magna sobole aucta, ut Syriæ quoque ad postremum reges stipendium dare non abnuerent. Primus Asiam incolentium abnuit Attalus, pater regis Eumenis: audacique incepto præter omnium opinionem affuit fortuna, & signis collatis superior fuit. non tamen ita infregit animos eorum, ut abisterent imperio. * Eisdem opes usque ad bellum Antiochi cum Romanis manserunt. tum quoque pulso Antiocho, magnam spem habue-

* al.
ex-
dem.

runt,

(1) non minus ultima, quam propinqua.

runt, quia procul mari incoherent, Romanum exercitum ad se non perventurum.

CAPUT XII.

Manlius cos. bellum contra Gallogræcos, quorum ad fines jam pervenit, suscepturus, milites oratione accendit: deinde in hostes castra promovet.

7. **C**um hoc hoste tam terribili omnibus regionis ejus quia bellum gerendum erat, pro concione milites maxime in hunc modum allocutus est consul: Non me præterit, milites, omnium quæ Asiam colunt gentium, Gallos fansa belli præstare. inter mitissimum genus hominum ferox natio pervagata bello prope orbem terrarum, sedem cepit. procera corpora, promissæ & rutilatæ comæ, vasta scuta, prælongi gladii: ad hoc cantus ineuntium prælium, & ululatus, & tripudia, & quatientium scuta in patrium quendam morem horrendus armorum crepitus: omnia de industria composita ad terrorem. Sed hæc, quibus insolita atque insueta sunt, Græci, & Phryges, & Cares timeant: Romanis Gallici tumultus (1) assuetis etiam vanitates notæ sunt. Semel primo congressu ad Alliam olim suderunt majores nostras. ex eo tempore per ducentos jam annos pecorum in modum consternatos cædunt fugantque, & plures prope de Gallis triumphî, quam de toto orbe terrarum acti sunt. Jam usu hoc cognitum est, si primum impetum, quem fervido ingenio & cæca ira effundunt, sustinueris; fluunt sudore & lassitudine membra, labant arma: mollia corpora, molles, ubi ira confedit, animos, sol, pulvis, sitis, ut ferrum non admoveas, prosternunt. Non legionibus legiones eorum solum experti sumus, sed vir unus cum viro congrediendo, T. Manlius, M. Valerius, quantum Gallicam rabiem vinceret Romana virtus, docuerunt. jam M. Manlius unus
agmi-

(1) assuetus, hic cum genitivo, ut insuetus l. 6. n. 34. quum ad id, moris ejus insueta, expavisset minor Fabia.

agmine scandentes in Capitolium Gallos detruxit .
 & illis majoribus nostris cum haud dubiis Gallis
 in terra sua genitis res erat . hi jam degeneres sunt ,
 misti , & Gallogræci vere , quod appellantur . sicut
 in frugibus pecudibusque , non tantum semina ad
 servandam indolem valent , quantum terra proprie-
 tas , cælique sub quo aluntur , mutat . Macedones ,
 qui Alexandriam in Ægypto , qui Seleuciam ac
 Babyloniam , quique alias sparsas per orbem terra-
 rum colonias habent , in Syros , Parthos , Ægyptios
 degenerarunt . Massilia inter Gallos sita traxit ali-
 quantum ab accolis animorum . Tarentinis quid ex
 Spartana dura illa & horrida disciplina mansit ?
 Generosius in sua quicquid sede gignitur , insitum
 alienæ terræ in id quo alitur , natura vertente se ,
 degenerat . Phrygas igitur Gallicis oneratos armis ,
 sicut in acie Antiochæ cecidistis , victos victores cede-
 tis . Magis id vereor , ne parum inde gloriæ , quam
 ne nimium belli sit . Attalus eos rex sæpe fudit fu-
 gavitque . Nolite existimare , belluas tantum recens
 captas , feritatem illam silvestrem primo servare :
 deinde cum diu manibus humanis alantur , mite-
 scere ; in hominum feritate mulcenda non eandem
 naturam esse . Eosdemne hos creditis esse , qui patres
 eorum avique fuerunt ? extorres inopia agrorum pro-
 fecti domo , per asperrimam Illyrici oram , Pæoniam
 inde & Thraciam , pugnando cum ferocissimis gen-
 tibus emensi , has terras ceperunt . duratos eos
 tot malis exasperatosque accepit terra , quæ copia re-
 rum omnium saginaret . uberrimo agro , mitissimo
 cælo , clementibus accolarum ingeniis , omnis illa ,
 cum qua venerant , mansuefacta est feritas . Vobis
 mehercule Martis viris cavenda ac fugienda quam-
 primum amœnitas est Asiæ . tantum hæ peregrinæ
 voluptates ad extinguendum vigorem animorum pos-
 sunt , tantum contagio disciplina morisque accolarum
 valet . Hoc tamen feliciter evenit , quod sicut vinum
 adversus vos nequaquam , ita famam apud Græcos
 parem illi antiquæ obtinent , cum qua venerunt :
 bellicque gloriam victores eandem inter socios habe-
 bitis , quam , si servantes antiquum specimen ani-
 morum , Gallos vicissetis . Concione dimissa , mis-

fisque ad Epoffognatum legatis, qui unus ex regulis & in Eumenis amicitia manserat, & negaverat Antiocho adversus Romanos auxilia, castra movit. primo die ad Alcandrum flumen, postero ad vicum quem vocant Tyscon, ventum. Eo legati Oroandensium cum venissent amicitiam petentes, CC. talenta iis sunt imperata: precantibusque ut domum renuntiarent, potestas facta. Ducere inde exercitum consul ad Plitendum: deinde ad Alyattos castra posita. Eo missi ad Epoffognatum redierunt, & legati reguli, orantes ne Tectosagis bellum inferrent. & ipsum in eam gentem iturum Epoffognatum, persuasurumque ut imperata faciant. Data venia regulo. duci inde exercitus per (1) Axylon (quam vocant) terram coeptus. Ab re nomen habet. non ligni modo quicquam, sed ne spinas quidem, aut ullum aliud alimentum fert ignis: fimo bubulo pro (2) lignis utuntur.

C A P U T XIII.

Penetranti in Gallogræciam Manlio cos. trans Sangarium amnem Galli Matris Pessinuntiae ultro occurrunt: Tolistobogii, Tectosages, & Trocmi, recusantes imperata facere, montes ejus regionis editissimos petunt.

AD Cuballum Gallogræciæ castellum castra habentibus Romanis apparuere cum magno tumultu hostium equites. nec turbarunt tantum stationes Romanas, repente inveci, sed quosdam etiam occiderunt. qui tumultus cum in castra perlatus esset, effusus repente omnibus porris equitatus Romanus fudit fugavitque Gallos, & aliquot fugientes occidit. Inde consul, ut qui jam ad hostes perventum cerneret, explorato deinde, & cum cura coacto agmine procedebat.

(1) ab α privativo, & ἄλυν, lignum.

(2) alibi loco lignorum, ossibus ad ignem alendum utebantur. Herod. 4. 61. & Mela 2. 1.

debat. continentibus itineribus cum ad Sangarium flumen pervenisset, pontem, quia vadō nusquam transitus erat, facere instituit. Sangarius ex Adoreo monte per Phrygiam fluens, miscetur ad Bithyniam Tymbri fluvio: inde major geminatis aquis per Bithyniam fertur, & in (1) Propontidem sese effundit, non tamen tam magnitudine memorabilis, quam quod piscium acolis ingentem vim præbet. Transgressis pontē perfectō flumen, præter ripam euntibus Galli matris magnæ a Pessinunte occurrere cum (2) insignibus suis, vaticinantes fanatico carmine: deam Romanis viam belli & victoriam dare, imperiumque ejus regionis. Accipere se omen cum dixisset consul, castra eo ipso loco posuit. postero die ad Gordium pervenit. Id haud magnum quidem oppidum est, sed plusquam mediterraneum celebre & frequens emporium. (3) tria maria pari ferme distantia intervallo habet: Hellepontum, ad Sinopen, & alterius oræ litora, qua Cilices maritimi colunt. multarum magnarumque præterea gentium fines contingit; quarum commercium in eum maxime locum mutui usus contraxere. id tum desertum fuga incolarum oppidum, refertum idem copia rerum omnium invenerunt. Ibi stativa habentibus legati ab Epistognato venerunt, nuntiantes perfectum eum ad regulos Gallorum, nihil æqui impetrasse. ex campestribus vicis agrisque frequentes demigrare, & cum conjugibus ac liberis, quæ ferre atque agere possent, præ se agentes portantesque, Olympum montem petere, ut inde armis locorumque
190
situ

(1) an, Pontum? ex Arrian. l. 1. 30.

(2) missi, teste Suida, ab Attide, & Batacco primariis Sacerdotibus Cybeles ad hunc Consulem. ii Sacerdotes dicti sunt Galli a Gallo fluvio, erantque, imitatione Atyos, exsecti, & spadones.

(3) ad occidentem Ægeum cum Hellesponto, & Propontide, alterum ad Sinopen, scil. Pontum Euxinum ad septentrionem. tertium ad littora Cilicum, scil. Pamphylium, ad meridiem.

situ sese tueantur. Certiora postea Oroandensium legati attulerunt. Tolistobogiorum civitatem Olympum montem cepisse: diversos Tectosagos alium montem, qui Magava dicatur, petisse: Trocmos, conjugibus ac liberis apud Tectosagos depositis, armorum agmine Tolistobogiis statuisset auxilium ferre. Erant autem tunc trium populorum reguli Ortiagon, & Combolomarus, & Gaulotus. Iis hæc maxime belli ratio sumendi fuerat, quod cum montes editissimos ejus regionis tenerent, convectis omnibus quæ ad usum quamvis longi temporis sufficerent, tædio se fatigaturos hostes censebant. nam neque ausuros per tam ardua atque iniqua loca subire eos, & si conarentur, vel parva manu prohiberi ac deturbari posse: nec quietos in radicibus gelidorum montium sedentes frigus, aut inopiam laturos. Et cum ipsa altitudo locorum eos tutaretur, fossam quoque & alia munimenta verticibus iis, quos infederant, circumjecere. minima apparatus missilium telorum cura fuit: quod saxa affatim præbituram asperitatem ipsam locorum credebant.

CAPUT XIV.

Manlius cos. veniens ingenti apparatu ad Olympum, Gallogræcos Tolistobogios, qui eum ceperant montem, magno prælio profligat.

20. **C**onsul, quia non cominus pugnam, sed procul locis oppugnandis futuram præceperat animo, ingentem vim pilorum, (1) velitarium hastarum, sagittarum, glandisque, & modicorum, qui funda mitti possent, lapidum paraverat. instructusque missilium apparatu ad Olympum montem ducit, & a quinque ferme millibus locat castra. Postero die cum quadringentis equitibus & Attalo progressum euni ad naturam montis, situmque Gallicorum castrorum visendum, equites hostium, duplex numerus, effusi

ca-

(1) de velitaribus bastis Turn. 14. Adv. 11.

castris in fugam averterunt. occisi quoque pauci
 fugientium, vulnerati plures. Tertio die cum
 omnibus ad loca exploranda profectus, quia ne-
 mo hostium extra munimenta processit: tuto cir-
 cumvectus montem, animadvertit meridiana re-
 gione terrenos, & placide acclives ad quendam
 finem colles esse: ad septentrionem arduas & re-
 ctas prope rupes. atque omnibus ferme aliis in-
 viis, itinera tria esse: unum medio monte, qua
 terrena erant: duo difficilia ab hiberno solis or-
 tu, & ab æstivo occasu. Hæc contemplatus eo
 die sub ipsis radicibus posuit castra. postero die
 sacrificio facto, cum primis hostiis (1) litasset:
 trifariam exercitum divisum ducere ad hostem
 pergit. ipse cum maxima parte copiarum, qua
 æquissimum aditum præbet mons, ascendit. L.
 Manlium fratrem ab hiberno ortu, quoad loca
 patiantur, & tuto possit, subire jubet. si qua
 periculosa & prærupta occurrant, non pugnare
 cum iniquitate locorum, neque inexsuperabili-
 bus vim afferre, sed obliquo monte ad se de-
 clinare & suo agmini conjungi. C. Helvium cum
 tertia parte circumire sensim per infima montis:
 deinde ab æstivo occasu erigere agmen. & At-
 tali auxilia trifariam æquo numero divisit. se-
 cum esse ipsum juvenem iussit. equitatum cum
 elephantis in proxima tumulis planicie reliquit.
 edictum præfektis, ut intenti, quid ubique ge-
 ratur, animadvertant: opemque ferre, quo po-
 stulent res, properent. Galli duobus lateribus 21.
 satis fidentes invia esse, ab ea parte quæ in me-
 ridiem vergeret, ut armis clauderent viam,
 quatuor ferme millia armatorum ad tumulum im-
 minentem viæ minus M. passuum a castris occu-
 pandum mittunt: eo se rati velut castello iter
 impedituros. Quod ubi Romani viderunt, ex-
 pediunt sese ad pugnam. ante signa modico in-
 tervallo velites eunt, & ab Attalo Creteneses sa-
 gittarii & funditores, & Tralli Thraces: signa
 pe-

(1) cum earum extra felicibus notis insignita es-
 sent.

peditum, ut per arduum, leni gradu ducuntur, ita præ se habentium scuta, ut missilia tantum vitarent: pede collato non viderentur pugnaturi. Missilibus ex intervallo loci prælium commissum est primo par, Gallos loco adjuvante, Romanos varietate & copia telorum. procedente certamine nihil jam æqui erat. scuta longa, cæterum ad amplitudinem corporum parum lata, & ea ipsa plana, male tegebant Gallos. nec jam tela alia habebant præter gladios, quorum, cum manum hostis non confereret, nullus usus erat. saxi nec modicis, ut quæ non præparassent, sed quod cuique temere trepidanti ad manum venisset, ut insueti, nec arte nec viribus adjuvantes ictum, utebantur. sagittis, glande, jaculis incauti ab omni parte confgebantur: nec quid agerent, ira & pavore obcæcatis animis, cernebant. & erant deprehensi genere pugnae, in quod minime apti sunt. nam quemadmodum continuus, ubi invicem pati & inferre vulnera licet, accendit ira animos eorum: ita ubi ex occulto, & procul levibus telis vulnerantur, nec quo ruant cæco impetu, habent, velut feræ transfixæ in suos temere incurrunt. (1) Detegebat vulnera eorum, quod nudi pugnant: & sunt fusa & candida corpora: ut quæ nunquam nisi in pugna nudentur. ita & plus sanguinis e multa carne fundebatur, & foediores patebant plagæ: & candor corporum magis sanguine atro maculabatur. sed non tam patentibus plagis moventur: interdum infecta cute, ubi latior quam altior plaga est, etiam gloriosius se pugnare putant. * iidem, idem. cum aculeus sagittæ, aut glandis abditæ introrsus tenui vulnere in speciem urit, & scrutantes quæ vellent, telum non (2) non sequitur: tum in

(1) hoc ipsum quod nudi pugnant, detegebat.

(2) ita Æneas Virg. l. 12. v. 387. sevit, & infracta luctatur arundine telum eripere, auxilioque viam, qua proxima poscit: ense secant lato vulnus, relique latebram rescindant penitus, se sequæ in bella remittant.

in rabiem & pudorem tam parvæ (1) perimentis pestis versi, prosternunt corpora humi: sic ut passim procumberent. alii ruentes in hostem undique confgebantur: & cum cominus venerant, gladiis a velitibus trucidabantur. Hic miles tripedalem parmam habet, & in dextera hastas, quibus eminus utitur. gladio Hispaniensi est cinctus, quod si pede collato pugnandum est, translatis in lævam hastis, stringit gladium. Pauci supererant jam Gallorum: qui posteaquam ab levi armatura superatos se viderunt, & instare legionum signa, effusa fuga castra repetunt, pavoris & tumultus jam plena: ut ubi foemine puerique, & alia imbellis turba permixta esset. Romanos victores deserti fuga hostium acceperunt tumuli. Sub idem tempus L. Manlius & 22. C. Helvius, cum, quoad viam colles obliquiderunt, ascendissent: posteaquam ad invia ventum est, flexere iter in partem montis, quæ una habebat iter: & sequi consulis agmen modico uterque intervallo, velut ex composito, coeperunt: quod primo optimum factu fuisset, in id necessitate ipsa compulsi. subsidia enim in talibus iniquitatibus locorum maximo sæpe usui fuerunt: ut primis forte deturbatis, secundi & tegant pulsos, & integri pugnam excipiant. Consul, posteaquam ad tumulos ab levi armatura captos prima signa legionum pervenerunt: respirare & conquirere paulisper militem jubet. simul strata per tumulos corpora Gallorum ostentat. & cum levis armatura tale prælium ediderit, quid ab legionibus, quid ab iustis armis, quid ab animis fortissimorum militum expectari? castra illis capienda esse, in quæ compulsus ab levi armatura hostis trepidet. præcedere tamen jubet levem armaturam: quæ, cum staret agmen, colligendis per tumulos telis, ut missilia sufficerent, haud segne idipsum tempus consumpserat. Jam castris appropinquabant. & Galli, ne parum se munimenta

(1) necem afferentis.

23. ea sua tenerent, armati pro (1) vallo constiterant. obruti deinde omni genere telorum, cum, quo plures ac densiores erant, eo minus vani quicquam intercideret teli: intra vallum momento temporis compelluntur, stationibus tantum firmis ad ipsos aditus portarum relictis. In multitudinem compulsam in castra, vis ingens missilium telorum conjiciebatur. &, vulnerari multos, clamor permixtus mulierum atque puerorum ploratus significabat. In eos qui portas (2) stationibus suis clausuerant, legionum antesignani pila coniecerunt. hi vero (3) non vulnerabantur, sed (4) transverberatis scutis plerique inter se conferti hærebant. nec diutius impetum Romanorum sustinuerunt. Patentibus jam portis, priusquam irrumperent victores, fuga e castris Gallorum in omnes partes facta est. ruunt cæci per vias, per invia: nulla præcipitia saxa, nullæ rupes obstant. nihil præter hostem metuunt. itaque plerique præcipites per vastam altitudinem prolapsi aut debilitati exanimantur. Consul, castris captis, direptione prædaque abstinuit. militem sequi pro se quæque & instare, & percussis pavorem addere jubet. Supervenit & alterum cum L. Manlio agmen. nec eos castra intrare finit. protinus ad persequendos hostes mittit. & ipse paulo post, tradita captivorum custodia tribunis militum, sequitur, debellatum ratus, si in illo pavore quamplurimi cæsi forent aut capti. Egresso consule, C. Helvius cum tertio agmine advenit. nec continere suos a direptione castrorum valuit. prædaque eorum iniquissima sorte, qui pugnae non interfuerant, facta est. Equites diu ignari & pugnae & victoriæ suorum steterunt. deinde & ipsi, quantum equi in colles subire

po-

- (1) ita prius superandi Galli, deinde munimenta.
 (2) corporibus suis.
 (3) ea vis est, quasi diceret, non modo.
 (4) difficile hoc non erat; quia scuta plana erant,
 & sine umbrionibus.

poterant, sparsos fuga Gallos circa radices montis confectati, cecidere aut cepere. Numerus interfectorum haud facile iniri potuit, quia late inter omnes anfractus montium fugaque & cædes fuit: & magna pars rupibus inviis in profundæ altitudinis convalles delapsa est, pars in silvis vepribusque occisa. Claudius, qui bis pugnatum in Olympo monte scribit, ad XL. millia hominum cæsa, auctor est. Valerius Antias, qui magis immodicus in numero augendo esse solet, non plus decem millia. Numerus captivorum haud dubie millia XL. explevit: quia omnis generis ætatisque turbam secum traxerant, demigrantium magis, quam in bellum euntium modo. Consul armis hostium in uno concrematis cumulo, cæteram prædam conferre omnes iussit: & aut vendidit quod ejus in publicum redigendum erat: aut cum cura, ut quam æquissima esset, per milites divisit. Laudati quoque pro concione omnes sunt, donatique pro merito quisque: ante omnes Attalus summo ceterorum assensu. nam singularis ejus juvenis cum virtus & industria in omnibus laboribus periculisque, tum modestia etiam fuerat.

CAPUT XV.

Superatis Tolistobogiis, Manlius cos. contra Tectosagos proficiscitur: interim memorabili virtutis & pudicitie exemplo Ortiagontis reguli Gallogrecorum uxor centurionem, a quo per vim violata fuerat, occidit.

Supererat bellum integrum cum Tectosagis. 24.
Ad eos profectus cos. tertiis castris Ancyram, nobilem in illis locis urbem, pervenit: unde hostes paulo plus X. millia aberant. ubi cum stativa essent, facinus memorabile a captiva factum est. Ortiagontis reguli (1) uxor forma

Tom. IV.

H

exi-

(1) Chiomara. de qua Plut. lib. de Virt. mulierum. c. 43. Val. Max. l. 6. c. 1.

eximia custodiebatur inter plures captivos. cui custodiae centurio præerat, & libidinis & avaritiæ militaris. is primo ejus animum tentavit. quem cum abhorrentem a voluntario videret stupro, corpori, quod servum fortuna erat, vim fecit. deinde ad leniendam indignitatem injuriæ, spem redditus ad suos mulieri facit: & ne eam quidem, ut (1) amans, gratuitam. certo auri pondere pactus, ne quem conscium suorum haberet, ipsi permittit, ut quem vellet, unum ex captivis nuncium ad suos mitteret. locum prope flumen constituit: quo duo, ne plus, necessarii captivæ cum auro venirent nocte insequenti ad eam accipiendam. Forte ipsius mulieris servus inter captivos ejusdem custodiae erat. hunc nuntium primis tenebris extra stationes centurio educit. Nocte insequenti & duo necessarii mulieris ad constitutum locum, & centurio cum captiva venit. ubi cum aurum ostenderent, quod summam talenti Attici (tanti enim pepigerat) expleret: mulier (2) lingua sua, stringerent ferrum, & centurionem pensantem aurum occiderent, imperavit. Jugulati præcisum caput ipsa involutum veste ferens, ad virum Ortiagontem, qui ab Olympo domum refugerat, pervenit. quem priusquam complecteretur, caput centurionis ante pedes ejus abjecit. mirantique cujusnam id caput hominis, aut quod id facinus haudquam muliebre esset, & injuriam corporis, & ultionem violatæ per vim pudicitie confessæ viro est. (3) aliaque (ut traditur) sanctitate & gravitate vitæ hujus matronalis facinoris decus ad ultimum conservavit.

C A-

(1) *sed ut avarus.*(2) *sermone patrio,*(3) *intelligit, pro reliqua. alii: illaque.*

CAPUT XVI.

Cos. Manlius a Gallis Tectosagis in colloquium de pace vocatus fraude pœne opprimitur. strenue auxilio sunt pabulatores Romani, qui haud procul a colloqui loco in statione positi fuerant.

AD Ancyram in stativa Tectosagum oratores 25.
ad consulem venerunt, petentes ne ante ab Ancyra castra moveret, quam collocutus cum suis regibus esset. nullas condiciones pacis iis non bello fore potiores. Tempus in posterum diem constituitur, locusque qui maxime medius inter castra Gallorum, & Ancyram est visus. Quo cum consul ad tempus cum præsidio quingentorum equitum venisset: nec ullo Gallorum ibi viso, regressus in castra esset: oratores iidem redeunt, excusantes, religione objecta venire reges non posse. principes gentis, per quos æque res transigi posset, venturos. Consul se quoque Attalum missurum dixit. Ad hoc colloquium utrinque ventum est. trecentos equites Attalus præsidii causa cum adduxisset, * dictæ sunt pa- * al.
cis condiciones. Finis rei quia absentibus duci- iactæ.
bus imponi non poterat, convenit uti consul regesque eo loco postero die congregerentur. Frustratio Gallorum eo spectabat, primum ut tererent tempus, donec res suas, cum quibus periclitari nolebant, cum conjugibus ac liberis, trans Halyn flumen trajicerent: deinde quod ipsi consuli parum cauto adversus colloqui fraudem insidiabantur. Mille ad eam rem ex omni numero audaciæ expertæ delegerunt equites. & suecessisset fraus, ni pro jure gentium, cujus violandi consilium initum erat, stetisset fortuna. Pabulatores lignatoresque Romani in eam partem, in qua colloquium futurum erat, ducti sunt: tutius id futurum tribunis ratis, quia consulis præsidium & ipsum pro statione habituri erant, hosti oppositum. suam tamen alteram stationem propius castra sexcentorum equi-

tum posuerunt. Consul, affirmante Attalo venturos reges, & transigi rem posse, profectus e castris, cum eodem quo antea præsidio equitum, quinque millia fere processisset, nec multum a constituto loco abesset: repente concitatis equis cum impetu hostili videt Gallos venientes. constituit agmen, & expedire tela animosque equitibus iussis, primo constanter initium pugnae accepit, nec cessit. dein cum prægravaret multitudo, cedere sensim, nihil confusis turmarum ordinibus, coepit. postremo cum jam plus in mora periculi, quam in ordinibus conservandis præsidii esset, omnes passim in fugam effusi sunt. tum vero instare dissipatis Galli, & cedere. magnaue pars oppressa foret, ni statio pabulatorum sexcenti equites occurrissent. ii procul clamore pavido suorum exaudito, cum tela equosque expedissent, integri profligatam pugnam acceperunt. itaque versa extemplo fortuna est, versus in victores a victis terror. & primo impetu fusi Galli sunt, & ex agris concurrebant pabulatores, & undique obvius hostis Gallis erat: ut ne fugam quidem facilem aut tutam haberent, quia recentibus equis Romani fessos sequebantur. pauci ergo effugerunt. captus est nemo. major multo pars per fidem violati colloquii poenas morte luerunt.

CAPUT XVII.

Testosagum perfidia irritatos milites ad montem Magava, ab illis captum Cos. Manlius ducit: acie ibi instructa, primo impetu turbat, & fugat: captis castris, ingenti præda potitur: fracti demum Galli ad eum oratores de pace mittunt.

26. **R**omani ardentibus ira animis postero die omnibus copiis ad hostem perveniunt. bi-duum natura montis per seipsum exploranda, ne quid ignoti esset, absumpsit consul. tertio die cum auspicio operam dedisset, deinde inmolasset: in quatuor partes divisas copias educit:

cit: duas ut medio monte duceret: duas ab lateribus ut adversus cornua Gallorum erigeret. Hostium quod roboris erat, Tectosagi & Trocmi mediam tenebant aciem, millia hominum quinquaginta. equitatum, quia equorum nullus inter inæquales rupes usus erat, ad pedes deductum, X. millia hominum, ab dextro locaverunt cornu. Ariarathis Cappadoces & * Morzis (1) ^{al. Mor-} auxiliares in lævo quatuor ferme millium numerum explebant. Consul, sicut in Olympo monte, prima in acie locata levi armatura, telorum omnis generis ut æque magna vis ad manum esset, curavit. Ubi appropinquarunt, omnia eadem utrinque quæ fuerant in priore prælio, erant, præter animos & victoribus ab re secunda auctos, & hostibus fractos: quia etsi non ipsi victi erant, suæ gentis hominum cladem pro sua ducebant. itaque a paribus initiis cœptares, eundem exitum habuit. Velut nubes levium telorum conjecta obruit aciem Gallorum: nec aut procurrere quisquam ab ordinibus suis, ne nudaret undique corpus ad ictus, audebat: & stantes, quo densiores erant, hoc plura, velut (2) destinatum petentibus, vulnera accipiebant. Consul, jam per se turbatis, si legionum signa ostendisset, versuros extemplo in fugam omnes ratus: receptis inter ordines velitibus, & alia turba auxiliorum, aciem promovit. Galli & memoria Tolistobogiorum cladis territi, & inhærentia corporibus gerentes tela, fessique & stando & vulneribus, ne primum quidem impetum & clamorem Romanorum tulerunt. Fuga ad castra inclinavit: sed pauci intra munimenta se recepere. pars major dextra lævaque prælati, qua quenque impetus tulit, fugerunt: victores usque ad castra secuti ceciderunt terga. deinde in castris cupiditate prædæ hæserunt, nec sequebatur quisquam. In cornibus Galli diutius steterunt, quia serius ad eos perventum est. cæ-

(1) *hi erant Paphlagones, quorum Rex Morzes.*
 (2) *scopum.*

terum ne primum quidem conjectum telorum tulerunt. Consul, qui ingressos in castra ab direptione abstrahere non poterat: eos, qui in cornibus fuerant, protinus ad sequendos hostes misit. per aliquantum spatium secuti, non plus tamen octo millia hominum in fuga (nam pugna nulla fuit) ceciderunt: reliqui flumen Halyn trajecerunt. Romanorum magna pars ea nocte in hostium castris mansit: ceteros in sua castra consul reduxit. postero die captivos prædamque recensuit; quæ tanta fuit, quantam avidissima rapiendi gens, cum cis montem Taurum omnia armis per multos tenuisset annos, coacervare potuit. Galli ex dissipata passim fuga in unum locum congregati magna pars faucii atque inermes, nudati omnibus rebus, oratores de pace ad consulem miserunt. Eos Manlius Ephesum venire iussit: ipse (jamenim medium autumnus erat) locis gelidis propinquitate Tauri montis excedere properans, victorem exercitum in hiberna maritimæ oræ reduxit.

CAPUT XVIII.

Ea quæ in censura T. Quintius Flaminius, & M. Claudius Marcellus egerunt.

28. **D**Um hæc in Asia geruntur, in cæteris provinciis tranquillæ res fuerunt. Censores Romæ T. Quintius Flaminius & M. Claudius Marcellus senatum perlegerunt. principes in senatu tertium lectus P. Scipio Africanus. quatuor soli præteriti sunt, nemo curuli usus honore: & in equitatu recensendo mitis admodum censura fuit. (1) substructionem super Æquimilium in Capitolio, & viam silice sternendam a porta Capena ad Martis locaverunt. (2) Campa-

(1) *ædificium in odium Melii dirutum (l. 4. n. 13. & seq.) denuo ædificandum; ut tolleretur, opinor, ea loci deformitas incurrens in oculos.*

(2) *ii nunc erant ἀπόδιδες, sine magistratu, sine jure civitatis.*

pani, ubi censerentur, senatum consuluerunt. decretum, uti Romæ censerentur. Aquæ ingentes eo anno fuerunt. Tiberis duodecies campum Martium planaue urbis inundavit.

CAPUT XIX.

Cos. M. Fulvius Cephalleniam in deditiōem accipit: mox ibi rebellant Samæi; qui ab eodem cos. diu oppugnati, denuo rediguntur in potestatem.

AB Cn. Manlio consule, bello in Asia cum Gallis perfecto, alter COS. M. Fulvius, perdomitis Ætolis, cum trajecisset in Cephalleniam, circa civitates insulæ misit percunctatum, utrum se dedere Romanis, an belli fortunam experiri mallerent? metus ad omnes valuit, ne deditiōem recusarent. obsides inde imperatos pro viribus inopis populi, vicanos * Nesiōtæ, Crani, Pallenses & Samæi dederunt. Insperata pax Cephallenia affulserat, cum repente una civitas, incertum quam ob causam, Samæi desciverunt. Quia opportuno loco urbs posita esset, timuisse se aiebant, ne demigrare cogerentur ab Romanis. cæterum ipsi ne sibi eum finxerint metum, & timore vano quietem exuerint: an iactata sermonibus res apud Romanos, perlata ad eos sit, nihil comperti est, nisi quod datis jam obsidibus, repente portas clauferunt: & ne suorum quidem precibus (miserat enim sub muros consul ad tentandam misericordiam parentum populariumque) desistere ab incæpto voluerunt. Oppugnari deinde, posteaquam nihil pacati respondebatur, cœpta urbs est. apparatus omnem tormentorum machinarumque transvectum ab Ambraciæ oppugnatione habebat: & opera, quæ facienda erant, impigre milites perfecerunt. duobus igitur locis admoti arietes quatiebant muros. Nec ab Samæis quicquam, quo aut opera aut hostis arceri posset, prætermisum est. duabus tamen maxime resistebant rebus, una interiorē semper juxta validum prodiruto novum

* al.
Iro-
ne-
fiotæ.

29.

obstruentes murum: altera, eruptionibus subitis nunc in opera hostium, nunc in stationes: & plerunque iis præliis superiores erant. Una ad coercendos inventa haud magna memoratu res est. centum funditores ab Ægio & Patris & Dy-mis acciti. A pueris ii mote quodam gentis, saxi globosis, quibus ferme arenæ innuistis strata litora sunt, funda mare apertum incessentes exercebantur. itaque longius certiusque & validiore ictu, quam Balearis funditor, eo telo usi sunt. & est non simplicis habenæ, ut balearica aliarumque gentium funda, sed triplex (1) scutale crebris futuris duratum, ne (2) fluxa habena volutetur in jactu glans, sed librata cum sederit, velut nervo missa excutiat. coronas modici circuli magno ex intervallo loci assueti trahere, non capita solum hostium vulnerabant, sed quem locum destinassent oris. Eæ fundæ Samæos cohibuerunt, ne tam crebro, neve tam audacter erumperent: adeo ut precarentur ex muris (3) Achæos, ut parumper abscederent; & se cum Romanis stationibus pugnantes quiete spectarent. Quatuor menses obsidionem Samæi sustinuerunt. cum ex paucis quotidie aliqui eorum caderent, aut vulnerarentur: & qui superarent, fessi & corporibus & animis essent: Romani nocte per arcem, quam Cyatidem vocant, (nam urbs in mare devexa, in occidentem vergit) muro superato in forum pervenerunt. Samæi posteaquam captam urbis partem ab hostibus senserunt: cum conjugibus ac liberis in majorem refugerunt arcem. inde postero die dediti, direpta urbe, sub corona omnes venierunt.

CA-

(1) ita dictum, quia ima fundæ pars facta erat in formam scuti. (2) ubi jactus causa, laxata est habena. (3) funditores.

CAPUT XX.

Cof. Fulvius, pacata Cephallenia, in Peloponnesum trajicit: vocant eum maxime, præter Ægienses, Lacedæmonii propter gravia cum Achæis certamina: horum causa, exitusque narratur.

Consul, compositis rebus Cephallenia, præfidi- 30.
dio Samæ imposito, in Peloponnesum, jamdiu arcessentibus Ægiensibus maxime ac Lacedæmoniiis, trajecit. Ægium a principio Achaici concilii semper conventus gentis indicti sunt, seu dignitati urbis id, seu loci opportunitati datum est. hunc morem Philopœmen eo primùm anno labefactare conatus, legem parabat ferre, ut in omnibus civitatibus, quæ Achaici concilii essent, invicem conventus agerentur, & sub adventum consulis (1) Damiurgis civitatum, qui summus est magistratus; Ægium evocantibus, Philopœmen (prætor tum erat) Argos conventum edixit. quo cum appareret omnes fere conventuros: consul quoque, quanquam Ægiensium favebat causæ, Argos venit. ubi cum disceptatio fuisset, & rem (2) inclinatham cerneret, incœpto destitit. Lacedæmonii deinde eum in sua certamina averterunt. Solicitam eam civitatem exules maxime habebant. quorum magna pars in maritimis Laconicæ oræ castellis, quæ omnis (3) adempta erat, habitabant. id egre patientes Lacedæmonii, ut aliquem liberum ad mare haberent aditum, si quando Romam, aliove quo mitterent legatos: simulque ut emporium & receptaculum peregrinis mercibus ad necessarios usus esset: nocte adorti vicum maritimum, nomine Lan, improvise occupavere. Vicani, quique ibi exules habitabant, primo inopinata re territi sunt:

H 5 dein-

(1) Dorice, pro Damiurgis; qui publica negotia administrabant. iidem qui apud Athenienses Demarchi. α δῆμος, populus. (2) ut, invicem conventus agerentur. (3) occupata ab ipsis exulibus.

31. deinde sub lucem congregati, levi certamine expulerunt Lacedæmonios. terror tamen omnem maritimam oram pervasit: legatosque communiter & castella omnia vicique, & exules, quibus ibi domicilia erant, ad Achæos miserunt. Philopœmen prætor, jam inde ab initio exulam causæ amicus, & auctor semper Achæis minuendi opes & auctoritatem Lacedæmoniorum, concilium quærentibus dedit. decretumque eo referente factum est, cum in fidem Achæorum tutelamque T. Quintius & Romani Laconicæ oræ castella & vicos tradidissent: & cum abstinere his ex fœdere Lacedæmoniis deberent, Las vicus oppugnatus esset, cædesque ibi facta: qui ejus rei auctores affinesque essent, nisi dederentur Achæis, violaturos videri fœdus. Ad exposcendos eos legati extemplo Lacedæmonem missi sunt. Id imperium adeo superbum & indignum Lacedæmoniis visum est, ut, si antiqua civitatis fortuna esset, haud dubie arma extemplo capturi fuerint. maxime autem consternavit eos metus, si semel primis imperiis obediendo, jugum acceperant, ne id quod jamdiu moliretur Philopœmen, exulibus Lacedæmonem traderet. Furentes igitur ira, triginta hominibus ex factione, cum qua consiliorum aliqua societas Philopœmeni atque exulibus erat, interfectis, decreverunt renuntiandam societatem Achæis: legatosque extemplo Cephalleniam mittendos, qui consuli M. Fulvio, quique Romanis Lacedæmonem dederent: orarentque eum ut veniret in Peloponnesum ad urbem Lacedæmonem in fidem ditionemque populi Romani accipendam.
32. Id ubi legati ad Achæos retulerunt, omnium civitatum, quæ ejus concilii erant, consensu, bellum Lacedæmoniis indictum est. ne extemplo gereretur, hiems impedit. incursionibus tamen parvis, latrocinii magis quam belli modo, non terra tantum, sed etiam navibus a mari fines eorum vastati. Hic tumultus consulem in Peloponnesum adduxit: iussuque ejus Elin concilio indicto, Lacedæmonii ad disceptandum acciti. Magna ibi non dis-

sceptatio modo, sed etiam altercatio fuit. Cui consul cum alia satis (1) ambitiose, partem utranque fovendo, incerta respondisset: una denuntiatione, ut bello abstinerent, donec Romam legatos ad senatum misissent, finem imposuit. Utrunque legatio missa Romam est. exules quoque Lacedæmoniorum suam causam legationemque Achæis injunxerunt. Diophanes & Lycortas, Megalopolitani ambo, principes legationis Achæorum fuerunt. qui dissidentes in Repub. tum quoque minime inter se convenientes orationes habuerunt. Diophanes senatui disceptationem omnium rerum permittebat. eos optime controversias inter Achæos, ac Lacedæmonios finituros esse. Lycortas ex præceptis Philopœmenis postulabat, ut Achæis ex foedere ac legibus suis quæ decreissent, agere liceret: libertatemque sibi illibatam, cujus ipsi auctores essent, præstarent. Magnæ auctoritatis apud Romanos tum gens Achæorum erat. novari tamen nihil de Lacedæmoniis placebat. cæterum responsum ita perplexum fuit, ut & Achæi sibi de Lacedæmone permissum (2) acciperent: & Lacedæmonii non omnia concessa iis interpretarentur. Hac potestate immodice Achæi ac superbe usi sunt. Philopœmeni continuatur magistratus. qui veris initio exercitu indicto, castra in finibus Lacedæmoniorum posuit. legatos deinde misit ad deposcendos auctores defectionis, & civitatem in pace futuram, si id fecissent, pollicens, & illos nihil indicta causa passuros. Silentium præ metu cæterorum fuit. quos nominatim depoposcerat, ipsi se ituros professi sunt: fide accepta ab legatis, vim abfuturam donec causam dixissent. Ierunt alii etiam illustres viri, & (3) advocati privatis, & quia pertinere causam eorum ad rempublicam censebant. Numquam alias exules Lacedæmoniorum Achæi

33.

H 6

(1) *studiose, ad gratificandum.*

(2) *interpretarentur omnem sibi potestatem datam bellandi adversus Lacedæmones.*

(3) *& quia privati amici erant.*

adduxerant in fines: quia nihilque alienaturum animos civitatis videbatur. tunc exercitus totius prope antesignani exules erant. Ii venientibus Lacedæmoniis ad portam castrorum agmine facto occurrerunt. & primo laceffere jurgiis: deinde altercatione orta cum accenderentur iræ, ferocissimi exulum impetum in Lacedæmonios fecerunt. Cum illi deos & fidem legatorum testarentur: & legati & prætor summovertet turbas, & protegeret Lacedæmonios, vinculaque jam quosdam injicientes arceret, crescebat tumultus concitata turba. Et Achæi ad spectaculum primo concurrerunt. deinde vociferantibus exulibus quæ passi forent, & orantibus opem, affirmantibusque simul *nunquam talem occasionem habituros, si eam prætermisissent: fœdus quod in (1) in Capitolio, quod Olympiæ, quod in arce Athenis sacratum fuisset, irritum per illos esse: priusquam alio deintegro fœdere obligarentur, noxios puniendos esse: accensa his vocibus multitudo, ad vocem unius, qui ut ferirent, inclamavit, saxa coniecit: atque ita XVII, quibus vincula per tumultum injecta erant, interfecti sunt. LXIII. postero die comprehensi, a quibus prætor vim arcuerat: non quia salvos vellet, sed quia perire causa indicta volebat. objecti multitudini iratæ, cum averfis auribus pauca locuti essent, damnati omnes & tradi-*

34. ti sunt ad supplicium. Hoc metu injecto Lacedæmoniis, imperatum primum ut muros diruerent: deinde ut omnes externi auxiliares, qui mercede apud tyrannos militassent, terra Laconica excederent: tum uti quæ servitia tyranni (2) liberassent, (ea magna multitudo erat) ante diem certam abirent: qui ibi mansissent, eosprehendendi, vendendi, abducendi Achæis jus esset: Lycurgi leges moresque abrogarent: Achæorum assuescerent legibus institutisque. ita unius

(1) servabatur hoc fœdus exaratum in Capitolio, & in Templo Jovis Olympici, & quia Athenienses mediatores fuerunt, etiam in Æde Minervæ.
 (2) in libertatem vindicassent.

nus eos corporis fore, & de omnibus rebus facilius consensuros. Nihil obedientius fecerunt, quam ut muros diruerent: nec ægrius passi sunt, quam exules reduci. Decretum Tegeæ in concilio communi Achæorum de restituendis iis factum est. & mentione illata, externos auxiliares dimissos, & Lacedæmoniis ascriptos (ita enim vocabant, quia tyrannis liberati erant) urbe excessisse, in agros dilapsos, priusquam dimitteretur exercitus: ire prætorem cum expeditis, & comprehendere id genus hominum, & vendere jure prædæ placuit. multi comprehensi venierunt. porta ex ea pecunia Megalopoli permissu Achæorum resecta est, quam Lacedæmonii diruerant. Et ager Belbinitis, quem injuria tyranni Lacedæmoniorum possederant, restitutus eidem civitati ex decreto vetere Achæorum, quod factum erat (1) Philippo Amyntæ filio regnante. Per hæc velut enervata civitas Lacedæmoniorum diu Achæis obnoxia fuit. nulla tamen res tanto erat damno, quam disciplina Lycurgi, cui per septingentos annos assueverant, sublata.

CAPUT XXI.

Consules novi sunt M. Valerius Messalla, & C. Livius Salinator: veteribus prorogatur imperium: Æder Herculis a P. Cornelio, Capitolium ab Ædilibus donis ornatur: ludi Romani, plebeiique sunt.

A Concilio, ubi apud consulem inter Achæos 35.
Lacedæmoniosque disceptatum est, M. Fulvius, quia jam in exitu annus erat, comitiorum causa profectus Romam, creavit consules M. Valerium Messallam, & C. Livium Salinatorem: cum M. Æmiliū Lepidum inimicum eo quoque anno petentem (2) dejecisset. Prætores inde creati
Q.

(1) Alexandri M. patre.

(2) proprium verbum. is autem honore dejectus dicitur, qui repulsam tulit.

Q. Martius Philippus, M. Claudius Marcellus, C. Stertinius, C. Atinius, P. Claudius Pulcher, L. Manlius Acidinus. Comitiiis perfectis, consulem M. Fulvium in provinciam & ad exercitum redire placuit. eique & collegæ Cn. Manlio imperium in annum prorogatum est. Eo anno in ædem Herculis signum dei ipsius ex decemvirorum (1) responso, & sejuges in Capitolio aurati ab P. Cornelio positi. (2) consulem dedisse inscriptum est. & duodecim clypea ærata ab ædilibus curulibus P. Claudio & Ser. Sulpitio Galba sunt posita ex pecunia, qua frumentarios ob annonam (3) compressam damnarunt. & ædilis plebis Q. Fulvius Flaccus duo signa aurata, uno reo damnato (nam separatim accusaverant) posuit. collega ejus A. Cæcilius neminem condemnavit. Ludi Romani ter, plebei quinquies toti instaurati.

CAPUT XXII.

Consules, Prætoresque provincias sortiuntur: exercitus dividuntur: prodigia expiantur.

U. C. 362. **M** Valerius Messalla inde, & C. Livius Salinator consulatum idibus Martiis cum inissent, de republica, deque provinciis & exercitibus senatum consuluerunt. De Ætolia & Asia nihil mutatum est. Consulibus, alteri Pisæ cum Liguribus, alteri Gallia provincia decreta est. comparare inter se, aut sortiri jussi: & novos exercitus, binas legiones scribere. & ut sociis Latini nominis quinadena millia peditum imperarent, & mille ducentos equites. Messallæ Ligures, Salinatori obtigit Gallia. Prætores inde sortiti sunt. M. Claudio urbana, P. Claudio peregrina jurisdictio evenit. Q. Martius Siciliam, C.

(1) *inspectis libris Sibyllinis.*

(2) *h. e. qui consul fuerat; non quod consul esset eo tempore, quo donum dabat.*

(3) *inclusam, quo cavius venderent.*

C. Stertinius Sardiniam, L. Manlius Hispaniam citeriorem, C. Atinius ulteriorem est sortitus. De exercitibus ita placuit: & Gallia legiones, 36. quę sub C. Lelio fuerant, ad M. Tuccium prætorem in Bruttios traduci: & qui in Sicilia esset, dimitti exercitum: & classem, quę ibi esset, Romam reducere M. Sempronium prætorem. Hispaniis legiones singulę, quę tum in his provinciis erant, decreter: & ut terna millia peditum, ducenos equites ambo prætores in supplementum focis imperarent, secumque transportarent. Priusquam in provincias novi magistratus proficiscerentur, supplicatio in triduum pro (1) collegio decemvirorum imperata fuit in omnibus compitis: quod luce inter horam tertiam ferme & quartam tenebrę obortę fuerant. & novendiale sacrificium indictum est, quod in Aventino lapidibus pluisset.

C A P U T XXIII.

Campani jus connubiorum ab Romanis impetrant; Formiani, Fundani, & Arpinates jus suffragii. Censui habetur.

CAMpani, cum eos ex senatusconsulto, quod priore anno factum erat, censores Romę censeri coegissent: (nam antea incertum fuerat, ubi censerentur) petierunt, ut sibi cives Romanas ducere uxores liceret: & si qui prius duxissent, ut habere eas, & ante eam diem nati, uti iusti sibi liberi heredesque essent. utraque res impetrata. De Formianis, Fundanisque municipibus, & Arpinatibus C. Valerius Tappo tribunus plebis promulgavit: uti iis suffragii latio (nam ante sine suffragio habuerant civitatem) esset. Huic rogationi quatuor tribuni plebis, quia non ex auctoritate senatus ferretur, cum intercederent, edo-

(1) idem est ac pro Collegii sententia, quod ait. l. 4. n. 44. & eodem sensu lib. eod. n. 26. secedunt, proque collegio pronuntiant.

docti populi esse, non senatus jus, suffragium quibus velit impartiri, destiterunt incepto. Rogatio perlata est, ut in Æmilia tribu Formiani & Fundani, in Cornelia Arpinates ferrent. atque in his tribubus tum primum ex Valerii plebiscito censi sunt. M. Claudius Marcellus censor, sorte superato T. Quintio, lustrum condidit. censa civium capita CCLVIII. millia, CCCVIII. Lustrum perfecto consules in provincias profecti sunt.

CAPUT XXIV.

Manlius Procos. in Asia, dimissis legationibus, quæ gratulatum venerant de victis Gallis, in Pamphyliam proficiscitur: accepta pecunia, & frumento ab legatis Antiochi, Apameam revertitur: ibi ex decem legatorum sententia, quibus ad id senatus mandata dederat, fœderis leges Antiocho conscribit: misso deinde Patava T. Fabio cum classe, naves regis incendit.

57. **H**iceme ea qua hæc Romæ gesta sunt, ad Cn. Manlium consulem primum, deinde pro consule hibernantem in Asia, legationes undique ex omnibus civitatibus gentibusque, quæ cis Taurum montem incolunt, conveniebant. & ut clarior nobiliorque victoria Romanis de Rege Antiocho fuit, quam de Gallis: ita lætior sociis erat de Gallis, quam de Antiocho. Tolerabilior regia servitus fuerat, quam feritas inmanium barbarorum: incertusque in dies terror, quo velut tempestas eos populantes inferret. itaque ut quibus libertas Antiocho pulso, pax Gallis domitis data esset, non gratulatum modo venerant, sed coronas etiam aureas pro suis quæque facultatibus attulerant. Et ab Antiocho legati, & ab ipsis Gallis, ut pacis leges dicerentur: & ab Ariarathæ rege Cappadocum venerunt ad veniam petendam, luendamque pecunia noxam, quod auxiliis Antiochum juvisset. Ei CC. talenta argenti sunt imperata. Gallis responsum, cum Eumenes rex venisset.

nisset, tum daturum iis leges. civitatum legationes cum benignis responsis lætiores etiam, quam venerant, dimissæ. Antiochi legati pecuniam in Pamphylia, frumentumque ex pacto cum L. Scipione foedere iussi advehere. eo se cum exercitu venturum. Principio deinde veris lustrato exercitu profectus, die octavo Apameam venit. ibi triduum stativis habitis, tertiis rursus ab Apamea castris in Pamphylia, quo pecuniam frumentumque regios convehere iusserat, pervenit. M. & D talenta argenti accepta Apameam deportantur. frumentum exercitui dividitur. Inde ad Pergam ducit: quæ una in iis locis regio tenebatur præsidio: appropinquanti præfectus præsidii obviis, fuit, XXX dierum tempus petens, ut regem Antiochum de urbe tradenda consuleret. dato tempore, ad eam diem præsidio decessum est. a Perga L. Manlio fratre cum IIII millibus militum Enoanda ad reliquum pecuniæ ex eo quod pepigerant exigendum misso, ipse, quia Eumenem regem, & decem legatos ab Roma Ephesum venisse audierat, iussis sequi Antiochi legatis, Apameam exercitum reduxit. Ibi ex X legatorum sententia foedus in hæc verba fere cum Antiocho conscriptum est. *Amicitia regi Antiocho cum populo Romano his legibus & conditionibus esto. Ne quem exercitum, qui cum populo Romano sociisve bellum gesturus erit, rex per fines regni sui, eorumve qui sub ditione ejus erunt, transire finito: neu comineatu, neu qua alia ope juvato. idem Romani sociique Antiocho, & iis qui sub imperio ejus erunt, præstent. Belli gerendi ius Antiocho ne esto cum iis qui insulas colunt, neve in Europam transeundi. Excedito urbibus, agris, vicis, castellis cis Taurum montem usque ad * Tanaim amnem, & a valle Tauri usque ad juga, quæ in Lycaoniam vergit. Ne qua arma efferto ex iis oppidis, agris castellisque quibus excedat. si qua extulit, (1) quæ quoque oportebit, recte restituito. Ne militem, neu quem alium*

38.

* al.
Ha-
lyu.

(1) bona fide restituat eo, quo unaquæque earum rerum restituenda erit.

lium ex regno Eumenis recipito . Si qui earum urbium cives , quæ regno (1) abscedunt , cum rege Antiocho , intraque fines ejus regni sunt , Apameam omnes ante diem certam redeant . Qui ex regno Antiochi apud Romanos sociosque sunt , iis jus abeundi manendique esto . Servos , seu fugitivos , seu bello captos , seu qui liber captus aut transfuga erit , reddito Romanis sociisque . Elefantos tradito omnes , neque alios parato . Tradito & naves longas , armamentaque earum : neve plures , quam decem , naves actuaras , nulla quarum plus quam XXX. remis agatur , habeto : (2) neve monerent ex belli causa , quod ipse illaturus erit . neve navigato *
 al. circa Calycadnum , neve Sarpedonem , promontoria :
 ca . (3) extra quam si qua navis pecuniam , stipendium , aut legatos , aut obsides portabit . Milites mercede conducendi ex iis gentibus , quæ sub ditione populi Romani sunt , Antiocho regi jus ne esto : ne voluntarios quidem recipiendi . Rhodiorum sociorumve quæ aedes ædificiaque intra fines regni Antiochi sunt , quo jure ante bellum fuerunt , eo Rhodiorum sociorumve sunt . Si quæ pecuniæ debentur , earum exactio esto . Si quid ablatum est , id conquirendi , cognoscendi , repetendique jus item esto . Si quas urbes , quas tradi oportet , ii tenent quibus Antiochus dedit , ex iis præsidia deducito : utique recte tradantur , curato . Argenti probi Attica talenta XII. millia dato intra duodecim annos pensionibus æquis . talentum ne minus pondo LXXX. Romanis ponderibus pendat . & tritici DXL. millia modium . Eumeni regi talenta CCCL. intra quinquennium dato : & pro frumento , quod æstimatione fiat , talenta CXXVII. Obsides Romanis XX. dato , & triennio mutato , ne minores ætionum denum annorum , neu majores quinum quadragenum . Si qui sociorum populi Romani ultro bellum inferent Antiocho , vim vi arcendi jus esto : dum ne quam urbem aut belli jure teneat , aut in amicitiam accipiat . controversas inter se jure ac judicio disceptent : aut si u-

(1) separantur a Regno Antiochi . (2) alii ; neve eas belli causa . (3) nisi , præterquam .

trisque placebit, bello. De Annibale Pœno, & E-
tolo Thoante, & Mnafimacho Acarnane, & Chal-
cidenfibus Eubulida & Philone dedendis, in hoc
quoque foedere afcriptum eft: & fi quid poftea ad-
di mutarive placuiffet, ut id falvo foedere fieret,
Consul juravit in hoc foedus. ab rege, qui ex- 39
gerent jusjurandum, profecti Q. Minutius Ther-
mus, & L. Manlius, qui tum forte ab Enoan-
dis rediit. & Q. Fabio Labeoni, qui classi præ-
erat, fcripfit, ut Patara extemplo proficifcere-
tur: quæque ibi naves regiæ effent, concideret,
eremaretque. Profectus ab Epheso, quinquagin-
ta teftas naves aut concidit, aut incendit. Tel-
miſſum eadem expeditione, territis ſubito adven-
tu classi oppidanis, recepit. Ex Lycia protin-
us, juffis ab Epheso ſequi, qui ibi relictæ e-
rant, per inſulas in Græciam trajecit. Athenis
paucos moratus dies, dum Piræum ab Epheso
naves venirent, totam inde classem in Italiam
reduxit.

CAPUT XXV.

*Manlius procos. amicitiam cum Ariarathæ Cappa-
docie rege jungit: cognita deinde cum decem le-
gatis ab Senatu miſſis cauſa civitatum Aſiæ, de
ſingulis decreta facit.*

CN. Manlius, cum inter cætera quæ accipien-
da ab Antiocho erant, elephantos quoque
accepiffet, donoque Eumeni omnes dediffet: de-
inde cauſas civitatum, multis inter novas res tur-
batis, cognovit. Et Ariarathes rex, parte dimi-
dia pecuniæ imperatæ, Eumenis beneficio, cui
deſponderat per eos dies (1) filiam, remiſſa,
in amicitiam eſt acceptus. Civitatum autem co-
gnitis cauſis, decem legati aliam aliarum fece-
runt conditionem. Quæ ſtipendiariæ regi Antio-
cho fuerant, & cum populo Romano ſenſerant,
iis immunitatem dederunt: quæ partium Antio-
chi

(1) *Stratonicen.*

chi fuerant, aut stipendiariæ Attali regis, eas omnes vectigal pendere Eumeni iusserunt. nominatim præterea Colophonii qui in Notio habitant, & Cymæis, & Milesiis immunitatem concesserunt. Clazomeniis super immunitatem & Drymusam insulam dono dederunt. & * Milesiis, quem Sacrum appellant, agrum restituerunt. & My-
 * al. My-
 lae-
 nis. Iliensibus Rhæteum & Gergithum addiderunt, non tam ob recentia ulla merita, quam (1) originum memoria. eadem & Dardanum liberandi causa fuit. Chios quoque, & Smyrnæos, & Erythræos pro singulari fide, quameo bello præstiterant, & agro donarunt, & in omni præcipuo honore habuerunt. Phocænsibus & ager, quem ante bellum habuerant, redditus: & ut legibus antiquis uterentur, permissum. Rhodijs affirmata, quæ data priore decreto erant, Lycia & Caria datæ usque ad Mæandrum amnem, (2) præter Telmissum. Regi Eumeni Chersonesum in Europa, & Lyfimachiam, castella, vicos, agros ejus, quibus finibus tenuerat Antiochus, adjecerunt: in Asia Phrygiam utranque: alteram ad Hellespontum, majorem alteram vocant: & Myfiam, quam Prusias rex ademerat ei, restituerunt: & Lycaoniam, & Milyada, Lydiam, & nominatim urbes Tralles, atque Ephesum, & Telmissum. De Pamphylia disceptatum inter Eumenem, & Antiochi legatos cum esset, quia pars ejus citra, pars ultra Taurum est, integra res ad senatum rejicitur.

C A-

(1) *Romani a Trojanis oriundi. Ilium autem, & Dardanum Troados urbes.* (2) *excepto Telmisso.*

CAPUT XXVI.

Cn. Manlius proconsul, rebus in Asia compositis, exercitum per Hellespontum in Europam deportat: dum in Macedoniam revertitur, cum Thracibus iter infestantibus, alibi accepta, alibi illata clade, pugnat.

HIS fœderibus decretisque datis, Manlius cum decem legatis, omnique exercitu ad Hellespontum profectus, evocatis eo regulis Gallorum, leges, quibus pacem cum Eumene servarent, dixit: denuntiavitque, ut morem vagandi cum armis finirent, agrorumque suorum terminis se continerent. Contractis deinde ex omni ora navibus, & Eumenis etiam classe per Athenæum fratrem regis ab Elæa adducta, copias omnes in Europam trajecit. inde per (1) Chersonesum modicis itineribus grave præda omnis generis agmen trahens, Lyfimachiaë stativa habuit: ut quam maxime recentibus & integris jumentis Thraciam, per quam iter vulgo horrebant, ingrederetur. Quo profectus est ab Lyfimachia die, ad aninem (2) Melana, quem vocant: inde postero die Cypsela pervenit: a Cypselis via decem millium, fere silvestris, angusta, confragosa excipiebat: propter cuius difficultatem itineris, in duas partes divisus exercitus. & præcedere una iussa, altera magno intervallo cogere agmen: media impedimenta interposuit: plaustracum pecunia publica erant, pretiosaque alia præda. Itaque cum per saltum iret, Thracum decem haud amplius millia ex quatuor populis, Astii & Ceni & Maduateni & Celetæ ad ipsas (3) angustias viam circumsederunt. O-

pi-

(1) Thraciam, (2) hic fluvius per Thraciam ad Cardiam urbem fluens ad potandum Xerxis exercitui non suffecisse dicitur ab Herodoto.

(3) an intelligit Chersonesi Isthmum inter Lyfimachiam, & Cardiam?

pinio erat, non sine Philippi regis Macedonum fraude id factum. eum scisse, non alia, quam per Thraciam redituros Romanos, & quantam pecuniam secum portarent. In primo agmine imperator erat, sollicitus propter iniquitatem locorum. Thraces nihil se moverunt, donec armati transirent, posteaquam primos superasse angustias viderunt, postremos nondum appropinquantibus, impedimenta & sarcinas invadunt. cæsisque custodibus, partim eaquæ in plaustris erant, diripere, partim sub oneribus jumenta abstrahere. Unde posteaquam clamor primum ad eos qui jam ingressi saltum sequebantur, deinde etiam ad primum agmen est perlatus, utrinque in medium concurritur, & inordinatum simul pluribus locis prælium confertur, Thracas præda ipsa impeditos oneribus, & plerosque, ut ad rapiendum manus vacuas haberent, inermes ad cædem præbet: Romanos iniquitas locorum, barbaris per calles notos occurrentibus, & latentibus interdum per cavas valles, prodebat. ipsa etiam onera plaustraque, ut fors tulit, his aut illis incommode objecta pugnantibus impedimento sunt: alibi prædo, alibi prædæ vindex cadit. prout locus iniquus æquulve his aut illis, prout animus pugnantium est, prout numerus (alii enim pluribus quam ipsi erant, alii paucioribus occurrerant) varia pugnae fortuna est: multi utrinque cadunt. Jam nox appetebat, cum prælio excedunt Thraces, non fuga vulnere, aut mortis, sed

41. quia satis prædæ habebant. Romanorum primum agmen extra saltum circa templum (*) Bendidium castra loco aperto posuit: pars altera ad custodiam impedimentorum medio in saltu duplici circumdata vallo mansit. postero die prius explorato saltu, quam moverent, primis se conjungunt

(*) Meursius in *Græcia feriatâ* l. 2. voce *Βενδιδειν* docet, Thracas *Διανὰν Βενδιν*, sacra ejus *Βενδιδειν* vocasse. eadem autem sacra deinceps *Αθηνιenses* recepisse, & in *Πιραεο* celebrasse. v. etiam *Turn.* l. 14. adv. 11.

gunt . In eo prælio , cum & impedimentorum
pars , & calorum , & milites aliquot , cum passim
toto prope saltu pugnaretur , cecidissent : pluri-
mum Q. Minutii Thermi morte damni est acce-
ptum , fortis ac strenui viri . Eodie ad Hebrum
flumen perventum est . inde Æniorum fines præ-
ter Apollinis , Zerinthium quem vocant incolæ ,
templum superant . Alię angustię circa Tempyra
excipiunt , (hoc loco nomen est) nec minus
confragosę , quam priores . sed quia nihil silve-
stre circa est , ne latebras quidem ad insidiandum
præbent . Huc ad eandem spem prædæ Thrausi ,
gens & ipsa Thracum , convenere . sed quia nu-
dę valles , procul ut conspicerentur angustias ob-
sidentes , efficiebant : minus terroris tumultusque
fuit apud Romanos . quippe etsi iniquo loco ,
prælio tamen iusto , acie aperta ; collatis signis
dimicandum erat : conferti subeuntes cum cla-
more impetu facto , primum expulere loco ho-
stes , deinde avertere . fuga inde cædesque , suis
ipso impediuntibus angustias , fieri cœpta est .
Romani victores ad vicum Maronitarum (Saren
appellant) posuerunt castra . postero die paten-
ti itinere (1) Priaticus campus eos excepit :
triduumque ibi frumentum accipientes manserunt ,
partim ex agris Maronitarum , conferen-
tibus ipsi , partim ex navibus suis , quæ cum om-
nis generis commeatu sequebantur . Ab stativ-
is diei via Apolloniam fuit . hinc per Abderi-
tarum agrum (2) Neapolim perventum est . Hoc
omne per Græcorum colonias pacatum iter fuit .
reliquum inde per medios Thracas dies noctes-
que , etsi non infestum , suspectum tamen , do-
nec in Macedoniam pervenerunt . Mitiores Thra-
cas idem exercitus , cum a Scipione eadem via
duceretur , habuerat , nullam ob aliam causam ,
quam quod prædæ minus quod pferetur , fue-
rat . Quanquam tum quoque , Claudius auctor
est ,

(1) *an a πρῆσις* , redimo ? quasi a redimendis
captivis , ita dictus . (2) *Edonidis Macedonicæ ;*
alias Thraciæ , ad Strymonium sinum .

est, ad quindecim millia Thracum præcedenti ad exploranda loca agmen Mutini Numidæ occurrisse. quadringentos equites fuisse Numidas, paucos elephantos. Mutinis filium per medios hostes cum centum quinquaginta delectis equitibus perrupisse. eundem mox, cum jam Mutines, in medio elephantis collocatis, in cornua equitibus dispositis, manum cum hoste conseruisset, terrorem ab tergo præbuisse: atque inde turbatos equestri velut procella hostes ad pedatum agmen non accessisse. Cn. Manlius per Macedoniam in Thessaliam exercitum traduxit. inde per Epirum Apolloniam cum pervenisset, nondum adeo hiberno (1) contempto mari, ut trahere auderet, Apolloniæ hibernavit.

C A P U T XXVII.

Comitia consularia, & prætoria habentur: novi consules sunt M. Æmilius Lepidus, C. Flaminius: L. Minucius Myrtilus, & L. Manlius, qui Carthaginenses legatos violaverant, Carthaginensibus deduntur.

42. **E**Xitu prope anni M. Valerius cos. ex Liguribus ad magistratus subrogandos Romam venit, nulla memorabili in provincia re gesta, ut ea probabilis moræ causa esset, quod solito serius ad comitia venisset. Comitia cos. rogan- dis fuerunt ad XII. Kalend. Martias. creati M. Æmilius Lepidus, C. Flaminius. Postero die Prætores facti Ap. Claudius Pulcher, Ser. Sulpitius Galba, Q. Terentius Culleo, L. Terentius Maf- saliota, Q. Fulvius Flaccus, M. Furius Cras- sipes. Comitibus perfectis, quas provincias prætoribus esse placeret, retulit ad senatum cos. Decreverunt duas Romæ juris dicundi causa: duas extra Italiam, Siciliam & Sardiniam: duas in Italia, Tarentum, & Galliam. & extemplo priusquam inirent magistratum, fortiri iussi. Ser.
Sul-

(1) ut contemnitur hac ætate.

Sulpitius urbanam, Q. Terentius peregrinam est sortitus, L. Terentius Siciliam, Q. Fulvius Sardiniam, Ap. Claudius Tarentum, M. Furius Galliam. Eo anno L. Minutius Myrtilus, & L. Manlius, quod legatos Carthaginienses pulsasse dicebantur, jussu M. Claudii Prætoris urbani, per feciales traditi sunt legatis, & Carthaginem aucti.

CAPUT XXVIII.

Decernente senatu novis coff. Ligures provinciam, intercedit Lepidus consul; qui auctor est, ut aut Manlio, Fulvioque, perfecto jam & in Asia, & in Ætolia bello, succedatur, aut illi Romam revocentur: Manlio igitur, Fulvioque revocatis, novorum coff. provincia Ligures sunt.

IN Liguribus magni belli, & gliscentis in dies ^{U.C.} magis fama erat. itaque coff. novis, quod die ^{363.} de provinciis & de Rep. retulerunt, senatus utrique Ligures provinciam decrevit. Huic S. C. Lepidus coff. intercedebat, indignum esse prædicans, coff. ambos in valles Ligurum includi. M. Fulvium & Cn. Manlium biennium jam, alterum in Europa, alterum in Asia, velut pro Philippo atque Antiocho substitutos regnare. si exercitus in his terris esse placeat, coff. iis potius quam privatos præesse oportere. Vagari eos cum belli terrore per nationes, quibus bellum indictum non sit, pacem pretio venditantes. si eas provincias exercitibus obtinere opus esset: sicut Man. Acilio L. Scipioni coff. M. Fulvius & Cn. Manlius successissent consules: ita Fulvio Manlioque C. Livium & M. Valerium coff. debuisse succedere. nunc certe perfecto Ætolico bello, recepta ab Antiocho Asia, devictis Gallis, aut coff. ad exercitus consulares mitti, aut reportari legiones inde, reddique tandem reipub. debere. Senatus his auditis in sententia perseveravit, ut coff. ambobus Ligures provincia esset: Manlium Fulviumque decedere de provinciis, & exercitus inde deducere, ac redire Romam placuit.

CAPUT XXIX.

Ambracienses legati ab Æmilio cos. subornati, M. Fulvium, a quo fuerant bello oppugnati, in Senatu accusant: absentis Fulvii causam suscipit alter cos. Flaminius: nihilominus, referente Æmilio cos., senatus contra acta Fulvii secundum Ambracienses decernit: rebus deinde sacris perfectis, cos. in provinciam posciscuntur.

43. **I** Nimicitiae inter M. Fulvium & M. Æmilium cos. erant, & supra cætera Æmilius serius biennio se cos. factum M. Fulvii opera * ajebat. itaque ad invidiam ei faciendam legatos Ambracienses in senatum (1) subornatos criminibus introduxit. qui sibi, cum in pace essent, imperataque a prioribus cos. fecissent, & eadem præstare obedienter M. Fulvio parati essent, bellum illatum questi, agros primum depopulatos, terrorem direptionis & cædis urbi injectum, ut eo metu claudere cogerentur portas. obsessos deinde & oppugnatos se, & omnia (2) exempla belli edita in se, cædibus, incendiis, ruinis, direptione urbis, conjuges, liberos in servitium abstractos, bona adempta: &, quod se ante omnia moveat, templa tota urbe spoliata ornamentis: simulacra deum, deos imo ipsos convulsos ex sedibus suis ablatos esse: parietes postesque nudatos, quos adorent, ad quos precentur & supplicent

* al. docebat.

* al. Ambracienses non superesse.

* Ambracienses, superesse. Hæc querentes interrogando criminose ex composito cos. ad plura velut non sua sponte dicenda eliciebat. Motis Patribus, alter cos. C. Flaminius M. Fulvii causam excepit. qui veterem & obsoletam viam ingressos Ambracienses dixit. Sic M. Marcellum a Syracusanis, sic Q. Fulvium a Campanis accusatos. quin eadem opera T. Quintium a Philippo rege, Man. Acilium, & L. Scipionem ab Antiocho, Cn. Manlium a Gallis, ipsum Fulvium ab Ætolis & Cephallenia populis accusari paterentur? Ambraciani

op-

(1) instructos criminationibus. (2) mala.

oppugnatam & captam, & signa inde ornamentaque ablata, & cetera facta, quæ captis urbibus soleant, negaturum aut me pro M. Fulvio, aut ipsum M. Fulvium censeis P. C.? qui ob has res gestas triumphum a vobis postulaturus sit; Ambraciam captam, signaque quæ ablata criminantur, & cetera spolia ejus urbis antecurrum laturus; & fixurus in postibus suis. Nihil est, quod se ab Ætolis separent. eadem Ambraciensium & Ætolorum causa est. Itaque collega meus vel in alia causa inimicitias exerceat, vel, si in hac utique mavult, retineat Ambracienses suos in adventum M. Fulvii. ego nec de Ambraciensibus, nec de Ætolis decerni quicquam absente M. Fulvio patiar. Cum Æmilius callidam malitiam (1) inimici, velut omnibus notam, insimularet, & tempus eum morando extracturum diceret, ne (2) consule inimico Romam rediret, certamine consulum biduum absumptum est. nec præsentem Flaminio decerni quicquam videbatur posse: captata occasio est, cum æger forte Flaminius abesset, & referente Æmilio S. C. factum est, ut Ambraciensibus omnes suæ res redderentur: in libertate essent, ac legibus suis uterentur. portoria, quæ vellent, terra marique caperent, dum eorum immunes Romani, ac socii Latini nominis essent. signa aliaque ornamenta, quæ quærentur ex ædibus sacris sublata esse, de iis, cum M. Fulvius Romam revertisset, placere ad collegium pontificum referri, & quod ii censuissent, fieri. Neque his contentus cos. fuit, sed postea per infrequentiam adjecit S. C. Ambraciam non videri (3) victam esse. Supplicatio inde ex decemviro-
rum decreto pro valetudine populi fuit per triduum: quia gravis pestilentia urbem atque agros vastabat. Latinæ inde fuerunt. Quibus religionibus liberati coss. & delectu perfecto (novis enim uterque maluit uti militibus) in provinciam profecti sunt: veteresque omnes dimiserunt.

I 2 C A-

(1) M. Fulvii. (2) ipso Æmilio.

(3) quod attinet ad jus.

CAPUT XXX.

Cn. Manlius procos., commemoratis rebus ab se in Asia gestis contra Gallogracos, triumphum petit: adversarios habet plerosque ex decem legatis, qui cum eo in Asia fuerant, pacis cum Antiocho faciendæ causa, præsertim vero L. Furium Purpureonem, & L. Æmilium Paulum, qui oratione contradicunt.

45. **P**ost consulum profectiorem Cn. Manlius procos. Romam venit. cui cum ab Ser. Sulpitio Prætoris senatus ad ædem Bellonæ datus esset, & ipse commemoratis rebus ab se gestis postulasset, ut ob eas diis immortalibus honos haberetur, sibi que triumphanti urbem invehi liceret: contradixerunt pars major decem legatorum, qui cum eo fuerant, & ante alios L. Furius Purpureo, & L. Æmilius Paulus. Legatos sese Cn. Manlio datos pacis cum Antiocho faciendæ causa, foederisque & legum, quæ cum L. Scipione inchoatæ fuissent, perficiendarum: Cn. Manlium summa ope tendisse, ut eam pacem turbaret, & Antiochum, si sui potestatem fecisset, insidiis exciperet. sed illum, cognita fraude cos., cum sæpe colloquiis petitis captatus esset, non congressum modo, sed conspectum etiam ejus vitasse. cupientem transire Taurum, ægre omnium legatorum precibus, ne carminibus Sibyllæ prædictam superantibus terminos fatales cladem experiri vellet, retentum. admovisse tamen exercitum, & prope ipsis jugis ad (1) divortia aquarum castra posuisse. cum nullam ibi causam belli inveniret, quiescentibus regiis, circumegisse exercitum ad Gallogracos. cui nationi non ex senatus auctoritate, non populi jussu bellum illatum. quod quem unquam de sua sententia facere ausum? Antiochi, Philippi, Annibalis, & Pænorum recentissima bella esse. de omnibus his consultum senatum, populum-
que

(1) ubi aqua in duas partes divisæ incipiunt defluere.

que iussisse. saepe legatos ante missos, res repetitas: postremo qui bellum indicerent, missos. Quid eorum, Cn. Manli, factum est, ut istud publicum P. R. bellum, & non tuum privatum latrocinium dicamus? At eo ipso contentus fuisti. recto itinere duxisti exercitum ad eos, quos tibi hostes desumpseras: an & per omnes anfractus viarum, cum ad bivium confisteres, ut quo flexisset agmen Attalus Eumenis frater, eo cos. mercenarius cum exercitu Romano sequeretur, Pisidia, Lycaoniaeque, & Phrygiae recessus omnes atque angulos peragrasti, stipem a tyrannis castellanisque deviis colligens? quid enim tibi cum Oenoandis? quid cum aliis aequae innoxiiis populis? Bellum autem ipsum, cuius nomine triumphum petis, quomodo gessisti? loco aequo, tempore tuo pugnavisti? Tu vero recte, ut diis immortalibus honos habebatur, postulas: primum quod pro temeritate imperatoris nullo jure gentium bellum inferentis poenas luere exercitum noluerunt: deinde, quod belluas, non hostes nobis objecerunt. Nolite nomen tantum existimare mistum esse Gallogracorum: multo ante & corpora & animi misti ac vitiiati sunt. an si illi Galli essent, cum quibus millies vario eventu in Italia pugnatum est, quantum in imperatore nostro fuit, nuntius illinc redisset? bis cum iis pugnatum est, bis loco iniquo subiit, in valle inferiore pedibus pene hostium aciem subjecit, ut si non tela ex superiore loco mitterent, sed corpora sua nuda injicerent, obruere nos potuerint. Quid igitur incidit? magna fortuna P. R. est, magnum & terribile nomen. recenti ruina Annibalis, Philippi, Antiochi, prope attonitae erant tanta corporum moles. fundis sagittisque in fugam consternatae sunt. gladius in acie cruentatus non est Gallico bello. velut ^{* a'.} avium ^{Aph.} examina ad crepitum primum missilium avolavere. At hercule nos iidem, admonente fortuna, quid, si hostem habuissimus, casurum fuisset; cum redeuntes in latrunculos Thracas incidissemus; casi, fugati, exuti impedimentis sumus: Q. Minutius Thermus, in quo haud paulo plus damni factum est, quam si Cn. Manlius, cuius temeritate ea clades inciderat, perisset, cum multis viris fortibus cecidit,

exercitus spolia regis Antiochi referens trifariam dissipatus, alibi primum, alibi postremum agmen, alibi impedimenta, inter vepres in latebris ferarum noctem unam delituit. Pro his triumphus petitur? Si nihil in Thracia cladis ignominiaque foret acceptum, de quibus hostibus triumphum peteres? de iis, ut opinor, quos tibi hostes senatus, aut P. R. dedisset. sic huic L. Scipioni, sic illi Man. Acilio de rege Antiocho, sic paulo ante T. Quintio de rege Philippo, sic P. Africano de Annibale & Pœnis & Syphace triumphus datus. & minima illa, cum jam senatus censuisset bellum, quaesita tamen sunt: quibus nuntiandum esset? ipsis utique regibus nuntiaretur? an satis esset ad praesidium aliquod nuntiari? Vultis ergo haec omnia pollui & confundi? tolli fecialia iura? nullos esse feciales? fiat (pace deum dixerim) iactura religionis: oblitio deorum capiat pectora vestra. num senatum quoque de bello consuli non placet? non ad populum ferri? velint, jubeantne cum Gallis bellum geri? Modo certe cons. Graeciam atque Asiam volebant, tamen perseverantibus vobis Ligures provinciam decernere, dicto audientes fuerunt: merito ergo a vobis prospere bello gesto triumphum petent, quibus auctoribus gesserunt?

47. Talis oratio Furii & Æmilii fuit.

CAPUT XXXI.

Contra Furium, & Æmilium suam causam agit Manlius; cui tandem de Gallograecis triumphus ab senatu decernitur.

MAnlium in hunc maxime modum respondisse accepimus. Tribuni plebis antea solebant triumphum postulantes adversari, P. C. quibus ego gratiam habeo, quod seu mihi, seu magnitudini rerum gestarum hoc dederunt, ut non solum silentio comprobarent honorem meum, sed referre etiam, si opus esset, viderentur parati esse. Ex decem legatis, si diis placet, quod consilium (1) dispensanda co-

ho-

(1) ut disponerent res ad victoriam pertinentes.

honestandaque victoria imperatoribus majores dede-
runt nostri, adversarios habeo. L. Furius, L. Æmi-
lius curram triumphalem me conscendere prohibent,
coronam insignem capiti detrahunt. quos ego, si tri-
buni me triumphare prohiberent, testes citaturus fui
rerum a me gestarum. Nullius equidem invideo ho-
nori P. C. vos tribunos plebis nuper, viros fortes ac
strenuos, impediētes Q. Fabii Labeonis triumphum,
auctoritate vestra deterruistis. triumphavit, quem
non bellum injustum gessisse, sed hostem omnino non
vidisse, inimici jactabant. Ego, qui cum centum
millibus ferocissimorum hostium signis collatis toties
pugnaui: qui plus XL. millia hominum cepi, aut
occidi, qui bina castra eorum expugnaui, qui citra
juga Tauri omnia pacatiora, quam terra Italia est,
reliqui: non triumpho modo fraudor, sed causam a-
pud vos, P. C. accusantibus * me his legatis dico. ^{* al. meis}
Duplex eorum, ut animadvertistis, P. C. accusatio ipse.
fuit. nam nec gerendum mihi fuisse bellum cum
Gallis, & gestum temere atque imprudenter dixe-
runt. Non erant Galli hostes, sed tu eos pacatos im-
perata facientes violasti. Non sum postulaturus a
vobis, P. C. ut quæ communiter de immanitate gen-
tis Gallorum, de infestissimo odio in nomen Roma-
num scitis, ea de illis quoque qui * Asiam incol- <sup>* al. has ter-
ra.</sup>
lunt, existimetis. Gallos, remota universa gentis in-
famia atque invidia, per se ipsos aestimate. Utinam
rex Eumēns, utinam Asia civitates omnes adessent:
& illos potius querentes, quam me accusantem au-
diretis. mittite agetum legatos circa omnes Asiae ur-
bes, & querite, utrum a graviore servitute, An-
tiocho ultra Tauri juga emoto, an Gallis subactis,
liberati sint? quoties agri eorum vastati sint, quo-
ties præda abacta, referant: cum vix redimendi ca-
ptivos copia esset, & mactatas (1) humanas ho-
stias, immolatosque liberos suos audirent. Scipen-
dium scitote pependisse socios vestros Gallis: & nunc
liberatos per vos regio imperio, fuisse pensuros, si a
me foret cessatum. Quo longius Antiochus emansus

I 4 ef-

(1) hoc retinuerunt ex religione antiqua patriæ.
v. Cas. 6. B. G. 16.

effet, hoc impotentius in Asia Galli dominarentur : & quicquid est terrarum citra Tauri iuga, Gallorum imperio, non vestro, adjecissetis. At enim sunt quidem ista vera. etiam Delphos, quondam commune humani generis oraculum, umbilicum orbis terrarum, Galli (1) spoliaverunt : nec ideo P. R. his bellum indixit aut intulit. Equidem aliquid interesse rebar inter id tempus, quo nondum in jure ac ditione vestra Græcia atque Asia erat, ad curandum animadvertendumque quid in his terris fieret : & hoc, quo finem imperii Romani Taurum montem statuistis : quo libertatem immunitatemve civitatibus datis, quo aliis fines adjicitis, alias agro multatis, aliis vestigal imponitis, regna augetis, minuitis, donatis, adimitis : cura vestrae censetis esse, ut pacem terrarumque habeant. An, nisi præsidia deduxisset Antiochus, quæ quæta in suis arcibus erant, non putaveris liberatam Asiam : si Gallorum exercitus effusus vagarentur, rata dona vestra, quæ dedistis regi Eumæni, rata libertas civitatibus esset ? Sed quid ego hæc ita argumentor, tanquam non acceperim, sed fecerim hostes Gallos ? Te, L. Scipio, appello, cujus ego mihi, succedens in vicem imperii tui, virtutem felicitatemque pariter non frustra ab diis immortalibus precatus sum : te, P. Scipio, qui legati jus, collegæ majestatem, & apud fratrem cos. & apud exercitum habuisti : sciatifne in exercitu Antiochi Gallorum legiones fuisse ? videritis in acie eos, in cornu utroque (id enim roboris esse videbatur) locatos ? pugnaveritis ut cum hostibus justis ? cecideritis ? spolia eorum retuleritis ? Atqui cum Antiocho, non cum

* al. Gallis, bellum * his. senatus decreverat, & populus jusserrat. Sed simul, ut opinor, cum (2) his decreverant jusserrantque, qui inter ejus præsidia fuissent : ex quibus præter Antiochum, cum quo pacem pepi-

ge-

- (1) v. Just. l. 24. c. 8. l. 32. c. 3. Strab. l. 4. Polyb. l. 4. Spolia Delphici oraculi Tectosages Tolosam auerunt ; unde aurum Tolosanum.
- (2) in rogatione erat : vellent, juberentne cum Antiocho Rege, quique sectam ejus secuti essent, bellum iniiri. lib. 36. c. 1.

gerat Scipio, & cum quo nominatim fœdus ut fieret, mandaveratis: omnes hostes erant, qui pro Antiocho arma adversus nos tulerunt. in qua causa tum Galli ante omnes fuissent, & reguli quidam & tyranni: ego tamen & cum aliis pro dignitate imperii vestræ coactis luere peccata sua, pacem pepigi: & Gallorum animos, si possent mitigari a feritate insita, tentavi: & posteaquam indomitos atque implacabiles cernebam, tum demum vi atque armis coercendos ratus sum. Nunc quoniam suscepti belli purgatum est crimen, gesti reddenda est ratio. in quo considerem equidem causæ meæ, etiam si non apud Romanum, sed apud Carthaginiensem senatum agerem: ubi in (1) crucem tolli insperatores dicuntur, si prospero eventu, pravo consilio rem gesserunt. Sed ego in ea civitate, quæ ideo omnibus rebus incipiendis gerendisque deos adhibet, quia nullius calumniæ subjicit ea quæ diis comprobaverunt: & in solennibus verbis habet, cum supplicationem aut triumphum decernit, quod bene ac feliciter rempublicam administravit: (2) si nollem, si grave ac superbum existimarem virtute gloriari: pro felicitate mea exercitusque mei, quod tantam nationem sine ulla militum jactura devicimus, postularem, ut diis immortalibus honos haberetur: & ipse triumphans in Capitolium ascenderem, unde votis rite nuncupatis profectus sum: negaretis hoc mihi cum diis immortalibus? Iniquo enim loco dimicavi. Dic igitur quo æquiore potuerim dimicare? 49. cum montem hostes cepissent, loco munito se tenerent? nempe eundem ad hostes erat, si vincere vellem. Quid si urbem eo loco haberent, & mœnibus se tenerent? nempe oppugnandi erant. Quid? ad Thermopylas æquone loco Man. Acilius cum rege Antiocho pugnavit? quid? Philippum non eodem modo super Aoum amnem juga tenentem montium T. Quintius dejecit? Equidem adhuc qualem aut sibi fingant, aut vobis videri velint hostem fuisse, non invenio. si degenerem, & emollitum amānitatē A-

I 5 siæ,

(1) hac de re dictum alias.

(2) si nollem gloriari in ea civitate, quæ &c. sed postularem pro felicitate, negaretis &c.

ſia, quid periculi vel iniquo loco ſubeuntibus fuiſt ? ſi timendum & ſeritate animorum, & robore corporum : huicne tanta victoriæ triumphum negatis ? Cæca invidia eſt, P. C. nec quicquam aliud ſcit, quam (1) detractare virtutes, corrumpere honores ac præmia earum. Mihi, quaſo, ita ignoſcatis. P. C. ſi longiorem orationem non cupiditas gloriandi de me, ſed neceſſaria criminum deſenſio fecit. An etiam per Thraciam ſaltus patentes, qui anguſti erant, & plana ex arduis, & culta ex ſilveſtribus facere potui ? & præſtare necubi notis ſibi latebris deliteſcerent latrones Thraces ? ne quid ſaxinarum raperetur ? ne quod jumentum ex tanto agmine abſtraheretur ? ne quis vulneraretur ? ne ex vulnere vir fortis ac ſtrenuus Q. Minutius moreretur ? In hoc caſu, quo infeliciter incidit, ut talen civem amitteremus, hærent. quod ſaltu iniquo, loco alieno cum adortus hoſtis nos eſſet, duæ ſimul acies primi & noviffimi agminis hærentem ad impedimenta noſtra exercitum barbarorum circumvenerunt : quod multa millia ipſo die, plura multo poſt dies paucos ceciderunt, & ceperunt : hoc ſi ipſi tacuerint, vos ſcituros, cum teſtis orationis meæ totus exercitus ſit, non credunt. Si gladium in Aſia non ſtrinxiſſem, ſi hoſtem non viſiſſem : tamen procoſ. triumphum in Thracia duobus præliis merueram. Sed jam dictum ſatis eſt. quin pro eo quod pluribus verbis vos quam volui, fatigavi, veniam a vobis petitam impetratamque velim, P. C. Plus crimina eo die, quam 30. deſenſio, valuiſſent, ni altercationem in ſerum perduxiſſent. dimittitur ſenatus in ea opinione, ut negaturus triumphum fuiſſe videretur. Poſtero die & cognati amicique Cn. Manlii ſummis opibus annixi ſunt, & auctoritas ſeniorum valuit, negantium exemplum proditum memoria eſſe, ut imperator, qui, perduellibus deviſtis, conſecta provincia, exercitum reportaffet, ſine curru & laurea privatus inſignatusque urbem iniret. hic pudor malignitatem vicit, triumphumque frequentes decreverunt.

GA

(1) detrabere. ſic Ovid. 13. Met. 270. Neque enim benefacta maligne detractare meum eſt. & alibi.

CAPUT XXXII,

Petillii tribuni plebis ob non relatum in publicum Antiochi pecuniam, diem P. Scipioni Africano dicunt: is citatus cum ad Rostra venisset: Hac die, inquit, Carthaginem vici, Quirites: in Capitolium eamus, & Diis supplicemus: quo facto, invidia cedens in voluntarium exilium Linternum proficiscitur: cum inde ad causam dicendam evocaretur, Tib. Gracchus antea Scipionis inimicus, cogit tribunos a vexationibus desistere.

Oppressit deinde mentionem memoriamque omnem contentionis hujus, majus & cum majore & clariore viro certamen ortum. P. Scipioni Africano (ut Valerius Antias auctor est) duo Q. Petillii diem dixerunt. id, prout cujusque ingenium erat, interpretabantur. Alii non tribunos plebis, sed universam civitatem, quæ id pati posset, incusabant. *duas maximas orbis terrarum urbes ingratas uno prope tempore in principes inventas: Romam ingratiorem. siquidem victa Carthago victum Annibalem in exilium expulisset, Roma victrix victorem Africanum expellat.* Alii, neminem unum civem tantum eminere debere, ut legibus interrogari non possit. *nihil tam æquandæ libertatis esse, quam potentissimums quenique (1) posse dicere causam. quid autem tuto cuiquam, nedum summam Reipublicæ, permitti, si ratio non sit reddenda? qui jus æquum pati non possit, in eum vim haud injustam esse.* Hæc agitata sermonibus, donec dies dicendæ causæ venit. nec alius antea quisquam, nec ille ipse Scipio (2) cons. censove majore omnis generis hominum frequentia, quam (3) reus illo die in forum est deductus. Jussus dicere causam, sine ulla criminum mentione orationem adeo magnificam de rebus ab se gestis est exorsus, ut satis constaret, neminem

(1) posse trahi in iudicium.

(2) tum, cum esset consul. (3) nunc reus.

51. unquam neque melius, neque verius laudatum esse. dicebantur enim ab eodem animo ingenioque, a quo gesta erant. & aurium fastidium ab-
 erat: quia pro periculo, non in gloriam, refere-
 bantur. Tribuni plebis vetera luxuriæ (1) cri-
 mina Syracusanorum hibernorum, & Locris (2)
 Pleminianum tumultum cum ad fidem præsen-
 tium criminum retulissent, suspicionibus magis,
 quam argumentis, pecuniæ captæ reum accusa-
 runt. (3) *Filium captum sine pretio redditum, omnibusque aliis rebus Scipionem, tanquam in ejus unius manu pax Romana bellumque esset, ab Antiocho cultum. dictatorem eum consuli, non legatum in provincia fuisse. nec ad aliam rem eo profectum, quam ut id quod Hispaniæ, Galliæ, Siciliæ, Africa jampridem persuasum esset, hoc Græciæ Asiæque & omnibus ad orientem versis regibus gentibusque appareret, unum hominem caput columnenque imperii Romani esse: sub umbra Scipionis civitatem domi- nam orbis terrarum latere: nutus ejus pro decretis Patrum, pro populi jussis esse. Infamia intactum, invidia qua possunt, urgent. Orationibus in no- stem perductis, * producta dies est. ubi ea ve- nit, tribuni in rostris prima luce confederunt. citatus reus magno agmine amicorum clientium- que per mediam concionem ad rostra subiit: si- lentioque facto: Hoc, inquit, die, Tribuni plebis, vosque Quirites, cum Annibale & Carthaginiensi- bus signis collatis in Africa bene ac feliciter pugna- vi. itaque cum hodie litibus & jurgiis supersederi æquum sit: ego hinc extemplo in Capitolium ad Jo- vem Opt. Max. Junonemque & Minervam, cete- rosque deos, qui Capitolio atque arci præsent, sa- lutandos ibo: hisque gratias agam, quod mihi & hoc ipso die, & sæpe alias egregie Reipublice ge- rendæ mentem facultatemque dederunt. vestrum quo- que quibus commodum est, ite mecum, Quiri- tes, & orate deos, ut mei similes principes ha-
 bea-*

* al.
pro-
ducta.

(1) v. l. 29. n. 19. 20. & 22.

(2) v. l. 29. n. 16.

(3) v. l. 36. n. 31.

beatis . ita , si ab annis (1) septemdecim ad senectutem semper vos aetatem meam honoribus vestris anteistis , ego vestros honores rebus gerendis præcessi . Ab rostris in Capitolium ascendit . simul se universa concio avertit , & secuta Scipionem est : adeo , ut postremo scribæ viatoresque tribunos relinquerent , nec cum iis præter servilem comitatum , & præconem , qui reum ex rostris citabat , quisquam esset . Scipio non in Capitolio modo , sed per totam urbem omnia templa deum cum P. R. circumiit . Celebratio is prope dies favore hominum , & æstimatione veræ magnitudinis ejus fuit , quam quo triumphans de Syphace rege & Carthaginienfibus urbem est invehctus . Hic 52^a speciosus ultimus dies P. Scipioni illuxit . post quem , cum invidiam & certamina cum tribunis prospiceret , die longiore producta in Liternum concessit , certo consilio ne ad causam dicendam adesset . major animus & natura erat , ac majori fortunæ assuetus , quam ut reus esse sciret , & summittere se in humilitatem causam dicentium . Ubi dies venit , citarique absens est coeptus , L. Scipio morbum * causæ esse cur abesset , excusabat . quam excusationem cum tribuni qui diem ^{al.} dixerant , non acciperent , & ab eadem superbia ^{cau-} tam . non venire ad causam dicendam arguerent , quæ judicium , & tribunos plebis , & concionem reliquisset : & quibus jus de se dicendæ sententiæ & libertatem ademisset , his comitatus , velut captos trahens , triumphum de P. R. egisset : secessionemque eo die in Capitolium a Tribunis plebis fecisset : Habetis ergo temeritatis illius mercedem . quo duce & auctore nos reliquistis , ab eo ipso

re-

(1) ea ætate turmæ equestris præfectus patrem in acie periclitantem ex periculo eripuit . Polyb. 10. 3. biennio post fuit Tribunus Legionis secundæ : quo tempore qui ex clade Cannensi elapsi Canusium auferant , omnium consensu , ad eum summam imperii detulerunt . Liv. 22. n. 53. triennio post creatus ædilis . Liv. 25. n. 2. ita reliquos honores ante ætatem consequutus .

relictis estis. & tantum animorum in dies nobis de-
 crescit, ut ad quem ante annis XVII. exercitum &
 classem habentem, tribunos plebis edilemque in Sici-
 liam (1) mittere ausi sumus, qui prebenderent
 eum, & Romam reducerent: ad eum privatum ex
 villa sua extrahendum ad causam dicendam mittere
 non audeamus? Tribuni plebis appellati ab L.
 Scipione ita decreverunt: si morbi causa excusa-
 retur, sibi placere, accipi eam causam, diemque a
 collegis produci. Tribunus plebis eo tempore Ti.
 Sempronius Gracchus erat, cui inimicitiae cum
 P. Scipione intercedebant. is cum vetuisset no-
 men suum decreto collegarum adscribi, tristio-
 remque omnes sententiam exspectarent: ita de-
 crevit: Cum L. Scipio excuset morbum esse causae
 fratri: satis id sibi videri. se P. Scipionem, prius-
 quam Romam redisset, accusari non passurum. tum
 quoque, si se appelleret, auxilio ei futurum, ne cau-
 sam dicat. ad id fastigium rebus gestis, honoribus
 P. R. P. Scipionem deorum hominumque consensu
 pervenisse, ut sub rostris reum stare, & praebe-
 re aures adolescentium convitiis, populo Romano magis
 53. deforme, quam ipsi sit. Adjecit decreto indigna-
 tionem. Sub pedibus vestris stabit, tribuni, domi-
 tor ille Africae Scipio? ideo quatuor nobilissimos duces
 Pœnorum in Hispania, quatuor exercitus fudit fuga-
 vitque: ideo Syphacem cepit, Annibalem devicit,
 Carthaginem veltigalem nobis fecit, Antiochum (re-
 cepit enim fratrem consortem hujus gloriae L. Scipio)
 ultra Tauri juga emovit, ut duobus Petilliis suc-
 cumberet? vos de P. Africano palmam peteretis?
 nullis ne meritis suis, nullis vestris honoribus un-
 quam in arcem tutam, & velut sanctam clari viri
 pervenient, ubi si non venerabilis, inviolata saltem
 senectus eorum confidat? Movit & decretum, &
 adjecta oratio non cæteros modo, sed ipsos etiam
 accusatores: & deliberaturos se, quid sui juris
 & officii esset, dixerunt. Senatus deinde, con-
 cilio plebis dimisso, haberi est coeptus. ibi gra-
 tiae ingentes ab universo ordine, præcipue a con-
 sula-

sularibus senioribusque Ti. Graccho actæ sunt, quod Rempub. privatis simultatibus potiorum habuisset. & Petillii vexati sunt probris, quod splendere aliena invidia voluissent, & spolia ex Africani triumpho peterent.

CAPUT XXXIII.

Scipio Africanus Literni, quo in voluntarium exilium concesserat, reliquam ætatem agit; ac moriens ibi se jubet sepeliri.

Silentium deinde de Africano fuit. vitam Literni egit sine desiderio urbis. Morientem rure eo ipso loco sepeliri se iussisse ferunt, monumentumque ibi ædificari, ne funus sibi in ingrata patria fieret. Vir memorabilis: bellicis tamen, quam pacis artibus memorabilior prima pars vitæ, quam postrema fuit: quia in juvenia bella assidue gesta: cum senecta res quoque defloruere, nec præbita est materia ingenio. quid ad primum (1) consulatum secundus; etiam si censuram adjicias? quid Asiatica legatio & valetudine adversa inutilis, & filii casu deformata, & post reditum necessitate aut subeundi judicii, aut simul cum patria deferendi? Punici tamen belli perpetrati, quo nullum neque majus, neque periculosius Romani gesserunt, unus præcipuam gloriam tulit.

CAPUT XXXIV.

L. Scipio Asiaticus Africani frater, lata a Petilliis tribunis plebis lege, ut de pecunia capta ex Antiocho quaereretur, repetundarum accusatur, damnaturque: de summa pecuniæ, cujus ratio requisita est, quoniam discrepant scriptores, fit conjectura.

Morte Africani crevere inimicorum animi: 54.
quorum princeps fuit M. Porcius Cato,
qui

(1) consulatus primus fuit laudabilior.

qui vivo quoque eo allatrare ejus magnitudinem solitus erat. hoc auctore existimantur Petillii & vivo Africano rem ingressi, & mortuo rogationem promulgasse. Fuit autem rogatio talis. *Velitis, jubeatis, queratur, quæ pecunia capta, ablata, coacta ab rege Antiocho est, quique sub ejus imperio fuerunt: quod ejus in publicum relatum non est, uti de ea re Ser. Sulpitius Prætor urbanus ad senatum referat; quem eam rem velit senatus querere de iis, qui prætores nunc sunt?* Huic rogationi Q. & L. Mummii intercedebant. senatum querere de pecunia non relata in publicum, ita ut antea semper factum esset, æquum censebant. Petillii nobilitatem & regnum in senatu Scipionum accusabant. L. Furius Purpureo consularis, qui in decem legatis in Asia fuerat, latius rogandum censebat: non quæ ab Antiocho modo pecuniæ captæ forent, sed quæ ab aliis regibus gentibusque, Cn. Manlium inimicum incessens. Et L. Scipio, quem magis pro se quam adversus legem dicturum apparebat, dissuasor processit. *is post mortem P. Africani fratris, viri omnium fortissimi clarissimique eam exortam rogationem est conquestus. parum enim fuisse, non (1) laudari pro rostris P. Africanum post mortem, nisi etiam accusaretur. & Carthaginenses exilio Annibalis contentos esse: populum Romanum ne morte quidem P. Scipionis exsatiari, nisi & ipsius fama sepulti laceretur, & frater insuper accessio invidia macretur.* M. Cato suavit rogationem: exstat oratio ejus de pecunia regis Antiochi: & Mummios tribunos auctoritate deterruit, ne adversarentur rogationi. Remittentibus ergo his intercessionem, omnes tribus, *Uti rogas, jusserunt.*

35. Ser. Sulpitio deinde referente, quem rogatione Petillia querere vellent, Q. Terentium Culleonem patres jusserunt. (2) Ad hunc prætorem adeo amicum Cornelie familiæ, ut qui Romæ mor-

{1} *mor erat viros illustres oratione funebri laudari.*
 {2} *alii ita legunt: alii hunc &c. & infra, alii adeo inimicum.*

mortuum elatumque P. Scipionem (est enim ea quoque fama) tradunt, pileatum, sicut in triumpho ierat, in funere quoque ante lectum isse memoriæ prodiderint, & ad portam Capenam mulsum profecutis funus dedisse: quod ab eo inter alios captivos in Africa ex hostibus receptus esset: aut adeo inimicum eundem, ut propter insignem simultatem, ab ea factione, quæ adversa Scipionibus erat, delectus sit potissimum ad quæstionem exercendam: cæterum ad hunc nimis æquum aut iniquum prætorem reus extemplo factus L. Scipio. simul & delata & recepta nomina legatorum ejus, A. & L. Hostiliorum Catonum, & C. Furii Aculeonis quæstoris: & ut omnia contacta societate peculatus viderentur, scribæ quoque duo, & accensus. L. Hostilius, & scribæ & accensus, priusquam de Scipione judicium fieret, absoluti sunt: Scipio & A. Hostilius legatus, & C. Furius damnati. quo commodior pax Antiocho daretur, Scipionem VI millia pondo auri, quadringenta octoginta argenti plus accepisse, quam in ærarium retulerit: A. Hostilium LXXX. pondo auri, argenti CCCIII. Furium quæstorem auri centum XXX, argenti CC. pondo. Has ego summas auri & argenti relatas apud Antiatem inveni. In L. Scipione malim equidem librarum mendum, quam mendacium scriptoris esse in summa auri atque argenti. similis enim veri est, argenti, quam auri majus pondus fuisse: & potius quadragies, quam ducenties quadragies litem æstimatam: eo magis, quod tantæ summæ rationem etiam ab ipso P. Scipione requisitam esse in senatu tradunt: librumque rationis ejus cum Lucium fratrem afferre jussisset, inspectante senatu, suis ipsum manibus concepisse, indignantem quod cum bis millies in ærarium intulisset, quadragies ratio ab se posceretur. (1) ab eadem fiducia animi, cum quæstores pecuniam ex ærario contra legem promere non auderent, poposcisse claves, & se

(1) ab eadem &c. v. Plut. *apophth.* p. 196.

& se aperturum ærarium dixisse, qui, ut claude-
retur, effecisset.

CAPUT XXXV.

*De Scipione Africano multa, quæ opinionibus, lite-
risque variant, de morte, de sepulchro, de accu-
satoribus, de auxilio Tib. Gracchi prohibentis duci
in carcerem L. Scipionem fratrem, deque propter
hoc beneficium collocata eidem Graccho Africani fi-
lia, proponuntur.*

56. **M**ulta alia in Scipionis exitu maxime vitæ,
dieque dicta, morte, funere, sepulchro in
diversum trahunt: ut cui famæ, quibus scriptis
assentiar, non habeam. Non de accusatore con-
venit. alii M. Nævium, alii Petillios diem di-
xisse scribunt. non de tempore quo dicta dies
sit: non de anno quo mortuus sit: non ubi mor-
tuus, aut elatus sit. alii Romæ, alii Literni &
mortuum & sepultum. utrobique monumenta o-
stenduntur, & statuæ. nam & Literni monumen-
tum, monumentoque statuæ superimposita fuit:
quam tempestate disiectam nuper vidimus ipsi.
& Romæ extra portam Capenam in Scipionum
monumento tres statuæ sunt: quarum duæ P. &
L. Scipionum dicuntur esse: tertia poetæ Q.
Ennii, nec inter scriptores rerum discrepat so-
lum, sed orationes quoque (si modo ipsorum
sunt, quæ feruntur, P. Scipionis & Ti. Grac-
chi) abhorrent inter se. (1) Index orationis
P. Scipionis, nomen M. Nævii Tribuni plebis
habet: ipsa oratio sine nomine est accusatoris.
nebulonem modo, modo nugatorem appellat.
Ne Gracchi quidem oratio aut Petilliorum accu-
satorum Africani, aut diei dictæ Africano ullam
mentionem habet. alia tota (2) ferenda fabula
est Gracchi orationi conveniens: & illi auctores
sequendi sunt, qui, cum L. Scipio & accusatus

(1) titulus, seu inscriptio!

(2) instituenda narratio est.

& damnatus sit pecuniæ captæ ab rege, legatum in Etruria fuisse Africanum tradunt. quo post famam de fratris casu allatam, relicta legatione, cucurrisse eum Romam: & cum a porta recta ad forum se contulisset, quod in vincula duci fratrem dictum erat, repulisse a corpore ejus viatorem, & tribunis retinentibus, magis pie quam civiliter, vim fecisse. hæc enim * ipsa Gracchus queritur, dissolutam esse a privato tribunitiam potestatem. & ad postremum cum auxilium L. Scipioni polliceretur, adjicit, tolerabilioris exempli esse a Tribuno plebis potius, quam a privato victam videri & tribunitiam potestatem, & Remp. esse. sed ita hanc unam impotentem ejus injuriam invidia onerat, ut increpando quod degenerarit tantum a se ipse, cumulas ei veteres laudes moderationis & temperantiæ pro reprehensione præsentis reddat. castigatum enim quondam ab eo populum ait, quod eum (1) perpetuum consulem & dictatorem vellet facere. prohibuisse statuas sibi in comitio, in rostris, in curia, in Capitolio, in cella Jovis poni. prohibuisse ne decerneretur, ut imago sua triumphali ornatu e templo Jovis Opt. Max. (2) exiret. Hæc vel in laudatione posita ingentem magnitudinem animi moderandis ad civiles habitum honoribus significarent, quæ exprobrando inimicus fatetur. Huic Graccho minorem ex duabus (3) filiis (nam major P. Cornelio Nasicæ haud dubie a patre collocata erat) nuptam fuisse convenit. illud parum constat, utrum post mortem patris & desponsa sit, & nupserit: an veræ illæ opiniones sint, Gracchum, cum L. Scipio in vincula duceretur, nec quisquam collegarum auxilio esset, jurasse, sibi inimicitias cum Scipionibus, quæ fuissent, manere, nec se gratiæ quærendæ causa quicquam facere: sed in quem carcerem reges & imperatores bo-

stium

(1) v. Val. Max. 4. 1. 6.
 (2) dissentit a Livio Val. Max. 1. 8. 13. 1. & Appian. in Hispan. p. 267. (3) pro filiabus.

scium ducentem vidisset P. Africanum, in eum se fratrem ejus duci non passurum. Senatum eo die forte coenantem in Capitolio confurrexisse, & petisse, ut inter epulas Graccho filiam Africanus desponderet. quibus ita inter publicum solenne sponsalibus rite factis, cum se domum recepisset, Scipionem Æmilie uxori dixisse, filiam se minorem despondisse. cum illa muliebriter indignabunda nihil de communi filia secum consultatum, adjecisset: (1) non si Tib. Graccho daret, expertem consilii debuisse matrem esse: lætum Scipionem tam concordi judicio, ipsi desponsam respondisse. Hæc de tanto viro, quam & opinionibus & monumentis literarum variarent, proponenda erant.

CAPUT XXXVI.

P. Scipio Nasica, cum L. Scipio damnatus pecunia capte ab Antiocho inciperet duci in carcerem, causam ejus apud prætorem, accusatoresque graviter agit: eo nihil proficiente, Tib. Gracchus tribunus plebis intercedit, dimittique L. Scipionem jubet.

58. **J**udiciis a Q. Terentio Prætoris perfectis, Hostilius & Furius damnati prædes eodem die quæstoribus urbanis dederunt. Scipio cum contenderet, omnem, quam accepisset pecuniam, in ærario esse, nec se quicquam publici habere; in vincula duci est coëptus. P. Scipio Nasica tribunos appellavit, orationemque habuit plenam veris decoribus, non communiter modo Cornelie gentis, sed propriæ familie suæ. Parentes suos & P. Africani, ac L. Scipionis, qui in carcerem duceretur, fuisse Cn. & P. Scipiones, clarissimos viros. eos, cum per aliquot annos in terra
- His-

(1) ne si Tiberio quidem. princeps juventutis Tib. Gracchus habebatur; & eam ob causam ei Corneliam desponsam fuisse, auctor est Plur. in vita Gracchi.

Hispania adversus multos Pœnorum Hispanorumque
 & duces & exercitus nominis Romani famam au-
 xissent, non bello solum, sed quod Romanæ tempe-
 rantie fideique specimen illis gentibus dedissent, ad
 extremum ambos pro P. R. morte occubuisse. cum
 illorum tueri gloriam posteris satis esset, P. Afri-
 canum tantum paternas superavisse laudes, ut fi-
 dem fecerit, non sanguine humano, sed stirpe di-
 vina satum se esse. L. Scipionem, de quo agatur,
 ut quæ in Hispania, quæ in Africa, cum legatus
 fratris esset, gessisset, prætereantur, consulem, & ab
 senatu dignum visum, cui extra sortem Asia pro-
 vincia, & bellum cum Antiocho rege decerneretur:
 & a (1) fratre, cui post duos consulatus consu-
 ramque & triumphum legatus in Asiam iret, ibi
 ne magnitudo & splendor legati laudibus COS. of-
 ficeret, forte ita incidisse, ut quo die ad Magnesiæ
 signis collatis L. Scipio Antiochum devicisset, eger
 P. Scipio Eleæ dierum aliquot via abesset. non fuisse
 minorem eum exercitum, quam Annibalis, cum
 quo in Africa esset pugnatum. Annidalem eundem
 fuisse inter multos alios regios duces, qui impera-
 tor Punici belli fuerit. & bellum quidem ita ge-
 stum esse, ut ne fortunam quidem quisquam cri-
 minari possit, in pace crimen queri, (2) eam dici
 venisse. hic X. legatos simul argui, quorum ex con-
 silio data pax esset. * quin extitisse ex X. legatis,
 qui Cn. Manlium accusarent: tamen non modo ad
 criminis fidem, sed ne ad moram quidem triumphi
 eam accusationem valuisse. At hercule in Scipione
 ipsas leges pacis, ut nimium accommodatas Antio-
 cho, suspectas esse. integrum enim ei regnum reli-
 ctum, omnia possidere eum victum, quæ ante bel-
 lum ejus fuerint. auri & argenti cum vim magnam
 habuisset, nihil in publicum relatum, omne in pri-
 vatum versum. An non (3) præter omnium oculos
 tantum auri argentique in triumpho L. Scipionis,
 quantum non decem aliis triumphis, si omne in u-
 num

* al.
 quæ-
 quæ.

59.

- (1) repote, dignum visum.
 (2) pacem dici pretio datam fuisse.
 (3) ante.

num conferatur, sit latum? Nam quid de finibus regni dicam? *Asiam omnem, & proxima Europæ tenuisse Antiochum? ea quanta regio orbis terrarum sit, a Tauro monte in Ægæum usque prominens mare; quot non urbes modo, sed gentes amplectatur, omnes scire. hanc regionem dierum plus triginta in longitudinem, decem inter duo maria in latitudinem patentem, usque ad Tauri montis juga Antiocho adeptam, expulso in ultimum angulum orbis terrarum. Quid si gratuita pax esset, plus adimi ei potuisse? Philippo victo Macedoniam, Nabidi Lacedæmonem relictam, nec Quintio crimen quasi-
 tum. non enim habuisse eum Africanum fratrem: cuius cum gloria prodesse L. Scipioni debuisset, invidians nocuisse. tantum auri argentique iudicatum esse in domum L. Scipionis illatum, quantum venditis omnibus bonis redigi non posset. * ubi ergo esse regium aurum? ubi tot hereditates acceptas? in domo, quam sumptus non exhausserint, exstare debuisse novæ fortunæ cumulum. At enim quod ex bonis redigi non possit, ex corpore & tergo per vexationem & contumelias L. Scipionis petituros inimicos: ut in carcerem inter fures nocturnos & latrones vir clarissimus includatur, & in robore & tenebris exspiret: deinde nudus ante carcerem projiciatur. Non id Cornelie magis familiæ, quam urbi Romanæ fore erubescendum. Adversus ea Terentius Prætor rogationem Petilliam, & senatusconsultum, & iudicium de L. Scipione factum recitavit. se, ni referatur pecunia in publicum quæ iudicata sit; nihil habere quod faciat, nisi ut prehendi damnatum, & in vincula duci jubeat. Tribuni cum in consilium secessissent, paulo post C. Fannius ex sua collegarumque aliorum, præter Gracchum, sententia pronuntiavit, prætori non intercedere tribunos, quominus sua potestate utatur. Tib. Gracchus ita decrevit; Quominus ex bonis L. Scipionis quod iudicatum sit, redigatur, se non intercedere prætori. L. Scipionem, qui regem opulentissimum orbis terrarum devicerit, imperium P. R. propagaverit in ultimos terrarum fines, regem Eumænem, Rhodios, alias tot urbes Asia devinxerit P. R. bene-*

* al.
id u-
ti.

60.

beneficiis, plurimos duces hostium in triumpho ductos carcere incluserit, non passurum inter hostes P. R.

(1) *L. Scipionem in carcere & vinculis esse, mit-
tisque eum se jubere. Tanto assensu auditum est
decretum, adeo dimissum L. Scipionem læti ho-
mines viderunt, ut vix in eadem civitate vide-
retur factum iudicium.*

CAPUT XXXVII.

*Missi quæstores in bona L. Scipionis publice possiden-
da non tantum redigunt, quantæ summæ damna-
tus fuerat: collatam a cognatis, & amicis in-
gentem pecuniam Scipio recusat: necessaria ad vi-
ctum redimit.*

IN bona deinde L. Scipionis (2) possessum pu-
blice quæstores prætor misit. neque in iis
non modo vestigium ullum comparuit pecuniæ
regiæ, sed nec tantum redactum est, quantæ
summæ damnatus fuerat. Collata pecunia a co-
gnatis amicisque & clientibus est L. Scipioni:
ut, si acciperet eam, locupletior aliquanto esset,
quam ante calamitatem fuerat. nihil accepit:
quæ necessaria ad cultum erant, redempta ei a
proximis cognatis sunt. verteratque Scipionum
invidia in prætorem, & consilium ejus, & ac-
cusatores.

LI-


(1) *redundat, L. Scipionem.*

(2) *mittebantur quæstores in possessionem bonorum
rei, qui ob delictum publicum damnatus, judi-
catum non solvisset.*

LIBER XXXIX.

CAPUT I.

*Consules C. Flaminius, & Æmilius Ligures subi-
gunt: inde Æmilius profectus in Galliam cum ex-
ercitu viam a Placentia Ariminum perductam
Flaminie jungit.*

1.  Um hæc (si modo hoc anno acta
sunt) Romæ aguntur , cons. ambo
in Liguribus gerebant bellum . Is ho-
stis velut natus ad continendam in-
ter magnorum intervalla bellorum
Romanis militarem disciplinam erat : nec alia
provincia militem magis ad virtutem acuebat .
nam Asia & amœnitate urbium , & copia terre-
strium maritimarumque rerum , & mollitia ho-
stium , regiisque opibus ditiores , quam fortio-
res , exercitus faciebat . præcipue sub imperio
Cn. Manlii solute ac negligenter habiti sunt .
itaque asperius paulo iter in Thracia , & exer-
citatio hostis magna clade eos castigavit . in
Liguribus omnia erant , quæ militem excitarent :
loca montana & aspera , quæ & ipsis capere la-
bor erat , & ex præoccupatis dejicere hostem :
itinera ardua , angusta , infesta insidiis : hostis
levis , & velox , & repentinus , qui nullum us-
quam tempus , nullum locum quietum aut secu-
rum esse sineret : oppugnatio necessaria munito-
rum castellorum , laboriosa simul , periculosaque :
inops regio , quæ parsimonia astringeret milites ,
prædæ haud multum præberet , itaque non lixa
sequebatur , non jumentorum longus ordo agmen
extendebat . nihil præter arma , & viros omnem
spem in armis habentes , erat . nec deerat un-
quam cum iis vel materia belli , vel causa : quia
propter domesticam inopiam vicinos agros in-
cursabant : nec tamen in discrimen summæ re-
rum pugnabatur . C. Flaminius cos. cum Frinia-
tibus

tibus Liguribus in agro eorum pluribus præliis secundis factis, in deditionem gentem accepit, & arma ademit: & quia non sincera fide tradebant, cum castigarentur, relictis vicis in montem Auginum confugerunt. confestim secutus est cos., cæterum effusi rursus, & pars maxima inermes, per invia & rupes diruptas præcipitantes fugerunt, qua sequi hostis non posset. ita trans Apenninum abierunt, qui castris se tenuerant, circumfessi expugnati sunt. Inde trans Apenninum ductæ legiones. ibi montis, quem ceperant, altitudine paulisper se tutati, mox in deditionem concefferunt. tum conquesta cum intentiore cura arma, & omnia adempta. Translatum deinde ad Apuanos Ligures bellum, qui in agrum Pisanum Bononiensemque ita incurſaverant, ut coli non * possent. his quoque perdomitis, cos. pacem dedit finitimis. & quia, a bello quieta ut esset provincia, effecerat: ne in otio militem haberet, viam a Bononia perduxit Arretium. M. Æmilius alter cos. agros Ligurum, vicosque, qui in campis aut vallibus erant, ipsis montes duos Balistam Suismontiumque tenentibus, deussit, depopulatusque est. deinde eos, qui in montibus erant, adortus, primo levibus præliis fatigavit: postremo coactos in aciem descendere, iusto prælio devicit, in quo & ædem Dianæ vovit. Subactis cis Apenninum omnibus, tum transmontanos adortus: in his & Briniates Ligures erant, quo non adierat C. Flaminus. omnes Æmilius subegit, armaque ademit, & de montibus in campos multitudinem deduxit. Pacatis Liguribus, in agrum Gallicum exercitum duxit, viamque ab Placentia, ut Flaminæ committeret, Ariminum perduxit. prælio ultimo, quo cum Liguribus signis collatis confligit, ædem Junoni reginæ vovit. Hæc in Liguribus eo anno gesta.

* al.
pos-
set.

CAPUT II.

Cænomanis iniuste a Furio Prætorè adempta arma redduntur: multa Latinorum millia, quæ Romanæ commigraverant, in suas civitates redire coguntur.

3. **I**N Gallia M. Furius Prætor infontibus Cænomanis, in pace speciem belli quærens, ademerat arma. id Cænomani conquesti Romæ apud senatum, rejeſtique ad coſ. Æmilium, cui, ut cognosceret statueretque, senatus permiserat, magno certamine cum prætorè habito, tenuerunt causam. arma reddita Cænomanis, decedere e provincia Prætor iussus. Legatis deinde sociorum Latini nominis, qui toto undique ex Latio frequentes convenerant, senatus datus est. his querentibus, magnam multitudinem civium suorum Romam commigrasse, & ibi cenſos esse, Q. Terentio Culleoni Prætori negotium datum est, ut eos conquereret, & , quem C. Claudio, M. Livio cenſoribus, poſtve eos cenſores, ipſum parentemve ejus apud ſe cenſum eſſe probaſſent ſocii, ut redire eo cogeret, ubi cenſi eſſent. Hac conquiſitione duodecim millia Latinorum domos redierunt, jam tum multitudine alienigenarum urbem onerante.

CAPUT III.

M. Fulvius proc. commemoratis rebus ab ſe in Ætolia Cephaleniaque geſtis, triumphum petit: intercedens M. Abutius tribunus plebis, cui ita mandaverat Æmilius coſ., Fulvii inimicus, a Tib. Graccho caſtigatur: remiſſa interceſſione, Fulvius triumphat.

4. **P**Riusquam coſſ. redirent Romam, M. Fulvius procos. ex Ætolia rediit. iſque ad ædem Apollinis in ſenatu cum de rebus in Ætolia Cepha-

phaleniaque ab se gestis differuisset, petiit a Patribus, ut æquum censerent ob Rempublicam bene ac feliciter gestam, & diis immortalibus honorem haberi jubere, & sibi triumphum decernere. M. Abutius Tribunus plebis, si quid de ea re ante M. Æmilii cos. adventum decerneretur, intercessurum se ostendit. cum contradicere velle, proficiscentemque in provinciam ita sibi mandasse, ut ea disceptatio integra in adventum suum servaretur. Fulvium (1) temporis jacturam facere. senatum etiam præsentem cos., quod vellet, decreturum. M. Fulvius. Si aut simultas M. Æmilii secum ignota hominibus esset, aut, quam is eas inimicitias impetenti ac prope regia ira exerceret: tamen non fuisse ferendum, absentem cos. & deorum immortalium honori ob stare, & meritum debitumque triumphum morari: imperatorem, rebus egregie gestis, victoremque exercitum cum præda ac captivis ante portas stare, donec cos. ob hoc ipsum moranti relire Romanam libitum esset. Verum enimvero cum sint notissima sibi cum cos. inimicitie, quid ab eo quæquam posse æqui expectare, qui per infrequentiam (2) furtim S. C. factum ad ærarium detulerit? Ambraciam non videri vi captam, quæ aggere ac vineis (3) oppugnata sit, ubi incensis operibus alia de integro facta sint, ubi circa muros supra subterque terram per dies quindecim pugnatum: ubi à prima luce, cum jam transcendisset muros miles, usque ad noctem diu anceps prælium tenuerit: ubi plus tria millia hostium sint cæsa. Jam de deorum immortalium templis spoliatis in capta urbe, qualem calumniam ad pontifices attulerit? nisi Syracusarum cæterarumque captarum civitatum ornamentis urbem exornari fas fuerit, in Ambraciam unanimes captam non valuerit belli ius. Se & P. C. orare, & a tribunis petere, ne superbissimo inimico ludibrio

K 2

brio

(1) nullius rei, nisi temporis; quasi dicat, non auferri, quod differtur.

(2) ut S. C. fieret, saltem centum Senatores esse oportebat; ut liquet infra n. 18.

(3) v. l. 38. n. 4. 5. 6.

5. *brío esse sinant*. Undique omnes alii deprecari tribunum, alii castigare. Tib. Gracchi collegæ plurimum oratio movit, *ne suas quidem simultates pro magistratu exercere boni exempli esse: alienarum vero simultatum Tribunum plebis cognitorem fieri, turpe & indignum collegii ejus potestate, & sacratís legibus esse. suo quenque judicio & homines adísse aut diligere, & res probare aut improbare debere. Non pendere ex alterius vultu ac nutu, nec alieni momentis animi circumagi, astipularique irato consuli tribunum plebis; & quid privatim M. Æmilius mandaverit, meminisse: tribunatum sibi a P. R. mandatú obliuisci; & mandatú pro auxilio ac libertate privatorum, non pro consulari regno. ne hoc quidem cernere eum, fore ut memoriæ ac posteritati mandetur, ejusdem collegii (1) alterum e duobus Tribunis plebis suas inimicitias remisísse Reipublicæ, alterum alienas & mandatas exercuisse. His victus castigationibus Tribunus cum templo excessisset, referente Ser. Sulpitio Prætoré triumphus M. Fulvio est decretus. Is cum gratias P. C. egisset, adjecit, ludos magnos se Jovi Opt. Max. eo die, quo Ambraciam cepisset, vovisse. in eam rem sibi centum pondo auri a civitatibus collatum. petere ut ex ea pecunia, quam in triumpho latam in ærario positurus esset, id aurum secerni juberent. Senatus pontificum collegium consuli jussit, num omne id aurum in ludos consumi necessum esset? Cum pontifices negassent ad religionem pertinere quanta impensa in ludos fieret: senatus Fulvio, quantum vellet, impenderet, permisit, dum ne summam octoginta millium excederet. Triumphare mense Januario statuerat. sed cum audisset cos. Æmilium literis Abutii Tribuni plebis acceptis de remissa intercessione, ipsum ad impediendum triumphum Romanam venientem ægrum in via substitisse, ne plus in triumpho certaminum, quam in bello ha-*

(1) *Se Gracchus designat, ob inimicitias cum Scipionibus.*

haberet, (1) prætulit triumphi diem. Triumphavit ad X. Kal. Januarias de Ætolis, & de Cephallenia. Aureæ coronæ (2) centum XII. pondo ante currum latæ sunt, argenti pondo millia LXXXIII., auri pondo CCLXIII., tetradrachma Attica CXVIII. millia, Philippi nummi XII. millia CCCCXXII., signa ænea CCLXXXV., signa marmorea CCXXX., arma, tela, cætera spolia hostium magnus numerus. ad hæc catapultæ, ballistæ, tormenta omnis generis: duces aut Ætoli & Cephallenes, aut regii ab Antiocho ibi relictæ ad septem & XX. Multos eo die, priusquam in urbem invehetur, in circo Flaminio tribunos, præfectos, equites, centuriones, Romanos, sociosque donis militaribus donavit: militibus ex præda vicenos quinque denarios divisit, duplex centurioni, triplex equiti.

CAPUT IV.

Magistratus creantur: novi cons. sunt Sp. Postumius Albinus, Q. Martius Philippus.

JAm consularium comitiorum appetebat tempus: 6. quibus quia M. Æmilius, cujus sortis ea cura erat, occurrere non potuit, C. Flaminius Romanam venit, ab eo creati cons. Sp. Postumius Albinus, Q. Martius Philippus. Prætores inde facti T. Mænius, P. Cornelius Sulla, C. Calpurnius Piso, M. Licinius Lucullus, C. Aurelius Scaurus, L. Quintius Crispinus.

K 3 CA-

- (1) ante diem destinatum triumphavit.
 (2) num aureæ coronæ fuere centum, quarum cujusque pondus esset duodecim librarum? nimis multum aurum in coronis solis, cum longe minus fuerit reliquum aurum. an universarum coronarum pondus fuit centum, & duodecim librarum? hoc verosimilius. sed ita deest numerus coronarum.

CAPUT V.

Cn. Manlius Vulso de Gallis in Asia victis triumphat: hujus ab exercitu inuenta in Urbem luxuriæ origo refertur.

EXtremo anni magistratibus jam creatis, ad tertium nonas Martias Cn. Manlius Vulso de Gallis, qui Asiam incolunt, triumphavit. ferius ei triumphandi causa fuit, ne Q. Terentio Culleone prætore causam (1) lege Petillia diceret, & incendio alieni judicii, quo L. Scipio damnatus erat, conflagraret: eo infensioribus in se, quam in illum, iudiciis, quod disciplinam militarem severe ab eo conservatam, (2) successor ipse omni genere licentiæ corrumperat. neque ea sola infamiæ erant, quæ in provincia procul ab oculis facta narrabantur, sed etiam magis, quæ in militibus ejus quotidie conspiciebantur. Luxuriæ enim peregrinæ origo ab exercitu Asiatico inuenta in urbem est. i. primum (3) lectos æratos, vestem stragulam pretiosam, (4) plagulas, & alia textilia, & quæ tum magnificæ supellectilis habebantur, monopodia, & abacos Romam advexerunt: tunc psaltriæ, sambucistriæque, & convivalia ludionum oblectamenta addita epulis: epulæ quoque ipsæ &

(1) v. l. 38. n. 50. & seqq.

(2) *Paterc. initio l. 2.* potentiæ Romanorum prior Scipio viam aperuerat, luxuriæ posterior aperuit. *scil. quia ille devicit Africam, hic Asiam.*

(3) *in quibus cœnaturi accumberent.* triclinia ærata, abacosque, & monopodia Cn. Manlius, Asia devicta, primum invexit, triumpho suo. *Plin. l. 34. c. 3.*

(4) *auleæ, quæ parietibus, & lectis obducebantur.* ex illo tamen Sueton. in Tiro. c. 20. Lecticæ dimotis plagulis, apparet fuisse etiam vela lecticærum.

& cura & sumptu majore apparari coeptæ. tum coquus, vilissimum antiquis mancipium & æstimatione & usu, in pretio esse, & quod ministerium fuerat, ars haberi cæpta. vix tamen illa quæ tum conspiciebantur, semina erant futuræ luxuriæ. In triumpho tulit Cn. Manlius coronas aureas (1) CC. duodecim pondo: argenti pondo CCXX. millia: auri pondo MMCIII.: tetradrachmum Atticum CXXVII. millia: cistophorum CCL.: Philippeorum aureorum nummorum sedecim millia CCCXX. & arma spoliaque multa Gallica carpentis transvecta. duces hostium duo & quinquaginta ducti ante currum. Militibus quadragenos binos denarios divisit, duplex centurioni, & stipendium duplex in pedites dedit, triplex in equites. Multi omnium ordinum donati militaribus donis currum secuti sunt. carminaque a militibus ea in imperatorem dicta, ut facile appareret, in ducem indulgentem ambiciosumque ea dici, triumphum esse militari magis favore, quam populari celebrem. Sed ad populi quoque gratiam conciliandam amici Manlii valuerunt. quibus annitentibus, S. C. factum est, ut ex pecunia, quæ in triumpho translata esset, (2) stipendium collatum a populo in publicum, (3) quod ejus solutum antea non esset, solveretur. vicosquinos & semisses in (4) millia æris quæstores urbani cum fide & cura solverunt.

K 4 CA-

(1) videtur hic numerus librarum, non coronarum; ut paulo ante.

(2) pecunia collata, quæ solverentur stipendia. at pecuniæ secundo bello Punico collatæ tertia pensio soluta erat. v. l. 33. n. 42. ignotum est autem, post illud bellum tali auxilio Remp. eguisse. fortasse hic locus mutilus est.

(3) quæ pars.

(4) singula. usurariam nomine.

CAPUT VI.

Affertur ex Hispania, Lusitanos, & Celtiberos esse in armis: Ludi Romani, ac Plebei sunt.

PER idem tempus Tribuni militum duo ex duabus Hispaniis cum literis C. Atinii & L. Manlii, qui eas provincias obtinebant, venerunt. ex iis literis cognitum est, Celtiberos Lusitanosque in armis esse, & sociorum agros populari: de ea re consultationem integram senatus ad novos magistratus rejecit. Ludis Romanis eo anno, quos P. Cornelius Cethegus, A. Postumius Albinus faciebant, malus in circo instabilis in signum (1) Pollentiae procidit, atque id dejecit. ea religione moti patres, & diem unum adjiciendum ludorum celebritati censuerunt, & signa duo pro uno reponenda, & novum auratum faciendum. Et plebei ludi ab ædilibus C. Sempronio Blaeso, & M. Furio Fuso diem unum instaurati sunt.

CAPUT VII.

Hujus anni Provinciae.

INsequens annus Sp. Postumium Albinum, & Q. Martium Philippum COSS. ab exercitu, bellorumque & provinciarum cura ad intestinæ conjurationis vindictam avertit. Prætores provincias sortiti sunt: T. Mænius urbanam, M. Li-

(1) nil mirum, Romanos coluisse Deam Pollentiam (h. e. Potentiam) cum Pindarus tradat, Deorum triginta millia fuisse. D. autem August. 4. de Civ. D. c. 23. & 7. 2. Supra triginta millia antiquorum Deos fuisse. Malus vero, quo minus firmiter solo hærente signum dejectum est, fortasse ex iis fuit, quibus, funibus alligatis, vela tensa fulciebantur, ad aeris injurias arcondas, cum spectacula fierent.

Licinius Lucullus inter cives & peregrinos, C. Aurelius Scaurus Sardiniam, P. Cornelius Sulla Siciliam, L. Quintius Crispinus Hispaniam citeriorem, C. Calpurnius Piso Hispaniam ulteriorem. COSS. ambobus quæstio de clandestinis conjurationibus decreta est.

CAPUT VIII.

Bacchanalia, sacrum Græcum, & quidem nocturnum, scelerum, atque libidinum seminarium, cum jam ad ingentis multitudinis conjurationem pervenisset, a Postumio consule investigatur, & detegitur.

G Ræcus ignobilis in Etruriam primum venit, nulla cum arte earum, quas multas ad animorum corporumque cultum nobis eruditissima omnium gens invexit, sed sacrificulus & vates: nec is qui aperta religione propalam & quæstum & disciplinam profitendo, animos errore imbueret, sed occultorum antistes sacrorum. Initia erant, quæ primo paucis tradita sunt: deinde vulgari cœpta per viros mulieresque. additæ voluptates religioni vini & epularum, quo plurimum animi illicerentur. cum vinum (1) animos, & nox, & misti foeminis mares, ætatis teneræ majoribus, discrimen omne pudoris extinxissent: corruptelæ primum omnis generis fieri cœptæ, cum ad id quisque, quo natura pronioris libidinis esset, paratam voluptatem haberet. nec unum genus noxæ, stupra promiscua ingenuorum foeminarumque erant: sed falsi testes, falsa signa, (2) testimoniaque, & (3) indicia ex eadem officina exibant. venena indidem, intestinæque

K 5 cę-

(1) alii: amor. notum est illud Ovid. 1. Amor. 6. 59. nox, & amor, vinumque nihil modèrabile suadent: illa pudore vacat; Liber, Amorque metu.

(2) alii: testamentaque.

(3) indices, delatores.

cēdes, ita ut ne corpora quidem interdum ad sepulturam (1) existerent. multa dolo, pleraque per vim audebantur. occulebat vim, quod præ ululatibus, tympanorumque & cymbalorum strepitu, nulla vox quiritantium inter stupra & cēdes exaudiri poterat. Hujus mali labes ex Eturia

9. Romam, velut contagione morbi, penetravit. primo urbis magnitudo capacior patientiorque talium malorum ea celavit. tandem indicium hoc maxime modo ad Postumium consulem pervenit. P. Æbutius, cujus pater publico equo stipendia fecerat, pupillus relictus, mortuis deinde tutoribus, sub tutela Duroniæ matris, & vitrici T. Sempronii Rutili educatus fuerat. & mater dedita viro erat, & vitricus, quia tutelam ita gesserat, ut rationem reddere non posset, aut tolli pupillum, aut obnoxium sibi vinculo aliquo fieri cupiebat. via una (2) corruptelæ bacchanalium erat. mater adolescentulum appellat, *se pro agro vovisse, ubi primum convalesceret, (3) bacchis eum se initiaturam. damnatam voti deum benignitate, exsolvere id velle. X. dierum castimoniam opus esse: decimo die comatum, deinde pure lautum in sacrarium deducturam.* Scortum nobile, libertina Hispala Fecenia, (4) non digna quæstu, cui ancillula assueverat, etiam postquam manumissa erat, eodem se genere tuebatur. huic consuetudo (5) juxta vicinitatem cum Æbutio fuit, minime adolescentis aut rei aut famæ damno-
sa. ultro enim amatus appetitusque erat: & (6) maligne omnia præsentibus suis, meretriculæ munificencia sustinebatur, quin eo pro-
cel-

(1) reperirentur, ut sepeliri possent.

(2) corruptelæ bacchanalium erant una via, ut aut tolleretur pupillus, aut obnoxius flagitio fieret.

(3) quia feminarum primo id sacrum proprium fuerat. Servata est ea locutio etiam postea. initiari bacchis, significat, se illis sacris tradere.

(4) meliore fortuna, & natalibus digna.

(5) propter. (6) avaro.

cesserat consuetudine capta, ut post patroni mortem, quia in nullius manu erat, (1) tutore a tribunis & prætore petito, cum testamentum faceret, unum Æbutium institueret heredem. Hęc 10. amoris pignora cum essent, nec quicquam secretum alter ab altero haberent, per jocum adolescens vetat eam mirari, si per aliquot noctes secubuisset: *religionis se causa, ut voto pro valetudine sua facto liberetur, bacchis initiari velle*. Id ubi mulier audivit, perturbata, Dii meliora, inquit. *mori & sibi & illi satius esse, quam id faceret; & in caput eorum detestari minas periculaque, qui id suassent*. Admiratus cum verba, tum perturbationem tantam adolescens, parcere execrationibus jubet. *matrem id sibi assentiente vitrico imperasse*. Vitricus ergo, inquit, tuus (matrem enim insinulare forsitan fas non sit) pudicitiam, famam, spem, vitamque tuam perditum ire hoc facto properat? Eo magis mirabundo, quærentique quid rei esset, pacem veniamque precatâ deorum dearumque, si coacta caritate ejus silenda enuntiaisset: *ancillam se ait dominæ comitem id sacrarium intrasse, liberam nunquam eo accessisse. scire, corruptelarum omnis generis eam officinam esse: & jam biennio constare, neminem initiatum ibi majorem annis XX. Ut quisque introductus sit, velat victimam tradi sacerdotibus. eos deducere in locum, qui circumsonet ululatus, cantuque symphoniarum, & cymbalorum & tympanorum pulsu, ne vox quiritantis, * cui per vim stuprum* 11. *inferatur, exaudiri possit*. Orare deinde atque obsecrare, ut eam rem quocunque discuteret modo: nec se eo præcipitaret, ubi omnia insanda patiendâ primum, deinde faciendâ essent. neque ante dimisit eum, quam fidem dedit adolescens, ab his sacris se temperaturum. Posteaquam domum venit, & mater mentionem intulit, quid eo die, quid deinceps cæteris, quæ ad sacra pertinerent, faciendum esset: negat eorum se quicquam fa-

(1) ex lege Atilia. v. Justin. instit. princ. de Atiliana Tut. femina enim sunt semper in tutela.

Aturum, nec initiari sibi in animo esse. aderat sermoni vitricus. confestim mulier exclamat, *Hispalæ concubitu carere eum decem noctes non posse. illius (1) excetra delinimentis & venenis imbutum, nec parentis, nec vitrici, nec deorum verecundiam habere.* iurgantes hinc mater, hinc vitricus, cum quatuor eum servis domo exegerunt. Adolescens inde ad Æbutiam se amitam contulit, causamque ei, cur esset a matre ejectus, narravit. deinde ex auctoritate ejus postero die ad COS. Postumium, arbitris remotis, rem detulit. Consul post diem tertium ad se jussum redire dimisit. ipse Sulpitiam, gravem feminam, focrum suam, percunctatus est, ecquam anum Æbutiam ex Aventino nosset? cum ea, nosse probam, & antiqui moris foeminam respondisset: opus esse sibi ea conventa dixit: mitteret nuntium ad eam, ut veniret. Æbutia accita ad Sulpitiam venit: & consul paulo post, velut forte intervenisset, sermonem de Æbutio fratris ejus filio infert. Lacrymæ mulieri obortæ, & miserari casum adolescentis cœpit, qui spoliatus fortunis, a quibus minime oporteret, apud se tunc esset ejectus a matre, quod probus adolescens (dii propitii essent) obscœnis, ut fama esset, sacris initiari nollet. Satis de Æbutio exploratum ratus consul, non vanum auctorem esse: dimissa Æbutia, focrum rogat ut Hispalam indidem ex Aventino libertinam, non ignotam vicinæ, arcefferet ad sese. eam quoque esse quæ percunctari vellet. Ad cujus nuntium perturbata Hispala, quod ad tam nobilem & gravem foeminam ignara causæ arcefferetur: posteaquam lictores in vestibulo, turbamque consularem & con-

22.

(1) *hydræ Lernææ.* D. Hieron. Iberam excetram vocat virulentum obtrectatorem. Plaut. Pers. 1. a. 3. cum leone, & cum excetra, cum cervo, & cum apro Ætolico, cum avibus Stymphalicis, cum Antæo deluctari mavelim, quam cum Amore. alludit ad labores Herculis, inter quos hydra Lernæa.

consulem ipsum conspexit, prope exanimata est. In interiorem partem ædium abductam socru adhibita, consul, si vera dicere inducere in animum posset, negat perturbari debere. fidem vel ab Sulpitia, tali foemina, vel ab se acciperet. expromeret sibi quæ in luco (1) Similæ bacchanalibus in sacro nocturno solerent fieri. Hoc ubi audivit, tantus pavor tremorque omnium membrorum mulierem cepit, ut diu hiscere non posset. tandem confirmata, puellam admodum se ancillam initiatam cum domina ait. aliquot annis, ex quo manumissa sit, nihil quid ibi fiat, scire. Jam idipsum consul laudare, quod initiatam se non inficiaretur. sed & cætera eadem fide expromeret. neganti ultra quicquam scire; non eandem, (2) dicere, si coarguantur ab alio, ac per se fatenti, veniam aut gratiam fore. eum sibi omnia exposuisse, qui ab illa audisset. Mulier haud dubie, id quod erat, Æbutium indicem arcani rata esse, ad pedes Sulpitiæ proci-
dit; & eam primo orare cœpit, ne mulieris libertinæ cum amatore sermonem, in rem non seriam modo, sed capitalem etiam verti vellet, se terrendi ejus causa, non quod sciret quicquam, ea locutam esse. Hic Postumius accensus ira, tum quoque ait eam cum Æbutio se amatore cavillari, credere, non in domo gravissimæ foemine, & cum consule loqui. & Sulpitia attollere paventem, simul illam adhortari, simul iram generi lenire. Tandem confirmata, multum inculcata perfidia Æbutii, qui optimi in eo ipso meriti talem gratiam retulisset: magnum sibi metum deorum, quorum occulta enuntiaret, majorem multo dixit hominum esse, qui se indicem manibus suis discepturi essent. itaque hoc se Sulpitiam, hoc consulem orare, ut se extra Italiam

(1) alii volunt a vulgo corruptum pro Sennelæ. alii legunt Stimulæ. utrumque complectitur Ovid. 6. Fast. 503. lucus erat, dubium Semelæ, Stimulæne vocetur; Mænadas Ausonias incoluisse ferunt. (2) Consul.

liam aliquo amandarent, ubi reliquum vitę degere tuto posset. Bono animo esse jubere eam consul, & sibi curę fore dicere, ut Romę tuto habitaret. Tum Hispala originem sacrorum expromit. Primo sacrarium id fœminarum fuisse, nec quenquam virum eo admitti solitum. tres in anno statos dies habuisse, quibus interdium bacchis initiarentur. sacerdotes invicem matronas creari solitas. Pacullam Miniam Campanam sacerdotem omnia, tanquam deum monitu immutasse. nam & viros eam primam suos filios initiasse. Minium & Herennium Cerrinios: & nocturnum sacrum ex diurno; & pro tribus in anno diebus quinos singulis mensibus dies initiorum fecisse. ex quo in promiscuo sacra sint, & permisti viri fœminis, & noctis licentia accesserit, nihil ibi facinoris, nihil flagitii prætermisum. plura virorum inter sese, quam fœminarum, esse stupra. si qui minus patientes dedecoris sint, & pigriores ad facinus, pro victimis immolari, nihil nefas ducere. hanc summam inter eos religionis esse. viros, velut mente capta, cum jactatione fanatica corporis vaticinari. matronas baccharum (1) habitu crinibus passis cum ardentibus facibus decurrere ad Tiberim: demissasque in aquam faces, quia (2) vivum sulphur cum calce insit, integra flamma efferre. Raptos a diis homines dici, quos machinæ illigatos ex conspectu in abditos specus abripiant. eos esse, qui aut conjurare, aut sociari facinoribus, aut stuprum pati noluerint. Multitudinem ingentem, (3) alterum jam prope populum esse: in his nobiles quosdam viros fœminasque. biennio proximo institutum esse, ne quis major XX. annis initiaretur. captari etates & erroris & flu-

(1) thyrsis armatas.

(2) Plinio auctore l. 35. c. 15. illud dicitur quod ignem non est expertum. ἀντρον græcis vocatum. reliqua genera coctione parantur. hoc glebosum, solidumque effoditur, avidissimeque flammam corripit.

(3) tantam multitudinem esse, ut prope reliquum populum æquet.

ſupri patientes. Peraſto indicio advoluta rurfus gentibus, preces eaſdem, ut ſe ablegaret, repetivit. Conſul rogat ſocrum, ut aliquam partem ædium vacuum faceret, quo Hiſpala immigraret. cœnaculum ſuper ædes datum eſt; ſcalis feren- tibus in publicum obſeratis, aditu in ædes verſo. res omnes Fecenię extemplo tranſlatę, & familia arceſſita. & Æbutius migrare ad conſulis elientem juſſus.

CAPUT IX.

Deſectam rem ſagitiſam, Bacchanalia, Poſtumi- uſ. ad Senatum deſert: Patres, quę ad vindicandum, atque opprimendum pernicioſum malum neceſſaria ſunt, decernunt.

ITa cum indices ambo in poteſtate eſſent, rem ad ſenatum Poſtumiſ deſert. Omnibus ordine expoſitis, quę delata primo, quę deinde ab ſe inquiſita forent, patres pavor ingens cepit: cum publico nomine, ne quid eæ conjurationes cœtusque nocturni fraudis occultę aut periculi importarent; tum privatim ſuorum * (1) quiſque vicem, ne quis affinis ei noxę eſſet. Cenſuit autem ſenatus gratias conſuli agendas, quod eam rem & cum ſingulari cura, & ſine ullo tumultu inveſtigaffe. quæſtionem deinde de bacchanalibus ſacriſque nocturnis (2) extra ordinem conſulibus mandat. indicibus Æbutio ac Fecenię ne fraudi ea res ſit curare, & alios indices præmiis invitare jubet. ſacerdotes eorum ſacrorum, ſeu viri ſeu ſœminę eſſent, non Romę modo, ſed per omnia fora & conciliabula conquiri, ut in conſulum poteſtate eſſent. edi- ei præterea in urbe Roma, & per totam Italiam ediſta mitti, ne quis, qui bacchis initiatus eſſet, coiſſe aut conveniſſe cauſa ſacrorum velit, neu quid talis rei divinę feciſſe. ante omnia ut quę-

(1) intellige; metuebat.

(2) ſive tribunicia rogatione.

quæstio de his habeatur, qui coierint conjura-
verintve quo stuprum flagitiumve inferretur.
Hæc senatus decrevit. Consules ædilibus curuli-
bus imperarunt, ut sacerdotes ejus sacri omnes
conquirerent, comprehensosque (1) libero con-
clavi ad quæstionem servarent. ædiles plebis *
vide-
rent, videre, ne qua sacra in operto fierent. Trium-
viris capitalibus mandatum est, ut vigilias dis-
ponerent per urbem, servarentque ne qui noctur-
ni cœtus fierent. utque ab incendiis caveretur,
adjutores triumviris quinqueviri dati, uti cis
Tiberim suæ quisque regionis ædificiis præessent.

C A P U T X.

*Consules, advocata concione, contra obscœnum, Rei-
que publicæ periculosum sacrum, Bacchanalia, o-
rationem habent; atque ad illud una secum de-
moliendum populum hortantur.*

15. **A**D hæc officia dimissis magistratibus, consu-
les in rostra ascenderunt: & concione ad-
vocata, cum (2) solenne carmen precationis,
quod præfari, priusquam populum alloquantur,
magistratus solent, peregisset consul, ita cepit:
*Nulli unquam concioni, Quirites, tam non solum
apta, sed etiam necessaria hæc solennis deorum com-
precatio fuit, quæ vos admoneret hos esse deos, quos
colere, venerari, precarique majores vestri instituis-
sent: non illos, qui pravis & externis religionibus
captas mentes velut furialibus stimulis ad omne sce-
lus & ad omnem libidinem agerent. Equidem nec
quid taceam, nec quatenus proloquar, invenio. si
aliquid ignorabitis, ne locum negligentiae dem: si
omnia nudavero, ne nimium terroris offundam vobis,
vereor. quicquid dixerò, minus, quam pro atrocitate
& magnitudine rei dictum scitote esse. ut ad caven-
dum*

(1) extra publicum carcerem, in privato cubiculo.

(2) supra l. 5. n. 41. M. Fabio Pontifice M.
præfante carmen. magistratus concionis initio
Deorum opem implorabant.

dum satis sit , dabitur opera a nobis . Bacchanalia tota jampridem Italia , & nunc per urbem etiam multis locis esse , non fama modo accepisse vos , sed crepitibus etiam ululatibusque nocturnis , qui personant tota urbe , certum habeo : ceterum quæ ea res sit , ignorare : alios deorum aliquem cultum , alios concessum ludum & lasciviam esse credere : & quaecunque sit , ad paucos pertinere . quod ad multitudinem eorum attinet , si dixero multa millia hominum esse , illico necesse est exterremini , nisi adjunxero qui qualesque sint . Primum igitur mulierum magna pars est , & is fons mali hujusce fuit . deinde simillimi fœminis mares stuprati & constupratores , fanatici vigilantes , vino , strepitibus , clamoribusque nocturnis attoniti . Nullas adhuc vires conjuratio , ceterum incrementum ingens virium habet , quod in dies plures fiunt . Majores vestri ne vos quidem , nisi cum aut (1) vexillo in arce posito comitiorum causa exercitus edictus esset , aut plebi (2) concilium tribuni edixissent , aut aliquis ex magistratibus ad (3) concionem vocasset , forte temere coire voluerunt : & ubicunque multitudo esset , ibi & legitimum rectorem multitudinis censebant debere esse . Quales primum nocturnos cœtus , deinde promiscuos mulierum ac virorum esse creditis ? Si quibus ætatibus initientur mares , sciatis : non misereat vos eorum solum , sed etiam pudeat . Hoc sacramento initiatos juvenes , milites faciendos censetis , Quirites ? iis ex obscœno sacrario eductis arma committenda ? hi cooperti stupris suis alienisque , pro pudicitia conjugum ab liberorum vestrorum ferro decernent ? Minus tamen esset , si flagitiis tantum effœminati forent (ipsorum id magna ex parte dedecus erat) a facinoribus manus , mentem a fraudibus abstinuissent .

Nun-

- (1) de vexillo in arce Janiculi posito , & Janiculo ipso , dum centuriata haberentur comitia , custodito scribit Dio l. 47. in consulatu Ciceronis , de exercitu præsidii causa imperari solito , Gell. l. 15. c. 27. (2) intelligit comitia tributa , quæ verius plebis concilium dicit Gell. ibid. (3) de concione idem Gell. lib. 13. c. 15.

Nunquam tantum malum in Republica fuit, nec ad
 al. plures, nec ad plura pertinens. Quicquid * iis annis
 his. libidine, quicquid fraude, quicquid scelere peccatum
 est, ex illo uno sacrario scitote ortum esse. Necdum
 omnia in quæ conjuraverunt, edita facinora habent.
 adhuc privatis noxiis, quia nondum ad Rempublicam
 opprimendam satis virium est, conjuratio sese impia
 tenet. crescit & serpit quotidie malum: jam majus
 est, quam ut capere id privata fortuna possit: ad
 summam Reipub. spectat. nisi præcaveris, Quirites,
 jam huic diurnæ legitime ab consule vocatæ par no-
 cturna concio esse poterit. nunc illi vos singuli uni-
 versos concionantes timent. jam ubi vos dilapsi do-
 mos & in rura vestra eritis, illi coierint, consulta-
 bunt de sua salute simul, ac vestra pernicie. tum
 singulis vobis universi timendi erunt. Optare igitur
 unusquisque vestrum debet, ut bona mens suis omni-
 bus fuerit. si quem libido, si furor in illum gurgi-
 tem abripuit, illorum eum, cum quibus in omne flagi-
 tium & facinus conjuravit, (1) non suum judicet.
 Ne quis etiam errore labatur vestrum quoque, non
 sum securus. nihil enim in speciem fallacius est,
 quam prava religio. ubi deorum numen prætenditur
 sceleribus, subit animum timor, ne fraudibus huma-
 nis vindicandis, divini juris aliquid immistum vio-
 lemus. Hac vos religione innumerabilia decreta pon-
 tificum, senatusconsulta, aruspicum denique respon-
 sa liberant. (2) Quoties hoc patrum avorumque æ-
 tate negotium est magistratibus datum, ut sacra ex-
 terna fieri vetarent; sacrificulos vatesque foro, circo,
 urbe prohiberent? vaticinos libros conquirerent com-
 burerentque? omnem disciplinam sacrificandi, præ-
 terquam more Romano, abolerent? Judicabant enim
 prudentissimi viri omnis divini humanique juris,
 nihil æque dissolvendæ religionis esse, quam ubi non
 patrio, sed externo ritu sacrificaretur. Hæc vobis præ-
 dicenda ratus sum, ne qua superstitio agitare ani-
 mos

(1) non sibi devinctum judicet, sed illis adhere-
 re, quibuscum conspiravit in communionem scelerum.

(2) v. l. 4. n. 31. & l. 25. c. 1.

mos vestros, cum demolientes nos bacchanalia, discutientesque nefarios coetus cerneretis. omnia diis propitiis volentibusque ea faciemus. qui quia suum numen sceleribus libidinibusque contaminari indigne se-
reabant, ex occultis ea tenebris in lucem extraxerunt: nec pateferi, ut impunita essent, sed ut vindicarentur & opprimerentur, voluerunt. Senatus quaestio-
nem extra ordinem de ea re mihi collegaeque meo man-
davit: nos quae ipsis nobis agenda sunt, impigre ex-
sequemur. vigiliarum nocturnarum curam per urbem
minoribus magistratibus mandavimus. vos quoque æ-
quum est, quae vestra munia sunt, quo quisque lo-
co positus erit, quod imperabitur, impigre praestare,
& dare operam, ne quid fraude noxiorum periculi aut
tumultus oriatur. Recitari deinde senatusconsulta
jusserunt: indicique præmium proposuerunt, si
quis quem ad se deduxisset, nomenve absentis detu-
lisset; qui nominatus profugisset, diem certam se fi-
nituros; ad quam nisi citatus respondisset, absens da-
mnaretur. si quis eorum qui tum extra terram Ita-
liam essent, nominaretur, ei laxiorem diem daturus;
si venire ad causam dicendam vellet. Edixerunt de-
inde, ne quis quid fugae causa vendidisset, neve e-
misisset vellet: ne quis reciperet, celaret, ope ulla ju-
varet fugientes. 17.

CAPUT XI.

Nefarium sacrum, Bacchanalia, non Romæ modo, sed etiam per totam Italiam multorum supplicio vindicatur: indices ex decreto senatus premiis afficiuntur.

Concione dimissa, terror magnus urbe tota fuit: nec menibus se tantum urbis, aut finibus Romanis continuit, sed passim per totam Italiam, literis hospitem de senatusconsulto & concione & edicto consulum acceptis, trepidari ceptum est. Multi ea nocte, quæ diem insecuta est, quo in concione res palam facta est, custodiis circa portas positis, fugientes a triumviris comprehensi & reducti sunt: multorum nomina delata. quidam ex iis viri feminaeque mortem
fbi

sibi consciverunt. Conjurasse supra VII. millia virorum ac mulierum dicebantur: capita autem conjurationis constabat esse, * M. & L. Catinos de plebe Romana, & Faliscum L. Opiter-
 C. A-
 ti-
 nios, omnia facinora & flagitia orta. eos maximos sacerdotes, conditoresque ejus sacri esse. data opera est, ut primo quoque tempore comprehenderentur. Adducti ad cos. fassique de se, nulla moram judicio fecerunt. Cæterum tanta fuga ex urbe facta erat, ut, quia multis (1) actiones & res peribant, cogerentur prætores T. Mæmius & M. Licinius per senatum res in diem tricesimum differre, donec quæstiones a cos. perficerentur. Eadem solitudo, quia Romæ non respondebant, nec inveniebantur quorum nomina delata erant, coegit consules circa fora proficisci, ibique quærere, & judicia exercere. Qui tantum initiati erant, & ex carmine sacro, præeunte verba sacerdote, preces fecerant, in quibus nefanda conjuratio in omne facinus ac libidinem continebatur, nec earum rerum ullam rem, in quas jurejurando obligati erant, in se aut alios admiserant, eos in vinculis relinquebant. qui stupris aut cædibus violati erant, qui falsis testimoniis, signis adulterinis, subjectione testamentorum, fraudibus aliis contaminati, eos capitali poena afficiebant. plures necati, quam in vincula coniecti sunt. magna vis in utraque causa virorum mulierumque fuit. Mulieres damnatas cognatis, aut in quorum manu essent, tradebant, ut ipsi in privato animadverterent in eas. si nemo erat idoneus supplicii exactor, in publico animadvertebatur. datum deinde consulis negotium est, ut omnia (2) bacchanalia Romæ primum, deinde per totam Italiam diruerent: (3) extra quam si qua ibi vetusta ara, aut

(1) excidebant jure suo, & res usucaptas amittebant; quia non poterant convenire absentes, intentando actionem, intra præstitutam diem.

(2) intelligit loca, ubi ea sacra fiebant. (3) præter quam.

aut signum consecratum esset . in reliquum deinde S. C. cautum est , ne qua bacchanalia Romæ , neve in Italia essent : si quis tale sacrum solenne & necessarium duceret , nec sine religione & piaculo se id omittere posse , apud prætorem urbanum profiteretur ; prætor senatum consuleret . si ei permissum esset , cum in senatu (1) centum non minus essent , ita id sacrum faceret , dum ne plus quinque sacrificio interessent : neu qua pecunia (2) communis , neu quis (3) magister sacrorum , aut sacerdos esset . A- 19.
liud

- (1) necessarius erat hic numerus hac ætate . ceterum postea crevit . v. Manut. de Senatu R. c. 10. & ad Cic. 1. famil. 9. & Sigon. 2. de ant. jur. civ. Rom. 2. (2) collegia enim , ut sustentari possent , habebant ærarium suum ; ut & apud nos . (3) is videtur fuisse velut sacri Pontifex . Hoc vero S.C. integrum extat apud Fabretum Syntag. inscrip. antiq. p. 427. Marcius , Lucii filius , Spurius Postumius , Lucii filius , consules senatum consuluerunt . Nonis Octob. apud ædem Bellonæ senatusconsulto adfuerunt M. Claudius , Marci filius , L. Valerius , Publii filius , Q. Minucius , Caji filius . De Bacchanalibus , qui fœderari essent , ita edicendum censuere : Ne quis eorum Bacchanal habuisse vellet . Si qui essent qui sibi dicerent necesse esse Bacchanal habere , iis ut ad prætorem urbanum venirent , deque iis rebus , ubi eorum vera audita essent , uti senatus decerneret , dum ne minus senatoribus centum adessent quum ea res consuleretur . Bacchas vir ne quis adisse vellet civis Romanus , neve nominis Latini , neve socium quisquam , nisi prætorem urbanum adissent , isque de senatus sententia , dum ne minus senatoribus centum adessent quum ea res consuleretur , iussisset . Censuere : Sacerdos ne quis vir esset ; magister neque vir neque mulier quisquam esset , neve pecuniam eorum communem habuisse vellet , neve magistratum , neve promagistratu , neque virum neque mulierem quicquam fecisse vellet , neve posthac inter se conjuravisse vellet , commovisse neque conspondisse neque

liud deinde huic conjunctum, referente Q. Martio cos., S. C. factum est, ut de iis, quos pro indicibus consules habuissent, integra res ad senatum referretur, cum Sp. Postumius quæstionibus perfectis Romam redisset, Minium Corrinium Campanum Ardeam in vincula mittendum censuerunt, magistratibusque Ardeatium prædicendum, ut in intentione eum custodia asservarent, non solum ne effugeret, sed ne mortis consciscendæ locum haberet. Sp. Postumius aliquanto post Romam venit. eo referente de P. Aebutii & Hispaniæ Feceniæ præmio, quod eorum opera indicata bacchanalia essent, S. C. factum est, ut singulis his centena millia æris questores urbani ex ærario darent: utique cos. cum tribunis plebis ageret, ut ad plebem primo quoque tempore ferrent, ut P. Æbutio (1) emerita stipendiis essent,

que compromisisse vellet, neve quisquam fidem inter se dedisse vellet, sacra inde voto ne quisquam fecisse vellet, neve in publico neve privato neve extra urbem sacra quisquam fecisse vellet, nisi prætorem urbanum adisset,isque de senatus sententia, dum ne minus senatoribus centum adessent, quum ea res consuleretur, jussisset. Censuerunt: homines plus quinque universi viri atque mulieres sacra ne quisquam fecisse vellet, neve inter ibi viri plus duobus, mulieres plus tribus adfuisse vellent, nisi de prætoris urbani senatusque sententia, uti supra scriptum est. Hæc uti in conventionem edicatis ne minus trinum nundinum, senatusque sententiam uti scientes essetis, eorum sententia ita fuit: Si qui essent qui adversum ea fecissent quam supra scriptum est, iis rem capitalem faciendam censuere, atque uti hocce in tabulam æneam incideretis. Ita senatus æquum censuit, utique eam figi jubeatis ubi facillime cognosci possit, atque uti ea Bacchanalia, si qua sunt extra quam si quid ibi sacri est, uti supra scriptum est, in diebus decem quibus vobis tabula data erunt faciatis uti dimota sint in agro Teurano. (2) a militia immunis esset. equus autem publicus

sent, ne inuitus militaret, neve censor ei equum publicum assignaret : utique Fecenię Hispalę (1) datio, diminutio, gentis enuptio, tutoris optio item esset, quasi ei vir testamento dedisset : utique ei ingenuo nubere liceret : neu quid ei qui eam duxisset, ob id fraudi (2) ignominieque esset : utique consules pretoresque qui nunc essent, quive postea futuri essent, curarent, ne quid ei mulieri injurię fieret, utique tuto esset. id senatum velle, & equum censere, ut ita fieret. Ea omnia lata ad plebem, factaque sunt ex S. C., & de cæterorum indicum impunitate præmiisque consulibus permixtum est.

CAPUT XII.

Q. Martius cos. in Ligures provinciam profectus, insidiis circumventus cum cede fugatur.

ET jam Q. Martius, quæstionibus suæ regionis perfectis, in Ligures provinciam proficisci parabat, tribus millibus peditum Romanorum, CL. equitibus, & quinque millibus Latini nominis peditum, ducentis equitibus in supplementum acceptis. Eadem provincia, idem numerus peditum equitumque & collegæ decretus erat. Exercitus acceperunt, quos priore anno C. Flaminus & M. Æmilius cos. habuerunt. duas præterea legiones novas ex S. C. scribere jussi sunt.

cus erat quidem honori, sed & oneri.

(1) facultas alienandi res suas, & patrimonium diminuendi tutore auctore, quem sibi elegisset; perinde ac si tutor datus testamento esset. gentis enuptio, est facultas nubendi extra gentem patroni; aliis scil. quam libertis illius gentis cujus erat liberta. moribus enim introductum fuerat, ut connubium libertorum non esset, nisi inter manumissos, & manumissas ab eodem patrono, cujus gentis novam familiam humiliorem inchoabant.

(2) infamia non vacabat ingenuus, qui libertinæ conditionis uxorem duxisset.

sunt . & viginti millia peditum sociis & nomini Latino imperarunt , & equites mille trecentos , & (1) tria millia peditum Romanorum , CC. equites . totum hunc exercitum , præter legiones , in supplementum Hispanienſis exercitus duci placebat . itaque conſules , dum ipſi quæſtionibus impediabantur , T. Mænium delectuſi habendo præfecerunt . Perſectis quæſtionibus prior Q. Martius in Ligures Apuanos eſt proſectus . Dum penitus in abditos ſaltus , quæ latebræ receptaculaque ſemper illis fuerant , perſequitur : in præoccupatis anguſtiis loco iniquo eſt circumventus , quatuor millia militum amiſſa , & legionis ſecundæ (2) ſigna tria , undecim vexilla ſocium ac Latini nominis in poteſtatem hoſtium venerunt : & arma multa , quæ , quia impedimento fugientibus per ſilveſtres ſemitas erant , paſſim jactabantur . prius ſequendi Ligures finem , quam fugæ Romani fecerunt . Conſul ubi primum ex hoſtium agro evaſit , ne quantum diminutæ copiæ forent , appareret , in locis pacatis exercitum dimiſit . non tamen obliterare ſamam rei male geſtæ potuit . nam ſaltus , unde eum Ligures fugaverant , Martius eſt appellatus .

CAPUT XIII.

In Hiſpania ulteriore rem bene gerit cum Luſitanis C. Atinius prætor , qui paulo poſt , accepto in Aſtæ oppugnatione vulnere , moritur : in citeriore cum Celtiberis dubio primum , deinde proſpero prælio congreditur L. Manlius Acidinus .

21. **S**ub hunc nuntium ex Liguriis vulgatum , literæ ex Hiſpania miſtam gaudio triftitiam afferentes , recitatæ ſunt . C. Atinius , qui biennio ante prætor in eam provinciam proſectus erat , cum Luſitanis in agro Aſtenſi ſignis collatis pugna-

{ 1 } intellige , ſcribere juſſi ſunt .

{ 2 } ſigna tribuuntur Romanis , vexilla ſociis . non differrebant genere , ſed ſpecie , ſeu forma .

gnavit. ad sex millia hostium sunt cæsa: cæteri fusi, fugati, castrisque exuti. ad oppidum deinde Astam oppugnandum legiones ducit. id quoque haud multo majore certamine cepit, quam castra. sed dum incautius subit muros, ictus ex vulnere post dies paucos moritur. Literis demorte prætoris recitatis, senatus censuit mittendum, qui ad Lunæ portum C. Calpurnium prætorem consequeretur, nuntiaretque senatum æquum censere, ne sine imperio provincia esset, maturare eum proficisci. Quarto die, qui missus, erat, (1) Lunam venit. paucis ante diebus Calpurnius profectus erat. Et in citeriore Hispania L. Manlius Acidinus, qui eodem tempore quo C. Atinius in provinciam ierat, cum Celtiberis acie conflixit. incerta victoria discessum est, nisi quod Celtiberi castra inde nocte proxima moverunt. Romanis & suos sepeliendi, & spolia legendi ex hostibus potestas facta est. Paucos post dies coacto majore exercitu Celtiberi ad Calagurrim oppidum ultro laceffiverunt prælie Romanos. Nihil traditur, quæ causa numero aucto infirmiores eos fecerit. superati prælio sunt. ad XII. millia hominum cæsa. plus duo capta, & castris Romanus potitus. & nisi successor adventu suo inhibuisset impetum victoris, subacti Celtiberi forent. Novi prætores ambo exercitus in hiberna deduxerunt.

CAPUT XIV.

Præter ludos Taurilia causa religionis, & novendiale sacrum causa prodigiorum, fiunt ludi, quos & M. Fulvius Ætolicus, & L. Scipio Antiochi bello voverant: Galli transalpini in Italiam transgressi, oppidum in Venetia conduunt.

PER eos dies quibus hæc ex Hispania nuntiata ^{22.} sunt, ludi Taurilia per bîdum facti (2) re-
Tom. IV. L li-

(1) *hodie*, Lunigiana.

(2) *quia Diis Inferis dicati.*

ligionis causa . per dies decem apparatus deinde ludos M. Fulvius , quos voverat Ætólico bello , fecit . Multi artifices ex Græcia venerant honoris ejus causa . athletarum quoque certamen tum primo Romanis spectaculo fuit , & venatio data leonum & pantherarum , & prope hujus sæculi copia ac varietate ludicrum celebratum est . Novendiale deinde sacrum tenuit , quod in Piceno per triduum lapidibus pluerat , ignesque coelestes multifariam orti adussisse complurium levi afflatu vestimenta maxime dicebantur . Addita & unum diem supplicatio est ex decreto pontificum , quod ædes Opis in Capitolio de cælo tacta erat . hostiis majoribus consules procurarunt , urbemque lustraverunt . Sub idem tempus & ex Umbria nuntiatum est , semimarem duodecim ferme annos natum inventum . id prodigium abominantes , arceri Romano agro , necarique quamprimum jusserunt . Eodem anno Galli transalpini transgressi in Venetiam sine populatione aut bello , haud procul inde ubi nunc (1) Aquileia est , locum oppido condendo ceperunt . Legatis Romanis de ea re trans Alpes missis responsum est , neque profectos ex auctoritate gentis eos , nec , quid in Italia facerent , se scire . L. Scipio ludos eo tempore , quos bello Antiochi vovisse sese dicebat , ex collata ad id pecunia ab regibus civitatibusque per dies decem fecit . Legatum eum post damnationem & bona vendita missum in Asiam ad dirimenda inter Antiochum & Eumenem reges certamina , Valerius Antias est auctor . tum collatas ei pecunias congregatosque per Asiam artifices . & quorum ludorum post bellum , in quo votos diceret , mentionem non fecisset , de iis post legationem demum in senatu actum .

C A-

- (1) olim Patriarchalis sedes , & floruit inter primas Italiae Urbes ad quintum Christi sæculum . Ea ab Attila primum , deinde a Longobardis eversa , Patriarchalis sedes ad vicinam urbem Ustinam translata est .

CAPUT XV.

*Comitia consularia , atque prætoria habentur : novi
cofs. sunt Ap. Claudius Pulcher , M. Sempronius
Tuditanus : Sipontum , atque Buxentum coloni scri-
buntur.*

CUM jam in exitu annus esset , Q. Martius ab-
sens magistratu abiturus erat . Sp. Postumius ,
quæstionibus cum summa fide curaque perfectis ,
comitia habuit . Creati sunt consules Ap. Clau-
dius Pulcher , M. Sempronius Tuditanus . Poste-
ro die prætores facti P. Cornelius Cethegus , A.
Postumius Albinus , C. Afranius Stellio , C. Ati-
lius Serranus , L. Postumius Tempstanus , M. Clau-
dius Marcellus . Extremo anni , quia Sp. Postumius
COS. renuntiaverat , peragrantem se propter quæ-
stiones utrumque litus Italiæ , desertas colonias
Sipontum supero , Buxentum infero mari invenisse ,
triumviri ad colonos eo scribendos ex S. C.
ab T. Mænio prætore urbano creati sunt , L. Scri-
bonius Libo , M. Tuccius , Cn. Bæbius Tam-
philus .

CAPUT XVI.

*Referuntur causæ imminentiæ Macedonici belli . Hu-
jus origo inde est , quia rex Philippus agere fere
suum regnum ab Romanis imminui ; missis enim
in rem præsentem ab senatu legatis , Thessaliæ ,
Perrebiæ , & Athamanum spoliatus urbibus , cogi-
tur ex iis quoque , quæ sunt in Thracia , præsidia
deducere .*

CUM Perseo rege & Macedonibus bellum quod
imminebat , non unde plerique opinantur ,
nec ab ipso Perseo causas cepit . inchoata initia
ab ipso Philippo sunt . & is ipse , si diutius vi-
xisset , id bellum gessisset . Una eum res , cum
victo leges imponerentur , maxime angébat , quod
qui Macedonum ab se defecerant in bello , in eos

jus saviendi ademptum ei ab senatu erat ; cum , quia (1) rem integram Quintius in conditionibus pacis distulerat , non desperasset inpetrari posse . Antiocho rege deinde bello superato ad Thermopylas , divisis partibus , cum per eosdem dies consul Acilius Heracleam , Philippus Lamiam oppugnasset : capta Heraclea , quia jussus abscedere a mœnibus Lamiæ erat , Romanisque oppidum deditum est , egre eam rem tulerat . permulsi iram ejus consul , quod ad Naupactum ipse festinans , quo se ex fuga Ætoli contulerant , Philippo permisit , ut Athamaniæ & Aminandro bellum inferret , & urbes quas Thessalis Ætoli ademerant , regno adjiceret . Haud magno certamine & Aminandrum Athamania expulerat , & urbes aliquot ceperat . Demetriadem quoque urbem validam , & ad omnia opportunam , & Magnetum gentem suæ ditionis fecit , inde & in Thracia quasdam urbes novæ atque insuetæ libertatis vitio , seditionibus principum turbatas , partibus quæ domestico certamine vincerentur , adjuungendo se , cepit . His sedata in præsentia regis ira in Romanos est , nunquam tamen remisit animum a colligendis in pace viribus , quibus , quandocunque data fortuna esset , ad bellum uteretur . Vestigialia regni non fructibus tantum agrorum , portoriiisque maritimis auxit , sed metalla etiam & vetera intermissa recoluit , & nova multis locis instituit . ut vero antiquam multitudinem hominum , quæ belli cladibus amissa erat , restitueret ; non sobolem tantum stirpis parabat , cogendis omnibus procreare atque educare liberos , sed Thracum etiam magnam multitudinem in Macedoniam traduxerat : quietusque aliquandiu a bellis , omni cura in augendas regni opes intentus fuerat . Rediere deinde causæ , quæ de integro iram moverent in Romanos . Thessalorum & Perræborum querelæ de urbibus suis ab eo possessis , & legatorum Eumenis regis de Thraciis oppidis per vim occupatis , traducta-

(1) *de jure saviendi .*

Etque in Macedoniam multitudine, ita auditæ erant, ut eas non negligi satis appareret. Maxime moverat senatum, quod jam Aeni & Maronæ affectari possessionem audierant; minus Thessalos curabant. Athamanes quoque legati venerunt, non partis amissæ, non finium jacturam querentes, sed totam Athamaniam sub (1) jus judiciumque regis venisse. Et Maronitarum exules erant pulsi, quia libertatis causam defendissent, ab regio præsidio. ii non Maroneam modo, sed etiam Aenum in potestate nuntiabant Philippi esse. Venerant & a Philippo legati ad purganda ea, qui *nihil nisi permissu Romanorum imperatorum factum* affirmabant: civitates Thessalorum, & Perræborum, & Magnetum, & cum Aminandro Athamanum gentem, in eadem causa, qua Ætolos, fuisse. Antiocho rege pulso, occupatum oppugnandis Ætolicis urbibus consulem ad recipiendas eas civitates Philippum misisse: armis subactos parere. Senatus ne quid absente rege statueret, legatos ad eas controversias disceptandas misit, Q. Cæcilium Metellum, M. Bæbium Tamphilum, T. Sempronium. Quorum sub adventum, ad Thessalica Tempe omnibus iis civitatibus, quibus cum rege disceptatio erat, concilium indictum est. Ibi cum Romani legati disceptatorum loco, Thessali Perræbique & Athamanes haud dubii accusatores, Philippus ad audienda crimina, tanquam reus, consedisset: pro ingenio quisque eorum qui principes legationum erant, & gratia cum Philippo aut odio, acerbius leniusve egerunt. In controversiam autem veniebant Philippopolis, Tricca, Phaloria, & Eurymenæ, & cæ-

L 3

te-

(1) hoc non apparet ex Livio; postquam l. 38. n. 10. Philippus questus est apud Legatos Rom. Athamaniam sibi ereptam. Non est novum, quædam Livium postea dicere, quæ facta intelligi debeant: testatur tamen Polyb. legat. 40. Athamanum Legatos tantum urbes occupatas repetiisse; amissæ libertatis, quam infra Athamanes repetunt, nullam mentionem Polyb. facit.

tera circa eas oppida : utrum Thessalorum juris , cum vi ademptæ possessæque ab Ætolis forent (nam Philippum Ætolis ademisse eas constabat) an Ætolica antiquitus ea oppida fuissent . ita enim Acilium regi concessisse , si Ætolorum fuissent : & si voluntate , non vi atque armis coacti , cum Ætolis essent . Eiusdem formulæ disceptatio de Perræborum Magnetumque oppidis fuit . omnium enim jura possidendo per occasiones Ætoli miscuerant . Ad hæc , quæ disceptationis erant , querelæ Thessalorum adjectæ , quod ea oppida , si jam redderentur sibi , spoliata ac deserta redditurus esset . nam præter belli casibus amissos , quingentos principes juventutis in Macedoniam abduxisse , & opera eorum in servilibus abuti ministeriis : & quæ reddiderit coactus Thessalis , inutilia ut redderet , curasse . Thebas Phthias unum maritimum emporium fuisse quondam Thessalis quæruosum & frugiferum . ibi navibus onerariis comparatis , regem , quæ (1) præter Thebas Demetriadem cursum dirigerent , negotiationem maritimam omnem eo avertisse . Jam ne a legatis quidem , qui jure gentium sancti sint , violandis abstinere . insidias postea euntibus ad T. Quintium . itaque ergo in tantum metum omnes Thessalos conjectos , ut non in civitatibus suis , non in communibus gentis conciliis quisquam hiscere audeat . procul enim abesse libertatis auctores Romanos : lateri adherere gravem dominum , prohibentem uti beneficiis populi Romani . quid autem , si vox libera non sit , liberum esse ? nunc se fiducia & præsidio legatorum ingemiscere magis , quam loqui . nisi provideant aliquid Romani , quo & Græcis Macedoniam accolentibus metus , & audacia Philippi minuatur , nequicquam & illum victum , & se liberatos esse . ut equum (2) tenacem non parentem , frenis asperioribus castigandum

(1) omisiss Thebis .

(2) Ovid. 3. Amor. 4. 13. Vidi ego nuper equum contra sua frena tenacem ore reluctanti fulminis ire modo . alii sternacem ; b. e. qui sessorem excutit , atque sternit .

*dum esse. Hæc acerbe postremi, cum priores leniter permulsiſſent iram ejus, petentes ut ignoſceret pro libertate loquentibus; & ut depoſita domini acerbitate, aſſueſceret ſocium atque amicum ſeſe præſtare, & imitaretur populum Romanum, qui caritate, quam metu, adjungere ſibi ſocios mallet. Theſſalis auditis, Perræbi Gonnocondylum, quod Philippus Olympiadem appellaverat Perræbiæ fuiſſe, &, ut ſibi reſtitueretur, agebant. & de Malloea & Ericinio eadem poſtulationo erat. Athamanes libertatem repetebant, & caſtella Athenæum & Poetneum. Philippus, 26. ut accuſatoris potius, quam rei, ſpeciem haberet, & ipſe a querelis orſus, Menelaidem in Doloſia, quæ regni ſui fuiſſet, Theſſalos vi atque armis expugnaffe queſtus eſt. item Petram in Pieria ab iſdem Theſſalis Perræbiſque captam. Xynias quidem haud dubie Ætolicum oppidum ſibi eos contri-
buiſſe: & Paracheloïda, quæ ſub Athamania eſſet, nullo jure Theſſalorum formulæ factam. Nam quæ ſibi crimina obſcijantur de inſidiis legatorum, & maritimis portubus frequentatis aut deſertis: alterum ridiculum eſſe, ſe reddere rationem, quos portus mercatores aut nautici petant: alterum mores ſuos reſpuere. tot annos eſſe, per quos nunquam ceſſaverint legatī nunc ad imperatores Romanos, nunc Romam ad ſenatum crimina de ſe deferre. quæ unquam verbo violatum eſſe? ſemel ad Quintium euntibus inſidias dici factas. ſed quid iis acciderit, non adjici. quærentium quid falſo obſcijant, cum veri nihil habeant, ea crimina eſſe. inſolenter & immodice abuti Theſſalos indulgentia populi Romani, velut ex diutina ſiti nimis avidè meram haurientes libertatem. ita, ſervorum modo præter ſpena repente manumiſſorum, licentiam vocis & linguæ experiri, & jactare ſeſe inſectatione & convitiis dominorum. Elatus deinde ira adjecit, (1) nondum omnium dierum ſolem occidiſſe. Id minaciter dictum non Theſſali modo in ſeſe, ſed etiam Ro-*

L 4 ma-

(1) nondum præteriſſe dies omnes vitæ ſuæ. apoſtropheſis minas continens.

mani acceperunt . & cum fremitus post eam vocem ortus , & tandem sedatus esset : Perræborum inde Athamanumque legatis respondit , eandem , de quibus illi agant , civitatum causam esse . consulem Acilium & Romanos sibi dedisse eas , cum hostium essent . si suum munus qui dedissent , adimere velint , scire se cedendum esse : sed meliori ac fidei-
 27. *lioni amico , in gratiam levium & inutilium socio-
 rum injuriam eos esse facturos . nec enim ullius rei
 minus diuturnam esse gratiam , quam libertatis : præ-
 sertim apud eos , qui male utendo eam corrupturi
 sint . Causa cognita pronuntiaverunt legati , pla-
 cere deduci præsidia Macedonum ex iis urbibus , &
 antiquis Macedonia terminis regnum finire . de in-
 juriis quas ultro citroque illatas querantur , quomodo
 inter eas gentes & Macedonas disceptetur , formulam
 juris exsequendi constituendam esse . Inde graviter
 offenso rege , Thessalonicen ad cognoscendum de
 Thraciæ urbibus proficiscuntur . Ibi legati Eu-
 menis . Si liberæ esse Ænum & Maroneam velint
 Romani , nihil (1) sui pudoris esse ultra dicere ,
 quanti ut admoneant : re , non verbo eos liberos relin-
 quant , nec suum munus intercipi ab alio patiantur .
 sin autem minor cura sit civitatum in Thracia pos-
 tarum , multo (2) verius esse , quæ sub Antiocho
 fuerint , præmia belli Eumenei , quam Philippum
 habere : vel pro patris Attali meritis , bello quod ad-
 versus Philippum ipsum gesserit populus Romanus :
 vel suis , quod Antiochi bello terra marique laboribus
 periculisque omnibus interfuerit . Habere eum præte-
 rea decem legatorum in eam rem præjudicium . qui
 cum Chersonesum Lysimachiamque dederint , Maro-
 neam quoque atque Ænum profecto dedisse , quæ ipsa
 propinquitate regionis velut appendices majoris mu-
 neris essent . Nam Philippum quidem quo aut merito
 in populum Romanum , aut jure imperii , cum tam
 procul a finibus Macedonia absint , civitatibus his
 præsidia imposuisse ? vocari Maronitas juberent . ab
 iis certiora omnia de statu civitatum earum scituros .
 Legati Maronitarum vocati , non uno loco tantum
 ur-*

(1) sui pudoris esse , nihil ultra &c. (2) justius .

urbis praesidium regium esse, sicut in aliis civitatibus, dixerunt, sed pluribus simul: & plenam Macedonum Maroneam esse. itaque dominari assentatores regios, his solis loqui & in senatu & in concionibus licere: eos omnes honores & capere ipsos, & dare aliis. optimum quenque, quibus libertatis, quibus legum cura sit, aut exulare pulsos patria, aut inhonoratos & deterioribus obnoxios silere. De jure etiam finium pauca adjecerunt. Q. Fabium Labeanem, cum in regione ea fuisset, direxisse finem Philippo veterem viam regiam, quae ad Thraciae Parorejam subeat, nusquam ad mare declinantem: Philippum novam postea deflexisse viam, quae Maronitarum urbes agrosque amplectatur. Ad ea Philippus 28. longe aliam, quam adversus Thessalos Perræbosque nuper, ingressus differendi viam, Non cum Maronitis, inquit, mihi aut cum Eumene disceptatio est, sed * jam vobiscum, Romani, a quibus nihil equi me impetrare jamdiu animadverto. Civitates Macedonum, quae a me inter inducias defecerant, reddi mihi æquum censebam: non quia magna accessio ea regni futura esset: sunt enim & parva oppida, & in finibus extremis posita: sed quia multum ad reliquos Macedonas continendos exemplum pertinebat. negatum est mihi. Bello Ætolico Lamiam oppugnare jussus a consule Man. Acilio, cum diu fatigatus ibi præliis operibusque essem: transcendentem me jam muros, a capta prope urbe revocavit consul, & abducere copias inde coegit. ad hujus solatium injuriæ permissum est, ut Thessaliae Perræbiæque & Athamanum reciperem quædam castella magis, quam urbes. ea quoque ipsa vos mihi, Q. Cæcili, paucos ante dies ademistis. Pro non dubio paulo ante, si diis placet, legati Eumenis sumebant, quæ Antiochæ fuerunt, Eumenem æquius esse, quam me habere. Id ego aliter longe judico esse. Eumenes enim, (1) non nisi vicissent Romani, sed nisi bellum gessissent, manere in regno suo non potuit. itaque ille (2) ve-

L 5 strum

(1) si Romani victi fuissent, atque adeo si in pace fuissent, Eumenes regnum suum amisisset.

(2) a vobis beneficium.

frum meritum habet, non vos illius. mei autem
 regni, tantum aberat, ut ulla pars in discrimine
 fuerit, ut tria millia talentum, & quinquaginta
 testas naves, & omnes Græciæ civitates, quas antea
 tenuissem, pollicentem ultro Antiochum, in merce-
 dem societatis, sim aspernatus. hostemque ei me esse
 prius etiam, quam Man. Acilius exercitum in Græ-
 ciam trajiceret, præ me tuli: & cum eo consule
 belli partem quancunque mihi delegavit, gessi. &
 insequenti consuli L. Scipioni, cum terra statuisset
 ducere exercitum ad Hellespontum, non iter tantum
 per regnum nostrum dedi, sed vias etiam muniui,
 pontes feci, commeatus præbui: nec per Macedoniam
 tantum, sed per Thraciam, ubi etiam inter cætera
 pax quoque præstanda a barbaris erat. Pro hoc stu-
 dio meo erga vos, ne dicam merito, utrum adjicere
 vos Romani aliquid, & amplificare & augere re-
 gnum meum munificentia vestra oportebat; an quæ
 haberem aut meo jure, aut beneficio vestro, eripere?
 id quod nunc facitis. Macedonum civitates, quas
 regni mei fuisse fatemini, non restituuntur. Eume-
 nes, tanquam ad Antiochum, spoliandum me ve-
 nit: & si diis placet, decem legatorum decretum
 calumnie impudentissimæ prætendit, quo maxime &
 refelli & coargui potest. disertissime enim planissi-
 meque in eo scriptum est: Chersonesum & Lysima-
 chiam Eumeni dari. ubi tandem Ænus & Maro-
 nea & Thraciæ civitates ascriptæ sunt? Quod ab
 illis ne postulare quidem est ausus, id apud vos,
 tanquam ab illis impetraverit, obtinebit? Quo in
 numero me apud vos esse velitis, * referte. si tan-
 quam inimicum & hostem insectari propositum est,
 pergite ut cæpistis, facere. sin aliquis respectus est
 mei, ut socii atque amici regis; deprecor, ne me
 tanta injuria dignum judicetis. Movit aliquantum
 oratio regis legatos. itaque medio responso rem
 suspenderunt. Si decem legatorum decreto Eu-
 meni datæ civitates eæ essent, nihil se mutare.
 si Philippus bello cepisset eas, præmium victoriæ
 jure belli habiturum. si neutrum eorum foret,
 placere, cognitionem senatui reservari: & ut o-
 mnia in integro manerent, præsidia, quæ in iis

ur-

urbibus sint, deduci. Hæ causæ maxime animum Philippi alienaverunt ab Romanis, ut non a Perseo filio ejus novis causis motum, sed ob has a patre bellum relictum filio videri possit. Romæ nulla belli Macedonici suspicio erat.

CAPUT XVII.

L. Manlius Acidinus propter res in Hispania præclare gestas ovans Urbem ingreditur: Tarenti magnus servilis motus & L. Postumio prætor multorum supplicio comprimitur.

L Manlius proconsul ex Hispania redierat. cui postulanti ab senatu in æde Bellonæ triumphum, rerum gestarum magnitudo impetrabilem faciebat, exemplum obstabat, quod ita comparatum more majorum erat, ne quis qui exercitum non deportasset, triumpharet, nisi perdomitam pacatamque provinciam tradidisset successori. medius tamen honos Manlio habitus, ut ovans urbem iniret. Tulit coronas aureas quinquaginta duas: auri præterea pondo CXXXII., argenti XVI millia, CCC. & pronuntiavit in senatu, decem millia pondo argenti, & LXXX. auri Q. Fabium quæstorem advehere. id quoque se in ærarium illaturum. Magnus motus servilis eo anno in Apulia fuit. Tarentum provinciam L. Postumius prætor habebat. is de pastorum conjuratione, qui vias latrociniiis pascuaque publica infesta habuerant, quæstionem severe exercuit. ad septem millia hominum condemnavit, multi inde fugerunt. de multis sumptum est supplicium. Consules diu retenti ad urbem delectibus, tandem in provincias profecti sunt.

CAPUT XVIII.

In Hispania C. Calpurnius, & L. Quintius prætores primum non e sententia, deinde prorsus egregie, ingenti parva victoria, rem gerunt.

30. **E**odem anno in Hispania prætores C. Calpurnius & L. Quintius, cum primo vere ex hibernis copias eductas in Beturia junxissent : in Carpetaniam, ubi hostium castra erant, progressi sunt, communi animo consilioque * parati rem gerere. Haud procul Hippone & Toletu urbibus inter pabulatores pugna orta est : quibus dum utrinque subvenitur a castris, paulatim omnes copiae in aciem eductae sunt. in eo tumultuario certamine & loca sua, & genus pugnae (1) pro hoste fuere. duo exercitus Romani fusi, atque in castra compulsi sunt : non insistere perculsis hostes. Prætores Romani, ne postero die castra oppugnarentur, silentio proximæ noctis tacito signo exercitum abduxerunt. Luce prima Hispani acie instructa ad vallum accesserunt : vacuaque præter spem castra ingressi, quæ derelicta inter nocturnam trepidationem erant, diripuerunt : regressique in sua castra, paucos dies quietis stativis manserunt. Romanorum sociorumque in prælio fugaque ad quinque millia occisa : quorum se spoliis hostes armarunt : inde ad Tagum flumen profecti sunt. Prætores interim Romani omne id tempus contrahendis ex civitatibus sociis Hispanorum auxiliis, reficiendisque ab terrore adversæ pugnae militum animis consumpserunt. ubi satis placere vires, & jam miles quoque ad delendam priorem ignominiam hostem poscebat : XII. millia passuum ab Tago flumine posuerunt castra. inde tertia vigilia sublati signis, quadrato agmine principio lucis ad Tagi ripam pervenerunt. Trans fluvium in colle hostium castra erant : extemplo qua duobus locis

va-

(1) *utilia hosti.*

vada nudabat amnis, dextera parte Calpurnius, læva Quintius exercitum traduxerunt, quæro hoste, dum miratur subitum adventum, consultatque, qui tumultum injicere trepidantibus in ipso transitu amnis potuisset. interim Romani, impedimentis quoque omnibus traductis, contrastisque in unum locum, quia jam moveri videbant hostem, nec spatium erat castra communiendi, aciem instruxerunt. in medio locatæ, quinta Calpurnii legio, & octava Quintii: id robur totius exercitus erat. campum apertum usque ad hostium castra habebant, liberum a metu insidiarum. Hispani posteaquam in citeriore ripa 31. duo Romanorum agmina conspexerunt, ut, priusquam se jungere atque instruere possent, occuparent eos, castris repente effusi cursu ad pugnam tendunt. Atrox in principio prælium fuit, & Hispanis recenti victoria inflatis, & insueta ignominia milite Romano accenso. acerrime media acies, duæ fortissimæ legiones dimicabant: quas cum aliter moveri loco non posse hostis cerneret, cuneo institit pugnare: & usque plures confertioresque medios urgebant. Ibi posteaquam laborare aciem Calpurnius prætor vidit, T. Quintilium Varum & L. Juventium Thalam legatos ad singulas legiones adhortandas propere mittit. docere & monere jubet, *in illis spem omnem vincendi & retinendæ Hispaniæ esse. si illo loco cedant, neminem ejus exercitus non modo Italiani, sed ne Tagi quidem ulteriorem ripam unquam visurum.* ipse cum equitibus duarum legionum paululum circumvectus, in cuneum hostium, qui mediam urgebat aciem, ab latere incurrit. Quintius cum suis equitibus alterum hostium latus invadit. sed longe acrius Calpurniani equites pugnabant, & prætor ipse ante alios. nam & primus hostem percussit, & ita se immiscuit mediis, ut vix, utrius partis esset, nosci posset. & equites prætoris eximia virtute, & equitum pedites accensi sunt. pudor movit primos centuriones, qui inter tela hostium prætorem conspexerunt. itaque urgere signiferos pro se quisque, jubere inferre

signa, & confestim militem sequi. renovatur ab omnibus clamor. impetus fit velut ex superiore loco. haud secus ergo, quam torrentis modo, fundunt sternuntque perculsos: nec (1) sustinere alii super alios inferentes sese possunt. fugientes in castra equites persecuti sunt, & permisti turbæ hostium, intra vallum penetraverunt. ubi ab relictis in præsidio castrorum prælium instauratum: coactique sunt Romani equites descendere ex equis, dimicantibus iis legio quinta supervenit: deinde, ut quæque potuerant, copiæ affuebant. Cæduntur passim Hispani per tota castra. nec plus quam quatuor millia hominum effugerunt. inde tria millia fere qui arma retinuerant, montem propinquum ceperunt. mille semiermes maxime per agros palati sunt. supra XXXV. millia hostium fuerant, ex quibus tam exigua pars pugnae superfuit. signa capta CXXXIII. Romani sociique paulo plus sexcenti, & provincialium auxiliorum CL. ferme ceciderunt. tribuni militum quinque amissi, & pauci equites Romani, cruentæ maxime victoriæ speciem fecerunt. In castris hostium, quia ipsis spatium sua communiendi non fuerat, manserunt. Pro concione postero die laudati, donatique a C. Calpurnio equites phaleris. pronuntiavitque, eorum maxime opera hostes fusos, castra capta & expugnata esse. Quintius alter prætor suos equites (2) castellis ac fibulis donavit. donati & centuriones ex utriusque exercitu permulti, maxime qui mediam aciem tenuerunt.

CAPUT XIX.

Consulum M. Sempronii, & Ap. Claudii res secundæ in Liguribus.

32. **C**onsules delectibus, aliisque quæ Romæ agendæ erant, peractis rebus, in Ligures pro-

{ 1 } alii: sustineri.

{ 2 } an diminutivum est Catenæ?

provinciam exercitum duxerunt. Sempronius a Pisis profectus in Apuanos Ligures, vastando agros, urendoque vicos & castella eorum, aperuit saltum usque ad fluvium Macran, & Lunæ portum. Hostes montem antiquam sedem majorum suorum ceperunt. & inde superata locorum iniquitate, prælio dejecti sunt. Et App. Claudius felicitatem virtutemque collegæ in Liguribus Ingaunis æquavit secundis aliquot præliis: sex præterea oppida eorum expugnavit. multa millia hominum in iis cepit. belli auctores III. & XL. securi percussit.

CAPUT XX.

Post magnas contentiones P. Claudius Pulcher opera fratris Ap. Claudii creatur consul, & cum eo L. Porcius Licinus: Prætoria quoque comitia habentur.

IAm comitiorum appetebat tempus. prior tamen Claudius, quam Sempronius, cui fors comitia habendi obtigerat, Romam venit: quia P. Claudius frater ejus consulatum petebat. Competitores habebat patricios, L. Æmilium, Q. Fabium Labeonem, Ser. Sulpitium Galbam, veteres candidatos, & ab repulsis eo magis debitum; quia primo negatus erat, honorem repetentes. etiam quia plus quam unum ex patriciis creari non licebat, arctior petitio quatuor petentibus erat. Plebei quoque gratiosi homines petebant, L. Porcius, Q. Terentius Culleo, Cn. Bæbius Tamphilus, * & ii repulsi, in spem impetrandi tandem aliquando honoris dilati. Claudius unus ex ^{* a?} ^{& hī} ^{repul-} ^{sis.} omnibus novus candidatus erat. Opinione hominum haud dubie destinabantur Q. Fabius Labeo, & L. Porcius Licinus. sed Claudius consul sine lictoribus cum fratre toto foro volitando, clamitantibus adversariis, & majore parte senatus, meminisse eum debere prius se consulem populi Romani, quam fratrem P. Claudii esse: quin ille sedens pro tribunali aut arbitrum, aut comitiorum tacitum spectatorem se præberet? coerceri tamen ab

est;

effuso studio nequirit. Magnis contentionibus tribunorum quoque plebis, qui aut contra consulem, aut pro studio ejus pugnabant, comitia aliquoties turbata: donec pervicit Appius, ut, dejecto Fabio, fratrem (1) traheret. Creatus P. Claudius Pulcher, præter spem suam & cæterorum: locum (2) suum tenuit L. Porcius Licinus, quia moderatis studiis, non vi Claudiana inter plebejos certatum est. Prætorum inde comitia sunt habita. C. Decimius Flavus, P. Sempronius Longus, P. Cornelius Cethegus, Q. Nevius Matho, C. Sempronius Blæsus, A. Terentius Varro, prætores facti. Hæc eo anno quo Ap. Claudius, M. Sempronius consules fuerunt, domi militiæque gesta.

CAPUT XXI.

Legatis Philippi, & Eumenis Romam ad disceptandum venientibus senatus datur; Patres Legationem decernunt in Macedoniam, & Græciam, iussam Peloponnesum quoque adire, propter turbatum ibi ab Achæis rerum statum.

33. **P** Rincipio insequentis anni, quo P. Claudius,
U.C. L. Porcius consules erant, cum Q. Cæcilius,
366. M. Bæbius, T. Sempronius, qui ad disceptandum inter Philippum & Eumenem reges, Thessalorumque civitates missi erant, (3) legationem renuntiassent: regum quoque eorum civitatumque legatos in senatum introduxerunt. Eadem utrinque iterata, quæ dicta apud legatos in Græcia erant. Aliam deinde legationem novam Patres, cujus princeps Ap. Claudius fuit, in Macedoniam & in Græciam decreverunt, ad visendum, redditæ ne civitates Rhodiis & Theffalis & Perræbis essent. Iisdem mandatum, ut ab Æno & Maronea præsidia deducerentur, maritima-
que

(1) *ad Consulatum.*

(2) *obtinet Consulatum, pro merito suo.*

(3) *legationis rationem reddidissent.*

que omnis Thraciæ ora a Philippo & Macedonibus liberaretur. Peloponnesum quoque adire jussi, unde prior legatio discesserat incertiore statu rerum, quam si non venissent: nam super cætera etiam sine responso dimissi, nec datum petentibus erat Achæorum concilium. de quare querente graviter Q. Cæcilio, simul Lacedæmoniis deplorantibus mœnia diruta, abductam plebem in Achajam & venundatam, adeptas, quibus ad eam diem civitas stetisset, Lycurgi leges: Achæi maxime concilii negati crimen excusabant, recitando legem, quæ nisi belli pacis causa, & cum legati ab senatu cum literis, aut scriptis mandatis venirent, vetaret indici concilium. Ea ne postea excusatio esset, ostendit senatus, curæ iis esse debere, ut Romanis legatis semper adeundi concilium gentis potestas fieret: quemadmodum & illis, quoties vellent, senatus daretur.

CAPUT XXII.

Rex Philippus jussus ab Senatu cedere civitatibus Thraciæ, in Maronitas crudeliter deservit: ut appareat non sua culpa factum, dedito Romanis Casandro ministro cædis, filium Demetrium ad placandam Senatus iram Romam mittit.

DImissis iis legationibus, Philippus a suis certior factus, cedendum civitatibus, deducendaque præsidia esse, insensus omnibus, in Maronitas iram effundit. Onomasto, qui præerat maritimæ oræ, mandat, ut partis adversæ principes interficeret. Ille per Casandrum quendam unum ex regiis jamdiu habitantem Maronæ, nocte Thracibus intromissis, velut in bello capta urbe, cædem fecit. Id apud Romanos legatos querentes tam crudeliter adversus innoxios Maronitas, tam superbe adversus populum Romanum factum, ut quibus libertatem restituendam senatus censuisset, ii pro hostibus trucidarentur: (1) abnuebat quicquam

(1) Philippus.

quam eorum ad se, aut quenquam suorum pertinere. seditione inter ipsos dimicatum, cum alii ad se, alii ad Eumenem civitatem traherent. id facile scituros esse, si percunctarentur ipsos Maronitas: haud dubius, percussis omnibus terrore tam recentis cædis, neminem hiscere adversus se ausurum. Negare Appius, rem evidentem pro dubia quærendam: si ab se culpam removere vellet, Onomastum & Casandrum, per quos acta res diceretur, mitteret Romam, ut eos senatus percunctari posset. Primo adeo perturbavit ea vox regem, ut non color, non vultus ei constaret. deinde collecto tandem animo, Casandrum, qui Maroneæ fuisset, si utique vellent, se missurum dixit: ad Onomastum quidem quideam rem pertinere? qui non modo Maroneæ, sed ne in regione quidem propinqua fuisset. Et parcebat magis Onomasto, honoratiori amico, & eundem indicem haud paulo plus timebat: quia & ipse sermonem cum eo contulerat, & multorum talium ministrum & conscium habebat. Casander quoque, missis qui per Epirum ad mare prosequerentur eum, ne qua indicium emanaret, veneno creditur sublatus. Et legati a Philippi colloquio ita digressi sunt, ut præ se ferrent, nihil eorum sibi placere: & Philippus minime quin rebellandum esset dubius, quia tamen immaturæ ad id vires erant, ad moram interponendam, Demetrium minorem filium mittere Romam simul ad purganda crimina, simul ad deprecandam iram senatus statuit: satis credens ipsum etiam juvenem, quod Romæ obfuses specimen regiæ indolis dedisset, aliquid momenti facturum. Interim per speciem auxilii Byzantiis ferendi, re ipsa ad terrorem regulis Thracum injiciendum profectus, percussis iis uno prælio, & Amadoco duce capto, in Macedoniam rediit, missis ad accolæ Istri fluminis barbaros, ut in Italiam irrumperent, sollicitandos.

CAPUT XXIII.

Legati Romani ex Macedonia in Achajam venientes, cum datum illis esset concilium, senatus nomine de injuriis in Lacedæmonios conqueruntur: legatorum accusationi respondet Lycortas Achæorum prætor.

ET in Peloponneso adventus Romanorum legatorum, qui ex Macedonia in Achajam ire jussi erant, expectabatur. adversus quos ut præparata consilia haberent, Lycortas prætor concilium indixit. Ibi de Lacedæmoniis actum. Ex hostibus eos accusatores factos. & periculum esse, ne victi magis timendi forent, quam bellantes fuissent. quippe in bello sociis Romanis Achæos usos: nunc eosdem Romanos æquiores Lacedæmoniis, quam Achæis esse: ubi Areus etiam & Alcibiades, ambo exules suo beneficio restituti, legationem Romam adversus gentem Achæorum ita de ipsis meritam suscepissent: adeoque infesta oratione usi essent, ut patria pulsi, non restituti in eam viderentur. Clamor undique ortus, referret nominatim de iis. & cum omnia ira, non consilio gererentur, capitis damnati sunt. Paucos post dies Romani legati venerunt. his (1) Clitore in Arcadia datum est concilium. Priusquam agerent quicquam, terror Achæis injectus erat, & cogitatio, quam non ex æquo disceptatio futura esset: quod Areum & Alcibiadem, capitis ab se in concilio proximo damnatos, cum legatis videbant: nec hiscere quisquam audebat. Applus ea quæ apud senatum questi erant Lacedæmonii, displicere senatui ostendit: (2) eisdem * primum ad consilium factis. Etiam eorum, qui a Philopæmene ad causam dicendam evocati venissent: deinde cum in homines ita sequebatur, ne in ulla parte crudelitas eorum cessaret.

(1) nomen Arcadis nepotis, a quo & oppidum nomen accepit, auctore Pausania l. 8. c. 4.

(2) v. l. 38. n. 33.

saret, muros dirutos urbis nobilissimæ esse, leges vetustissimas abrogatas, inclytamque per gentes Lycurgi disciplinam sublatam. Hæc cum Appius dixisset, Lycortas, & quia prætor, & quia Philopœmenis auctoris omnium, quæ Lacedæmone acta fuerant, factionis erat, ita respondit: Difficilior nobis, Ap. Claudii, apud vos oratio est, quam Romæ nuper apud senatum fuit. tunc enim Lacedæmoniis accusantibus respondendum erat: nunc a vobis ipsis accusati sumus, apud quos causa dicenda est. quam iniquitatem conditionis subimus illa spe, iudicis animo te auditurum esse, posita contentione qua paulo ante egisti. Ego certe, cum ea quæ & hic antea apud Q. Cæcilium, & postea Romæ questi sunt Lacedæmonii, a te paulo ante relata sint: non tibi, sed illis me apud te respondere credam. Cædem obijcitis eorum, qui a Philopœmene prætoris evocati ad causam dicendam, interfecti sunt. hoc ego crimen non modo non a vobis Romanis, sed ne apud vos quidem nobis obijciendum fuisse arbitror. quid ita? quia in vestro fœdere erat, ut maritimis urbibus abstinerent Lacedæmonii. Quo tempore armis captis urbes, a quibus abstinere iussi erant, nocturno impetu occupaverunt; si T. Quintius, si exercitus Romanus, sicut antea, in Peloponneso fuisset, eo nimium capti & oppressi confugissent. cum vos procul essetis; quo alio, nisi ad nos socios vestros, quos antea Gytæo opem ferentes, quos Lacedæmonem vobiscum simili de causa oppugnantes viderant, confugerent? Pro vobis igitur justum piūque bellum suscepimus. quod cum alii laudent, reprehendere ne Lacedæmonii quidem possint, & dii quoque ipsi comprobaverint, qui nobis victoriam dederunt: quoniam modo ea quæ belli jure acta sunt, in disceptationem veniunt? quorum tamen maxima pars nihil pertinet ad nos. nostrum est, quod evocavimus eos ad causam dicendam, qui ad arma multitudinem exciverant, qui expugnaverant maritima oppida, qui diripuerant, qui cædem principum fecerant. quod vero illi venientes in castra interfecti sunt; vestrum est, Areu & Alcibiade, qui nunc nos, si diis placet, accusatis, non nostrum. Exules Lacedæmoniorum, quo;

quo in numero ii quoque duo fuerunt, & tunc nobiscum erant: quod (1) domicilio sibi delegerant maritima oppida: se petitos credentes, in eos, quorum opera patria extorres, ne in tuto quidem exilio posse consenescere se indignabantur, impetum fecerunt. Lacedæmonii igitur Lacedæmonios, non Achæi interfecerunt. nec jure, an injuria cæsi sint, argumentari refert. At enim illa certe vestra sunt, Achæi, quod leges disciplinamque vetustissimam Lycurgi sustulistis, quod muros diruistis. quæ utraque ab iisdem objici qui possunt, cum muri Lacedæmoniis non ab Lycurgo, sed paucos ante annos ad dissolvendam Lycurgi disciplinam exstructi sint? tyranni enim nuper eos arcem & munimentum sibi, non civitati paraverunt. & si existat hodie ab inferis Lycurgus, gaudeat ruinis eorum, & nunc se patriam & Spartam antiquam agnoscere dicat. Non Philopemenem expectare, nec Achæos; sed vos ipsi Lacedæmonii vestris manibus amoliri & diruere omnia tyrannidis vestigia debuistis. vestra enim illæ deformes veluti cicatrices servitutis erant. & cum sine muris per octingentos prope annos liberi, aliquando etiam principes Græciæ fuissetis: muris velut compedibus circumdatis vincti per centum annos servistis. Quod ad leges ademptas attinet, ego antiquas Lacedæmoniis leges tyrannos ademisse arbitror: nos non suas ademisse, quas non habebant, sed nostras leges dedisse: nec male consulvisse civitati, cum concilii nostri eam fecerimus, & nobis miscuerimus: ut corpus unum & concilium totius Peloponnesi esset. tunc opinor, si aliis ipsi legibus viveremus, alias istis injunxissemus, queri se iniquo jure esse, & indignari possent. Scio ego, Appi Claudii, hanc orationem, qua sum adhuc usus, neque sociorum apud socios, neque liberæ gentis esse; sed servorum verius disceptantium apud dominos. nam si non vana illa vox præconis fuit, qua liberos esse omnium primos Achæos jussistis: si fœdus ratum est, si societas & amicitia ex æquo observatur: cur ego, quid Capua capta feceritis Romani, non quæro? vos rationem re-

po-

(1) alii: domicilium.

poscitis, quid Achæi Lacedæmoniis bello victis fecerimus? Interfecti aliqui sunt; finge, a nobis. quid? vos senatores Campanos securi non percussistis? muros diruimus. vos non muros tantum, sed urbem & agros ademistis. Specie, inquis, æquum est fœdus apud Achæos, (1) re precaria libertas: apud Romanos etiam imperium est. Sentio, Appi: &, si non oportet, non indignor. sed oro vos: quantumlibet inter sit inter Romanos & Achæos, modo ne in æquo hostes vestri nostrique apud vos sint, ac nos socii: imo ne meliore jure sint. nam ut in æquo essent, nos fecimus, cum legēs iis nostras dedimus: ^{al.} cum, ut ^{Acha-} Achæi concilii essent, effecimus. Parum ^{ici.} est victis, quod victoribus satis est: plus postulant hostes, quam socii habent. quæ jurejurando, quæ monumentis literarum in lapide insculptis in æternam memoriam sancta atque sacrata sunt, ea cum perjurio nostro tollere parant. Veremur quidem vos, Romani: &, si ita vultis, etiam timemus: sed plus & veremur & timemus deos immortales. Cum assensu maximæ partis est auditus: & locutum omnes pro majestate magistratus censebant: ut facile appareret, molliter agendo dignitatem suam tenere Romanos non posse. Tum Appius, suadere se magnopere Achæis dixit, ut, dum liceret voluntate sua facere, gratiam inirent, ne mox inviti & coacti facerent. Hæc vox audita quidem cum omnium gemitu est, sed metum iniecit imperata recusandi. id modo petierunt, ut Romani, quæ viderentur, de Lacedæmoniis mutarent: nec Achæos religione obstringerent, irrita ea quæ jurejurando sanxissent, faciendi. damnatio tantum Arei & Alcibiadis, quæ nuper facta erat, sublata est.

CA.

(1) revera libertas precaria.

CAPUT XXIV.

Consulibus decretis Liguribus, Prætores provincias sortiuntur: bonos Diis habetur propter res a Calpurnio, & Quintio prospere gestas in Hispania: orta contentio de deportandis inde exercitibus senatusconsulto sedatur.

ROmæ principio ejus anni cum de provinciis 38.
 consulum & prætorum actum esset; consulibus Ligures, quia bellum nusquam alibi erat, decreti. Prætores, C. Decimius Flavus urbanam, P. Cornelius Cethegus inter cives & peregrinos sortiti sunt: C. Sempronius Blæsus Siciliam, Q. Nævius Matho Sardiniam, & ut idem de beneficiis quæreret: A. Terentius Varro Hispaniam citeriorem, P. Sempronius Longus Hispaniam ulteriorem. De iis duabus provinciis legati per id fere tempus L. Juventius Thalna, & T. Quintilius Varus venerunt. qui, quantum bellum jam profligatum in Hispania esset, senatu edocto, postularunt simul ut pro rebus tam prospere gestis diis immortalibus haberetur honos, & ut prætoribus exercitum deportare liceret. Supplicatio in biduum decreta est. de legionibus deportandis, cum de consulum prætorumque exercitibus ageretur, rem integram referri jusserunt. Paucos post dies consulibus in Ligures binæ legiones, quas Appius Claudius & M. Sempronius habuerant, decretæ sunt. De exercitibus Hispaniensibus magna contentio fuit inter novos prætores & amicos absentium, Calpurnii Quintique. utraque causa tribunum plebis, utraque consulem habebat. ii se intercessuros S. C., si deportandos censerent exercitus, denuntiabant. illi, si hæc intercessio fieret, nullam rem aliam se decerni passuros. Victa postremo absentium gratia est: & S. C. factum, ut prætores quatuor millia peditum Romanorum scriberent, quadringentos equites, & quinque millia sociorum peditum Latini nominis, quingentos equites, quos

* al. *quos secum in Hispaniam portarent.* * *cum eas legiones quatuor descripsissent, quod plus, quam quina millia peditum, trecenti equites, in singulis legionibus esset, dimitterent: eos primum qui emerita stipendia haberent, deinde ut cujusque fortissima opera Calpurnius & Quintius in praelio usi essent.*

CAPUT XXV.

Exortum certamen propter pertinaciam Q. Fulvii Flacci praturam in locum demortui C. Decimii contra leges, quia ædilis designatus erat, petentis, senatus prudentia, sublati comitiis creando novo prætori, tollitur.

39. **H**Ac sedata contentione, alia subinde C. Decimii prætoris morte exorta est. Cn. Sici-
nius, & L. Puppius, qui ædiles proximo anno fuerant, & C. Valerius Flamen Dialis, & Q. Fulvius Flaccus (is quia ædilis curulis designatus erat, sine (1) toga candida, sed maxima ex omnibus contentione) petebant. certamenque ei cum Flammine erat. & posteaquam primo æquare, mox superare etiam est visus: pars tribunorum plebis negare, rationem ejus habendam esse: quod duos simul unus magistratus, præsertim curules, neque capere posset, nec gerere: pars, legibus eum solvi, æquum censere, ut quem vellet prætorem creandi populo potestas fieret. L. Porcius COS. primo in ea sententia esse, ne nomen ejus acciperet. deinde ut ex auctoritate senatus idem faceret, convocatis Patribus, *referre se ad eos dixit, quod nec jure ullo, nec exemplo tolerabili liberæ civitati, ædilis curulis designatus praturam peteret, sibi, nisi quid aliud iis videretur, in animo esse, (1) e lege comitia habere.* Patres censuerunt, uti L. Porcius COS. cum Q. Fulvio ageret, ne impedimento esset, quominus

co-

(1) a qua candidati. sed Magistratus prætexta a privatis distinguebantur.

comitia Prætoris in locum C. Decimii subrogandi e lege haberentur. Agenti COS. ex S. C. respondit Flaccus, *nihil, quod se indignum esset, facturum*. Medio responso spem (2) ad voluntatem interpretantibus fecerat, cessurum Patrum auctoritati esse. comitiis acrius etiam, quam ante, petebat, criminando, extorqueri sibi a COS. & senatu P. R. beneficium: & invidiam geminati honoris fieri: tanquam non appareret, ubi designatus prætor esset, extemplo ædilitate se abdicaturum. COS. cum & pertinaciam petentis crescere, & favorem populi magis magisque in eum inclinari cerneret, dimissis comitiis, senatum vocavit. censuerunt frequentes, quoniam Flaccum auctoritas Patrum nihil movisset, ad populum cum Flacco agendum. Concione advocata cum egisset COS. ne tum quidem de sententia motus, gratias P. R. (3) egit, *quod tanto studio, quotiescunque declarandæ voluntatis potestas facta esset, prætorem se voluisset facere. ea sibi studia civium suorum (4) destituere non in animo esse*. Hæc vero tam obstinata vox tantum ei favorem accendit, ut haud dubius prætor esset, si COS. accipere nomen vellet. Ingens certamen tribunis & inter se ipsos, & cum COS. fuit: donec senatus a COS. est habitus, decretumque, *quoniam, prætoris subrogandi comitia ne legibus fierent, pertinacia Q. Flacci, & prava studia hominum impedirent, senatum censere, satis prætorum esse*. P. Cornelius utranque in urbe jurisdictionem haberet: Apollinique ludos (5) faceret.

(1) secundum legem. (2) secundum desiderium interpretantibus illud responsum. (3) Flaccus.

(4) renuntiare civium favori nolle.

(5) quos facere ad prætorem urbanum pertinebat.

CAPUT XXVI.

Post ingens certamen creatur censor, adversante nobilitate, M. Porcius Cato, vir belli, & pacis artibus maximus; eique collega adjicitur L. Valerius Flaccus.

40. **H**is comitiis prudentia & virtute senatus sublati, alia majoris certaminis, quo & majore de re, & inter plures potentioresque viros, sunt exorta. Censuram summa contentione petebant L. Valerius Flaccus, P. & L. Scipiones, Cn. Manlius Vulso, L. Furius Purpureo, patricii, plebeii autem, M. Porcius Cato, M. Fulvius Nobilior, T. & M. Sempronii, Longus, & Tuditanus. sed omnes patricios plebejosque nobilissimarum familiarum M. Porcius longe antebat. In hoc viro tanta vis animi ingeniique fuit, ut, quocunque loco natus esset, fortunam sibi ipse facturus fuisse videretur. nulla ars neque privatæ neque publicæ rei gerendæ ei defuit. urbanas rusticasque res pariter callebat. ad summos honores alios scientiâ juris, alios eloquentia, alios gloria militaris provexit. huic versatile ingenium sic pariter ad omnia fuit, ut natum ad id unum diceres, quodcunque ageret. in bello manu fortissimus, multisque insignibus clarus pugnâ: idem posteaquam ad magnos honores pervenit, summus imperator: idem in pace, si jus consuleres, peritissimus: si causa oranda esset, eloquentissimus. nec is tantum, cujus lingua vivo eo viguerit, monumentum eloquentiæ nullum exstet. vivit imo vigetque eloquentia ejus, (1) sacra scriptis omnis generis. orationes & pro se multæ, & pro aliis, & in alios. nam non solum accusando, sed etiam causam

(1) consignata. supersunt libri de re Rust. scripsit præter orationes, de Originibus, de re militari, de jure Civili. v. Plin. l. 7. c. 27. Val. Max. l. 3. c. 4. Cic. 3. de Orat. Plut. in vita Cat.

Jam (1) dicendo fatigavit inimicos. simultates
 nimio plures & exercuerunt eum, & ipse exer-
 cuit eas. nec facile dixeris, utrum magis pre-
 ferit eum nobilitas, an ille agitaverit nobilita-
 tem. Asperi procul dubio animi, & lingue acer-
 bæ, & immodice liberæ fuit: sed invidi cupi-
 ditatibus animi, & rigidæ innocentia, contem-
 ptor gratiæ, divitiarum. In parsimonia, in pa-
 tientia laboris periculique, ferrei prope corporis
 animique: quem ne senectus quidem, quæ sol-
 vit omnia, fregit: qui sextum & octogesimum
 annum agens causam dixerit, ipse pro se orave-
 rit, scripseritque; (2) octogesimo anno Ser-
 gium Galbam ad populi adduxerit iudicium.
 Hunc sicut omni vita, ita tum petentem pre- 41.
 mebat nobilitas: coierantque, præter L. Flac-
 cum, qui collega in consulatu fuerat, candidati
 omnes ad deiciendum honore eum: non solum
 ut ipsi potius adipiscerentur, nec quia indigna-
 bantur novum hominem censorem videre: sed
 etiam quod tristem censuram, periculosamque
 multorum famæ, & ab læso a plerisque, & læ-
 dendi cupido exspectabant. etenim tum quoque
 minitabundus petebat; refragari sibi, qui libe-
 ram & fortem censuram timerent, criminando.
 & simul L. Valerio suffragabatur. Illo uno col-
 lega castigare se nova flagitia, & priscos mores
 revocare posse. His accensi homines, adversa no-
 bilitate, non M. Porcium modo censorem fece-
 runt, sed etiam collegam ei L. Valerium Flac-
 cum adjecerunt.

CAPUT XXVII.

*Consules, Prætoresque in provincias proficiscuntur:
 L. Postumius prætor, cui Tarentum evenerat, que-
 stiones de Bacchanalibus ibi perficit.*

Secundum comitia censorum COSS. prætores-
 que in provincias profecti sunt, præter Q.

M 2 Næ-

(1) quater, & quadragies pro se causam dixit.
 semper absolutus est. (2) alii: nonagesimo.

Nævium . quem quatuor non minus menses , priusquam in Sardiniam iret , quæstiones veneficii , quarum magnam partem extra urbem per municipia conciliabulaque habuit , quia ita aptius visum erat , tenuerunt . Si Antiati Valerio credere libet , ad duo hominum millia damnavit . Et L. Postumius (1) Prætor , cui Tarentum provincia evenerat , magnas pastorum conjurationes vindicavit ; & reliquias bacchanalium quæstionis cum omni exsecutus est cura . multos qui aut citati non affuerant , aut vades (2) deseruerant , in ea regione Italiæ latentes , partim noxios judicavit , partim comprehensos Romam ad senatum misit . in carcerem omnes a P. Cornelio coniecti sunt ,

CAPUT XXVIII.

In citeriore Hispania A. Terentius Corbionem expugnat : redeuntes Romam C. Calpurnius , & L. Quintius Crispinus de Lusitanis , Celtiberisque triumphant .

42. **I**N Hispania ulteriore , fractis proximo bello Lusitanis , quietæ res fuerunt . In citeriore A. Terentius in Sueßetanis oppidum Corbionem vineis & operibus expugnavit , captivos vendidit . quietæ deinde hiberna & citerior provincia habuit . Veteres prætores C. Calpurnius Piso , & L. Quintius Romam redierunt : utrique magno patrum consensu triumphus est decretus . prior C. Calpurnius de Lusitanis & Celtiberis triumphavit , coronas aureas tulit LXXXIII. & duodecim millia pondo argenti . paucos post dies L. Quin-

(1) alii : Proprætor . tum quia Prætores hujus anni in provincias profecti sunt , præter Q. Nævium ; tum quia Postumius superiore anno creatus est Prætor , supra hoc l. c. 15. Tarentum provinciam habuit , c. 17.

(2) præsto non fuerant ad dicendam causam , ut vadium fidem liberarent .

Quintius Crispinus ex iisdem Lusitanis Celtiberisque triumphavit . tantundem auri (1) atque argenti in eo triumpho translatum .

CAPUT XXIX.

Censura M. Porcii Catonis , & L. Valerii Flacci : hanc nobilem facit Catonis gravitas , atque severitas in corrigendis moribus , castigandisque flagitiis : nam inter cætera senatu movet , & ignominia notat L. Quintium Flamminum consularem propter quemdam , quem in Gallia provincia ad preces sive amasti , sive amicæ , vel sua manu occiderat , vel securi percusserat : L. quoque Scipioni Asiatico equum adimit .

CENsores M. Porcius & L. Valerius metu mista exspectatione senatum legerunt . septem moverunt senatu : ex quibus unum insignem & nobilitate & honoribus , L. Quintium Flamminum consularem . Patrum memoria institutum fertur , ut censores motis e senatu adscriberent (2) notas . Catonis & aliæ quidem acerbæ orationes exstant in eos , quos aut senatorio loco movit , aut quibus equos ademit . longe gravissima in L. Quintium oratio est : qua si accusator ante notam , non censor post notam usus esset , retinere Quintium in senatu ne frater quidem T. Quintius , si tum censor esset , potuisset . Inter cætera objecit ei , Philippum Pœnum , carum ac nobile scortum , ab Roma in Galliam provinciam spe ingentium donorum perductum . eum puerum , per lasciviam cum cavillaretur , exprobrare consuli persæpe solitum , quod sub ipsum spectaculum gladiatorium abductus ab Roma esset , ut obsequium amatori (3) jactaret . forte epulantibus iis , cum jam vino incaluisset , nuntiatum in convivio esse , nobilem Bojuni cum liberis transfugam venisse . convenire COS. velle , ut ab

M 3 eo

(1) alii : quantum . (2) causas , cur Senatu moti forent . (3) vendicaret .

eo fidem præfens acciperet . introductum in tabernaculum , per interpretem alloqui COS. cœpisse . inter cuius sermonem Quintius scorto , *Vis tu , inquit , quoniam gladiatorium spectaculum reliquisti , iam hunc Gallum morientem aspicere ?* Et cum is vix dum serio annuisset , ad nutum scorti COS. stricto gladio , (1) qui super caput pendeat , loquenti Gallo caput primum percussisse , deinde fugienti , fidemque P. R. atque eorum qui aderant , imploranti , latus transodisse .

43. Valerius Antias , ut qui nec Catonis orationem legisset , & (2) fabulæ tantum sine auctore editæ credidisset , aliud argumentum , simile tamen & libidine & crudelitate , peragit . Placentiæ famosam mulierem , cuius amore deperiret , in convivium arcessitam scribit . ibi iactantem sese scorto inter cætera retulisse , quam acriter quæstiones exercuisset , & quam multos capitis damnatos in vinculis haberet , quos securi percussurus esset . tum illam infra eum accubantem negasse , unquam vidisse quenquam securi ferientem : & pervelle id videre . hic indulgentem amatorem unum ex illis miseris attrahi iustum securi percussisse . Facinus , sive eo modo , quo censor objecit , sive ut Valerius tradit , commissum est , sævum atque atrox : inter pocula atque epulas , ubi libare diis dapes ; ubi bene precari mos esset , ad spectaculum scorti procacis (3) in sinu COS. recubantis , mactatam humanam victimam esse , & cruore mensam respersam . In extrema oratione Catonis conditio Quintio fertur , ut , si id factum negaret , cæteraque quæ objecisset , (4) sponsione defenderet sese : sin fateretur , ignominiane sua quenquam doliturum censeret , cum ipse vino & venere amens , sanguine hominis in convivio luf-

(1) alligatus ad lectum , in quo epulans accubebat . (2) huic tamen historiæ credidit etiam Cic. de Sen. c. 12.

(3) lecto eodem accubuisse , ut mos erat in tricliniis , significat . (4) certam pecuniam sponderet solvendam , si causa caderet .

fisset? In equitatu recognoscendo L. Scipioni Asiatico adeptus equus: in censibus quoque accipiendis tristis & aspera in omnes ordines censura fuit. ornamenta & vestem muliebrem & vehicula, quæ pluris, quam quindecim millium æris essent, in (1) censum referre viatores iussit. item Mancipia minora annis XX. quæ post proximum lustrum X. millibus æris, aut pluris eo venissent, uti ea quoque (2) decem, tanto pluris quam quanti essent, æstimarentur, & his rebus omnibus terni in millia æris (3) attribuerentur. Aquam publicam omnem in privatum ædificium aut agrum fluentem ademerunt. & quæ in loca publica (4) inædificata, (5) immolitave privati habebant, intra dies XXX. demoliti sunt. opera deinde facienda ex pecunia in eam rem decreta, lacus sternendos lapide, detergendasque, qua opus esset, cloacas in Aventino, & in aliis partibus, qua nondumerant, faciendas locaverunt. & separatim Flaccus molem ad (6) Neptunias aquas, ut iter populo esset. & viam per Formianum montem. Cato atria duo, (7) Mænium & Titium in latomiis, & quatuor tabernas in publicum emit: basilicamque ibi fecit, quæ Por-

M 4

cia

-
- (1) *in tabulis scribere, tanquam facultatum partem non contemnendam.*
 (2) *alii: decies tanto &c. voluit enim Cato, teste Plutar. decuplo pluris æstimari, ut ii, quorum res pluris æstimatæ essent, majora etiam tributa conferrent. in animo habuit Cato coercere luxum. (3) tributum novine statuerentur.*
 (4) *aliquid loci publici occupantis.*
 (5) *in publicum projecta ædificia, uti sunt mæniana, seu pergule.*
 (6) *oppidum Latii. hodie vicus; Molo.*
 (7) *a Mænio, & Titio qui vendiderunt, ita dicta. Mænius tamen exceperat sibi jus unius columnæ, super quam tectum projiceret ex provolantibus tabulatis, unde ipse, & posteri ejus spectare munus gladiatorum possent. hinc Mænianum, h. e. podium.*

cia appellata est . & vectigalia summis pretiis ,
 (1) ultrotributa infimis locaverunt . Quas loca-
 tiones cum senatus precibus & lacrymis publica-
 norum victus (2) induci , & de integro locari
 jussisset : censores , edicto summotis ab hasta qui
 iudicati priorem locationem erant , omnia ea-
 dem paulum imminutis pretiis locaverunt . Nobi-
 lis censura fuit , simultatumque plena : quæ M.
 Porcium , cui acerbitas ea assignabatur , per omnem
 vitam exercuerunt .

C A P U T X X X .

*Colonia duæ Potentia , & Pisaurum deducuntur
 comitia consularia , atque prætoria habentur : Coss
 sunt M. Claudius Marcellus , Q. Fabius Labeo :
 facta a Prætoribus provinciarum sortitione , mitti-
 tur L. Julius ad submovendos Gallos , qui in agro
 Aquilejensi sedem ceperant .*

45. **E**odem anno coloniae duæ , Potentia in Pice-
 num , Pisaurum in Gallicum agrum deductæ
 sunt . sena jugera in singulos data . diviserunt a-
 grum , coloniasque deduxerunt (3) iidem trium-
 viri , Q. Fabius Labeo , & M. & Q. (4) Fulvii ,
 Flaccus & Nobilior . COSS. ejus anni nec domi ,
 nec militiæ memorabile quicquam egerunt . In
 insequentem annum crearunt COSS. M. Clau-
 dium Marcellum , Q. Fabium Labeonem . M.
 Claudius , Q. Fabius idibus Martiis , quo die con-
 sulatum inierunt , de provinciis suis prætorum-
 que retulerunt . Prætores creati erant , C. Vale-
 rius Flamen Dialis , qui & priore anno petierat :
 & Sp. Postumius Albinus , & P. Cornelius Sifen-
 na ,

-
- (1) ultrotributum , una vox est . sic aucti sum
 Reip. fructus , cum vectigalia summis pretiis lo-
 caverint . imminuti sumptus , cum locaverint ul-
 trotributa pretiis infimis . (2) deleri , aboleri .
 (3) qui Pisaurum , iidem Potentiam coloniam dedu-
 xerunt . (4) b. e. M. Fulvius Flaccus , & Q.
 Fulvius Nobilior .

na, L. Puppianus, L. Julius, Cn. Sicinius. Consulibus Ligures cum iisdem exercitibus, quos P. Claudius & L. Porcius habuerant, provincia decreta est. Hispaniæ extra sortem prioris anni prætoribus cum suis exercitibus servatæ. Prætores ita fortiri iussi, uti Flamini Diali utique altera juris dicendi Romæ provincia esset: peregrinam est fortitus. Sisennæ Cornelio urbana, Sp. Postumio Sicilia, L. Puppio Appulia, L. Julio Gallia, Cn. Sicinio Sardinia evenit. L. Julius proficisci mature est iussus. Galli transalpini per saltus ignotæ antea viæ (ut ante dictum est) in Italiam transgressi, oppidum in agro, qui nunc Aquilejensis est, edificabant. id eos ut prohiberet, quoad ejus sine bello posset, prætori mandatum est. si armis prohibendi essent, COSS. certiores faceret. Ex his placere alterum adversus Gallos ducere legiones. Extremo prioris anni comitia auguris creandi habita erant. in demortui Cn. Cornelii Lentuli locum creatus erat Sp. Postumius Albinus.

CAPUT XXXI.

Mors M. Licinii Crassi Pontificis maximi, atque in ejus funere res propter religionem notabilis.

HUJUS principio anni P. Licinius Crassus PONT. U. C. MAX. mortuus est: in (1) cujus locum M. 567. Sempronius Tuditanus pontifex est cooptatus. Pont. Max. est creatus C. Servilius. P. Licinii funeris causa visceratio data, & gladiatores (2) CXX. pugnaverunt. & ludi funebres per triduum facti. post ludos epulum, in quo, cum toto foro strata triclinia essent, tempestas cum magnis procellis coorta, coegit plerisque tabernacula statue-

M. 5. tue-

- (1) non quidem ut esset Pontifex Max. sed ut esset tantum Pontifex. Pontifex autem Max. creatus est C. Servilius, cum jam Pontifex esset.
 (2) alii: LXX. quia CXX., numerus est major, quam ut conveniat in id ævum.

tuere in foro . eadem paulo post , cum undique conferenasset , sublata . (1) defunctosque vulgo ferebant , quod inter fatalia vates cecinissent , necesse esse , tabernacula in foro statui . Hac religione levatis altera injecta , quod sanguine per biduum pluisset in area Vulcani : & per decemviros supplicatio indicta erat , ejus prodigii expiandi causa .

CAPUT XXXII.

Senatus, introductis legationibus transmarinis, audis crimina, quævelasque de rege Macedoniae Philippo: satis pro patre faciente filio Demetrio, quem ad id Philippus Romam miserat, senatus nihil contra regem decernit; ita tamen ut velit videri plus gratiam Demetrii filii, quam causam patris Philippi valuisse.

PRinquam COSS. in provincias proficiscerentur, legationes transmarinas in senatum introduxerunt . nec unquam ante tantum regionis ejus hominum Romæ fuerat . nam ex quo fama per gentes, quæ Macedoniam accolunt , vulgata est, crimina querimoniasque de Philippo non negligenter ab Romanis audiri , multis operæ pretium fuisse queri , pro se quæque civitates gentesque , singuli etiam privatim (gravis enim accola omnibus erat) Romam aut ad spem levandæ injuriæ, aut ad defendendæ solatium venerunt . Et ab Eumene rege legatio cum fratre ejus Athenæo venit ad querendum simul, quod non deducerentur ex Thracia præsidia : simul quod in Bithyniam Prusæ bellum adversus Eumenem gerenti auxilia missa forent . Respondendum ad omnia
47. juveni tum admodum Demetrio erat : cum haud facile esset , aut quæ objicerentur , aut quæ adversus ea dicenda erant , memoria complecti . nec enim multa solum , sed etiam pleraque (1) op-
pido

(1) liberatos religione : & metu injecto ex fatalibus

oppido quam parva erant : de controversia finium , de hominibus raptis , pecoribusque abactis , de jure aut dicto per libidinem , aut non dicto , de rebus per vim aut per gratiam judicatis . nihil horum neque Demetrium docere dilucide , nec se satis liquido discere ab eo senatus cum cerneret posse , simul & tirocinio & perturbatione juvenis moveretur ; quæri jussit ab eo , *ecquem de his rebus commentarium a patre accepisset ?* cum respondisset *accepisse se* , nihil prius nec potius visum est , quam regis ipsius de singulis responsa accipere . librum extemplo poposcerunt : deinde , ut ipse recitaret , permiserunt . Erant autem de rebus singulis in breve coactæ causæ : ut alia fecisse se secundum decreta legatorum doceret : alia non per se stetisse quominus faceret , sed per eos ipsos qui accusarent . interposuerat & querelas de iniquitate decretorum , & quam non ex æquo disceptatum apud Cæcilium foret , indigneque sibi , nec ullo suo merito insultatum ab omnibus esset . Has notas irritati ejus animi collegit senatus . cæterum alia excusanti juveni , alia (2) recipienti futura ita , ut maxime vellet senatus , responderi placuit . Nihil patrem ejus neque rectius , nec magis quod ex voluntate senatus esset , fecisse , quam quod utcumque ea gesta essent , per Demetrium filium satisfacere voluisset Romanis . multa & dissimulare , & oblivisci , & pati præterita senatum posse , & credere etiam , Demetrio credendum esse . obsidem enim se animum ejus habere , etsi patri corpus reddiderit . & scire , quantum salva in patrem pietate possit , amicum eum P. R. esse . honorisque ejus causa missuros in Macedoniam legatos : ut si quid minus factum sit , quam debuerit , (3) tum quoque sine piaculo rerum prætermis-

bus carminibus ; qui castrorum metationem in medio foro minitabantur .

(1) valde parva , perquam parva .

(2) promittenti .

(3) tum fiat , nec exigatur expiatio culpæ , quod prætermis-
sa fuerint , quæ fieri debuerant .

48. *farum fiat . velle etiam sentire Philippum , integra omnia sibi cum P. R. Demetrii filii (1) beneficio esse . Hæc , quæ augendæ amplitudinis ejus causa facta erant , extemplo in (2) invidiam , mox etiam in perniciem adolescenti verterunt .*

CAPUT XXXIII.

Senatus legatis Lacedæmoniorum suas cum Achæis disceptationes afferentibus responderet .

Lacedæmonii deinde introducti sunt . Multæ & parvæ disceptationes jactabantur : sed quæ maxime rem continerent , erant : utrum restituerentur quos Achæi damnaverant , nec ne : iniique , an jure occidissent , quos occiderant . vertebatur & utrum manerent in Achaico concilio Lacedæmonii , an , ut ante fuerat , (3) secretum ejus unius in Peloponneso civitatis jus esset . Restitui , judiciaque facta tolli placuit . Lacedæmonem manere in Achaico concilio : scribique id decretum , & consignari a Lacedæmoniis & Achæis .

CAPUT XXXIV.

Philopœmen dux Achæorum vir maximus a Messeniis capitur , atque veneno necatur .

Legatus in Macedoniam Q. Martius est missus , jussus idem in Peloponneso sociorum res aspicere . nam ibi quoque & ex veteribus discordiis residui motus erant : & Messenii desciverant a concilio Achaico . cujus belli & causas & ordinem si expromere velim , immemor sim propositi , quo statui non ultra attingere externa , nisi qua

(1) *in gratiam filii .*

(2) *indignante Philippo , plus momenti apud Senatum habuisse filium , quam patrem , & dignitatem regie majestatis ; ut ait Justin. l. 32. c. 2 .*

(3) *Separatum ab aliis .*

qua Romanis cohærent rebus. Eventus memorabilis est, quod cum bello superiores essent Achæi, Philopœmen prætor eorum capitur, ad præoccupandam Coronen, quam hostes petebant, * in valle iniqua cum equitibus paucis oppressus. Ipsum potuisse effugere Thracum Cretensiumque auxilio tradunt. sed pudor relinquendi equites nobilissimos gentis, ab ipso nuper lectos, tenuit. quibus dum locum ad evadendas angustias, cogendo ipse agmen, præbet, sustinens impetus hostium: prolapso equo, & suo ipse casu, & onere equi super eum ruentis, haud multum absuit, quin exanimaretur; septuaginta annos jam natus, & diutino morbo, ex quo tum primum reficiebatur, viribus admodum attenuatis. Jacentem hostes superfusi oppræsserunt: cognitumque, primum (1) a verecundia memoriaque meritorum haud secus, quam ducem suum. attollunt, reficiuntque, & ex valle devia in viam portant, vix sibi met ipsi præ nec opinato gaudio credentes: pars nuntios Messenen præmittunt, debellatum esse: Philopœmenem captum adduci. Primum adeo incredibilis visa res, ut non pro vano modo, sed vix pro (2) sano nuntius audiretur. deinde ut super alium alius idem omnes affirmantes veniebant: tandem facta fides. & priusquam appropinquare urbi satis scirent, ad spectaculum omnes simul liberi ac servi, pueri quoque cum fœminis effunduntur. itaque clauserat portam turba: dum pro se quisque, nisi ipse oculis suis credidisset, vix pro comperto tantam rem habiturus videretur. Ægre summoventes obvios intrare portam, qui adducebant Philopœmenem, potuerunt: atque turba conferta iter reliquum clauserat. & cum pars maxima exclusa a spectaculo esset, theatrum repente, quod viæ propinquum erat, compleverunt: & ut eo in conspectum populi adduceretur, una voce omnes exposcebant. Magistratus & principes veriti, ne quem motum misericordia præsentis

(1) præ respectu. . . (2) sui compos.

tis tanti viri faceret, cum alios verecundia pristinæ majestatis collata præsentī fortunæ, alios recordatio ingentium meritorum motura esset, procul in conspectu eum statuerunt: deinde raptim ex oculis hominum abstraxerunt, prætorē Dinocrate dicente, esse quæ pertinentia ad summam belli percunctari eum magistratus vellent.

50. inde adducto eo in curiam, & senatu vocato, consultari coeptum. Jam invesperascebat, & non modo cætera, sed ne in proximam quidem noctem, ubi satis tuto custodiretur, (1) expediebant. obstupuerant ad magnitudinem pristinæ ejus fortunæ virtutisque, & neque ipsi domum recipere custodiendum audebant, nec cuiquam uni custodiam ejus satis credebant. admonent deinde quidam, esse thesaurum publicum sub terra, faxo quadrato septum. eo vinctus demittitur, & saxum ingens, quo operitur, (2) machina superimpositum est. ita loco potius, quam homini cuiquam credendam custodiam rati, lucem insequentem exspectaverunt. Postero die multitudo quidem integra, memor pristinorum ejus in civitatem meritorum, parcendum, ac per eum remedia quærenda esse præsentium malorum, censebant: defectionis auctores, quorum in manu res publica erat, in secreto consultantes omnes ad necem ejus consentiebant: sed utrum maturarent, an differrent, ambigebatur. vicit pars avidior poenæ: missusque qui venenum ferret. Accepto poculo, nihil aliud locutum ferunt, quam quæsisse, si incolumis Lycortas (is alter imperator Achæorum erat) equitesque evasisset. posteaquam dictum est incolumes esse; *bene habet*, inquit. & poculo impavide exhausto, haud ita multo post expiravit. Nec diuturnum mortis ejus gaudium auctoribus crudelitatis fuit. (3) victa namque Messene bello exposecentibus Achæis no-

xios

(1) *deliberare poterant.*

(2) *b. e. trochlea, vel alio instrumento ad levandas moles idoneo.*

(3) *Lycorta Prætor Achæorum.*

xios dedit, (1) ossaque reddita Philopoemenis sunt : sepultus ab universo Achaico est concilio , adeo omnibus humanis conceitis honoribus , ut ne (2) divinis quidem abstineretur . Ab scriptoribus rerum Græcis Latinisque tantum huic viro tribuitur , ut a quibusdam eorum , velut ad insignem notam hujus anni , memoriæ mandatum sit , tres claros imperatores eo anno decessisse , Philopoemenem , Annibalem , P. Scipionem . adeo in æquo eum * duarum potentissimarum gentium summis imperatoribus posuerunt .

* al.
duo-
bus.

CAPUT XXXV.

Annibal a Prusia Bithyniæ rege , ad quem , victo Antiocho , confugerat , sentiens se dedi Romanis , per T. Quintium legatum exposcentibus , sibi veneno mortem consciscit .

AD Prusiam regem legatus T. Quintius Flamininus venit , quem suspectum Romanis & receptus post fugam Antiochi Annibal , & bellum adversus Eumenem motum faciebat . ibi seu quia a Flaminino inter cætera objectum Prusiæ erat , hominem omnium qui viverent infestissimum populo Romano apud eum esse : qui patriæ suæ primum , deinde fractis ejus opibus , Antiocho regi auctor belli adversus populum Romanum fuisset : seu quia ipse Prusias , ut gratificaretur præsentī Flaminino Romanisque , per se necandi , aut tradendi ejus in potestatem consilium cepit : a primo colloquio Flaminini milites extemplo ad domum Annibalis custodiendam missi sunt . Semper talem exitum vitæ suæ Annibal

51a

pro-

(1) urnam , in qua illa ossa condita fuerant cum cineribus , Polybius Lycortæ filius detulit , qui horum bellorum historiam accurate scripsit .

(2) Achæi templum posuerunt , sanxeruntque , ut quotannis ei taurus immolaretur , & præconia rerum ab eo gestarum cum hymnis ab adolescentibus canerentur .

prospexerat animo, & Romanorum inexpiabile odium in se cernens, & fidei regum nihil sane confusus. Prusiæ vero levitatem etiam expertus erat. Flaminini quoque adventum velut fatalem sibi horruerat. ad omnia undique infesta ut iter semper aliquod præparatum fugæ haberet, septem exitus e domo fecerat, & ex iis quosdam occultos, ne custodia sepirentur. sed (1) græve imperium regum nihil inexploratum, quod investigari volunt, efficit. totius circuitum domus ita custodiis complexi sunt, ut nemo inde elabi posset. Annibal, posteaquam est nuntiatum, milites regios in vestibulo esse: postico, quod devium maxime atque occultissimi exitus erat, fugere conatus, ut id quoque occursum militum obseptum sensit, & omnia circa clausa custodiis dispositis esse: venenum, quod multo ante præparatum ad tales habebat casus, poposcit. Et, *liberemus*, inquit, *diuturna cura P. R. quanto mortem* (2) *senis expectare longum censent. nec magnam, nec memorabilem ex inermi proditoque Flamininus victoriam feret. mores quidem P. R. quantum mutaverint, vel hic dies argumento erit.* (3) *Horum patres Pyrrho regi hosti armato exercitum in Italia habenti, ut a veneno caveret, prædixerunt: hi legatum consularem, qui auctor esset Prusiæ per scelus occidendi hospitis, miserunt. Exsecratus deinde in caput regnumque Prusiæ, & hospitales deos violatæ ab eo fidei testes invocans, poculum exhausit. Hic vitæ exitus fuit* 52. *Annibalis.*

CA-

- (1) *urgens.* (2) *septuagesimum agebat annum.*
 (3) *in epit. l. 13. cum C. Fabricio cos. is, qui ad eum a Pyrrho transfugerat, polliceretur se regi venenum daturum, cum indicio ad regem remissus est. extat apud Gell. 3. 8. epistola consulum ad Pyrrhum.*

CAPUT XXXVI.

Non hoc anno, quod quidam scribunt, mortuum P. Scipionem Africanum, colligitur.

Scipionem & Polybius & Rutilius hoc anno mortuum scribunt. Ego neque his, neque (1) Valerio assentior: his, quod censoribus M. Porcio, L. Valerio principem senatus ipsum L. Valerium censorem lectum invenio, cum superioribus tribus lustris Africanus fuisset: quo vivo, nisi ut ille senatu moveretur, quam notam nemo memoriæ prodidit, alius princeps in locum ejus lectus non esset. Antiatem auctorem refellit tribunus plebis M. Nævius: adversus quem oratio inscripta P. Africani est. Hic Nævius in magistratuum libris est tribunus pl. P. Claudio. L. Porcio coss.: sed iniit tribunatum Appio Claudio, M. Sempronio coss. ad quartum idus Decembres. inde (2) tres menses ad idus Martias sunt: quibus P. Claudius, L. Porcius consulatum inierunt. ita & vixisse in tribunatu Nævii videtur: diesque ei dici ab eo potuisse: decessisse autem ante L. Valerii & M. Porcii censuram.

CAPUT XXXVII.

Exitus infelix trium summorum virorum Annibalis, Scipionis, Philopæmenis inter se confertur.

Trium clarissimorum suæ cujusque gentis virorum non magis tempore (3) congruente com-

(1) Antiati; qui in annum superiorem conferebat Scipionis obitum; coss. P. Claudio, & L. Porcio, cum Censores essent M. Porcius Cato, & L. Valerius Flaccus.

(2) intra hos menses, ante consulatum P. Claudii, & L. Porcii, & censuram L. Valerii, & M. Porcii, videtur Scipio obiisse. sic Cic. de Senect. c. 6. anno ante me censorem mortuus est.

(3) eodem ferme anno perierunt.

comparabilis mors videtur esse, quam quod nemo eorum satis dignum splendore vitæ exitum habuit. jam primum omnes non in patrio solo mortui, nec sepulti sunt. veneno absumpti Annibal & Philopoemen: exul Annibal proditus ab hospite: captus Philopoemen in carcere & in vinculis exspiravit. Scipio, etsi non exul, neque damnatus, die tamen dicta, ad quam non affuerat, reus absens citatus, voluntarium non sibi met ipse solum, sed etiam funeri suo exilium indixit.

CAPUT XXXVIII.

Demetrius, placata merito suo Senatus ira in patrem Philippum, in Macedoniam revertitur: cum propterea ingenti favore vulgo a Macedonibus conspiceretur, magnam & apud patrem Philippum, & fratrem Persea invidiam subit. Philippus interim Romanorum mandatis obtemperans, ut omnem suspicionem avertat, Thracibus bellum infert.

53. **D**Um ea in Peloponneso, a quibus divertit oratio, geruntur: reditus in Macedoniam Demetrii legatorumque aliter aliorum affecerat animos. vulgus Macedonum, quos belli ab Romanis imminenti metus terruerat, Demetrium, ut pacis auctorem, cum ingenti favore conspiciebant: simul & spe haud dubia regnum ei post mortem patris destinabant. nam etsi minor ætate, quam Perseus esset: hunc tamen iusta matre familias, illum (1) pellice ortum esse: illum, ut ex vulgato corpore genitum, nullam certi patris notam habere: hunc insignem Philippi similitudinem præ se ferre. Ad hoc, Romanos Demetrium in paterno solio locaturos: Persei nullam apud eos gratiam esse. Hæc vulgo loquebantur. itaque & Persea cura angebat, ne parum

rum

(1) Perseus natus est ex Gnathenio, Argiva Saltrice. illum ipsa Philippi uxor supposuit.

rum pro se una ætas valeret, cum omnibus aliis rebus frater superior esset: & Philippus ipse, (1) vix sui arbitrii fore, quem heredem regni relinqueret, credens, sibi quoque graviolem esse, quam vellet, minorem filium censebat. offendebar interdu concursu Macedonum ad (2) eum: & alteram jam se vivo regiam esse indignabatur. Et ipse juvenis haud dubie inflator redierat, subnixus erga se iudicii senatus, concessisque sibi, quæ patri negata essent. & omnis mentio Romanorum, quantam dignitatem ei apud cæteros Macedonas, tantam invidiam non apud fratrem modo, sed etiam apud patrem conciliabat. utique posteaquam alii legati Romani venerunt, & cogebar decedere Thracia, præsidiaque deducere, & alia aut ex decreto priorum legatorum, aut ex nova constitutione senatus facere: sed omnia moerens quidem & gemens; eo magis, quod filium frequentiore prope cum illis, quam secum cernebat. obedienter tamen adversus Romanos faciebat, ne quam movendi extemplo belli causam præberet. avertendos etiam animos a suspitione talium consiliorum ratus, mediam in Thraciam, exercitum in Odrysas & Dantheletas & Bessos duxit. Philippopolin urbem fuga desertam oppidanorum, qui in proxima montium juga cum familiis receperant sese, cepit: campestresque barbaros, depopulatus agros eorum, in deditiorem accepit. relicto inde ad Philippopolin præsidio, quod haud multo post ab Odrysis expulsus est, oppidum in Deuriopo condere instituit. Pæoniæ ea regio est prope Brigonum fluvium, qui ex Illyrico per Pæoniam fluens in Axium annem * edi- * al. tur. Haud procul Stobis, vetere urbe, novam clabatur. urbem Perseida, ut is filio majori haberetur honos, appellari iussit.

C A-

(1) annitentibus fortasse Romanis, ut Demetrius succederet. (2) Demetrium.

CAPUT XXXIX.

Galli, qui Alpes transgressi sedem in agro Aquilejensi sine populi Romani permisso occupaverant, venientes in Marcelli cos. deditionem rebus omnibus spoliantur: mittentes Romam ad Senatum legatos omnia sua impetrant, ea conditione, ut Italia excedant.

DUm hæc in Macedonia geruntur, coff. in provincias profecti. Marcellus nuntium premisit ad L. Porcium proconsulem, ut ad novum Gallorum oppidum legiones admoveret. advenienti consuli Galli sese dediderunt. duodecim millia armatorum erant. plerique arma ex agris rapta habebant. ea ægre patientibus iis adempta, quæque alia aut populantes agros rapuerant, aut secum attulerant. de his rebus qui quererentur, legatos Romam miserunt. Introducti in senatum a C. Valerio prætore exposuerunt: se, superante in Gallia multitudine, inopia coactos agri & egestate, ad quærendam sedem Alpes transgressos. quæ inculta per solitudines viderent, ibi sine ullius injuria consedissee, oppidum quoque ædificare cœpisse: quod indicium esset, nec agro nec urbi ulli vim allaturos venisse. nuper M. Claudium ad se nuntium misisse, bellum se cum iis, ni dederentur, gesturum. se certam, etsi non speciosam pacem, quam incerta belli præoptantes, dedisse se prius in fidem, quam in potestatem populi Romani. post paucos dies iussos & agro & urbe decedere, sese tacitos abire quo terrarum possent, in animo habuisse. arma deinde sibi, & postremo omnia alia quæ ferrent agerentve, adempta. orare se senatum P. Q. R. ne in se innoxios deditos acerbius, quam in hostes, sævirent. Huic orationi senatus ita responderi iussit. Neque illos recte fecisse, cum in Italiam venerint, oppidumque in alieno agro, nullius Romani magistratus, qui ei provincie præset, permisso ædificare conati sint: neque senatui placere deditos spoliari. itaque se cum iis legatos ad cos. mis-

su-

furos. qui si redeant unde venerint, omnia iis sua reddi jubeant: quique protinus eant trans Alpes, & denuntient Gallicis populis, multitudinem suam domi contineant. Alpes prope inexsuperabilem finem in medio esse. (1) non utique iis melius fore, quam qui eas primi pervias fecissent. Legati missi L. Furius Purpureo, Q. Minutius, L. Manlius Acidinus. Galli redditis omnibus quæ sine cujusquam injuria habebant, Italia exceſſerunt. Legatis Romanis transalpini populi benigne responderunt. seniores eorum nimiam lenitatem populi Romani castigarunt, quod eos homines, qui gentis injussu profecti occupare agrum imperii Romani, & in alieno solo ædificare oppidum conati sunt, impunitos dimiserint. debuisse gravem temeritatis mercedem statui. quod vero etiam sua reddiderint, vereri ne tanta indulgentia plures ad talia audenda impellantur. Et exceperunt & profecuti cum donis legatos sunt.

CAPUT XL.

*Cof. M. Claudius Istris bellum infert: coloniæ deducuntur, Mutina, Parma, & Saturnia: in citiore Hispania rem bene gerit A. Terentius pro-
prator.*

M Claudius cof. Gallis ex provincia exat-
tis, Istricum bellum moliri cœpit, literis ad senatum missis, ut sibi in Istriam traducere legiones liceret. Id senatui placuit. Illud agitabant, uti colonia Aquilejam deduceretur. nec satis constabat, utrum Latinam, an civium Romanorum deduci placeret. Postremo Latinam potius coloniam deducendam patres censuerunt. triumviri creati sunt P. Scipio Nasica, C. Flaminus, L. Manlius Acidinus. Eodem anno Mutina & Parma coloniæ Romanorum civium sunt de-

(1) non minus male habebunt, quam habuerunt Senones, & Pœni, qui primi eas pervias fecerunt.

- deductæ. bina millia hominum in agro, qui proxime Bojorum, ante Tuscorum fuerat, octona jugera Parmæ, quina Mutinæ acceperunt. deduxerunt triumviri M. Æmilius Lepidus, T. Æbutius Carus, L. Quintius Crispinus. Et Saturnia colonia civium Romanorum in agrum Caletranum est deducta. deduxerunt triumviri Q. Fabius Labeo, C. Afranius Stellio, Tib. Sempronius Gracchus. jugera in singulos data decem.
36. Eodem anno A. Terentius proprætor haud procul flumine Hero in agro Ausetano & prælia secunda cum Celtiberis fecit, & oppida, quæ ibi communierant, aliquot expugnavit. Ulterior Hispania eo anno in pace fuit: quia & P. Sempronius proprætor diutino morbo est implicitus, & nullo laceffente peropportune quieverunt Lusitani. Nec in Liguribus memorabile quicquam a Q. Fabio cos. gestum.

CAPUT XLI.

Comitia consularia, atque prætoria habentur: coff. sunt Cn. Bæbium Tamphilus, & L. Æmilius Paulus; fit causa prodigiorum supplicatio.

Marcellus ex Istria revocatus, exercitu dimisso, Romam comitiorum causa rediit. Creavit coff. Cn. Bæbium Tamphilum, & L. Æmilium Paulum. Cum M. Æmilio Lepido (1) hic ædilis curulis fuerat, a (2) quo consule quintus annus erat, cum is ipse Lepidus post (3) duas repulsas cos. factus esset. Prætores inde facti Q. Fulvius Flaccus, M. Valerius Lavinus, L. Manlius iterum, M. Ogulnius Gallus, L. Cæcilius Denter, C. Terentius Istra. Supplicatio extremo anno fuit prodigiorum causa, quod sanguinem per biduum pluuisse in area Concordiæ satis credebant: nuntiaturumque erat, haud procul Sicilia insulam, quæ non ante fuerat,

{1} Paulus. (2) Lepido.

{3} ergo septem saltem anni intercefferant.

rat, (1) novam editam e mari esse. Annibalem hoc anno Antias Valerius decessisse auctor est, legatis ad eam rem ad Prusiam missis, præter T. Quintium Flaminium, cujus in ea re celebre est nomen, L. Scipione Asiatico, & P. Scipione Nalica.

LIBER XL.

CAPUT I.

A consulibus, atque prætoribus fit provinciarum sortitio: exercitus scribuntur: prodigia procurantur.



Rincipio insequentis anni cons. præ-
toresque sortiti provincias sunt. ^{U.C. 568.}
consulibus nulla, præter Ligures,
quæ decerneretur, erat. Jurisdictio
urbana M. Ogulnio Gallo, inter
peregrinos M. Valerio evenit. His-
paniarum Q. Fulvio Flacco citerior, P. Manlio
ulterior, L. Cæcilio Dentri Sicilia, C. Teren-
tio Istræ Sardinia. Cons. delectus habere jussi.
Q. Fabius ex Liguribus scripserat, Apuanos ad
rebellionem spectare, periculumque esse, ne im-
petum in agrum Pisanum facerent. Et ex His-
paniis citeriorem in armis esse, & cum Celtibe-
ris bellari sciebant: in ulteriore, quia diu æger
prætor esset, luxuria & otio solutam discipli-
nam militarem esse. Ob ea novos exercitus con-
scribi placuit: quatuor legiones in Ligures, uti
singulæ quina millia & ducenos pedites, trece-
nos haberent equites: sociorum iisdem Latini
nominis quindecim millia peditum addita, & o-
ctingenti equites. hi duo consulares exercitus
essent. scribere præterea jussi septem millia pe-
ditum sociorum ac Latini nominis, & quadrin-
gen-

(1) de illa agunt Scalig. ad Euseb. chron. num.
1818. & Sam. Petitus 1. observ. 1.

gentos equites, & mittere ad M. Marcellum in Galliam: cui ex consulatu prorogatum imperium erat. in Hispaniam etiam utranque quæ ducebantur, quatuor millia peditum civium Romanorum, & CC. equites, & sociorum septem millia peditum cum CCC. equitibus scribi iussa. & Q. Fabio Labeoni cum exercitu, quem habebat in Liguribus, prorogatum in annum imperium est.

2. Ver procellosum eo anno fuit. pridie (1) Palilia medio ferme die atrox cum vento tempestas coorta, multis sacris prophanisque locis stragem fecit: signa ænea in Capitolio dejecit, forem ex æde (2) Lunæ, quæ in Aventino est, raptam tulit, & in posticis * partibus Cereris templi affixit: signa alia in Circo maximo cum columnis, quibus superstabant, evertit: fastigia aliquot templorum a culminibus abrupta foede dissipavit. itaque in prodigium versa ea tempestas, procurarique aruspices jusserunt. simul procuratum est, quod tripedem mulum Reate natum nuntiatum erat: & a Formiis eodem Apollinis Cajetæ de coelo tactam. ob ea prodigia viginti hostiis majoribus sacrificatum est, & diem unum supplicatio fuit. Per eosdem dies ex literis A. Terentii prætoris cognitum, P. Sempronium in ulteriore provincia, cum plus annum eger fuisset, mortuum esse. eo maturius in Hispaniam Prætores jussi proficisci.

* al.
parietibus.

CA-

(1) die Aprilis 20. alii Palilia. festa Deæ Palis. Hoc die Romulus urbem fundavit.

(2) hanc adem a Ser. Tullio dedicatam auctor est Tacit. 15. 41.

CAPUT II.

Introducuntur in senatum transmarinæ legationes : Martius ex Macedonia reversus admodum suspectum facit regem Philipbum ; cujus insignis in suos crudelitas , simulque Theoxenæ fœminæ in liberos suos , atque sororis , ac tandem in se , virumque suum , ne veniat in potestatem Philippi , atrox facinus narratur .

Legationes transmarinæ deinde in senatum introductæ sunt , prima Eumenis & (1) Pharnacis regum , & Rhodiorum querentium de Sinopensium (2) clade . Philippi quoque legati , & Achæorum , & Lacedæmoniorum , sub idem tempus venerunt . iis , prius Martio audito , qui ad res Græciæ Macedoniaeque visendas missus erat , responsa data sunt . Asiæ regibus ac Rhodiis responsum est , legatos ad eas res visendas missurum senatum . De Philippo auxerat curam 3 . Martius . nam ita fecisse eum quæ senatui placuissent , fatebatur , ut facile appareret , non diutius , quam (3) necesse esset , facturum . neque obscurum erat , rebellaturum : omniaque quæ tunc ageret diceretque , eo spectare . Jam primum omnem fere multitudinem ex maritimis civitatibus cum familiis suis in Emathiam , quæ nunc dicitur , quondam appellata Pœonia est , traduxit : Thracibusque & aliis barbaris urbes tradidit habitandas : fidiora hæc genera hominum fore ratus in Romano bello . Ingentem ea res fremitum tota Macedonia fecit . relinquentesque penates suos cum conjugibus ac liberis , pauci tacitum dolorem continebant : execrationesque in

Tom. IV.

N

agmi-

(1) hic Mithridatis pater , Rex Ponti .

(2) de hac nihil antea Livius . at Strabo 12. 545 . narrat , Sinopen urbem liberam , ac sui juris a Pharnace expugnatam . Rhodii autem Sinopensibus auxilium tulerant , teste Polyb. 4. 56 .

(3) necessitate cogeretur .

- agminibus proficiscentium in regem, vincente odio metum, exaudiebantur. His ferox animus, omnes homines, omnia loca temporaque suspecta habebat. postremo negare propalam coepit, satis tutum sibi quicquam esse, nisi (1) liberos eorum quos interfecisset, comprehensos in custodia haberet, & tempore alium alio tolleret. Eam crudelitatem foedam per se, foediorum unius domus clades fecit. Herodicum principem Thessalorum multis ante annis occiderat. generos quoque ejus postea interfecit. in viduitate relictæ filiæ, singulos filios parvos habentes. Theoxena & Archo nomina his mulieribus erant. Theoxena multis petentibus aspernata nuptias est. Archo Poridi cuidam longe principi gentis Æneatum nupsit, & apud eum plures enixa parvus, parvis admodum relictis omnibus, decessit. Theoxena, ut in suis manibus liberi sororis educarentur, Poridi nupsit: & tanquam omnes ipsa enixa foret, suum sororisque filios in eadem habebat cura. posteaquam regis editum de comprehendendis liberis eorum qui interfecti essent, accepit, ludibrio futuros non regis modo, sed custodum etiam libidini rata, ad rem atrocem animum adjecit, ausaque est dicere, se sua manu potius omnes interfectorum, quam in potestatem Philippi venirent. Poris abominatus mentionem tam foedi facinoris, Athenas deportaturum eos ad fidos hospites dixit, comitemque ipsum fugæ futurum esse. Proficiscuntur ab Thessalonica Æneam ad statum sacrificium, quod (2) conditori Æneæ cum magna cæremonia quotannis faciunt. ibi die per solennes epulas consumpto, navem præparatam a Poride, sopitis omnibus, de tertia vigilia conscendunt, tanquam redituri Thessalonicam, sed trajicere in Eubœam erat propositum. cæterum in adversum ventum nequicquam eos tendentes prope

(1) v. *Arist.* 2. *Rhet.* 21.

(2) Æneadasque meo nomen de nomine fingo.
Virg. 3. 18.

pe terram lux oppressit, & regii, qui præerant custodiæ portus, lembum armatum ad pertrahendam eam navim miserunt, cum gravi edicto, ne reverterentur sine ea. Cum jam appropinquabant, Poris quidem ad hortationem remigum, nautarumque intentus erat. interdum manus ad cælum tendens, opem ut dii ferrent, orabat. ferox interim foemina ad multo ante præcogitatum revoluta facinus, venenum diluit, ferrumque promit. & posito in conspectu poculo, stridentisque gladiis, *Mors, inquit, una vindicta est. via ad mortem hæ sunt. qua quæque animus fert, effugite superbiam regiam. agite juvenes mei, primum qui majores estis, capite ferrum: aut haurite poculum, si segnior mors juvat.* Et hostes aderant, & auctor mortis instabat. alii alio leto absumpti, semianimes e nave præcipitantur. ipsa deinde virum comitem mortis complexa, in mare sese dejecit. nave vacua dominis regii potiti sunt.

CAPUT III.

Referuntur initia certaminum inter Philippi filios Persea, & Demetrium: horum causa est Persei invidia, qui ferens iniquo animo, fratrem & benevolentia apud Macedones, & gratia apud Romanos in dies magis crescere, ad prava contra illum consilia animum adjiciens, capta occasione ad patrem tanquam reum insidiarum desert: pater aversatus primum fraternam discordiam, iussis deinde coram se disceptare, iudicium constituit.

HUjus atrocitas facinoris novam velut flammam regis invidiæ adjecit, ut vulgo ipsum liberosque ejus execrarentur. quæ diræ brevi ab omnibus diis exauditiæ, ut sæviret ipse in suum sanguinem, effecerunt. Perseus enim, cum in dies magis cerneret favorem dignitatemque Demetrii fratris apud Macedonum multitudinem crescere, & gratiam apud Romanos, sibi spem

nullam regni superesse nisi scelere ratus, ad id unum omnes cogitationes intendit. cæterum cum se ne ad id quidem, quod muliebri cogitabat animo, satis per se validum crederet: singulos amicorum patris tentare sermonibus perplexis institit, & primo quidam ex his, aspernantium tale quicquam speciem præbuerunt, quia plus in Demetrio spei ponebant. deinde crescente in dies Philippi odio in Romanos, cui Perseus indulgeret, Demetrius summa ope adversaretur, prospicientes animo exitum incauti a fraude fraterna juvenis, adjuvandum quod futurum erat rati, fovendamque spem potentioris, Perseo se adjungunt: cætera in suum quæque tempus agenda differunt. in præsentia placet, omni ope in Romanos accendi regem, impellique ad consilia belli, ad quæ jam sua sponte animum inclinasset. simul ut Demetrius in dies suspectior esset, ex composito sermones (1) ad spem Romanorum trahabant. ibi cum alii mores & instituta eorum, alii res gestas, alii speciem ipsius urbis nondum exornatæ neque publicis neque privatis locis, alii singulos principum eluderent: juvenis incautus & amore nominis Romani, & certamine adversus fratrem, omnia tuendo, suspectum se patri, & opportunum criminibus faciebat, itaque (2) expertem eum pater omnium de rebus Romanis consiliorum habebat. totus in Persea versus, cum eo cogitationes ejus rei dies ac noctes agitabat. Redierant, quos forte miserat in Bastarnas ad arcescenda auxilia: adduxerantque inde nobiles juvenes, & regii quosdam generis. quorum unus sororem suam in matrimonium Philippi filio pollicebatur: erexeratque consociatio gentis ejus animum regis. Tum Perseus, *quid ista profunt?* inquit. *nequaquam tantum in externis auxiliis est præsidii, quantum periculi fraude domestica, proditorum nolo dicere, certe speculatorem habemus in sinu;*

(1) ad spem fovendam, aut patefaciendam, quam Demetrius in Romanis ponebat. alii; ad spretionem. (2) participem non faciebat.

nu: cujus, ex quo obses Romæ fuit, corpus nobis reddiderunt Romani, animum ipsi habent. Omnium pene Macedonum in eum ora conversa sunt, nec regem se alium habituros ajunt, quam quem Romani dedissent. His per se ægra mens senis stimulabatur, & animo magis, quam vultu, ea crimina accipiebat. Forte (1) lustrandi exercitus venit tempus: cujus solenne est tale. Caput mediæ canis præcisæ, & prior pars ad dexteram cum extis, posterior ad lævam viæ ponitur. inter hanc divisam hostiani copię armatæ traducuntur. præferuntur primo agmini arma insignia oninium ab ultima origine Macedoniæ regum, deinde rex ipse cum liberis sequitur. proxima est regia cohors, custodesque corporis: postremum agmen Macedonum cætera multitudo claudit. latera regis duo filii juvenes cingebant; Perseus jam tricesimum annum agens, Demetrius quinquennio minor: medio juventæ robore ille, hic flore: fortunati patris matura soboles, si mens sana fuisset. Mos erat, lustrationis sacro peracto, exercitum decurrere, & divisas bisariam duas acies concurrere ad simulacrum pugnæ. regii juvenes duces ei ludicro certamini dati. cæterum non imago fuit pugnæ, sed tanquam de regno dimicaretur, ita concurrerunt: multaque vulnera sudibus facta, nec præter ferrum quicquam defuit ad justam belli speciem. Pars ea, quæ sub Demetrio erat, longe superior fuit. id ægre patiente Perseo, lætari prudentes amici ejus, eamque rem ipsam dicere præbituram causam criminandi juvenis. Convivium eo die sodalium, qui simul decurrerant, uterque habuit. cum vocatus ad coenam ab Demetrio Perseus negasset, festo die invitatio benigna, & hilaritas juvenilis utrosque in vinum traxit. commemoratio ibi certaminis ludicri, & jocosa dicta in adversarios, ita ut ne ipsis quidem ducibus abstineretur, jactabantur.

N 3 ad

(1) ea lustratio exercitus dicebatur, ἑορτή εὐραίας, & celebrabatur ad diem 8. Xanthici. h. e. Aprilis. Eam lustrationem describit Curtius l. 10. c. 9.

ad has excipiendas voces speculator ex convivis Persei missus, cum incautior obversaretur, exceptus a juvenibus forte triclinio egressis, male multatur. Hujus rei ignarus Demetrius, *quis comestatum*, inquit, *ad fratrem imus? & irana ejus, si qua ex certamine residet, simplicitate & hilaritate nostra lenimus?* omnes se ire conclamarunt, præter eos, qui speculatoris ab se pulsati præsentem ultionem metuebant. cum eos quoque Demetrius traheret, ferrum veste abdiderunt, quo se tutari, si qua vis fieret, possent. Nihil occulti esse in intestina discordia potest. utraque domus speculatorum & proditorum plena erat. præcurrit index ad Persea, ferro succinctos nuntians cum Demetrio quatuor adolescentes venire. etsi causa apparebat (nam ab iis pulsatum convivam suum audierat) tamen infamandæ rei causa januam obserari jubet: & ex parte superiore ædium, versisque in viam fenestris, comestatores tanquam ad cædem suam venientes aditu januæ arcet. Demetrius per vinum quod excluderetur, paulisper vociferatus, in convivium redit, totius rei ignarus. Postero die Perseus, quum primum conveniendi potestas patris fuit, regiam ingressus, perturbato vultu in conspectu patris tacitus procul constitit. cui cum pater, *satin' salvæ? & quenam ea mæstitia esset?* interrogaret eum: De (1) lucro, pater, inquit, vivere me scito. jam non occultis a fratre petimur insidiis. nocte cum armatis domum ad interficiendum me venit: clausisque foribus, parietum præsidio me a furore ejus sum tutatus. Cum pavorem mistum admiratione patri injecisset: *Atqui si aures præbere potes*, inquit, *manifestam rem teneas faciam.* Enimvero se Philippus dicere auditurum, vocarique extemplo Demetrium jussit: & seniores duos amicos, * expertos inter fratres certami-

• al.
ex-
per-
tes.

(1) *lucrum* ait se putare, quod vivat. Horat. od. 1. 9. quem fors dierum cumque dabit, lucro appone. Cic. 9. ad Fam. 8., de lucro prope jam quadriennium vivimus.

minum, infrequentes jam in regia, Lyfimachum & Onomastum arcessit, quos in consilio haberet. Dum veniunt amici, solus, filio procul stante, multa secum animo volutans, inambulavit. posteaquam venisse eos nuntiatum est, secessit in partem interiorum cum duobus amicis, (1) totidem custodibus corporis. filiis ut ternos inermes secum introducerent, permisit. Ibi cum consedisset: *Sedeo, inquit, miserrimus pater iudex inter duos filios, accusatorem parricidii, & reum, aut confecti, aut admissi criminis labem apud meos inventurus. Jam pridem quidem hanc procellam imminentem timebam, cum vultus inter vos minime fraternos cernerem, cum voces quasdam exaudirem. sed interdum spes animum subibat, (2) deflagrare iras vestras, purgari suspiciones posse. etiam hostes armis positis fœdus icisse, & privatas multorum similitudines finitas. subituran vobis aliquando germanitatis memoriam, puerilis quondam simplicitatis consuetudinisque inter vos, meorum denique præceptorum: quæ vereor, ne vana surdis auribus cecinerim. Quoties ego audientibus vobis, detestatus exempla discordiarum frateriarum, horrendos eventus eorum retuli, qui se, stirpemque suam, domos, regna funditus evertissent? meliora quoque exempla parte altera posui, sociabilem consortionem inter (3) binos Lacedæmoniorum reges, salutarem per multa sæcula ipsis patriæque: eandem civitatem, posteaquam mos sibi cuique rapiendi tyrannidem exortus sit, eversam. jam hoc, Eumenem Atalumque fratres, a quam exiguis rebus, prope ut puderet regii nominis, mihi, Antiocho, & cuilibet regum hujus ætatis, nulla re magis, quam fraternæ unanimitate, regnum æquasse. ne Romanis quidem exemplis abstinui, quæ aut visa, aut audita habebam, T. & L. Quintiorum, qui bellum me-*

N 4 cum

(1) iisdem. (2) mitescere.

(3) Aristodemus quintus ab Hercule Proclen, & Eurysthenem genuit gemellos. horum gemellorum primogeniti usque ad Cleomenis ultimi tempora Remp. Lacedæmoniorum concordie rexere imperio.

cum gesserunt : P. & L. Scipionum , qui Antiochum , devicerunt ; patris patruisque eorum , quorum perpetuam vitæ concordiam mors quoque miscuit . neque vos illorum scelus , similisque sceleri eventus deterrevit a vecordi discordia potuit ; neque horum bona mens , bona fortuna ad sanitatem flectere . Vivo , & spirante me , hereditatem meam ambo & spe & cupiditate improba (1) crevistis . eousque me vivere vultis , donec alterius vestrum superstes , haud ambiguum regem alterum mea morte faciam . nec fratrem , nec patrem potestis pati . nihil cari , nihil sancti est : in (2) omnium vicem regni unius insatiabilis amor successit . Agite , conscelerate aures paternas : decernite criminibus , mox ferro decreturi : dicite palam quicquid aut veri potestis , aut comminisci libet . resecratae aures sunt , quæ posthæc secretis alterius ab altero criminibus clauduntur . Hæc furens ira cum dixisset , lacrymæ omnibus obortæ , & diu mœstum silentium tenuit .

CAPUT IV.

Perseus apud patrem Philippum insidiarum , affectatique regni crimine Demetrium fratrem reum agit .

9. **T**UM Perseus . Aperienda nimirum nocte janua fuit , & armati commissatores accipiendi , præbendumque ferro jugulum : quando non creditur nisi perpetratum facinus , & eadem petitus insidiis audio , quæ (3) latro atque insidiator . non nequicquam isti unum Demetrium filium te habere , me subditum , & pellice genitum appellant : nam si gradum , si caritatem filii apud te haberem , non in me querentem deprehensas insidias , sed in eum , qui fecisset , sævires ; nec adeo tibi vilis vita esset

no-

(1) adiistis .

(2) rebus omnibus amorem regni prætulistis .

(3) nam pater in ambos filios invehctus est . simul tamen Perseus indignatur .

nostra, ut nec præterito periculo meo movereris, neque futuro, si insidiantibus sis impune. itaque si mori tacitum oportet, taceamus, precati tantum deos, ut a me coeptum scelus, in me finem habeat, nec per meum latus tu petaris. sin autem, quod circumventis in solitudine natura ipsa subjicit, ut hominum, quos nunquam viderint, fidem tamen implorent, mihi quoque ferrum in me strictum cernenti, vocem mittere liceat: per te, patriumque nomen, quod utri nostrum sanctius sit, jampridem sentis, ita me audias precor, tanquam si voce & comploratione nocturna excitus mihi quiritali intervenisses, Demetrium cum armatis nocte intempesta in vestibulo meo deprehendisses. quod cum vociferarer in re præsentis pavidus, hoc nunc postero die queror. Frater, non commissantium in vicem jamdiu vivimus inter nos. regnare utique vis. huic spei tuæ obstat ætas mea, obstat gentium jus, obstat vetustus Macedoniæ mos, obstat vero etiam patris ^{a.} judicium. * ^{hac.} huc transcendere nisi per meum sanguinem non potes. omnia moliris & tentas. adhuc seu cura mea, seu fortuna restitit parricidio tuo. Hesternæ die in lustratione & decursu & simulacro ludicro pugnae funestum prope prælium fecisti. nec me aliud a morte vindicavit, quam quod me ac meos vinci passus sum. ab hostili prælio, tanquam fraterno lusu, pertrahere me ad cœnam voluisti. Credis me, pater, inter inermes convivas cœnatum fuisse, ad quem armati commissatum venerunt? credis nihil a gladiis nocte periculum fuisse, quem sudibus te inspectante prope occiderunt? Quid (1) hoc noctis, quid inimicus ad iratum, quid cum ferro succinctis juvenibus venis? convivam me tibi committere ausus non sum, commissatorem te cum armatis venientem recipiam? Si aperta janua fuisset, fânus meum parares hoc tempore, pater, quo querentem audis. Nihil ego tanquam accusator criminose, nec dubia argumentis colligendo ago. quid enim? negat se cum multitudine venisse ad januam meam? an ferro succinctos secum fuisse?

N

5

quos

(1) ea hora noctis. erat enim nox intempesta.

quos nominatim vero, arcesse. possunt quidem omnia audere, qui hoc ausi sunt, non tamen audebunt negare. si deprehensos intra limen meum cum ferro ad te deducerem, pro manifesto haberes: fatentes pro deprehensis habe. Exsecrare nunc cupiditatem regni, & furias fraternas concita. sed ne sint cæcæ, pater, exsecrationes tuæ, discerne & discipice insidiatorem, & petitum insidiis: noxium *
 10. huic esse caput. qui occisurus fratrem fuit, habeat etiam iratos paternos deos: qui periturus fraterno scelere fuit, perfugium in patris misericordia & iustitia habeat. quo enim alio confugiam? cui non solenne lustrale exercitus tui, non decursus militum, non domus, non epulæ, non nox ad quietem data naturæ beneficio mortalibus, tutæ est: si iero ad fratrem invitatus, moriendum est: si recepero intra januam consissatum fratrem, moriendum est. nec eundo, nec manendo insidias evito. quo me conferam? nihil præter deos, pater, & te colui. non Romanos habeo, ad quos confugiam, perisse expetunt, quia tuis injuriis doleo, quia tibi ademptas tot urbes, tot gentes, modo Thraciæ maritimam oram indignor. nec me, nec te incolumi, Macedoniam suam futuram sperant. si me scelus fratris, te senectus absumpserit, aut nec ea quidem expectata fuerit, regem regnumque Macedonia sua futura sciunt. Si quid extra Macedoniam tibi Romani reliquissent, mihi quoque id relictum crederem receptaculum. At in Macedonibus satis præsidii est. Vidisti hesterno die impetum in me militum, quid illis defuit, nisi ferrum? quod illis defuit interdiu, convivæ fratris noctu assumpserunt. Quid de magna parte principum loquar? qui in Romanis spem omnem dignitatis & fortunæ posuerunt, & in eo qui omnia apud Romanos potest. neque bercule istum mihi tantum fratri majori, sed prope est, ut tibi quoque ipsi regi & patri præferant. iste enim est, cujus beneficio pœnam tibi fenatus remisit, qui nunc te ab armis Romanis protegit, qui tuam senectutem obligatam & obnoxiam adolescentiæ suæ esse æquum censeret; pro isto Romani stant, pro isto omnes urbes tuo imperio liberatæ,
 pva

pro isto Macedones, qui pace Romana gaudent. mihi præter te, pater, quid usquam aut spei aut præsidii est? Quo spectare illas literas ad te nunc missas T. Quintii credis? quibus & bene te consuluisse rebus tuis ait, quod Demetrium Romam miseris, & hortatur, ut iterum, & cum pluribus legatis, & primoribus quoque Macedonum remittas eum. T. Quintius nunc est auctor omnium rerum isti & magister. eum sibi, te abdicato patre, in locum tuum substituit. illic ante omnia clandestina concocta sunt consilia: quærentur adjuutores consiliis, cum te plures & principes Macedonum cum isto mittere jubet. qui hinc integri & sinceri Romam eunt, Philippum regem se habere credentes, imbuti illinc & infecti Romanis delinimentis redeunt. Demetrius iis unus omnia est, eum jam regem vivo patre appellant. (1) Hæc si indignor, audiendum est statim non ab aliis solum, sed etiam a te, pater, cupiditatis regni crimen. ego vero, si in (2) medio ponitur, non agnosco. quem enim suo loco moveo, ut ipse in ejus locum succedam? unus ante me pater est, & ut diu sit, deos rogo. superstes ei ita sim, si merebor, (3) ut ipse me esse velit. hereditatem regni si pater tradet, accipiam. Cupit regnum, & quidem scelerate cupit, qui transcendere festinat ordinem ætatis, naturæ, moris Macedonum, juris gentium. Obstat frater major, ad quem jure, voluntate etiam patris regnum pertinet. tollatur: non (4) primus regnum fraterna cæde petiero. pater senex, & filio (5) solus orbatus, de se magis timebit, quam ut filii necem ulciscatur. Romani letabuntur,

N 6

pro-

- (1) omnia, quæ superius complexus sumi. causa autem, cur indignetur Perseus, est, quia pater in utroque fratre execratur regni cupiditatem, ut statim subjicit.
- (2) crimen in medio, ut utrique tribuatur.
- (3) ut ipse cupiat me esse superstitem.
- (4) nota sunt exempla Etheoclis, & Polynicis Thebis; Romuli, & Remi Romæ.
- (5) Pater solus erit orbatus: nam nec Demetrius orbatus erit patre, nec Macedones successore.

probabunt, defendent factum. Hæ spes incertæ, pater, sed non inanes sunt. ita enim res se habet: periculum vitæ propellere a me potes, puniendo eos, qui ad me interficiendum ferrum sumpserunt: si facinori eorum successerit, mortem meam idem tu persequi non poteris.

CAPUT V.

Demetrius Persei fratris accusationi coram Philippo patre respondet; neque tamen omni suspitione criminis se liberat.

12. **P**OSTEAQUAM dicendi finem Perseus fecit, con-
 jecti eorum qui aderam oculi in Demetrium
 sunt, velut confestim responsurus esset. deinde
 diu silentium fuit. Cum perfusum fletu appare-
 ret omnibus loqui non posse, tandem vicit do-
 lorem ipsa necessitas, cum dicere * juberent. at-
 que ita orsus est. Omnia quæ reorum antea fue-
 rant auxilia, pater, præoccupavit accusator. Simu-
 latis lacrymis in alterius perniciem, veras meas la-
 crymas suspectas tibi fecit. cum ipse ex quo ab Ro-
 ma redii, per occulta cum suis colloquia dies noctes-
 que insidiatur, ultro mihi non insidiatoris modo, sed
 latronis manifesti & percussoris speciem induit. Pe-
 riculo suo te exterrēt, ut innoxio fratri per eundem
 re maturet perniciem. perfugium sibi nusquam gen-
 tium esse ait, ut ego ne apud te quidem quicquam
 spei reliquæ habeam. circumventum, solum, ino-
 pem, invidia gratiæ externæ, quæ obest potius, quam
 prodest, onerat. Jam illud quam accusatorie, quod
 noctis hujus crimen miscuit cum cætera insectatione
 vitæ meæ? ut & hoc, quod jam quale sit scies,
 suspectum alio vitæ nostræ tenore faceret, & illam
 vanam criminationem spei, voluntatis, consiliorum
 meorum, nocturno hoc ficto & composito argumento
 fulciret. simul & illud quæsit, ut repentina &
 minime præparata accusatio videretur, quippe ex no-
 ctis hujus metu & tumultu repentino exorta. Opor-
 tuit autem, Perseu, si proditor ego patris regni que
 eram, si cum Romanis, si cum aliis inimicis patris
 inie-

* al.
jube-
retur.

inieram consilia, non expectatam fabulam noctis huius esse, sed proditionis meae ante me accusatum: si illa separata ab hac vana accusatio erat, invidiamque tuam adversus me magis, quam crimen meum indicatura, hodie quoque eam aut pratermitti, aut in aliud tempus differri: ut perspiceretur, utrum ego tibi, an tu mihi, novo quidem & singulari genere odii, insidias fecisses. ego tamen, quantum in hac subita perturbatione potero, separabo ea, quae tu confudisti, & noctis huius insidias aut tuas aut meas detegam. Occidendi sui consilium me inisse videri vult, ut scilicet maiore fratre sublato, cuius iure gentium, more Macedonum, tuo etiam, ut ait, iudicio regnum est futurum, ego minor in ejus, quem occidissem, succederem locum. quid ergo illa sibi vult pars altera orationis, quae Romanos a me cultos ait? atque eorum fiducia in spem regni me venisse? nam si & in Romanis tantum momenti esse credebam, ut quem vellent, imponerent Macedoniae regem, & mea tantum apud eos gratiae confidebam, quid opus parricidio fuit? an ut cruentum fraterna cedere diadema gererem? ut illis ipsis, apud quos aut vera, aut certe simulata probitate partam gratiam habeo, si quam forte habeo, execrabilis & invisus essem? nisi T. Quintium credis, cuius virtute & consiliis me nunc arguis regi, cum & ipse tali pietate vivat cum fratre, mihi fraternae cedis fuisse auctorem. Idem non Romanorum solum gratiam, sed Macedonum iudicia, ac paene omnium deorum hominumque consensum collegit, per quae omnia se mihi parem in certamine non futurum crediderit. idem, tanquam in aliis omnibus rebus inferior essem, ad sceleris spem ultimam confugisse me insinuat. Vis hanc formulam cognitionis esse, ut uter timuerit, ne alter dignior videretur regno, is consilium opprimendi fratris cepisse judicetur? Exsequamur tamen quocunque modo confecti ordinem criminis. Pluribus modis se petitem criminatus est, & omnes insidiarum vias in unum diem contulit. volui interdixi eum post lustrationem, cum concurrimus, & quidem, si diis placet, lustrationum die occidere. volui, cum ad cenam invitavi, veneno scilicet tollere. volui,

cum commissatum gladiis accincti me secuti sunt, ferro interficere. tempora quidem qualia sint ad parricidium electa, vides: lusus, convivii, commissationis. quis dies? qualis? quo lustratus exercitus, quo inter divisam victimam, praelatis omnium, qui unquam fuere, Macedoniae regum armis regiis, duo soli tua regentes latera, pater, praevehi sumus, & secutum est Macedonum agmen. (1) hoc ego, etiam si quid ante admissem piaculo dignum lustratus & expiatus sacro, tum cum maxime in hostiam itineri nostro circumdatam intuens, parricidium, venena, gladios in commissationem preparados volutabam in animo: (2) ut quibus aliis deinde sacris contaminatam omni scelere mentem expiarem? sed caecus criminandi cupiditate animus, dum omnia suspecta efficere vult, aliud alio confundit. nam si veneno te inter caenam tollere volui, quid minus aptum fuit, quam pertinaci (3) certamine & concursu iratum te efficere, ut merito, sicut fecisti, invitatus ad caenam abnueres? cum autem iratus negasses, utrum ut placarem te, danda opera fuit, ut aliam quaererem occasionem, quoniam senel venenum paraveram: an ab illo consilio velut transfiliendum ad aliud fuit, ut ferro te, & quidem eo die per speciem commissationis occiderem? quo deinde modo, si te metu mortis credebam caenam evitasse meam, non ab eodem metu commissationem quoque (4) evitaturum existimabam? Non est res qua erubescam, pater, si die festo inter aequales largiore vino sum usus: tu quoque velim inquiras, qua letitia, quo lusu apud me celebratum besternum convivium sit, illo etiam (pravo forsitan) gaudio provehente, quod in juvenili armorum certamine pars nostra non inferior fuerat. (5) miseria haec & metus crapulam

14.

(1) sacro.

(2) Plin. 13.3. ut qualiter sentiretur juvaretque ab ea parte corporis? ubi male quidam, ut quaeret, sentiretur, oleretque in ea. graeci *ἰρατὶ*.

(3) ludicro. (4) non recipiendo me domum tuam ad commissationem. (5) quia Demetrius periclitatur capite, miser est.

lam facile excusserunt : quæ si non intervenissent ,
 (1) insidiatores nos sopiti jaceremus . Si domum
 tuam expugnaturus , capta domo dominum interfe-
 cturus eram , non temperassem vino in unum diem ?
 non (2) milites abstinuissim meos ? Et ne ego me
 solus nimia simplicitate tuear , ipse quoque minime
 malus ac suspicax frater , nihil aliud scio , inquit ,
 nihil arguo , nisi quod cum ferro commissatum vene-
 runt . si quæram , unde id ipsum scieris ; necesse erit
 te fateri , aut speculatorum tuorum plenam domum
 fuisse meam , aut illos ita aperte sumpsisse ferrum ,
 ut omnes viderent . Et ne quid ipse aut prius in-
 quisisset , aut nunc criminose argumentari videretur ,
 te querere ex iis , quos nominasset , jubebat , an fer-
 rum habuissent ; ut tanquam in re (3) dubia , cum
 id quæsisses , quod ipsi fatentur , pro convictis habe-
 rentur . Quin tu illud quæri jubes , num tui occi-
 dendi causa ferrum sumpserint ? num me auctore
 & sciente ? hoc enim videri vis , non illud quod fa-
 rentur . & palam est , & sui se tuendi causa sum-
 pxisse dicunt . recte an perperam fecerint , ipsi sui fa-
 cti rationem reddent . meam causam , quæ nihilo eo
 facto contingitur , ne miscearis : aut explica , utrum
 aperte , an clam te aggressuri fuerimus ? si aperte ,
 cur non omnes ferrum habuimus ? cur nemo , præ-
 ter eos , qui tuum speculatorem pulsarunt ? si clam ,
 quis ordo consilii fuit ? (4) convivio soluto , cum
 commissator ego discessissem , quatuor substitissent , ut
 sopitum te aggrederebantur ? quomodo fessellissent , &
 alieni , & mei , & maxime suspecti , quia paulo an-
 te in rixa fuerant ? quomodo autem trucidato te i-
 pso evasuri ? quatuor gladiis domus tua capi & ex-
 pugnari potuit ? (5) Quin tu omissa ista nocturna
 fabula , ad id quod doles , quod (6) invidiam u-
 rit ,

15.

-
- (1) insidiatores , & sopiti repugnantia sunt . est
 ergo ironia .
 (2) alii : comites . nam supra sodales appellat .
 (3) non est dubium , quod reus fatetur . est igitur
 ironica oratio . (4) intellige , an .
 (5) prosopopœia est , qua loquens inducitur Porcia .
 (6) alii : invidia ; sento casu .

rit, reverteris? cur usquam regni tui mentio fit, Demetri? cur dignior patris fortunę successor quibusdam videris, quam ego? cur spem meam, quę, si tu non esses, certa erat, dubiam & sollicitam facis? Hęc sentit Perseus, et si non dicit: hęc istum inimicum, hęc accusatorem faciunt: hęc domum, hęc regnum tuum criminibus & suspicionibus replent. Ego autem, pater, quemadmodum nec nunc sperare regnum, nec (1) ambigere unquam de eo forsitan debeam, quia minor sum, quia tu me majori cedere vis: sic illud nec debui facere, nec debeo, ut indignus te patre, indignus omnibus videar. id enim vitiis meis, non cedendo cui jus fasque est, (2) hoc modestia consequar. Romanos objicis mihi, & ea quę glorię esse debent, in crimen vertis. ego nec obses Romanis ut traderer, nec ut legatus mitterer Romam, petii. a te missus, ire non recusavi. utroque tempore ita me gessi, ne tibi pudori, ne regno tuo, ne genti Macedonum essem. itaque mihi cum Romanis amicitię causa tu fuisti, pater. quoad tecum illis pax manebit, mecum quoque gratia erit. si bellum esse cęperit, qui obses, qui legatus pro patre non inutilis fui, idem hostis illis acerrimus ero. Nec hodie ut prosit mihi gratia Romanorum, postulo. ne obsit, tantum deprecor. nec in bello (3) cępit, nec ad bellum reservatur. pacis pignus fui. ad pacem retinendam legatus missus sum: neutra res mihi nec glorię nec crimini sit. Ego si quid impie in te, pater, si quid scelerate in fratrem admisi, nullam deprecor pœnam. si innocens sum, ne invidia conflagrem, cum crimine non possum, deprecor. Non hodie me primum frater accusat: sed hodie primum aperte, nullo meo in se merito. Si mihi pater succenseret, te majorem fratrem pro.

(1) contendere.

(2) alii pro hoc legunt non; hoc sensu: viderer indignus te patre si hęc vitia prę me ferrem. h. e. si non cederem, cui cedere jus fasque est, si ea modestia (scil. non cedendi) carerem. Sed fere omnes locum esse corruptum clamant.

(3) initium habuit.

pro minore deprecari oportebat : te adolescentiæ , te errori veniam impetrare . in eo ubi præsidium esse oportebat , ibi exitium est . E convivio & commissationibus prope semisomnus raptus sum ad causam parvicidii dicendam . sine advocatis , sine patronis ipse pro me dicere cogor . si pro alio dicendum esset , tempus ad meditandum & componendam orationem sumpsissem , cum quid aliud , quam ingenii fama periclitarer ? ignarus quid arcessitus essem , te iratum & jubentem dicere causam , fratrem accusantem audi-
vi . ille diu ante præparata , meditata in me oratione est usus : ego id tantum temporis , quo accusatus sum , ad cognoscendum quid ageretur habui . utrum momento illo horæ accusatorem audirem ? an defensionem meditarer ? attonitus repentino atque inopinato malo , vix quid objiceretur , intelligere potui , nedum satis sciam , quo modo me tuear . Quid mihi spei esset , nisi patrem judicem haberem ? apud quem etiam si caritate a fratre majore vincor , mise icordia certe reus vinci non debeo . ego enim ut me mihi tibiue serves , precor : ille ut me in securitatem suam occidas , postulat . quid eum , cum regnum ei tradideris , facturum credis in me esse , qui jam nunc sanguine meo sibi indulgeri æquum censet ? Dicenti hæc lacrymæ simul spiritum & vocem 16. intercluserunt . Philippus , summotis iis , paulisper collocutus cum amicis , pronuntiavit , non verbis se , nec unius horæ disceptatione causam eorum disjudicaturum : sed inquirendo in utriusque vitam , mores ; & dicta factaque in magnis parvisque rebus observando : ut omnibus appareret , nostris proximæ (1) crimen facile revictum , suspectam nimiam cum Romanis Demetrii gratiam esse . Hæc vivo Philippo velut semina jacta sunt Macedonici belli , quod maxime cum Perseo gerendum erat .

CAPUT VI.

Coss. Cn. Babius Tampbilus, & L. Æmilius Paulus cum Liguribus rem bene gerunt: prætor quoque Fulvius Flaccus in Hispania adversus Celtiberos feliciter pugnat, eorumque oppidum capit: Terentius, qui in eadem provincia rem prospere administraverat, ovans urbem ingreditur.

Consules ambo in Ligures, quæ tum una consularis provincia erat, proficiscuntur. & quia prospere ibi res gesserunt, supplicatio in unum diem decreta est. Ligurum duo millia fere ad extremum finem provinciæ Galliæ, ubi castra Marcellus habebat, venerunt, uti reciperentur, orantes. Marcellus, opperiri eodem loco Liguribus jussis, senatum per literas consuluit. senatus rescribere M. Ogulnium prætorem Marcello jussit, (1) verius fuisse, consules, quorum provincia esset, quam se, quid e repub. esset, decernere. tum quoque non (2) placere sibi, per deditiōem Ligures recipi, & receptis arma adimi. itaque eos ad consules mitti, senatum æquum censere. Prætores eodem tempore, P. Manlius in ulteriorem Hispaniam, quam & priore prætura provinciam obtinuerat, Q. Fulvius Flaccus in citeriorem pervenit, exercitumque a Terentio accepit. nam ulterior morte P. Sempronii proprætoris sine imperio fuerat. Fulvium Flaccum oppidum Hispanum Urbicuam nomine oppugnantem Celtiberi adorti sunt. * dura ibi prælia aliquot facta. multi Romani milites & vulnerati & interfecti sunt. victi perseverantia Fulvii, quod nulla vi abstrahi ab obsidione potuit, Celtiberi fessi præliis variis abscesserunt. urbs, amoto auxilio eorum, intra paucos dies capta & direpta est. prædam militibus

* al.
Grō.
din-
bia -

(1) *magis conveniens.*

(2) *non videri spoliandos esse armis eos, qui sponte se dederunt.*

bus prætor concessit. Fulvius hoc oppido capto, P. Manlius exercitu (1) tantum in unum coactō, qui dissipatus fuerat, nulla alia memorabili gesta re, exercitus in hiberna deduxerunt. Hæc ea æstate in Hispania gesta. Terentius, qui ea provincia decesserat, ovans urbem iniit. translatum argenti pondo IX. millia CCCXX. auri LXXX. pondo, & duæ coronæ aureæ pondo LXVII.

CAPUT VII.

Disceptatio de agro inter Carthaginienses, & Masanissam, cum legatis ab Roma missis difficile sit de ea statuere, ad senatum rejicitur.

Eodem anno inter populum Carthaginiensem^{17.} & regem Masanissam in (2) re præsentī disceptatores Romani de agro fuerunt. ceperat eum ab Carthaginiensibus pater Masanissæ Gala. Galam Syphax inde expulerat, postea in gratiam foci Afdrubalis, Carthaginiensibus dono dederat. Carthaginienses eo anno Masanissa expulerat. Haud minore certamine animorum, quam cum ferro & acie dimicarunt, res acta apud Romanos. Carthaginienses, quod primo majorum fuorum fuisset, deinde a Syphace ad se pervenisset, repetebant. Masanissa paterni regni agrum se & recepisse, & habere (3) jure gentium ajebat, & causa & possessione superiorem esse. nihil aliud se in ea disceptatione metuere, quam ne pudor Romanorum, dum vereantur ne quid focio atque amico regi adversus communes suos atque illius hostes indulgisse videantur, damno sit. Legati possessionis jus non mutarunt. causam integram Romam ad senatum rejecerunt.

C A-

(1) solummodo. (2) alii: in præsentī.

(3) jure belli.

CAPUT VIII.

Ex Liguribus provincia reversus Romam Cn. Bæbius consul, habitis comitiis, creat consules P. Cornelium Cethegum, M. Bæbium Tamphilum: creatis Prætoribus quoque, fit provinciarum sortitio: propter Istorum, Ligurumque maritimas incursiones classis instruitur.

IN Liguribus nihil postea gestum. recesserant primum in devios saltus. deinde dimisso exercitu, passim in vicos castellaque sua dilapsi sunt. Consules quoque dimittere exercitum voluerunt, ac de ea re Patres consuluerunt. Alterum ex his dimisso exercitu ad magistratus in annum creandos venire Romam jusserunt, alterum cum legionibus suis Pisum hiemare. Fama erat, Gallos transalpinos juventutem armare: nec inquam regionem Italiæ effusura se multitudo esset, sciebatur: ita inter se consules compararunt, ut Cn. Bæbius ad comitia iret, quia M. Bæbius frater ejus consulatum petebat. Comitibus consulibus rogandis fuere. Creati P. Cornelius Cethegus, M. Bæbius Tamphilus. Prætores inde facti duo Q. Fabii, Maximus & Buteo, T. Claudius Nero, Q. Petilius Spurinus, M. Pinarius Posca, L. Duronius. his, inito magistratu, provinciæ ita sorte evenerunt. Ligures consulibus: prætoribus, Q. Petilio urbana, Q. Fabio Maximo peregrina, Q. Fabio Buteoni Gallia, T. Claudio Neroni Sicilia, M. Pinario Sardinia, L. Duronio Apulia, & Istri adjecti, quod Tarentini Brundisini-
 que nuntiabant, maritimos agros infestos transmarinarum navium latrociniiis esse. eadem Massilienses de Ligurum navibus querebantur. Exercitus inde decreti. quatuor legiones consulibus, quæ quina millia ducenos Romanos pedites, trecenos haberent equites, & quindecim millia socium ac Latini nominis, octingentos equites. in Hispaniis prorogatum veteribus prætoribus imperium est, cum exercitibus quos haberent,
 &

18.
U.C.
569.

& in supplementum decreta tria millia civium Romanorum, ducenti equites, & socium Latini nominis sex millia peditum, trecenti equites. Nec rei navalis cura omissa. duumviros in eam rem consules creare jussi, per quos naves viginti deductæ navalibus sociis civibus Romanis, qui (1) servitutem servissent, complerentur: ingenui tantum in iis præessent. Inter duumviros ita divisa tuenda denis navibus maritima ora, ut promontorium iis Minervæ velut cardo in medio esset: alter in dexteram partem usque ad Massiliam, lævam alter usque ad Barium tueretur.

CAPUT IX.

Causa prodigiorum, lateque grassantis pestilentie fiunt Romæ sacrificia, supplicatioque per totam Italiam decernitur. cura opprimendi in Apulia Bacchanaliorum reliquias L. Duvonio prætori, qui eam provinciam sortitus erat, demandatur: a consulibus leges de ambitu feruntur: legationes deinde transmarinæ in senatum introducuntur.

Prodigia multa fœda & Romæ eo anno visa & ^{19.} nuntiata peregre. In Area Vulcani & Concordiæ sanguinem pluit, & pontifices hastas mortas nuntiavere, & Lanuvii simulacrum Junonis Sospitæ lacrymasse. & pestilentia in agris, forisque, & conciliabulis, & in urbe tanta erat, ut (2) libitina tunc vix sufficeret. His prodigiis cladibusque anxii patres decreverunt, ut & consules, quibus diis videretur, hostiis majoribus sacrificarent, & decemviri libros adirent. eorum decreto supplicatio circa omnia pulvinaria Romæ in diem unum indicta est. iisdem auctori-

ri-

-
- (1) libertinis. ea enim erat minus honorata militia.
 (2) vel significat id, quod ad curandum funus necessarium erat; nam in Libitinæ templo hujusmodi res venales erant; vel significat eos qui funebribus officiis obeundis præerant.

ribus & senatus censuit, & consules edixerunt, ut per totam Italiam triduum supplicatio & feriæ essent. Pestilentia tanta vis erat, ut, cum propter defectionem Corforum, bellumque ab Iliensibus concitatum in Sardinia, octo millia peditem ex sociis Latini nominis scribi placuisset, & CCC. equites, quos M. Pinarius prætor secum in Sardiniam trajiceret, tantum hominum demortuum esse, tantum ubique ægrorum consules renuntiaverint, ut is numerus effici militum non potuerit. quod deerat militum, sumere a Cn. Bæbio proconsule, qui Pisis hibernabat, jussus prætor, atque inde in Sardiniam trajicere. L. Duronio prætori, cui provincia Apulia evenerat, adjuncta de bacchanalibus quaestio est: cujus residua quædam velut semina ex prioribus malis jam priore anno apparuerant. sed magis inchoatæ apud L. Puppium prætorem quaestiones erant, quam ad exitum ullum perductæ. id persequere novum prætorem, ne serperet iterum latius, patres jusserunt. Et leges de ambitu consules ex auctoritate senatus ad populum

20. tulerunt. Legationes deinde in senatum introduxerunt, regum primas, Eumenis, & Ariarathis Cappadocis, & Pharnacis Pontici. nec ultra quicquam iis responsum est, quam missuros, qui de controversiis eorum cognoscerent statuerentque. Lacedæmoniorum deinde exulum & Achæorum legati introducti sunt. & spes data exulibus est, scripturum senatum Achæis, ut restituerentur. Achæi de Messene recepta, compositisque ibi rebus, cum assensu patrum exposuerunt.

CAPUT X.

Demetrius Philippi regis filius, quem jam ante Perseus frater fictis criminibus patri suspectum fecerat, ad ultimum scelerata fratris conspiratione de medio tollitur.

ET a Philippo rege Macedonum duo legati venerunt, Philocles & Apelles nulla super re, quæ

quæ ab senatu petenda esset : speculatum magis inquisitumque missi de iis, quorum Perseus Demetrium insimulasset, sermonum cum Romanis, maxime cum T. Quintio, adversus fratrem de regno habitorum. Hos tanquam medios, nec in alterius favorem inclinatos miserat rex. erant autem & hi Persei fraudis in fratrem ministri & participes. Demetrius omnium, præterquam fraterni sceleris, quod nuper eruperat, ignarus, primo neque magnam, neque nullam spem habebat, patrem sibi placari posse. minus deinde in dies patris animo fidebat, cum obsideri aures a fratre cerneret. itaque circumspiciens dicta factaque sua, ne cuius suspiciones auget, maxime ab omni mentione & contagione Romanorum abstinebat : ut neque scribi sibi vellet : quia hoc præcipue criminum genere exasperari animum sentiebat. Philippus simul ne otio miles deterior fieret, simul avertendæ suspicionis causa quicquam a se agitari de Romano bello, Stobos Pæoniæ exercitu indicto, in Medicam ducere pergit. Cupido eum ceperat in verticem Æmi montis ascendendi, quia vulgatæ opinioni crediderat, Ponticum simul, & Adriaticum mare, & Istrum annem, & Alpes conspici posse. subiecta oculis ea haud parvi sibi momenti futura ad cogitationem Romani belli. Percunctatus regionis peritos de ascensu Æmi, cum satis inter omnes constaret, viam exercitui nullam esse, paucis & expeditis * per difficillimum aditum : ut sermone familiariori minorem filium permulceret, quem statuerat non ducere secum, primum quærit ab eo, cum tanta difficultas itineris proponatur, utrum perseverandum sit in incepto, an abstinendum? si pergat tamen ire, non posse oblivisci in talibus rebus Antigoni, qui sæva tempestate iactatus, cum eadem nave secum suos omnes habuisset, præcepisse libèris diceretur, ut & ipsi meminissent, & ita posteris proderent, ne quis cum tota gente simul in rebus dubiis periclitari auderet. memorem ergo se præcepti ejus, duos simul filios non commissurum in aleam ejus, qui proponeretur, casus. &

21.

* al.
per
diffi-
cilli-
ma.

quo-

quoniam majorem filium secum duceret, minorem ad subsidia spei, & custodiam regni remissurum in Macedoniam esse. Non fallebat Demetrium ablegari se, ne adesset consilio, cum in conspectu
 * al. locorum consultaret, * quæ proxime itinera ad mare Adriaticum atque Italiam ducerent, quæque belli ratio esset futura. sed non solum parendum patri tum, sed etiam assentiendum erat, ne invitum parere suspicionem faceret. Ut tamen iter (1) ei tutum in Macedoniam esset, Didas ex prætoribus regiis unus, qui Pœoniæ præerat, jussus est prosequi eum cum modico præsidio. Hunc quoque Perseus, sicut plerosque patris amicorum, ex quo haud dubium cuiquam esse cæperat, ad quem ita inclinato regis animo hereditas regni pertineret, inter conjuratos in fratris perniciem habuit. in præsentia dat (2) ei mandata, ut per omne obsequium insinuaret se in quam maxime familiarem usum, ut elicere omnia arcana, specularique abditos ejus sensus posset. ita digreditur Demetrius cum infestioribus, quam si solus iret, præsidiis. Philip-
 22. pus Medicam primum, deinde solitudines interjacentes Medicæ atque Æmo transgressus, septimis demum castris ad radices montis pervenit. ibi unum moratus diem ad deligendos quos duceret secum, postero die iter est ingressus. Modicus primo labor in iniis collibus fuit. quantum in altitudinem egrediebantur, magis magisque silvestria & pleraque invia loca excipiebant. pervenere deinde in tam opacum iter, ut prædensitate arborum, immissorumque aliorum in alios ramorum, perspicere cælum vix posset. ut vero jugis appropinquabant, quod rarum in aliis locis esset, adeo omnia contexta nebula, ut haud secus, quam nocturno itinere, impedirentur. tertio demum die ad verticem perventum. nihil vulgatæ opinioni digressi inde (3) detraxerunt: magis credo, ne vanitas itineris ludibrio esset, quam

(1) Demetrio. (2) Didas. (3) quamvis depræbenderint eam opinionem esse vanam.

quam quod diversa inter se maria montesque & amnes ex uno loco conspici potuerint. Vexati omnes, & ante alios rex ipse quo gravior ætate erat, difficultate viæ est. duabus aris ibi Jovi & Soli sacratæ cum immolasset, qui triduo ascenderat, biduo est degressus, frigora nocturna maxime metuens, quæ caniculæ ortu similia (1) brumalibus erant. Multis per eos dies difficultatibus conflictatus, nihilo lætiora in castris invenit: ubi summa penuria erat, ut in regione, quam ab omni parte solitudines clauderent. itaque unum tantum moratus diem quietis eorum causa, quos habuerat secum, itinere inde simili fugæ in Dantheletas transcurrit, socii erant, sed propter inopiam, haud secus quam hostium fines, Macedones populati sunt. rapiendo enim passim villas primum, dein quosdam vicos etiam evastarunt, non sine magno pudore regis: cum sociorum voces, nequicquam deos sociales nomenque suum implorantes, audiret. Frumento inde sublato in Medicam regressus, urbem, quam Petram appellant, oppugnare est adortus. ipse & campestri aditu castra posuit. Perseum filium cum modica manu circummisit, ut a superioribus locis urbem aggrediretur. Oppidani, cum terror undique instaret, obsidibus datis, in præsentia dediderunt sese. iidem, posteaquam exercitus recessit, obliti obsidum, relicta urbe, in loca munita & montes refugerunt. Philippus omni genere laboris sine ullo effectu fatigatis militibus, & fraude prætoris Didæ auctis in filium suspicionibus, in Macedoniam rediit. Missus hic comes (ut ante dictum est) cum simplicitatem juvenis incauti, & suis haud immerito succensentis, assentando, indignandoque & ipse vicem ejus, captaret: in omnia ultro suam offerens operam, fide data arcana ejus elicit. Fugam ad Romanos Demetrius meditabatur. cui consilio adjutor deum beneficio oblatus videbatur Pæoniæ prætor. per cu-

231

Tom. IV.

O

jus

(1) quamvis adulta jam esset ætas; sub ortum scil. Caniculæ.

jus provinciam spem ceperat elabi tuto posse .
 Hoc consilium extemplo & fratri proditur , &
 auctore eo indicatur patri . Literæ primum ad
 obsidentem Petram allatæ sunt . inde Herodorus
 (princeps hic amicorum Demetrii erat) in cu-
 stodiam est coniectus , & Demetrius (1) diffi-
 mulanter asservari iussus . Hæc super cætera tri-
 stem adventum in Macedoniam regi fecerunt .
 movebant eum & præsentia crimina . expectan-
 dos tamen , quos ad exploranda omnia Romam
 miserat , censebat . His anxius curis cum aliquot
 menses egisset , tandem legati , jam ante * præ-
 meditati in Macedonia quæ ab Roma renuntia-
 rent , venerunt , qui super cætera scelera falsas
 etiam literas signo adulterino T. Quintii signa-
 tas reddiderunt regi . deprecatio erat in literis ,
si quid adolescens , cupiditate regni prolapsus , secum
egisset , nihil eum adversus suorum quenquam factu-
rum : neque eum sese esse , qui ullius impii consi-
lii auctor futurus videri possit . Hæ literæ fidem
 Persei criminibus fecerunt . itaque Herodorus ex-
 templo diu excruciatum , sine indicio rei ullius
 24. in tormentis moritur . Demetrium iterum ad pa-
 trem accusavit Perseus . de fuga per Pæoniam præ-
 parata . arguebant eum & corrupti quidam , ut
 comites itineris essent . maxime falsæ literæ T.
 Quintii urgebant . nihil tamen palam gravius pro-
 nuntiatum de eo est , ut dolo potius interficeretur .
 nec id cura (2) ipsius , sed ne poena ejus
 consilia adversus Romanos nudaret . Ab Thessa-
 lonica Demetriadem ipsi cum iter esset : Asterium
 Pæoniæ Demetrium mittit cum eodem comite Di-
 da : Perseum Amphipolim ad obsides Thracum
 accipiendos . digredienti ab se Didæ mandata de-
 disse dicitur de filio occidendo . Sacrificium ab
 Dida seu institutum seu simulatum est , ad quod
 celebrandum invitatus Demetrius ab Asterio He-
 racleam venit . in ea coena dicitur venenum datum .
 poculo epoto extemplo sensit . & mox coortis do-
 lo-

(1) ut id animadvertere Demetrius non posset .

(2) Demetrii .

loribus, relicto convivio, cum in cubiculum recepisset sese, crudelitatem patris conquerens, paricidium fratris, ac Didæ scelus inculans, torquebatur. intromissi deinde Thyrsis quidam Stuberæus, & Beræus Alexander, injectis taperibus in caput faucesque, spiritum intercluserunt. ita innoxius adolescens, cum in eo me (1) simplici quidem genere mortis contenti inimici fuissent, interficitur.

CAPUT XI.

L. Æmilius Paulus proc. a Liguribus Ingaunis fraude circumventus, & in castris obsessus, cum accita Romana auxilia serius venirent, eruptione facta, hostes late fugat, & cedit, atque ad deditionem compellit: hujus victoria causa fit Romæ supplicatio: Hoc anno Gravisca colonia deducitur.

DUm hæc in Macedonia geruntur, L. Æmilius Paulus, prorogato ex consulatu imperio, principio veris in Ligures Ingaunos exercitum introduxit. Ubi primum in hostium finibus castra posuit, legati ad eum per speciem pacis petendæ speculatum venerunt. neganti Paulo nisi cum deditis pacisci se pacem, non tam id recusabant, quam tempore opus esse agebant, ut generi agresti hominum persuaderetur. ad hoc decem dierum induciæ cum darentur, petierunt deinde, ne trans montes proximos castris pabulatum lignatumque milites irent. culta ea loca suorum finium esse. id ubi impetravere, post eos ipsos montes, unde averterant hostem, exercitu omni coacto, repente multitudine ingenti castra Romanorum oppugnare simul omnibus portis aggressi sunt. summa vi totum unum diem oppugnarunt, ita ut ne efferendi quidem signa Romanis spatium, nec ad explicandam aciem locus esset. conferti in portis, obstando magis, quam pugnando, castra tutabantur. sub occasum solis

O 2

cum

cum recessissent hostes, duos equites ad Cn. Bæbium consulem cum literis Pisas mittit, ut obsesso sibi per inducias quamprimum subsidio veniret. Bæbii exercitum M. Pinario prætori eunti in Sardiniam tradiderat. cæterum & senatum literis certiores fecit, obsideri a Liguribus L. Æmilium : & Claudio Marcello, cujus proxima inde provincia erat, scripsit, ut, si videretur ei, exercitum ex Gallia traduceret in Ligures, & L. Æmilium liberaret obsidione. Hæc sœra futura auxilia erant. Ligures postero die ad castra redeunt. Æmilius cum & venturos scisset, & educere in aciem copias potuisset, intra vallum suos tenuit, ut extraheret rem in id tempus, quo Bæbii cum exercitu venire a Pisas posset. Romæ magnam trepidationem literæ Bæbii fecerunt. eo majorem, quod paucos post dies Marcellus, tradito exercitu Fabio, Romam cum venisset, spem ademit, cum qui in Gallia esset exercitum in Ligures traduci posse; quia bellum cum Istris esset, prohibentibus coloniam Aquilejam deduci. eo profectum Fabium, neque inde regredi bello inchoato posse. Una, & ea ipsa tardior, quam tempus postulabat, subsidii spes erat, si consules maturassent in provinciam ire. id ut facerent, pro se quisque patrum vociferari. Consules, nisi confecto delectu, negare se ituros. nec suam segnitiam, sed vim morbi in causa esse, quo serius perficeretur. non tamen potuerunt sustinere consensum senatus, quin paudati exirent, & militibus, quos conscriptos haberent, diem edicerent, quo Pisas convenirent. permissum, ut, qua irent, protinus subitarios milites scriberent, ducerentque secum. Et prætoribus Q. Petillio & Q. Fabio imperatum est, ut Petillius duas legiones civium Romanorum tumultuarias scriberet, & omnes minores quinquaginta annis sacramento rogaret: Fabio, ut sociis Latini nominis quindecim millia peditum, octingentos equites imperaret. Duumviri navales creati C. Matienus & C. Lucretius, navesque iis ornatae sunt: Matienoque, cujus ad Gal-

licum finum provincia erat, imperatum, ut classem primo quoque tempore duceret in Ligurum oram, si * quo usui esse L. Æmilio atque ejus exercitui posset. Æmilius, posteaquam nihil usquam auxilii ostendebatur, interceptos credens equites, non ultra differendum ratus, quin per se fortunam tentaret, priusquam hostes venirent, qui jam segnius socordiusque oppugnabant, ad quatuor portas exercitum instruxit: ut signo dato simul ex omnibus partibus eruptionem facerent. quatuor (1) extraordinariis cohortibus (2) duas adjunxit, præposito M. Valerio legato. erumpere (3) extraordinaria porta jussit. ad dexteram principalem hastatos legionis primæ instruxit: principes ex eadem legione in subsidiis posuit. M. Servilius & L. Sulpitius tribuni militum his præpositi. tertia legio adversus principalem sinistram portam instructa est. id tantum mutatum: (4) principes primi, & hastati in subsidiis locati: Sex. Julius Cæsar & L. Aurelius Cotta tribuni militum huic legioni præpositi sunt. Q. Fulvius Flaccus legatus cum dextra ala ad (5) quæstoriam portam positus. duæ cohortes & triarii duarum legionum in præsidio castrorum manere jussi. Omnes portas concionabundus ipse imperator circumiit, & quibuscunque irritamentis poterat, iras militum acuebat: nunc fraudem hostium incusans, qui pace petita, induciis datis, per ipsum induciarum tempus, contra jus gentium, ad castra oppugnanda venissent: nunc, quantus pudor esset edocens, ab Liguribus latronibus, verius quam hostibus justis,

O 3 Ro-

-
- (1) *extraordinariæ cohortes ex selectis sociorum circa Imperatorem in castris locabantur. scil. equitum tertia pars, peditum quinta, docente Polyb.*
 (2) *alares.*
 (3) *prætoria. dicta etiam extraordinaria, quia extraordinarii ad eam tendebant.*
 (4) *hastati prius, deinde principes locari solebant. v. l. 8. n. 8.*
 (5) *alias ea dicitur decumana. v. Lips. de Mil. R. 5. 5.*

Romanum exercitum obsideri. Quo ore quisquam vestrum, si hinc alieno presidio, non vestra virtute evaseritis, occurrer, non dico eis militibus, qui Annibalem, qui Philippum, qui Antiochum, maximos nostræ ætatis reges ducesque vicerunt, sed iis qui hos ipsos Ligures aliquoties pecorum modo fugientes per saltus invios consecrati ceciderunt? quod Hispani, quod Galli, quod Macedones Pœnive non audeant. Ligustinus hostis vallum Romanum subit, obsidet ultro & oppugnat, quem, scrutantes ante devios saltus, abditum & latentem vix inveniebamus? Ad hæc consentiens reddebatur militum clamor, nullam militum culpam esse, quibus nemo ad erumpendum signum dedisset. daret signum, intellecturum eosdem qui antea fuerint, & Romanos & Li-

28. gures esse. Bina cis montes castra Ligurum erant. ex iis primis diebus sole orto pariter omnes compositi & instructi procedebant: tum nisi exsatiati cibo vinoque arma non capiebant. dispersi, inor-

• al. denati exhibant, ut quibus pro * spe certum es-

pro. set, hostes extra vallum signa non elatu-
pe. ros. Ad-

versus ita incompósitos eos venientes, clamore pariter omnium qui in castris erant, calorum quoque & lixarum sublato, simul omnibus portis Romani eruperunt. Liguribus adeo improvisa res fuit, ut perinde ac insidiis circumventi forent, trepidarent. Exiguum temporis aliqua forma pugnae fuit. fuga deinde effusa, & fugientium passim cædes erat. equitibus dato signo, ut conscenderent equos, nec effugere quenquam sinerent, in castra omnes trepida fuga compulsi sunt: deinde ipsis exuti castris. Supra quindecim millia Ligurum eo die occisa, capta duo millia & quingenti. Triduo post Ligurum Ingaunorum omne nomen obsidibus datis in (1) dediti-
onem venit: gubernatores nautæque conquesti, qui prædatores fuissent navibus, atque omnes in custodiam coniecti. Et a C. Matieno diumviro naves ejus generis in Ligustina ora XXXII. captæ sunt. Hæc qui nuntiarent, literasque ad senatum

(1) alii: ditionem.

tum ferrent, L. Aurelius Cotta, C. Sulpitius Gallus Romam missi: simulque peterent, ut L. Æmilio confecta provincia decedere, & deducere secum milites liceret, atque dimittere. Utrunque permissum ab senatu, & supplicatio ad omnia pulvinaria per triduum decreta: iussique prætores, Petillius urbanas dimittere legiones, Fabius sociis atque nomini Latino remittere delectum: & uti prætor urbanus consulibus scriberet, senatum æquum censere, subitarios milites tumultus causa conscriptos, primo quoque tempore dimitti. Colonia Gravisca eo anno deducta est in agrum Etruscum de Tarquiniensibus quondam captum. quina jugera agri data. triumviri deduxerunt, C. Calpurnius Piso, P. Claudius Pulcher, C. Terentius Istra. Siccitate & inopia frugum insignis annus fuit. sex menses nunquam pluuisse, memoriæ proditum est.

CAPUT XII.

Libri Numæ Pompilii in agro L. Petillii scribæ a cultoribus agri inventi, jurante prætore urbano non oportere eos legi, conservarique, quod in iis pleraque essent dissolvendarum religionum, ex senatus consulto in comitiis cremantur.

Eodem anno in (1) agro L. Petillii scribæ sub Janiculo, dum cultores agri altius moliantur terram, duæ lapideæ arcæ octonos ferme pedes longæ, quaternos latæ, inventæ sunt, operculis plumbo devinctis. literis Latinis Græcisque utraque arcæ inscripta erat: in altera Numam Pompiliū Pomponis filium regem Romanorum sepultum esse: in altera libros Numæ Pompilii inesse. Eas arcas cum ex amicorum sententia dominus

O 4 ape-

(1) v. Plin. l. 13. c. 13. ubi hæc historia narratur. sed neque nomina propria, neque arcarum, neque librorum numerus congruunt. cæterum multa, quibus historia hæc fraudis suspecta redditur, v. in Nardini Rom. Ver. lib. 7. c. 11.

aperuisset; quæ titulum sepulti regis habuerat, inanis inventa, sine ullo vestigio corporis humani, aut ullius rei, per tabem tot annorum ossibus absumptis. in altera duo fasces (1) candelis involuti septenos habuere libros, non integra modo, sed recentissima specie. septem Latini de jure pontificio erant: septem Græci de disciplina sapientiæ, quæ illius ætatis esse potuit. Adjicit Antias Valerius Pythagoricos fuisse, vulgatæ opinioni, qua creditur Pythagoræ auditorum fuisse Numam, mendacio probabili accommodata fide. Primo ab amicis, qui in te præsentis fuerunt, libri lecti. mox pluribus legentibus cum vulgarentur, Q. Petillius prætor urbanus studiosus legendi, eos libros a (2) L. Petillio sumpsit: & erat familiaris usus, quod scribam eum quæstor Q. Petillius in decuriam legerat. Lectis rerum summis, cum animadvertisset pleraque dissolvendarum religionum esse, L. Petillio dixit, sese eos libros in ignem conjecturum esse, prius, quam id faceret, se ei permittere, uti, si quod seu jus, seu auxilium se habere ad eos libros repetendos, existimaret, experiretur: id integra sua gratia eum facturum. Scriba tribunos plebis adit. ab tribunis ad senatum res est rejecta. prætor se iusjurandum dare paratum esse ajebat, libros eos legi servarique non oportere. Senatus censuit, satis habendum quod prætor iusjurandum polliceretur. libros primo quoque tempore in comitio cremandos esse. pretium pro libris quantum Q. Petillio prætori majorique parti tribunorum plebis videretur, dominq esse solvendum. id scriba non accepit: libri in comitio, igne a victimariis facto, in conspectu populi cremati sunt.

— 308 —

— 308 —

CA-

- (1) funiculis pice, vel cera illitis. alii; cedro.
 (2) videtur hic L. Petillius libertini generis in Petillii patroni familiam ascitus, isque lectus ab eodem in decuriam scribarum. Magistratus enim suos habebant scribas.

CAPUT XIII.

Q. Fulvius Flaccus prætor in Hispania citeriore duobus secundis præliis Celtiberos ad deditionem compellit.

MAgnum bellum ea ætate coortum in Hispania citeriore. Ad quinque & triginta millia hominum, quantum nunquam ferme antea, Celtiberi comparaverant. Q. Fulvius Flaccus eam obtinebat provinciam. is quia armare juventutem Celtiberos audierat, & ipse quanta poterat a fociis auxilia contraxerat. sed nequam numero militum hostem æquabat. Principio veris exercitum in Carpetaniam duxit, & castra locavit ad oppidum Eburam, modico præsidio in urbe posito. Paucis post diebus Celtiberi millia duo ferme inde sub colle posuerunt castra. quos ubi adesse prætor Romanus sensit, M. Fulvium fratrem cum duabus turmis sociorum equitum ad castra hostium speculatum misit, quamproxime succedere ad vallum iussu, ut videret quanta essent: pugna abstinere, reciperetque sese, si hostium equitatum exeuntem vidisset. Ita ut præceptum erat, fecit. per dies aliquot nihil ultra motum, quam ut hæ duæ turmae ostenderentur, dein subducerentur, ubi equitatus hostium castris procurrisset. Postremo & Celtiberi omnibus simul peditum equitumque copiis castris egressi, acie directa medio ferme spatio inter bina castra constiterunt. Campus erat planus omnis, & aptus pugnae. ibi steterunt Hispani hostem expectantes. Romanus intra vallum suos continuit per quadriduum continuum, & illi eodem loco aciem instructam tenuerunt. ab Romanis nihil motum. inde quievire in castris Celtiberi, quia pugnae copia non fiebat. equites tantum in stationem egrediebantur, ut parati essent si quid ab hoste moveretur. pone castra utrique pabulatum & lignatum ibant, neutri alteros impediens. Prætor Romanus ubi satis tot dierum

Q 3 quic-)

31.

quiete credidit spem factam hosti nihil se priorem moturum, L. Acilium cum ala sinistra, & sex millibus provincialium auxiliorum circumire montem jubet, qui ab tergo hostibus erat: inde, ubi clamorem audisset, decurrere ad castra eorum. nocte profecti sunt, ne possent conspici. Flaccus luce prima C. Scribonium præfectum socium ad vallum hostium cum equitibus extraordinariis sinistræ alæ mittit. quos ubi & propius accedere, & plures, quam soliti erant, Celtiberi conspexerunt; omnis equitatus effunditur castris, simul & peditibus signum ad exeundum datur. Scribonius, uti præceptum erat, ubi primum fremitum * equestrium audivit, avertit equos, & castra repetit: eo effusius sequi hostes. primo equites, mox & peditum acies aderat, haud dubia spe, castra eo die se oppugnaturus. quingentos passus, non plus a vallo aberant. Itaque ubi Flaccus satis abstractos eos a præsidio castrorum suorum ratus est, intra vallum exercitu instructo, tribus partibus simul erumpit, clamore non tantum ad ardorem pugnae excitandum sublato, sed etiam ut qui in montibus erant exaudirent. nec morati sunt quin decurrerent, sicut imperatum erat, ad castra: ubi quingentorum armatorum, non amplius, relictum erat præsidium: quos cum & paucitas sua, & multitudo hostium, & improvisa res terruisset, prope sine certamine capiuntur castra. castris, quæ pars maxime a pugnantis conspici poterat, injecit Acilius ignem. Postremi Celtiberorum qui in acie erant, primi flammam conspexere: deinde per totam aciem vulgatum est, castra amissa esse, & tum (x) cum maxime ardere. unde illis terror, inde Romanis animus crevit. jam clamor suorum vincentium accidebat, jam ardentia hostium castra apparebant. Celtiberi parumper incertis animis fluctuati sunt. cæterum posteaquam receptus pulsus nullus erat, nec usquam nisi in certamine spes; pertinacius de integro capessunt pugnam.

* al.
eque-
strē.

32.

(x) *vel maxime.*

gnam. Acie media urgebantur acriter a quinta legione: adversus lævum cornu, in quo sui (1) generis provincialia auxilia instruxisse Romanos cernebant, cum majore fiducia intulerunt signa. Jam prope erat ut sinistrum cornu pelleretur (2) Romanis, ni septima legio successisset. simul ab oppido Eburæ, qui in præsidio relictæ erant, in medio ardore pugne advenerunt, & Acilius ab tergo erat. Diu in medio cæsi Celtiberi, qui supererant, in omnes passim partes capeffunt fugam. equites bipartito in eos emissi, magnam cædem edidere. ad viginti tria millia hostium eo die cæsa, capta quatuor millia, & DCCC. cum equis plus quingentis, & signa militaria LXXXVIII. Magna victoria, non tamen incruenta fuit. Romani de duabus legionibus milites paulo plus CC. socium Latini nominis DCCC. triginta, externorum auxiliarium duo millia ferme & quadringenti ceciderunt. Prætor in castra victorem exercitum reduxit. Acilius manere in castris ab se captis jussus. postero die spolia de hostibus lecta: & pro concione donati, quorum virtus insignis fuerat. Sauciis deinde in oppidum Eburam devectis, per Carpetaniam ad Contre-
biam ductæ legiones. ea urbs circumfessa cum a Celtiberis auxilia arcessisset, morantibus iis, non quia ipsi cunctati sunt, sed quia profectos a domo inexplicabiles continuis imbribus viæ, & inflati amnes tenebant, desperato auxilio suorum in dediti-
onem venit. Flaccus quoque tempestatibus foedis coactus, exercitum omnem in urbem introduxit. Celtiberi, qui domo profecti erant, dediti-
onis ignari, cum tandem, superatis, ubi primum remiserunt imbres, amnibus, Contre-
biam venissent: posteaquam castra nulla extra moenia viderunt, aut in alteram partem translata rari, aut recessisse hostes, per negligentiam effusi ad oppidum accesserunt. In eos duabus portis Romani eruptionem fecerunt, & incompósitos a-
dor-

33.

O 6

(1) ex Celtiberis, aut saltem aliis Hispanis.

(2) apud Romanos, sive Romanorum.

dorti fuderunt: quæ res ad resistendum eos, & ad capeffendam pugnam impediit, quod non uno agmine, nec ad signa (1) frequentes veniebant, eadem magnæ parti ad fugam salutis fuit: sparsim enim toto passim campo se diffuderunt, nec usquam confertos eos hostis circumvenit. tamen ad duodecim millia sunt cæsa, capta plus quinque millia hominum, equi quadringenti, signa militaria LXII. qui palati e fuga domum se recipiebant, alterum agmen Celtiberorum venientium, deditionem Contrebiæ & suam cladem narrando, averterunt. extemplo in vicis castellaque sua omnes dilapsi. Flaccus a Contrebia profectus, per Celtiberiam populabundus ducit legiones. multa castella oppugnavit, donec maxima pars Celtiberorum in deditionem venit. Hæc in citeriore Hispania eo anno gesta. Et in ulteriore Manlius Prætor secunda aliquot prælia cum Lusitanis fecit.

C A P U T XIV.

Aquileja colonia deducitur: Ædes Veneris Erycinæ, & Pietatis dedicantur.

Aquileja colonia (2) Latina eodem anno in agro Gallorum est deducta. tria millia perditum (3) quinquagena jugera, centuriones centena, centena quadragena equites acceperunt. triumviri deduxerunt P. Cornelius Scipio Nasica, C. Flaminius, L. Manlius Acidinus. Ædes duæ eo anno dedicatæ sunt, una Veneris Erycinæ ad portam Collinam. dedicavit L. Porcius L. F. Licinus duumvir. vota erat ab cos. L. Porcio, Lingu-

(1) *Romani.*

(2) *coloniæ latinæ dicebantur, quæ jus Latii, seu Latinitatis acceperant; civium vero Romanorum, quæ donatæ erant jure Quiritium. Sig. l. 2. de ant. j. Ital. c. 3.*

(3) *de hoc numero jugerum v. Philip. & Turro diff. de Colon. Foro-Julienfi p. 336.*

gustino bello . altera in foro olitorio Pietatis .
eam ædem dedicavit Man. Acilius Glabrio du-
nmvir , statuamque auratam , quæ (1) prima o-
mnium in Italia (2) statua aurata est , patri
Glabrioni posuit . Is erat , qui ipse eam ædem
voverat quo die cum rege Antiocho ad Thermo-
pylas depugnasset , locaveratque idem ex S. C.

CAPUT XV.

*L. Æmilius Paulus de Liguribus Ingaunis trium-
phat : pacem deinde petentes Ligures impetrant :
a M. Pinario prætore cum Corsis , & Sardis res
bene geritur : habitis Romæ comitiis , consules ,
prætoresque creantur : coss. sunt A. Postumius Al-
binus Luscus , & C. Calpurnius Piso .*

PER eosdem dies , quibus hæ ædes dedicatæ
sunt , L. Æmilius Paulus procos. ex Liguri-
bus Ingaunis triumphavit . Transulit coronas
aureas quinque & viginti . nec præterea quic-
quam auri argentique in eo triumpho latum .
captivi multi principes Ligurum ante currum
ducti . æris trecenos militibus divisit . Auxerunt
ejus triumphi famam legati Ligurum pacem per-
petuam orantes . ita in animum induxisse Ligu-
rum gentem , nulla unquam arma , nisi imperata
a P. R. sumere . Responsum a Q. Fabio prætore
est Liguribus jussu senatus : orationem eam non
novam Liguribus esse : mens vero ut nova & ora-
tioni conveniens esset , ipsorum id plurimum referre .
ad coss. irent , & quæ ab iis imperata essent , fa-
cerent . nulli alii , quam consulibus , senatum credi-
turum esse , sincera fide in pace Ligures esse . Pax
in Liguribus fuit . In Corsica pugnatum est cum
Corsis . ad duo millia eorum M. Pinarius prætor
in acie occidit . qua clade compulsi obsides de-
derunt , & ceræ centum millia pondo . Inde in
Sardiniam exercitus ductus , & cum Iliensibus ,
gen-

(1) idem narrat Val. Max. 2. 5.

(2) alii : statuta .

- gente ne nunc quidem omni parte pacata, secunda praelia facta. Carthaginensibus eodem anno centum obsides redditi: pacemque cum iis P. R. non ab se tantum, sed ab rege etiam Masanissa praestitit, qui tum praesidio armato agrum, qui in controversia erat, obtinebat. Otiosam provinciam coff. habuerunt. M. Baebius comitiorum causa Romam revocatus coff. creavit A. Postumium Albinum Lusum, & C. Calpurnium Pisonem. Praetores exinde facti Tib. Sempronius Gracchus, L. Postumius Albinus, P. Cornelius Mamercus, T. Minutius Mollaculus, A. Hostilius Mancinus, C. Maenius. ii omnes magistratum idibus Martiis inierunt.

CAPUT XVI.

Prætor Q. Fulvius Flaccus, missis ex Hispania citeriore nuntiis rerum ibi feliciter ab se gestarum, petit per eos, ut sibi liceat exercitum inde deportare: Tib. Gracchus, cui ea provincia evenerat, vehementer obstat: assignato prius ab senatu consulibus exercitu, agitur deinde de exercitu Tib. Gracchi; decerniturque ut ex militibus, qui sunt in Hispania, alii dimistantur, alii retineantur.

U.C. 570. **P** Rincipio ejus anni, quo A. Postumius Albinus, & C. Calpurnius Piso coff. fuerunt, ab A. Postumio cos. in senatum introducti, qui ex Hispania citeriore venerant a Q. Fulvio Flacco, L. Minutius legatus, & duo tribuni militum T. Maenius, & L. Terentius Massaliota. hi cum duo secunda praelia, deditionem Celtiberiae, confectam provinciam nuntiassent, nec stipendio quod mitti soleret, nec frumento portato ad exercitum in eum annum opus esse, petierunt ab senatu primum, ut ob res prospere gestas diis immortalibus honos haberetur: deinde ut Q. Fulvio decedenti de provincia, deportare inde exercitum, cujus forti opera & ipse, & multi ante eum praetores usi essent, liceret. quod fieri, praeterquam quod ita deberet, etiam prope necessarium esse. ita enim ob-

obstinatos esse milites, ut non ultra retineri posse in provincia viderentur, injussuque abituri inde essent, si non dimitterentur: aut in perniciosam, si quis impense retineret, seditionem exarsuri. coll. ambo-
 bus provinciam Ligures esse senatus iussit. præ-
 tores inde sortiti sunt. A. Hostilio urbana, T.
 Minutio peregrina obvenit, P. Cornelio Sicilia,
 C. Mænio Sardinia. Hispanias sortiti, L. Postu-
 mius ulteriorem, Tib. Sempronius citeriorem.
 Is quia successurus Q. Fulvio erat, ne vetere
 exercitu provincia spoliaretur, Quæro, inquit,
 de te, L. Minuti, cum consecram provinciam nun-
 tias, existimastne Celtiberos perpetuo in fide mansu-
 ros, ita ut sine exercitu ea provincia obtineri possit?
 si nequaquam fide barbarorum quicquam recipere aut
 affirmare nobis poter, & habendum illic utique exer-
 citum censes, utrum tandem auctor senatur sis sup-
 plementum in Hispaniam mittendi? ut ii modo,
 quibus emerita stipendia sint, milites dimittantur,
 veteribus militibus tyrones immisceantur? an dedu-
 ctis de provincia veteribus legionibus, novas conscri-
 bendi & mittendi, cum contemptum tyrocinium et-
 iam mitiores barbaros excitare ad rebellandum possit?
 dictu, quam re, facilius sit, provinciam ingenio fe-
 rocem, rebellatricem, consecrissæ. Pauca civitates, ut
 quidem ego audio, quas vicina maxime hiberna præ-
 mebant, in jus ditionemque venerunt, ultiores in
 armis sunt. quæ cum ita sint, ego jam hinc præ-
 dico, P. C. me exercitu eo, qui nunc est, Remp.
 administraturum. si deducat secum Flaccus legio-
 nes, loca pacata me ad hibernacula electurum, ne-
 que novum militem ferocissimo hosti objecturum.
 Legatus ad ea quæ interrogatus erat, respondit, 36.
 neque se, neque quenquam alium divinare posse,
 quid in animo Celtiberi haberent, aut porro habi-
 turi essent. itaque negare non posse, quin rectius
 sit, etiam ad pacatos barbaros nondum satis assuetos
 imperio exercitum mitti. novo autem, an vetere
 exercitu opus sit, ejus esse dicere, qui scire possit,
 qua fide Celtiberi in pace mansuri sint, simul &
 qui illud exploratum habeat, quieturæ milites, si
 diutius in provincia retineantur, si ex eo, quod aut

inter se loquantur, aut succlamationibus apud concionantem imperatorem significant, quid sentiant, conjectandum sit, palam vociferatos esse, aut imperatorem in provincia retenturos, aut cum eo in Italiani venturos esse. Disceptationem inter prætorum legatumque consulum relatio interrupit, qui suas (1) ornari provincias, priusquam de prætoris exercitu ageretur, æquum censebant. Novus omnis exercitus consulibus est decretus: binæ legiones Romanæ cum suo equitatu, & socium Latini nominis, (2) quantus semper numerus, XV. millia peditum, & DCCC. equites. cum hoc exercitu Apuanis Liguribus ut bellum inferrent, mandatum est. P. Cornelio & M. Bæbio prorogatum imperium: jussique provincias obtinere, donec COSS. venissent. tum imperatum, ut dimisso quem haberent exercitu, reverterentur Romam. de Ti. Sempronii deinde exercitu actum est. novam legionem ei quinque milium & ducentorum peditum cum equitibus quadringentis consules scribere jussi, & mille præterea peditum civium Romanorum, quinquaginta equites, & sociis e nomine Latino imperare septem millia peditum, CCC. equites. cum hoc exercitu placuit ire in Hispaniam citeriorem Ti. Sempronium. Q. Fulvio permissum, ut qui milites ante Sp. Postumium & Q. Martium COSS. cives Romani socii in Hispaniam transportati essent: & præterea supplemento adducto, (3) quod amplius duabus legionibus quam decem millia & CCCC. pedites, sexcenti equites essent, & sociorum Latini nominis XII. millia. DC. equites, quorum forti opera duobus adversus Celti-

-
- (1) parari.
 (2) suspectæ sunt hæ voces, quantus semper numerus. nam sæpe legimus XX. millia.
 (3) voluit igitur Senatus retineri in Hispania decem millia, & CCCC. pedites, sexcentos equites Romanos. XII. millia peditum, DC. equites sociorum; quidquid militum præterea esset, deportari.

tiberos præliis usus Q. Fulvius esset: eos, si videretur, secum deportaret. Et supplicationes decretæ, quod is prospere temp. gessisset. & cæteri prætores in provincias missi. Q. Fabio Buteoni prorogatum in Galliam imperium est. Octo legiones præter exercitum veterem, qui in Liguribus in spe propinqua missionis erat, eo anno esse placuit. & is ipse exercitus ægre explebatur propter pestilentiam, quæ jam tertium annum urbem Romanam atque Italiam vastabat.

CAPUT XVII.

Moriuntur T. Minutius prætor, C. Calpurnius consul, alique illustres viri: accepta in religionem horum morte, decernitur supplicatio: cum consulem ab uxore Hostilia necatum compertum esset, illa damnatur: in locum demortui declaratur cos. Q. Fulvius Flaccus.

PRÆTOR T. Minutius, & haud ita multo post 37.
COS. C. Calpurnius moritur, multique alii omnium ordinum illustres viri. postremo prodigii loco ea clades haberi cœpta est. C. Servilius pont. max. piacula iræ deum conquirere iussus, decemviri libros inspicere, consul Apollini, Æsculapio, Saluti dona vovere, & dare signa inaurata, quæ vovit, deditque. Decemviri supplicationem in biduum valetudinis causa in urbe, & per omnia fora conciliabulaque edixerunt. majores duodecim annis omnes coronati, & lauream in manu tenentes, supplicaverunt. Fraudis quoque humanæ (1) insinuaverat suspicio animis. & beneficii quæstio ex S. C. quod in urbe, propiusve urbem decem millibus passuum esset commissum, C. Claudio prætori, qui in locum T. Minutii erat suffectus: (2) ultra decimum lapidem per fora conciliabulaque C. Mænio, priusquam in Sardiniam provinciam trajiceret, decretæ. Suspecta COS. erat mors maxime. necatus a
Quar-

(1) *subaudi; sc.* (2) *intellige; vero.*

Quarta Hostilia uxore dicebatur. (1) ut quidem filius ejus Q. Fulvius Flaccus in locum vitrici COS. est declaratus, aliquanto magis infamis mors Pisonis cœpit esse: & testes existerant, qui post declaratos COSS. Albinum & Pisonem, quibus comitiis Flaccus tulerat repulsam, & exprobratum ei a matre dicerent, quod jam ei tertium negatus consulatus petenti esset, & adjecisse, pararet se ad petendum, intra duos menses effecturam, ut COS. fieret. inter multa alia testimonia ad causam pertinentia, hæc quoque vox nimis vero eventu comprobata, valuit, cur Hostilia damnaretur.

CAPUT XVIII.

Ut bellum tandem in Liguria finiatur, multa Apuanorum Ligurum millia ad deditionem a P. Cornelio, & M. Bæbio compulsæ, procul ab domo in Samnium traducuntur. Romam deinde redeuntes Cornelius, & Bæbius triumphant.

38. **V**ERIS principio hujus dum COSS. novos delatus Romæ tenet, mors deinde alterius, & creandi comitia consulis in locum ejus, omnia tardiora fecerunt. interim P. Cornelius & M. Bæbius, quæ in consulatu nihil memorabile gesserant, in Apuanos Ligures exercitum induxerunt. Ligures, qui ante adventum in provinciam consulum non expectassent bellum, improvise oppressi, ad duodecim millia hominum dediderunt se. Eos, consulto per literas prius senatu, deducere ex montibus in agros campestres, procul ab domo, ne reditus spes esset, Cornelius & Bæbius statuerunt, nullum alium ante finem rati fore Ligustini belli. Ager publicus populi Romani erat in Samnitibus, qui * Tauraninorum fuerat. in eam cum traducere Ligures Apuanos vellent, e-
 * al. Tauraninorum
 * al. dixerunt Ligures ab Anido * montibus descendere cum liberis conjugibusque: sua omnia secum
 por-

(1) postquam.

portarent. Ligures sæpe per legatos deprecati, ne penates, sedem in qua geniti essent, sepulcra majorum cogerentur relinquere; arma, obsides pollicebantur. posteaquam nihil impetrabant, neque vires ad bellandum erant, edicto paruerunt. Traducti sunt publico sumptu, ad quadraginta millia liberorum capitum, cum foeminis puerisque. argenti data centum & quinquaginta millia (1) H. S., unde in novas ædes compararent, quæ opus essent. agro dividendo dandoque iidem qui traduxerant, Cornelius & Bæbius præpositi: postulantibus tamen ipsis, quinque viri ab senatu dati, quorum ex consilio agerent. Transacta re, cum veterem exercitum Romam deduxissent, triumphus ab senatu est decretus. Hi omnium primi nullo bello gesto triumpharunt. tantum (2) hostes ducti ante currum: quia nec quid ferretur, neque quid duceretur captum, neque quid militibus daretur, quicquam in triumphis eorum fuerat.

CAPUT XIX.

In Hispania citeriore Q. Fulvius Flaccus adducens exercitum Tarraconem, traditurus Tib. Graccho in provinciam succedenti, cum Celtiberis ex insidiis erumpentibus prælio congressus, rem optime gerit..

Eodem anno in Hispania Fulvius Flaccus pro prætore, quia successor in provinciam tardius veniebat, educto exercitu ex hibernis, ulteriorem Celtiberiæ agrum, unde ad deditionem non venerant, institit vastare: qua re irritavit magis, quam conterruit animos barbarorum: & clam comparatis copiis saltum Mantianum, per quem transiturum exercitum Romanum satis sciebant, obsederunt. In Hispaniam ulteriorem e-

un-

- (1) nimis exigua summa in quadraginta millia liberorum capita. itaque alii delent 20 H. S.
 (2) alii: obsides.

unti L. Postumio Albino collegæ Gracchus mandaverat, ut Q. Fulvium certiolem faceret, Tarraconem exercitum adduceret. ibi dimitti veteranos, supplementaque distribuere, & ordinare omnem exercitum sese velle: dies quoque, & ea propinqua, edita Flacco est, qua successor esset venturus. Hæc nova allata res, omissis, quæ agere instituerat, Flaccum raptim deducere exercitum ex Celtiberia cum coegisset, barbari causæ ignari, suam defectionem, & clam comparata arma sensisse eum, & pertinuisset rati, eo ferocius saltum infederunt. Ubi eum saltum prima luce agmen Romanum intravit, repente ex duabus partibus simul exorti hostes Romanos invaserunt. quod ubi vidit Flaccus, primos tumultus, in agmine per centuriones stare omnes suo quenque loco, & arma expedire jubendo, sedavit: & sarcinis jumentisque in unum locum coactis, copias omnes partim ipse, partim per legatos tribunosque militum, ut tempus & locus postulabat, sine ulla trepidatione instruxit: cum bis deditis rem esse admonens. scelus & perfidiam illis, non virtutem nec animum accessisse. reditum ignobilem in patriam, clarum ac memorabilem eos sibi fecisse: cruentos ex recenti cæde hostium gladios, & manantia sanguine spolia, Romam ad triumphum delaturos. Plura dici tempus non patiebatur. invehebant se hostes, & in partibus extremis jam pugnabatur: deinde acies concurrerunt. Atrox
 40. ubique prælium, sed varia fortuna erat. egregie legiones, nec segnius duæ alæ pugnabant: externa auxilia (1) ab simili armatura, meliore aliquantum militum genere urgebantur, nec locum tueri poterant. Celtiberi ubi ordinata acie, & signis collatis se non esse pares legionibus senserunt, cuneo impressionem fecerunt: quo tantum valent genere pugnae, ut quacunque parte perculere impetu suo, sustineri nequeant. tunc quoque turbatae legiones sunt, prope interrupta
 acies.

(1) a Celtiberis eadem ratione armatis, qua Hispani auxiliares Romanorum.

acies. Quam trepidationem ubi Flaccus conspexit, equo advehitur ad legionarios equites, & *Ecquid auxilii in vobis est? actum jam de hoc exercitu erit?* cum undique acclamassent, quin ederet quid fieri velit, non segniter imperium exsecuturos: *Duplicate turmas*, inquit, *duarum legionum equites, & permittite equos in cuneum hostium, quo nostros urgent: id cum majore vi equorum facietis, si effrenatos in eos equos immittitis, quod sæpe Romanos equites cum magna laude fecisse sua memoria proditum est.* Dicto paruerunt, detractisque frenis, bis ultro citroque cum magna strage hostium infractis omnibus hastis transcurrerunt. Dissipato cuneo, in quo omnis spes fuerat, Celtiberi trepidare, & prope omissa pugna, locum fugæ circumspicere. Et (1) alarii equites postquam Romanorum equitum tam memorabile facinus videre, & ipsi virtute eorum accensi, sine ullius imperio, in perturbatos jam hostes equos immittunt. Tunc vero Celtiberi omnes in fugam effunduntur: & imperator Romanus aversos hostes contemplatus, ædem Fortunæ equestri, Jovique Opt. Max. ludos vovit. Cæduntur Celtiberi per totum saltum dissipati fuga. decem & septem millia hostium cæsa eo die traduntur. vivi capti plus tria millia, ducentis septuaginta septem cum signis militaribus, equis prope mille centum. nullis castris eo die victor exercitus mansit. victoria non sine jactura militum fuit. quadringenti LXXII. milites Romani, socium ac Latini nominis mille decem & novem, cum his tria millia militum auxiliariorum perierunt. ita victor exercitus, renovata priore gloria, Tarraconem est perductus. Venienti Fulvio Ti. Sempronius prætor, qui biduo ante venerat, obviam processit: gratulatusque est, quod rēpub. egregie gessisset. cum summa concordia quos dimitterent, quosque retinerent milites, composuerunt. Inde Fulvius, exauctoratis militibus in naves inpositis, Romam est profectus. Sempronius in Celtiberiam legiones duxit.

CA-

(1) *sociales,*

CAPUT XX.

A *coff.* Postumio, & Fulvio Apuani Ligures ad deditionem compelluntur: horum septem millia in Samnium traducuntur: M. Fulvius tribunus militum, qui legionem, cui ad Pisas præerat, injussu *coffs.* dimiserat, in Hispaniam relegatur: milites, qui abierant, ad signa revocantur, atque ære diruuntur.

41. **C**onsules ambo in Ligures exercitus induxerunt diversis partibus. Postumius prima & tertia legione Balistam Suismontiumque montes obsedit: & premendo præsidiis angustos saltus eorum, comæatus interclusit, inopiaque omnium rerum eos perdomuit. Fulvius secunda & quarta legione, adortus a Pisis Apuanos Ligures, qui eorum circa Macram fluvium incolebant, in deditionem acceptos, ad septem millia hominum in naves imposita præter oram Etrusci maris Neapolim transmisit. inde in Samnium traducti, agerque his inter populares datus est. Montanorum Ligurum ab A. Postumio vineæ cæssæ, frumentaue deusta, donec cladibus omnibus belli coacti in deditionem venerunt, armaque tradiderunt. Navibus inde Postumius ad visendam oram Ingaunorum Intemeliorumque Ligurum processit. priusquam hi COSS. venirent ad exercitum qui Pisas * inductus erat, præerant A. Postumius, & frater Q. Fulvii M. Fulvius Nobilior. secundæ legionis Fulvius tribunus militum erat. is (1) mensibus suis dimisit legionem, jurejurando adactis centurionibus, (2) æs in ærarium ad quæstores esse delaturos. Hoc ubi Placentiam (nam

* al.
inductus.

- (1) in unaquaque Legione sex erant tribuni militum. singuli tribuni duobus mensibus Legioni imperabant. id constat ex Polyb. 6. 32.
(2) stipendium militare, centurionibus a quæstoribus jam numeratum; quod nunc ad eos milites qui dimittebantur, non pertinebat.

(nam eo forte erat profectus) Aulo nuntiatum est : cum equitibus expeditis secutus dimissos , quos eorum potuit assequi , * deduxit castigatos ^{* ad rediit.} Pisas , de cæteris cos. certiores fecit . eo referente S. C. factum est , ut M. Fulvius in Hispaniam relegaretur ultra novam Carthaginem . Litteræque ei datæ sunt a COS. ad P. Manlium in Hispaniam ulteriorem deferendæ . milites iussi ad signa redire . causa ignominie ; uti (1) semestre stipendium in eum annum esset ei legioni decretum . qui miles ad exercitum non redisset eum ipsum , bonaque ejus vendere COS. iussus .

CAPUT XXI.

Illyriorum rex Gentius tanquam reus maritimarum incursionum a L. Duroonio prætoris ad Senatum accusatur ; ille per legatos se purgat ; quibus antequam responderet Senatus , cognitionem mandat C. Claudio prætori .

Eodem anno L. Duronius , qui prætor anno 42. superiore ex Illyrico cum decem navibus Brundisium redierat , inde in portu relictis navibus cum venisset Romam , inter exponendas res quas ibi gessisset , haud dubie in regem Illyriorum (2) Gentium latrocinii omnis maritimi causam avertit . ex regno ejus omnes naves esse , quæ superi maris oram depopulatæ essent . de his rebus se legatos misisse , nec conveniendi regis potestatem factam . Venerunt Romam legati a Gentio , qui quo tempore Romani conveniendi regis causa venissent , ægrum forte eum in ultimis partibus fuisse regni dicerent . petere Gentium ab senatu , ne crederent confectis criminibus in se , quæ inimici detulissent . Ad ea Duronius adjecit , multis civibus Romanis & sociis

(1) pro annuo . & ii milites dicebantur ære diruti ; teste Festo , Nonio , & Varrone de vita Pop. R. l. 2.

(2) ab hoc Gentio accepit nomen gentiana , herba amara ab hoc inventa . Plin. l. 25. c. 7.

civis Latini nominis injurias factas in Regno ejus, & cives Romanos dici Corcyra retineri. eos omnes Romam adduci placuit: C. Claudium prætorem cognoscere: neque ante Gentio regi legatise ejus responsum reddi.

CAPUT XXII.

Aliquot Sacerdotum in locum demartuorum cooptatio.

INter multos alios, quos pestilentia ejus anni absumpsit, sacerdotes quoque aliquot mortui sunt. L. Valerius Flaccus pontifex mortuus est. in ejus locum suffectus est Q. Fabius Labeo. P. Manlius, qui nuper ex ulteriore Hispania redierat, triumvir epulo, Q. Fulvius, M. F. in locum ejus triumvir cooptatus. tum (1) prætextatus erat. de rege sacrificio sufficiendo in locum Cn. Cornelii Dolabellæ contentio inter C. Servilium Pont. Max. fuit, & L. Cornelium Dolabellam duumvirum navalem, quem ut inauguraret pontifex, magistratu sese abdicare jubebat: recusantique id facere, ob eam rem multa duumviro dicta a pontifice: deque ea cum provocasset, certatum ad populum. cum plures jam tribus (2) intro vocatæ dicto esse audientem pontifici duumvirum juberent, multamque remitti, si magistratu se abdicasset: (3) vitium de celo, quod comitia turbaret, intervenit. religio inde fuit pontificibus inaugurandi Dolabellæ. P. Clœlium Siculum inaugurarunt, qui (4) secundo loco inauguratus erat. Exitu anni & C. Servilius pont. max. decessit. idem decemvir sacrorum fuit. pontifex in locum ejus a collegio cooptatus est Q. Fulvius Flaccus: at pontifex ma-

xi-

(1) nondum virilem togam induerat.

(2) in ovile. h. e. locum comitiorum.

(3) h. e. fulgur apparuit; aut tonitru auditum est.

(4) aut hæc verba vitiosa sunt, aut obscure indicantur nos aliquis Romanorum nobis incognitus.

ximus M. Æmilius (1) Lepidus, cum multi clari viri petissent. & decemvir sacrorum Q. Martius Philippus in ejusdem locum est cooptatus. & augur Sp. Postumius Albinus decessit: in locum ejus P. Scipionem filium Africani augures cooptarunt.

CAPUT XXIII.

Cumanis permittitur ut publice Latine loquantur. Pisas colonia deducitur: C. Mænius prætor in Sardinia, habitis quæstionibus de veneficiis, magnum hominum numerum damnat.

Cumanis eo anno petentibus permissum, ut (2) publice Latine loquerentur, & præconibus Latine vendendi jus esset. Pisanis agrum pollicentibus, quo Latina colonia deduceretur, gratiæ ab senatu actæ. triumviri creati ad eam rem Q. Fabius Buteo, M. & P. Popilii Lenates. A C. Mænio prætore, (cui provincia Sardinia cum evenisset, additum erat, ut quæreretur de veneficiis longius ab urbe decem millibus passuum) literæ allatæ, *se jam tria millia hominum damnassee, & crescere sibi quæstionem indicis. aut eam sibi esse deserendam, aut provinciam dimittendam.*

CAPUT XXIV.

Reversus ex Hispania Q. Fulvius Flaccus creatus Cof. cum L. Manlio Acidino, & paulo post triumphat: Lex annalis primum a L. Villio tribuno plebis fertur: ex lege Babia quatuor creantur prætores: provinciæ deinde, exercitusque decernuntur.

Q. Fulvius Flaccus ex Hispania rediit Romanam cum magna fama gestarum rerum:
 Tom. IV. P qui

(1) intellige: creatus est. ut dicitur l. 39. c. 31.

(2) decreta, & acta publica latina lingua conficerentur.

qui cum extra urbem triumphī causa esset, consul est creatus cum L. Manlio Acidino; & post paucos dies cum militibus, quos secum deduxerat, triumphans urbem est inuestus. Tulit in triumpho coronas aureas centum viginti quatuor: præterea auri pondo triginta unum, & signati Oscensis nummum centum septuaginta tria millia ducentos. militibus de præda quinquagenos denarios dedit, duplex centurionibus, triplex equiti: tantundem sociis Latini nominis: & stipendium omnibus duplex. Eo anno rogatio (1) primum lata est ab L. Villio tribuno plebis, quot annos nati quenque magistratum peterent caperentque. inde cognomen familiæ inditum, ut Annales appellarentur. Prætores quatuor post multos annos lege (2) Bæbia creati, quæ (3) alternis quaternos iubeat creari. Hi facti, Cn. Cornelius Scipio, C. Valerius Lævinus, Q. & P. Mutii Q. F. Scævola. Q. Fulvio & L. Manlio COSS. eadem provincia, quæ superioribus, pari numero copiarū peditum, equitum, civium, sociorum decretæ. In Hispaniis duabus Tib. Sempronio & L. Postumio cum iisdem exercitibus, quos haberent, prorogatum imperium est, & in supplementum COSS. scribere iussi ad tria

(1) at l. 25. n. 2. Scipioni petenti ædilitatem quum obfisterent tribuni pl. negantes rationem ejus habendam esse, quod nondum ad petendum legitima ætas esset. *nimirum ante legem Villiam tantummodo sancitum erat, ne quis ullum Magistratum caperet, antequam dena stipendia emerita haberet; ut colligitur ex Polyb. 6. 17. ita ut siue legibus, siue moribus eadem ætas honoribus capeffendis præscripta esset. postea Villius annos definivit in singulis Magistratibus. quæ ætas autem præscripta fuerit, liquet ex Cicerone, qui ait, se omnes anno suo, h. e. legibus definito, Magistratus obtinuisse. is quæstor in Siciliam iivit anno ætatis suæ 31. ædilis curulis factus anno 37. Prætor. 40. consul. 43.*

(2) hujus legis antea nulla mentio. (3) annis.

tria millia peditum Romanorum, CCC. equites, quinque millia sociorum Latini nominis, & quadringentos equites. P. Mutius Scævola urbanam fortitus provinciam est: & ut idem quæreretur de beneficiis in urbe, & propius urbem decem millia passuum: Cn. Cornelius Scipio peregrinam, Q. Mutius Scævola Siciliam, C. Valerius Lævinus Sardiniam.

CAPUT XXV.

Q. Fulvius Cos. vota, quæ in Hispania, cum pugnaret cum Celtiberis, nuncupaverat, solvit: Prodigia procurantur.

Q Fulvius COS. priusquam ullam rem publicam ageret, liberare & se & rempublicam ^{U.C.} religione votis solvendis dixit velle. voluisse se, quo die postremum cum Celtiberis pugnasset, ludos Jovi opt. max. & ædem equestri Fortunæ sese facturum: in eas res sibi pecuniam collatam esse ab Hispanis. ludi decreti: & ut duumviri ad ædem locandam crearentur. De pecunia finitur, *ne major causa ludorum consumeretur, quam* (1) *quanta Fulvio Nobilitiori post Aitolicum bellum ludos facienti decreta esset, neve quid ad eos ludos* (2) *arcesseret, cogeret, acciperet, faceret adversus id S. C. quod L. Æmilio, Cn. Babio COSS. de ludis factum esset.* Decreverat id senatus propter effusos sumptus factos in ludos T. Sempronii ædilis, qui graves non modo Italiæ ac sociis Latini nominis, sed etiam provinciis externis fuerant. Hiems eo anno nive sæva & omni tempestatum genere fuit. arbores quæ obnoxie frigoribus sunt, deussit cunctas, & ea tum aliquanto, quam alias, longior fuit. itaque (3) Latinas mox subito coorta & intolerabilis tem-

45-

P 2

pe-

(1) summa octoginta millium. l. 39. n. 5.

(2) longius peteret; ut feras, stragulas vestes; ne aut invito auferret, aut a volente acciperet.

(3) ferias.

pestas in monte turbavit: instauratæque sunt ex decreto pontificum. Eadem tempestas & in Capitolio aliquot signa constravit, fulminibusque complura loca deformavit; ædem Jovis Tarracinae, ædem (1) albam Capuæ, portamque Romanam, muri pinnas aliquot locis decussit. Hæc inter prodigia nuntiatum ab Reate, tripedem natum mulum. Ob ea decemviri jussi adire libros, edidere quibus diis, & quot hostiis sacrificaretur: & ob fulminibus complura loca deformata, ad ædem Jovis ut supplicatio diem unum esset. Ludi deinde votivi Q. Fulvii Cos. per dies decem magno apparatu facti.

CAPUT XXVI.

Creati Censores M. Æmilius Lepidus, & M. Fulvius Nobilior veteres similitudines, petentibus principibus senatorum, deponunt; datisque dextris, atque fide, reconciliantur.

46. **C**ensorum inde comitia habita. creati M. Æmilius Lepidus pont. max. & M. Fulvius Nobilior, qui ex Ætolis triumphaverat. Inter hos viros nobiles inimicitia erant, sæpe multis & in senatu, & ad populum atrocibus celebratæ certaminibus. Comitibus confectis, ut traditum antiquitus est, censores in campo ad aras Martis fellis curulibus confederunt. quo repente principes senatorum cum agmine venerunt civitatis, inter quos Q. Cæcilius Metellus verba fecit. *Non oblitus sumus, censores, vos paulo ante ab universo P. R. moribus nostris præpositos esse, & nos a vobis & admoneri & regi, non vos a nobis debere. indicandum tamen est, quid omnes bonos in vobis aut offendant, aut certe mutatum malint. Singulos cum intuemur, M. Æmili, M. Fulvi, neminem hodie in civitate habemus, quem, si revocemur in suffragium, velimus vobis prælatum esse. (2) ambo*

(1) l. 32. n. 9. de cœlo tacta Capuæ ædes, quæ Alba dicitur. (2) pro ambo.

bo cum simul aspicimus, non possumus non vereri, ne male (1) comparati sitis: nec tantum reip. proficit, quod omnibus nobis egregie placetis, quam quod alter alteri displicetis, noceat. Inimicitias per annos multos vobis ipsis graves & atroces geritis: quæ periculum est, ne ex hac die nobis & Reipub., quam vobis graviores fiant. De quibus causis hoc timeamus, multa succurrunt, quæ dicerentur: (2) nisi forte implacabiles vestræ iræ implicaverint animos vestros. Has ut hodie, ut in isto templo finiat simultates, quæsumus vos universi: & quos conjunxit suffragiis suis P. R. hac etiam reconciliatione gratiæ conjungi a nobis sinatis. uno animo, uno consilio legatis senatum, equites recenseatis, agatis censum, lustrum condatis: quod omnibus fere precationibus nuncupabitis verbis, (3) ut ea res mihi collegæque meo bene & feliciter eveniat: ita, ut vere, ut ex animo velitis evenire: efficiatisque, ut quod deos precati eritis, id vos velote etiam homines credamus. (4) T. Tatius & R. mulus, in cujus urbis medio foro acie hostes concurrerant, ibi concordēs regnarunt. Non modo simultates, sed bella quoque finiuntur. ex infestis hostibus plerunque socii fideles, interdum etiam cives sunt Albani diruta Alba Romam traducti sunt: Latini, Sabini in civitatem accepti. Vulgatum illud, quia verum erat, in proverbium venit: (5) Amicitias immortales, inimicitias mortales debere esse. Fremitus ortus cum assensu, deinde universorum voces idem petentium confusæ in unum, orationem interpellarunt. Inde Æmilius quæstus cum alia, tum bis a M. Fulvio se certo consulatu dejectum. Fulvius contra queri, se ab eo semper laceffitum, & in probrum suum sponfionem factam: tamen ambo significare, si alter vellet, se in potestate tot principum civitatis futuros.

P 3

Omni-

(1) in eodem honore collocati. (2) hunc locum corruptum inanibus conjecturis non sollicito.

(3) de hac solemnī censorum precatione v. Var. l. 5. de L. L. p. 61. (4) v. l. 1. c. 5. n. 13.

(5) ex Arist. 2. Rhet. 21.

Omnibus instantibus qui aderant, dexterarum fidemque dedere, mittere vere ac finire odium, deinde, collaudantibus cunctis, deducti sunt in Capitolium. & curæ super tali re principum, & facilitas censorum egregie comprobata ab senatu & laudata est. Censoribus deinde postulantibus, ut pecuniæ summa sibi, qua in opera publica uterentur, attribueretur, vectigal annuum decretum est.

CAPUT XXVII.

Res secundæ in Hispania prætorum Tib. Sempronii Gracchi, & L. Postumii Albini; quorum alter inciteriore cum Celtiberis, alter in ulteriore cum Vaccæis egregie pugnat.

47. **E**odem anno in Hispania L. Postumius, & Tiberius Sempronius proprætores comparaverunt ita inter se, ut in Vaccæos per Lusitaniam iret Albinus, inde in Celtiberiam reverteretur. Gracchus, quod majus ibi bellum esset, in ultima Celtiberiæ penetravit. Mundam urbem primum vi cepit, nocte ex improvviso aggressus. acceptis deinde obsidibus, præsidioque imposito, castella oppugnare, agros urere, donec ad prævalidam aliam urbem (Certimam appellant Celtiberi) pervenit: ubi cum jam operam admove-ret, veniunt legati ex oppido: quorum sermo antiquæ simplicitatis fuit, non dissimulantium bellaturos, si vires essent. petierunt enim, ut sibi in castra Celtiberorum ire liceret ad auxilia accipienda. si non impetrassent, tum separatim eos ab illis se consulturos. Permittente Graccho ierunt. & post paucis diebus alios decem legatos secum adduxerunt. Meridianum tempus erat. nihil prius petierunt a prætore, quam ut bibere sibi juberet dari. epotis primis poculis, iterum poposcerunt, magno risu circumstantium in tam rudibus, & moris omnis ignaris ingeniis. tum maximus natu ex iis, *Missi sumus*, inquit, *a gente nostra qui sciscitaremur, qua tandem re fretus,*
arma

* a).
rebel-
latu-
ros.

arma nobis inferres ? Ad hanc percunctationem Gracchus, exercitu se egregio fidentem venisse, respondit, quem si ipsi visere velint, quo certiora ad suos referant, potestatem se eis facturum esse. tribunisque militum imperat, ut ornari omnes copias peditum equitumque, & decurrere jubeant armatas. Ab hoc spectaculo legati missi deterruerunt suos ab auxilio circumfessæ urbi ferendo. Opidani cum ignes nocte turribus nequicquam (quod signum convenerat) sustulissent, destituti ab unica spe auxilii in deditionem venerunt. festertium nummum quater & (1) vicies ab iis est exactum: quadraginta nobilissimi equites, nec obsidum nomine (nam militare jussi sunt) & tamen re ipsa ut pignus fidei essent. Inde jam duxit ad Alcen urbem, ubi castra Celtiberorum erant, a quibus venerant nuper legati. eos cum per aliquot dies armaturam levem immittendo in stationes laceffisset parvis præliis, in dies majora certamina ferebat, ut omnes extra munitiones eliceret. Ubi quod petebatur sensit effectum, auxiliorum præfectis imperat, ut contracto certamine, tanquam multitudine superarentur, repente tergis datis ad castra effulse fugerent. ipse intra vallum ad omnes portas instruxit copias. Haud multum temporis intercessit, cum ex composito refugientium suorum agmen, post effulse sequentes barbaros conspexit. instructam ad hoc ipsum intra vallum habebat aciem. itaque tantum moratus, ut suos refugere in castra libero introitu sineret: clamore sublato, simul omnibus portis erupit. Non sustinere impetum nec opinatum hostes. qui ad castra oppugnanda venerant, ne sua quidem tueri potuerunt. nam ex templo fusi, fugati, mox intra vallum paventes compulsi, postremo exuuntur castris. Eo die novem millia hostium cæsa: capti vivi trecenti viginti, equi centum duodecim, signa militaria triginta septem. De exercitu Romano centum novem ceciderunt. Ab hoc prælio Gracchus du-

48.

(1) intellige: centena millia.

xit ad depopulandum Celtiberiam legiones . & cum ferret passim cuncta atque ageret : populi- que alii voluntate, alii metu jugum acciperent : (1) CIII. oppida intra paucos dies in deditio- nem accepit . præda potitus ingenti est . Conver- tit inde agmen retro, unde venerat, ad Alcen, atque eam urbem oppugnare institit . Oppidani primum impetum hostium sustinuerunt . deinde cum jam non armis modo , sed etiam operibus oppugnarentur , diffisi præsidio urbis , in arcem universi concesserunt . postremo & inde præmissis oratoribus, in ditionem se suaque omnia Roma- nis permisit . Magna inde præda facta est . multi captivi nobiles in potestatem venerunt : inter quos & Thurri filii duo, & filia . regulus hic earum gentium erat, longe potentissimus o- mnium Hispanorum . Audita suorum clade, mis- sis qui fidem venienti, in castra ad Gracchum pe- terent, venit : & primum quæsit, *ab eo ne li- ceret sibi ac suis vivere?* cum prætor victurum re- spondisset, quæsit iterum, *si cum Romanis mi- litare liceret?* id quoque Graccho permittente, *sequar*, inquit, *vos adversus veteres socios meos,*

* al. quoniam illos ad me * propiunt suspicere . Secutus
 igitur respice-
 rit . est inde Romanos, fortique ac fideli opera mul-
 tis locis rem Romanam adjuvit . Ergavica inde

50. nobilis, & potens civitas, aliorum circa populo- rum cladibus territa, portas aperuit Romanis . eam deditio- nem oppidorum haud cum fide factam quidam auctores sunt . e qua regione abduxisset legiones, extemplo inde rebellatum, magnoque eum postea prælio ad montem Caunum cum Cel- tiberis a prima luce ad sextam horam dici, si- gnis collatis pugnasse : multos utrinque cecidisse (2) nec aliud magnopere Ergavicæ credere se fe- cif-

-
- { 1 } mirum, si tot vici in Celtiberia fuerint .
 { 2 } hunc locum male vexatum alii ita restitunt .
 cecidisse : nec aliud magnopere, ne victos cre-
 deres, fecisse Romanos, nisi quod postero die
 lacefferint prælio manentes intra vallum ; spo-
 lia per totum diem legerint ; tertio die &c .

cisse Romanos, nisi quod manentes intra vallum prælio lacefferint) postero die spolia per totum diem legisse. tertio die prælio majore iterum pugnatum, & tum demum haud dubie victos Celtiberos, castraque eorum capta & direpta esse. viginti duo millia hostium eo die esse cæsa, plus trecentos captos: parem fere equorum numerum: & signa militaria septuaginta duo: inde debellatum, veramque pacem, non fluxa, ut ante, fide Celtiberos fecisse. Eadem æstate & L. Postumium in Hispania ulteriore bis cum Vaccæis egregie pugnasse, scribunt. ad triginta & quinque millia hostium occidisse, & castra oppugnasse. Propius vero est, serius in provinciam pervenisse, quam ut ea estate potuerit res gerere.

CAPUT XXVIII.

Quæ acta sunt a censoribus M. Æmilio Lepido, & M. Fulvio Nobiliore.

Censores fideli concordia senatum legerunt. 51. princeps electus est ipse censor M. Æmilius Lepidus pont. max.: tres ejecti de senatu. retinuit quosdam Lepidus a collega præteritos. Opera ex pecunia attributa divisæque inter se, hæc confecerunt. Lepidus molem ad Tarracina, (1) ingratum opus, quod prædia habebat ibi, privatamque publicæ rei impensam * insue-^{* al. injun-}rat. Theatrum & proscenium ad Apollinis, æ-^{xerat.}dem Jovis in Capitolio, columnasque circa poliendas albo locavit. & ab his columnis, quæ incommode (2) opposita videbantur signa, amovit: clypeaque de columnis, & signa militaria affixa omnis generis dempsit. M. Fulvius plura, & majoris locavit usus. portum, & pilas pontis in Tiberim, quibus pilis fornices post aliquot an-

P 5

nos

(1) quod publice non probabatur: quia Lepidus publica impensa construxerat opus, quod ipse, alii-
que qui ibi præsidia habebant, privata impensa
facere debuerant. (2) alii: apposita.

nos (1) P. Scipio Africanus, & L. (2) Mummius censores locaverunt imponendos: basilicam post argentarias novas, & forum piscatorum circumdatis tabernis, quas vendidit in (3) privatum: & forum & porticum extra portam Ter-geminam, & aliam post navalia, & ad fanum Herculis, & post Spei ad Tiberim ædem Apollinis medici. habuere & in promiscuo (4) præterea pecuniam: ex ea communiter locarunt aquam adducendam, fornicesque faciendos. impedimento operi fuit M. Licinius Crassus, qui per fundum suum duci non est passus. Portoria quoque, & vestigalia iidem multa instituerunt. complura sacella publica, quæ occupata a privatis; (5) publica que sacra, ut paterent, essentque populo, curarunt. mutarunt (6) suffragia: regionatimque generibus hominum, (7) causisque & quæstibus, tribus descripserunt. Et alter ex censoribus M. Æmilius petiit ab senatu, ut sibi dedicationis templorum Reginæ Junonis & Dianæ, quæ bello Ligustino ante annis octo vovisset, pecunia ad ludos decerneretur. viginti millia æris decreverunt. Dedicavit eas ædes utramque in circo Flaminio. ludosque scenicos triduum post dedicationem templi Junonis, biduum post Dianæ, & singulos dies fecit in circo. Idem dedi-

ca-

(1) *Æmilianus.*

(2) *Achaicus; qui Corinthum cepit.*

(3) *in privatorum usum.*

(4) *præter eam, quam inter se diviserant.*

(5) *alii: publica rursus ut essent, paterentque populo &c. alii: publica, sacraque ut essent, paterentque populo &c.*

(6) *rationem ineundi suffragia.*

(7) *negotiiisque: statuerunt igitur, ut in unaquaque tribu ii simul suffragium ferrent, qui essent ejusdem ordinis, ut Senatorii &c. ita qui essent ejusdem professionis, ut calceolarii. &c. hanc tamen mutationem Suffragiorum Gruchius 2. de Comit. Rom. 4. ad tributa, non ad centuriata consilia pertinuisse contendit.*

cavit ædem Larium (1) Permarinum in campo, voverat eam annis (2) duodecim ante L. Æmilius Regillus, navali prælio adversus præfectos regis Antiochi. supra valvas templi tabula cum (3) titulo hoc fixa est. *Duello magno regibus dirimendo ** caput ** subigendis ** patrandæ pacis ** Hæc pugna exeunti L. Æmilio M. Æmilii F. Regillo Prætori ** auspicio, imperio, felicitate, ductuque ejus inter Ephesum, Samum, Chiumque classis regis Antiochi ante D. XI. K. Jan. victa, fusa, confusa, fugataque est, ibique eo die naves longæ cum omnibus sociis captæ XLII. Ea pugna pugnata rex Antiochus, regnumque ejus. ****. Ejus rei ergo ædem Laribus Permarinis vovit. Eodem exemplo tabula in æde Jovis in Capitolio supra valvas fixa est.*

CAPUT XXIX.

*Q. Fulvius Cos. cum Liguribus prospero prælio concreditur: hujus victoriæ causa fit Romæ supplicatio: Galli Alpes transgressi, Italia submoven-
tur.*

BIduo quo senatum legerunt censores, Q. Ful- 53.
vius Cos. profectus in Ligures, per invios montes vallesque saltus cum exercitu transgressus, signis collatis cum hoste pugnavit, neque tantum acie vicit, sed castra quoque eodem die cepit. Tria millia ducenti hostium, omnisque ea regio Ligurum in deditionem venit. Cos. deditos in campestres agros deduxit, præsidiaque montibus imposuit. Celeriter & ex provincia literæ Romam venerunt. supplicationes ob eas res gestas in triduum decretæ sunt. Prætores qua-
P 6 dra-

(1) pro Permarinorum. Laræ autem Permarini fortasse sunt iidem quos Marinos vocat Varro apud Nonium 5. De Laribus Marinis, & permarinis v. Taubm. ad Plauti Bacchid. 2. 1. 3. Barth. ad Calpurn. Ecl. 2. 64. & Abresch. 2. Animadv. 27.

(2) alii: undecim. (3) in hoc titulo nihil sani.

draginta hostiis majoribus per supplicationes rem divinam fecerunt. Ab altero Cos. L. Manlio nihil memoria dignum in Liguribus est gestum. Galli transalpini tria millia hominum in Italiam transgressi, neminem bello laceffentes, agrum a Cos. & senatu petebant, ut pacati sub imperio P. R. essent. eos senatus excedere Italia jussit, & Cos. Q. Fulvium quærere, & animadvertere in eos, qui principes & auctores transcendendi Alpes fuissent.

CAPUT XXX.

Rex Macedonum Philippus mœrore confectus propter interfectum Demetrium filium falsis Persei delationibus; quia Perseum in potestate ad pœnam corporis habere non potest, ne scelus ejus sit impunitum, cogitat regnum Antigono relinquere: sed in hac cogitatione Philippo extincto, Perseus regnum invadit.

34. **E**odem anno Philippus rex Macedonum senio & mœrore consumptus post mortem filii decessit. Demetriade hibernabat, cum desiderio anxius filii, tum poenitentia crudelitatis suæ, * quæ stimulat animum: & alter filius haud dubie & sua & aliorum opinione rex, conversique in eum omnium oculi, & destituta senectus, aliis expectantibus suam mortem, aliis ne expectantibus quidem. quo magisangebatur & cum eo Antigonus Echecratis filius, nomen patruī Antigoni ferens, (1) qui tutor Philippi fuerat, regis vir majestatis, nobili etiam pugna adversus (2) Cleomenem Lacedæmonium clarus. (3) Tutorem eum Græci, ut cognomine a cæteris regibus distinguerent, appellarunt. (4) Hujus fratris filius Antigonus ex honoratis Philip-

* al. stimulat
labat
animum
& al.
ter.

lip:-

- (1) Patruus. (2) ultimum Lacedæmoniorum Regem. de eo prælio Polyb. 2. 67.
(3) dictus est etiam Evergetes, & Soter..
(4) Antigoni Tutoris.

lippi amicis unus incorruptus permanerat : eique ea fides (1) nequaquam amicum Persea, inimicissimum fecerat. is prospiciens animo, quanto cum periculo suo hereditas regni ventura esset ad Persea, ut primum labare animum regis, & ingemiscere interdum filii desiderio sensit : nunc præbendo aures, nunc laceffendo etiam mentionem rei temere actæ, sæpe querenti querens & ipse aderat : & cum multa adsoleat veritas præbere vestigia sui, omni ope adjuvabat, quo maturius (2) omnia emanarent. Suspecti & ministri facinoris, Apelles maxime & Philocles erant, qui Romam legati fuerant, literasque exitiales Demetrio sub nomine Flamini attulerant. eas falsas esse, & a scriba vitiatas, fingnumque adulterinum, vulgo in regia fremebant. Cæterum cum suspecta magis, quam manifesta esset res, forte (3) Xychus obuius fit Antigono : comprehensusque ab eo in regiam est perductus. relicto eo custodibus, Antigonus ad Philippum processit. *Multis, inquit, sermonibus intellexisse videor, magno te æstimaturum, si scire vera omnia possis de filiis tuis, uter ab utro petitus fraude & insidiis esset : homo unus omnium, qui nodum huius erroris exsolvere possit, in potestate tua est Xychus.* (4) forte vocatum perductumque in regiam, vocari juberet. Adductus, primo ita negare inconstanter, ut parvo metu admoto paratum indicem esse appareret. conspectum tortoris verberumque non sustinuit, ordinemque omnem facinoris legatorum ministeriiue sui exposuit. Ex templo missi qui legatos comprehenderent : Philoclem, qui præsens erat, oppresserunt. Apelles missus ad Chæream quendam persequendum, indicio Xychi audito, in Italiam trajecit. De Philocle nihil certi vulgatum est. alii primo audaci-

55.

-
- (1) alii: neque ante.
 (2) insidiæ & fraudes Persei patefierent.
 (3) hic fortasse scriba est, qui litteras vitiauit.
 (4) alii: forte oblatum perductumque in regiam vocari jube.

56.

citer negantem, postquam in conspectum additus sit Xychus, non ultra tetendisse: alii tormenta etiam inficiantem perpeffum affirmant. Philippo redintegratus est luctus geminatusque: & infelicitatem suam in liberis graviolem, quod alter (1) perisset, censebat. Perseus certior factus omnia detecta esse, potentior quidem erat, quam ut fugam necessariam duceret: tantum ut procul abesset, curabat: interim velut ab incendio flagrantis iræ, dum Philippus viveret, se defensusus. (2) qui spe potiundi ad pœnam (3) corporis ejus amissa, quod reliquum erat, id studere, ne super impunitatem etiam præmio scelestis frueretur. Antigonum igitur appellat, cui & palam facti parricidii gratia obnoxius erat, neque pudendum aut pœnitendum eum regem Macedonibus, propter recentem patrui Antigoni gloriam fore censebat. *Quando in eam fortunam veni, inquit, Antigone, ut orbitas mihi, quam alii detestantur parentes, optabilis esse debeat: regnum quod a patruo tuo forti, non solum fidei, tutela ejus custoditum & auctum etiam accepi, id tibi tradere in animo est. Te unum habeo, quem dignum regno judicem. si neminem haberem, perire & extinguere id mallet, quam Perseo scelestæ fraudis præmium esse. Demetrium excitatum ab inferis, restitutumque credam mihi, si te, qui morti innocentis, qui meo infelici errori unus inlacrymast, ipse locum ejus substitutum relinquam.* Ab hoc sermone omni genere honoris producere eum non destitit. cum in Thracia Perseus abesset, circumire Macedoniæ urbes, principibusque Antigonum commendare. & si vita longior suppetisset, haud dubium fuit, quin eum in possessione regni relicturus fuerit. Ab Demetriade profectus, Thessalonica plurimum temporis moratus fuerat. inde cum Amphipolin venisset, gravi morbo est implicitus. Sed animo tamen ægrum magis fuisset, quam corpore, constat: curisque & vigiliis

(cum

(1) alii: superesset. (2) Philippus.
(3) Persei.

(cum identidem species & umbræ infantis interempti filii (1) cum diris agitent) extinctum esse, cum execrationibus alterius. (2) Admoneri tamen potuisset Antigonus, si haud statim palam facta esset mors regis. Medicus Calligenes, qui curationi præerat, non expectata morte regis, a primis desperationis notis nuntios prædispositos, ita ut convenerat, misit ad Perseum: & morient regis in adventum ejus omnes, qui extra regiam erant, celavit. Oppressit igitur nec opinantes ignarosque omnes Perseus, & regnum scelere partum invasit. 57-

CAPUT XXXI.

Dum morte Philippi regis differtur contra Romanos bellum (cujus ab illo agitata consilia hic exponuntur) Perseus filius partum scelere regnum firmat, occisoque Antigono, quem Philippus in possessione regni relinquere cogitaverat, Romanum legatos, donec vires bello contrahat, ad avicitiā petendam mittit.

Peroportuna mors Philippi fuit ad dilationem, & ad vires bello contrahendas. nam post paucis diebus gens Bastarnarum diu sollicitata, ab suis sedibus magna peditum equitumque manu Istrum trajecit. inde prægressi qui nuntiarent regi, Antigonus & Cotto. nobilis is erat Bastarna. erat Antigonus perinvitus cum ipso Cotto legatus ad concitandos Bastarnas missus. haud procul Amphipoli (3) famæ incerti nuntii occurrerunt, mortuum esse regem. quæ res omnem ordinem consilii turbavit. Compositum autem sic fuerat: transitum per Thraciam

-
- (1) alii: (filii agitent) extinctum esse cum diris execrationibus alterius.
 (2) ad spem regni. alii: admoneri. quia Antigonus aberat a Philippo legatus ad Bastarnas; ut ex cap. seq. liquet.
 (3) alii: fama, inde certi &c.

ciam tutum, & commeatus Bastarnis ut Philippus præstaret. id ut facere posset, regionum principes donis coluerat, fide sua obligata, pacato agmine transituos Bastarnas. Dardanorum gentem delere propositum erat, inque eorum agro sedes dare Bastarnis. duplex inde erat commodum futurum, si & Dardani, gens semper infestissima Macedoniae, temporibusque iniquis regum imminens, tolleretur: & Bastarnæ relictis in Dardania conjugibus liberisque, ad populandam Italiam possent mitti. per Scordiscos iter esse ad mare Adriaticum Italiamque. alia via traduci exercitum non posse. facile Bastarnis Scordiscos iter daturos: nec enim aut lingua aut moribus æquales abhorre. & ipsos adjuncturos se, cum ad prædam opulentissimæ gentis ire vidissent. Inde in omnem eventum consilia * commodabantur. siue cæsi ab Romanis forent Bastarnæ, Dardanos tamen sublato, prædamque ex reliquiis Bastarnarum, & possessionem liberam Dardaniæ, solatio fore. siue prospere gessissent, Romanis aversis in Bastarnarum bellum, recuperaturum se in Græcia quæ amisisset. Hæc Philippi consilia fuerant. Ingressi sunt pacato agmine, fide Cottonis & Antigoni: sed haud multo post famam mortis Philippi, neque Thraces commercio faciles erant, neque Bastarnæ empto contenti esse poterant, aut in agmine contineri, ne decederent via. Inde injuriæ ultro citroque fieri: quarum in dies incremento bellum exarsit. Postremo Thraces, cum vim ac multitudinem sustinere hostium non possent, relictis campestribus vicis, in montem ingentis altitudinis (Donucam vocant) concesserunt. * Quo ubi ire Bastarnæ vellent, (1) quali tempestate Gallos spoliante Delphos fama est peremptos esse: talis tum Bastarnas nequicquam ad juga montium appropinquantibus oppressit. Neque enim imbre tantum effuso, dein creberrima grandine obruti

* al.
ac-
com-
mo-
da-
ban-
tur.

58.

* al.
cum
sub-
ire.

(1) hanc historiam, siue fabulam narrat Pausan. in Atticis 4. Justinus 24. 8.

bruti sunt, cum ingenti fragore cœli tonitribusque & fulguribus præstringentibus aciem oculorum: sed fulmina etiam sic undique micabant, ut peti viderentur corpora: nec solum milites, sed etiam principes icti caderent. itaque cum præcipiti fuga per rupes præaltas, improvidi sternerentur ruerentque, instabant quidem percussis Thraces: sed ipsi deos auctores fugæ esse, cœlumque in se ruere ajebant. Dissipati procella, cum, tanquam ex naufragio, plerique semermes in castra, unde profecti erant, redissent: consultari quid agerent, cœptum. inde orta dissensio: aliis redeundum, aliis penetrandum in Dardaniam censentibus. Triginta ferme millia hominum (Elonico duce profecti erant) pervenerunt. cætera multitudo retro qua venerat, transdanubianam regionem repetiit. Perseus positus regno interfici Antigoni jussit. & dum firmaret res, legatos Romam ad amicitiam paternam renovandam, petendumque, ut rex ab senatu appellaretur, misit. Hæc eo anno in Macedonia gesta.

CAPUT XXXII.


Q. Fulvius cos. ex Liguribus triumphat: comitia consularia, atque prætoria habentur: novi coff. sunt M. Junius Brutus, A. Manlius Vulso: prodigia expiantur.

ALter consulum Q. Fulvius ex Liguribus triumphavit. quem triumphum magis gratiæ, quam rerum gestarum magnitudini, datum constabat. Armorum hostilium magnam vim transtulit: nullam pecuniam admodum. divisit tamen in singulos milites tricenos æris, duplex centurionibus, triplex equiti. Nihil in eo triumpho magis insigne fuit, quam quod forte evenit, ut eodem die triumpharet, quo priore anno ex prætura triumphaverat. Secundum triumphum comitia edixit, quibus creati Coff. sunt M. Junius Brutus, A. Manlius Vulso. Prætorum inde tribus

bus creatis, comitia tempestas diremit. postero die reliqui tres facti, ante diem quartum idus Martias, M. Titinius Curvus, Ti. Claudius Nero, T. Fonteius Capito. Ludi Romani instaurati ab ædilibus curulibus, Cn. Servilio Cæpione, Ap. Claudio Centhone, propter prodigia quæ evenerant. Terra movit: in (1) foris publicis, ubi lectisternium erat, deorum capita, quæ in lectis erant, averterunt se: (2) lanæque cum integumentis, quæ Jovi * apposita fuit, decidit. de mensa oleas quoque prægustasse mures, in prodigium versum est. Ad ea expianda nihil ultra, quam ut ludi instaurarentur, actum est.

* al.
op-
posi-
ta.

LIBER XLI.

[„  Am per omnes orbis terrarum „ partes victricia populus Ro- „ manus circumtuleraſt arma, „ diſſitaſque procul & ſejun- „ ctas non uno mari regiones „ longe lateque pervaserat. Sed „ in tanta fluentium ex voto rerum felicitate, „ moderationis tamen adeptus laudem, auctori- „ tate magis, quam imperio pollebat: & apud „ exteras gentes plura conſilio, quam vi & ter- „ rore, gerere ſe gloriabatur. In devictos po- „ pulos regeſque non acerbus, munificus erga „ ſocios, ſibi ſolum victoriæ decus appetens, „ ſuam regibus majeſtatem, populis, vel in æ- „ quo, vel etiam in impari toedere ſuas tamen „ leges, ſua jura libertatemque ſervaverat: at- „ que adeo armis utranque maris mediterranei „ oram a Gadibus ad Syriam uſque complexus, „ & per immenſos terrarum tractus reverentia „ nomini Romano conciliata, ſubjectos tamen „ ditioni ſolos habebat Siciliæ, & circumjecta- „ rum Italiæ inſularum, & pleræque Hiſpaniæ, „ ju-

(1) alii: fanis. (2) alii: lanxque.

„ jugum tamen nondum docili ferentis cervice,
 „ populos. Augendæ dominationi causam mate-
 „ riamque præbuit potius inconsulta hostium,
 „ & æmulum pravitas, quam ipsius ambitio.
 „ Persei in primis, Macedoniæ regnum per frau-
 „ dem, ac scelus adepti, crudelitas in popula-
 „ res omnibus invisa, vesana inter immensas
 „ opes avaritia, inconsiderata in capiendis ex-
 „ sequendisque consiliis levitas, & illum pessum-
 „ dedere, & quæcunque stante hoc præcipuo Ro-
 „ manæ potentia velut freno stare poterant. Re-
 „ dundavit enim in alios ejus casus, nec finiti-
 „ morum tantum, sed eorum etiam qui longius
 „ remoti erant, ruinam traxit. Macedonum exi-
 „ tium secuta cum Achæis Carthago: atque,
 „ horum cladibus convulso omnium statu, reli-
 „ qua jam imperia, aliquandiu obnoxia, post
 „ paulo everfa, in Romanum imperium cuncta
 „ cesserunt. Atque hæc, ut locis temporibus-
 „ que diversa, ita re conjuncta, sub uno aspectu
 „ hic ponere libuit, intuenti imminens mox
 „ Romanis a Perseo bellum, unde initium ma-
 „ xime crescendi res Romanæ cepere. Illud bel-
 „ lum tunc coquebat occultum Perseus: laceffe-
 „ bant magis, quam exercebant Romana arma
 „ Ligures & Galli.
 „ M. Junio Bruto, A. Manlio Vulsoni (1)
 „ Coss. decretæ ergo provinciæ sunt, Gallia &
 „ Ligures: Manlio Gallia, Junio Ligures obti-
 „ gere. Prætoribus M. Titinio Curvo urbana,
 „ Ti. Claudio Neroni peregrina jurisdictio eve-
 „ nit: P. Ælio Liguri Sicilia, T. Æbutio Caro
 „ Sardinia, M. Titinio (duo enim M. Titinii
 „ præturam hoc anno gesserunt) (2) Hispania
 „ citerior, T. Fontejo Capitori ulterior. (3)
 „ Incendium circa forum ortum est, quo & plu-
 „ rima deusta sunt, & Veneris ædes sine ullo
 „ vestigio cremata. Vestæ penetralis ignis extin-
 „ ctus.

(1) Liv. *infra* n. 5. 6. & 7.

(2) *infra* n. 9. & 26. & l. 43. n. 2.

(3) Epit. *hujus lib.* & Julius Obsequens c. 26.

„ Etus. Virgo, cujus custodia fuerat, jussu M.
 „ Æmilii pontificis max. flagro cæsa, & suppli-
 „ cationes de more habitæ sunt. Lustrum hoc
 „ anno a censoribus M. Æmilio Lepido, M. Ful-
 „ vio Nobiliore conditum est. Censa sunt ci-
 „ vium capita ducenta (1) septuaginta tria mil-
 „ lia, ducenta quadraginta quatuor. Legati a
 „ Perseo Macedonum rege venerunt, postulantes,
 „ ut (2) rex sociusque & amicus a Senatu appella-
 „ retur, fœdusque cum eo, quod cum Philippo
 „ patre ejus fuerat, renovaretur. Suspectus invi-
 „ susque erat Romanis Perseus, nec dubitabant
 „ plerique, quin bellum, a Philippo tot per an-
 „ nos occultis consiliis instructum, ubi primum
 „ daretur occasio, viresque ei suæ satis placuif-
 „ sent, illaturus esset. Tamen, ne quietum, &
 „ pacis studiosum laceffisse, belloque causam ipsi
 „ dedisse viderentur, postulata ei sua concesser-
 „ runt. Perseus, hoc accepto responso, firma-
 „ tum jam omnino sibi regnum existimans, opes
 „ apud Græcos parare statuit. Cupidus ergo
 „ comparandæ eorum amicitiae, (3) quotquot
 „ æris alieni causa, aut judicio damnati solum
 „ verterant, quique ob majestatis crimina Ma-
 „ cedonia excefferant, universos in Macedoniam
 „ revocavit, edictis in insula Delo, ac Del-
 „ phis, & in templo Itoniæ Minervæ palam
 „ propositis, quibus non modo impunitatem, sed
 „ etiam bonorum omnium restitutionem, cum
 „ fructibus ab eo tempore, ex quo quisque exu-
 „ laret, redeuntibus concedebat. Sed & iis,
 „ qui Macedonia degebant, quidquid debebatur
 „ fisco, remisit: cunctosque ob crimen majesta-
 „ tis vinctos liberavit. His rebus cum multo-
 „ rum animos arrexisset, Græciam in se conver-
 „ tit

(1) an hinc est error librarii? nam in Epit. legas
 ducenta sexaginta tria millia ducenta nona-
 ginta quatuor.

(2) Liv. l. 40. n. 58. & l. 45. n. 9.

(3) Perseus initio regni multis laudibus commen-
 datus. v. Polyb. excerpt. de Virt. & Vit. l. 26.

tit omnem, & magna spe implevit. Quin etiam in toto reliquæ vitæ cultu regiam dignitatem tuebatur. Nam & species erat honesta, & corpus ad omnia belli pacisque munia obunda validum & habile, & frontis ac supercilii decora maturæ jam ætati majestas. Nihil in eo paternæ lasciviæ, effusæque in Venerem & vina libidinis. His laudibus Perseus initia principatus commendabat, haud pares inceptis habitura exitus.

Antequam prætores ii, qui Hispanias sortiti fuerant, in provincias venirent, magnæ res ibi gestæ sunt a Postumio, & Graccho. Sed Gracchi præcipua laus fuit, qui ætate florens, cum virtute animi, & prudentia æquales omnes multum anteiret, & ingenti tum fama celebrabatur, & majorem in futurum de se spem concitabat. (1) Carabin urbem sociam Romanorum viginti millia Celtiberorum oppugnabant. Gracchus ad opem sociis ferendam properavit. Illa sollicitudo angebat, quoniam modo consilium suum obsessis significaret, tam arcta obsidione prementibus urbem hostibus, ut vix eo nuntius commeare posse videretur. Arduum negotium expedivit Cominii audacia. Is equitum turmæ præfectus, re prius apud se perpensa, & Graccho, quid pararet, admonito, Hispanico indutus sago, pabulatoribus hostium se immiscuit. Cum his castra ingressus, hinc cursu ad urbem contendit, nuntiatque adventare Tiberium. Oppidani ex ultima desperatione ad alacritatem atque audaciam hoc nuntio excitati, obfirmatis ad fortiter repugnandum animis, die tertio, adventu Gracchi digressis hostibus, obsidione exempti sunt. Ipse postea Gracchus fraude barbarorum appetitus, periculum viribus arte adjutis ita discussit, ut dolus in auctores verteret. Complega erat
„ urbs

(1) de rebus a Graccho in Hispania gestis Diodor. apud Vales. Appian. Alex.

„ urbs aliquot ante annis condita , sed valida
 „ muris , & celeribus incrementis aucta , in quam
 „ multi Hispanorum concurrerant , qui prius e-
 „ gentes agro huc illuc vagari cogeantur . ex
 „ ea urbe prodeuntes ad viginti hominum mil-
 „ lia , supplicum habitu , ramosque oleæ porri-
 „ gentes , in conspectu castrorum tanquam pa-
 „ cem oraturi constiterunt . Mox abiectis pre-
 „ cantium insignibus , ex improviso aggressi Ro-
 „ manos pavore ac tumultu omnia compleve-
 „ runt . Gracchus sapienti consilio castra per
 „ simulationem fugæ deseruit : quæ illi dum solita
 „ barbaris aviditate diripiunt , seseque prædæ
 „ præpediunt ; reversus subito , & nihil tale me-
 „ tuentes adortus , plurimos cecidit , atque et-
 „ iam ipsa urbe potitus est . (1) Sunt qui rem
 „ aliter narrent : Gracchum cum comperisset hos-
 „ tem inopia laborare , castra instructissima om-
 „ nibus esculentis deseruisse , quæ adeptum
 „ hostem , & repertis intemperanter repletum
 „ gravemque , reducto exercitu Romano , subito
 „ oppressum esse . Cæterum , sive hæc diversa est
 „ ejusdem rei gestæ narratio , sive alia plane res
 „ ac victoria , (2) complures certe populos
 „ Gracchus , atque adeo totam Celtiberorum gen-
 „ tem perdomuit . Cepisse eum , & evertisse tre-
 „ centas ex illis urbes , quamquam Polybius gra-
 „ vis auctor memorat , haud tamen pro certo
 „ affirmare ausim , nisi si urbium nomine turres
 „ & castella intelligenda sunt : quo mendacii ge-
 „ nere & ipsi bellorum duces , & scriptores quo-
 „ que historiarum res gestas exornare amant .
 „ Nam Hispania quidem arido & inculto solo
 „ magnam urbium multitudinem alere non po-
 „ test . Repugnant etiam Hispanorum mores , si
 „ accolæ nostri maris excipias , feri agrestesque ,
 „ cum civilibus urbium conventibus mansuetio-
 „ ra fieri soleant hominum ingenia . Cæterum
 „ quid statuendum sit de numero aut genere
 „ „ ur-

(1) *Front. l. 2. c. 5. n. 14.*

(2) *Epit. hujus lib. Strab. l. 3. p. 163.*

urbium a Senipronio captarum (etenim in numero variant quoque scriptores, & (1) centum quinquaginta alii, alii (2) centum tria oppida ab eo capta memoravere) magnas certe res ille gessit; (3) nec bellicis tantum inclaruit laudibus, sed & egregium se pacis legumque moderatorem & arbitrum devictis gentibus præbuit. Nam & divisit inopibus agrum, & sedes ad habitandum assignavit, & omnibus ea loca incolentibus populis leges accurate descriptas, ex quibus in amicitia ac societate populi Romani viverent, dato acceptoque jurejurando firmavit. Atque hujus quidem fœderis auctoritatem sæpius imploravit sequens ætas in bellis, quæ postea orta sunt. Gracchus monumentum virtutis operumque suorum (4) Gracchurim urbem suo nomine insignem esse voluit, quæ antea Illurcis nominabatur. Postumii rerum fama obscurior est. (5) Vaccæi tamen ab eo & Lusitani subacti sunt, & quadraginta ex his populis hominum milia interfecti. His rebus gestis ambo, advenientibus successoribus exercitus ac provincias cum tradidissent, (6) ad triumphum decesserunt.

In Gallia (7) Manlius cos. cui ea provincia obvenerat, cum triumpho materia deesset, oblatam a fortuna belli adversus Istros movendi occasionem cupide amplexus est. Ætolos pridem bellantes cum adjuvissent Istri, nuper quoque tumultuati fuerant.

CA-

- (1) *Flor. 2. 17.* (2) *Liv. l. 40. c. 47. n. 49.*
 (3) *Appian. Iber.* (4) *Epit. huj. lib. Festus.*
 (5) *Epit. huj. lib. Oros. 4. 20.*
 (6) *Liv. infra n. 7.*
 (7) *res gestas Manlii Cos. narrat Flor. 2. 10. & Liv. infra n. 10.*

CAPUT I.

A. Manlius cos. ab Aquileja contra Istros profectus, ad lacum Timavi castra movet: Istri, fugatis subito incursum Romanis stationibus, in castra quoque impetum faciunt: ea a militibus trepidantibus, atque ad mare fugientibus vacua relicta, capiunt: cos. revocatis militibus, amissa castra, oppressis ibi hostibus vino somnoque gravatis, recipit.

„ Præerat tum illis ferocis ingenii rex Æpulo, qui
 U.C. „ gentem] a Patre in pace habitam arripisse, eoque
 572. juventuti prædandi cupidæ pergratus esse dicebatur. Consilium de Istrico bello cum haberet consul; alii gerendum extemplo, antequam contrahere copias hostes possent, alii consulendum prius senatum censebant. Vicit sententia quæ diem non proferebat. Profectus ab Aquileja consul, castra ad lacum Timavi posuit. Imminet mari is lacus. Eodem decem navibus C. Furius duumvir navalis venit. Adversus Illyriorum classem creati duumviri navales erant, qui (1) tuendam viginti navibus mari superiore Anconam velut cardinem haberent: inde L. Cornelius dextra litora usque ad Tarentum, C. Furius læva usque ad Aquilejam tueretur. Eæ naves ad proximum portum in Istriæ fines cum onerariis & magno commeatu missæ. secutusque cum legionibus consul, quinque ferme millia a mari posuit castra. In portu emporium brevi perfrequens factum, omniaque hinc in castra supportabantur: & quo id tutius fieret, stationes ab omnibus castrorum partibus circumdatæ sunt: in * Istriamque suum præsidium stativum, (2) repentina cohorts Placentina opposita inter mare & castra: & ut idem aquatoribus ad fluvium esset præsidium, M. Æbutius tribunus militum secundæ legionis duos manipulos militum adjicere jussus est. T. & C. Ælii tribuni militum legionem tertiam, quæ pabulatores & lignatores tueretur, via, quæ Aquilejam fert, duxerant. Ab eadem

* al.
Istri-
am
ver-
sum.

regio-

- (1) alii. tuendæ viginti navibus maris Superioræ.
 (2) e subitariis militibus collecta fuerat.

regione mille ferme passuum castra erant Gallo-
rum. Carmelus pro regulo erat tribus aut am-
plius millibus armatorum. Istri, ut primum ad
lacum Timavi castra sunt Romana mota, ipsi post
callem occulto loco confederunt: & inde obli-
quis itineribus agmen sequebantur, in omnem
occasionem intenti: nec quicquam eos quæ ter-
ra marique agerentur, fallebat. Postquam statio-
nes invalidas esse pro castris, * eorum turba in-
nervis frequens inter castra & mare mercantium,
sine ullo terrestri aut maritimo munimento vi-
derunt: duo simul præsidia, Placentinæ cohori-
tis, & manipulorum secundæ legionis aggre-
diuntur. Nebula matutina texerat incœptum:
qua dilabente ad primum teporem solis, perlu-
cens jam aliquid, incerta tamen, ut solet, lux
speciem omnium multiplicem intuenti reddens,
tum quoque frustrata Romanos, multo majorem
iis, quam erat, hostium aciem ostendit: qua ter-
riti utriusque stationis milites ingenti tumultu
cum in castra confugissent, haud paulo ibi plus,
quam quod secum ipsi attulerant, terroris fe-
cerunt. Nam neque dicere quid fugissent, nec
percontantibus reddere responsum poterant: &
clamor in portis, ut ubi nulla esset statio quæ
sustineret impetum, audiebatur: & concursatio
in obscuro incidentium aliorum in alios, incer-
tum fecerat, an hostis intra vallum esset. Una
vox audiebatur, ad mare vocantium. Id forte
temere ab uno exclamatum, totis passim perso-
nabat castris. Itaque primo velut jussi id face-
re, pauci armati, major pars inermes, ad mare
decurrunt: dein plures, postremo prope omnes:
& ipse consul, cum frustra revocare fugientes
conatus, nec imperio, nec auctoritate, nec pre-
cibus ad extremum valuisset. unus remansit M.
Licinius Strabo, tribunus militum tertiæ legio-
nis, cum tribus signis ab legione sua relictis.
Hunc, in vacua castra impetu facto, Istri, cum
alius armatus iis nemo obviam isset, in præto-
rio instruentem atque adhortantem suos oppres-
serunt. Prælium atrocius, quam pro paucitate

* al.
foris
tur-
ba in-
ner-
ma.

resistentium, fuit: nec ante finitum est, quam tribunus militum, quique circa eum constiterant, interfecti sunt. Prætorio dejecto, direptis quæ ibi fuerunt, ad quæstorium forum, quintanamque hostes pervenerunt. Ibi cum omnium rerum paratam expositamque copiam, & stratos lectos in quæstorio invenissent, regulus accubans epulari cœpit: mox idem cæteri omnes armorum hostiumque obliti faciunt: &, ut quibus insuetus liberalior victus esset, avidius vino ciboque corpora onerant. (1) Nequaquam eadem est tum rei forma apud Romanos. terra mari trepidatur, nautici tabernacula detendunt, commeatumque in litore expositum in naves rapiunt. milites in scaphas & mare territi ruunt. naufræ, metu ne compleantur navigia, alii turbæ obsistunt, alii ab litore naves in altum expellunt: inde certamen, mox etiam pugna cum vulneribus & cæde invicem militum nautarumque oritur: donec jussu consulis procul a terra classis submota est. Secernere inde inermes ab armatis cœpit. vix M. CC. ex tanta multitudine, qui arma haberent, perpauca equites, qui equos secum eduxissent, inventi sunt. cætera deformis turba, velut lixarum calorumque, præda vere futura, si belli hostes meminissent. Tunc demum nuntius ad tertiam legionem revocandam, & (2) Gallorum præsidium * opprimendum venit, & simul ex omnibus locis ad castra recipienda, demendamque ignominiam rediri cœptum est. Tribuni militum tertię legionis pabulum lignaque projicere jubent. centurionibus imperant, ut graviores ætate milites binos in ea jumenta, ex quibus onera dejecta erant, imponant: equites ut singulos e juvenibus pedites secum

* al.
ex-
pen-
sant
hæc
duo
ver-
ba.

(1) non se ingurgitabant in vinum Romani.

(2) an pabulatorum? nam tertia legio tum præsidio pabulatoribus erat profecta. certe tunc opprimendum, suppressum est. neque enim Galli in castris erant, sed Istri.

in equos tollant . egregiam gloriam legionis fore ,
 si castra metu secundanorum amissa , sua virtute re-
 cipiant : & recipi facile esse , si in præda occupati
 barbari subito opprimantur : sicut ceperint , posse ca-
 pi . Summa militum alacritate adhortatio audita
 est . Ferunt citati signa , nec signiferos armati
 morantur . priores tamen consul copiarumque quæ a
 mari reducebantur , ad vallum accesserunt . L.
 Atius , tribunus primus secundæ legionis , non
 hortabatur modo milites , sed docebat etiam : si
 victores Istri , quibus armis cepissent castra , iisdem
 capta retinere in animo haberent , primum exutum
 castris hostem ad mare persecuturos fuisse : deinde
 stationes certe pro vallo habituros . vino somnoque
 verisimile esse mersos jacere . Sub hæc A. Bæculo-
 nium , signiferum suum , notæ fortitudinis vi-
 rum , inferre signum iussit . Ille , (1) si unum
 se sequerentur , quo celerius fieret , * facturum
 dixit : connixusque cum trans vallum signum
 trajecisset , primus omnium portam intravit . Et
 parte alia T. & C. Ælii tribuni militum tertiæ
 legionis cum equitatu adveniunt : confestim &
 quos binos oneraria in iumenta imposuerant ,
 secuti , & consul cum toto agmine . At Istro-
 rum pauci , qui modice vinosi erant , memores
 fuerant fugæ : aliis somno mors continuata est :
 integraque sua omnia Romani , præterquam quod
 vini cibique absumptum erat , receperunt . Ægi
 quoque milites , qui in castris relictæ fuerant ,
 postquam intra vallum suos senserunt , armis ar-
 reptis , cædem ingentem fecerunt . Ante omnes
 insignis opera fuit C. Popillii equitis , Sabello
 cognomen erat : is pede laucio relictus , longe
 plurimos hostium occidit . Ad octo millia Istro-
 rum sunt cæsa , captus nemo . quia ira & indi-
 gnatio immemores prædæ fecit . Rex tamen Istro-
 rum temulentus ex convivio raptim a suis in equum
 impositus fugit . Ex victoribus CCCXXXVII. mi-
 lites

Q 2

lites

(1) alii : unum , si se . hoc sensu . id unum res-
 pondit , si sequerentur milites , se perfecturum , &
 signum celerius inferatur .

lites perierunt: plures in matutina fuga, quam in recipiendis castris.

CAPUT II.

Tumultus Romæ excitatus propter falsos rumores de delecto ab Istris Manliano exercitu, allatis de ejusdem incolumitate literis M. Junii Cos. in Galliam transgressi, sedatur.

5. **F**orte ita evenit, ut Cn. & L. Gavillii, (1) novelli Aquilejenses cum commeatu venientes, ignari prope in capta castra ab Istris inciderent. Ii cum Aquilejam relictis impedimentis refugissent, omnia terrore ac tumultu, non Aquilejæ modo, sed Romæ quoque post paucos dies impleverunt: quo non capta tantum castra ab hostibus, nec fuga quæ vera (2) erat, sed perditas res, deletumque exercitum omnem allatum est. Itaque, quod in tumultu fieri solet, delectus extra ordinem, non in urbe tantum, sed tota Italia indicti. Duæ legiones civium Romanorum conscriptæ, & X. millia peditum cum equitibus D. fociis nominis Latini imperata. M. Junius consul transire in Galliam, & ab civitatibus provinciæ ejus, quantum quæque posset, militum exigere jussus. Simul decretum, ut T. Claudius Prætor militibus legionis quartæ, & socium Latini nominis V. millibus, equitum CCL. Pisas ut convenirent ediceret; eamque provinciam, dum consul inde abesset, tutaretur. M. Titinius Pr. legionem primam, parem numerum sociorum peditum equitumque Ariminum convenire juberet. Nero paludatus Pisas in provinciam est profectus. Titinius, C. Cassio tribuno militum Ariminum, qui præesset legioni, misso, delectum Romæ habuit. M. Junius COS. ex Liguribus in provinciam Galliam transgressus, auxiliis protinus per civitates Galliæ, militibusque colonis imperatis Aquilejam per-

(1) *recentes coloniæ cives.*

(2) *alii: erant. intellige; nuntiata sunt.*

pervenit. Ibi certior factus exercitum incolumem esse, scriptis literis Romam ne tumultuarentur, ipse, remissis auxiliis quæ Gallis imperaverat, ad collegam est profectus. Romæ magna ex nec opinato lætitia fuit. delectus ommissus est, exauctorati qui sacramento dixerant, & exercitus, qui Arimini pestilentia affectus erat, domum dimissus. Istri magnis copiis cum castra haud procul consulis castris haberent, postquam alterum consulem cum exercitu novo advenisse audierunt, passim in civitates dilapsi sunt. consules Aquilejam in hiberna legiones reduxerunt.

CAPUT III.

Promulgata a Papirio, & Licinio tribunis rogatio de abrogando imperio Consuli Manlio prorogato, intercessione Ælii tollitur: Romam revertuntur ex Hispania Sempronius Gracchus, & Postumius Albinus, ac paulo post triumphant: Senatus allato nuntio de tumultu in Sardinia, rem totam ad novos magistratus rejicit; Lyciorum vero legatos de Rhodiorum crudelitate querentes, cum literis ad Rhodios dimittit.

S Edato tandem Istrico tumultu S. C. factum 6.
est, ut consules inter se compararent uter eorum ad comitia habenda Romam rediret. Cum absentem Manlium tribuni plebis A. Licinius Nerva, & C. Papirius Turdus in concionibus lacerarent, rogationemque promulgarent, ne Manlius post Idus Martias (prorogatæ namque consulibus jam in annum provinciæ erant) imperium retineret, uti causam extemplo dicere, cum abisset magistratu, posset: huic rogationi Q. Ælius collega intercessit, magnisque contentionibus obtinuit ne perferretur. Per eos dies Tib. Sempronius Gracchus, & L. Postumius Albinus ex Hispania Romam cum revertissent, senatus iis a M. Titinio Pr. datus in æde Bellonæ ad differendas res quas gessissent, postulandosque honores meritos, ut diis immortalibus haberetur

honos. Eodem tempore & in Sardinia magnum tumultum esse, literis T. Æbutii Pr. cognitum est, quas filius ejus ad senatum attulerat. Ilien-
 ses adjunctis Balarorum auxiliis pacatam provin-
 ciam invaserant: nec eis invalido exercitu, &
 magna parte pestilentia absumpto, resisti poterat.
 Eadem & Sardorum legati nuntiabant, orantes
 ut urbibus saltem (jam enim agros deploctos
 esse) opem senatus ferret. Hæc legatio, totum-
 que quod ad Sardiniam pertinebat, ad novos
 magistratus rejectum est. Æque miserabilis lega-
 tio Lyciorum, qui crudelitatem Rhodiorum,
 quibus ab L. Cornelio Scipione attributi erant,
 querebantur. *fuisse sub ditione Antiochi; eam re-
 giam servitutem collatam cum presenti statu, præ-
 staram libertatem visam. Non publico tantum se-
 premii imperio, sed singulos (1) justum pati servi-
 tium: (2) juxta se conjuges liberosque vexari: in
 corpus, in tergum sæviri: famam, quod indignum
 sit, maculari debonestarique, & palam res odiosas
 fieri, (3) juris etiam usurpandi causa, ne pro du-
 bio (4) habeant, nihil inter se & argento (5)
 parata mancipia interesse.* Motus his senatus, li-
 teras Lyciis ad Rhodios dedit: nec Lycios Rho-
 diis, nec ullos (6) alicui, quam qui nati liberi
 sint, in servitutem dari placere. Lycios ita sub Rho-
 diorum simul imperio & tutela esse, ut in ditione
 7. P. R. civitates sociæ sint. Triumphi deinde ex
 Hispania duo continui acti. Prior Sempronius
 Gracchus de Celtiberis sociisque eorum, postero
 die L. Postumius de Lusitanis, aliisque ejusdem
 regionis Hispanis triumphavit. XL. millia pon-
 do argenti Tiberius Gracchus transtulit, XX.
 millia Albinus. Militibus denarios quinos vice-
 nos, duplex centurioni, triplex equiti ambo di-
 viserunt, sociis tantundem quantum Romanis.

CA-

- (1) mancipiorum loco haberi. (2) æque.
 (3) possessionis. (4) Lycii. (5) emptæ.
 (6) conjunge, alicui, quam.

CAPUT IV.

A. Manlius cos. comitiorum causa ex Istria reversus, a tribunis plebis Papirio, & Licinio, exigentibus rationem de rebus in ea provincia actis, non consulto Senatu, vexatur.

PER eosdem forte dies M. Junius COS. ex Istria comitiorum causa Romam venit. Eam cum in senatu fatigassent interrogationibus tribuni plebis Papirius & Licinius, de his quæ in Istria essent acta, in concionem quoque producerunt. Ad quæ cum consul, se dies non plus XI. in ea provincia fuisse, responderet: quæ se absente acta essent, se quoque, ut illos, fama comperta habere: exsequebantur deinde quærentes, quid ita non potius A. Manlius Romam venisset, ut rationem redderet P. R. cur ex Gallia provincia, quam sortitus esset, in Istriam transisset: quando id bellum senatus decrevisset? quando id bellum P. R. iussisset? At Hercule privato quidem consilio bellum susceptum esse, sed gestum prudenter fortiterque. Imo utrum susceptum sit nequius, an inconsultius gestum, dici non posse. Stationes duas nec opinantes ab Istris oppressas, castra Romana capta, quod peditum, quod equitum in castris fuerit: cæteros inermes fusosque, ante omnes consulem ipsum ad mare ac naves fugisse. privatum rationem redditurum earum rerum esse, quoniam consul nolisset.

CAPUT V.

Comitia consularia, & prætoria habentur: novi coss. sunt C. Claudius Pulcher, Tib. Sempronius Gracchus. fit a prætoribus provinciarum sortitio: & de magnitudine belli in Istria & Sardinia, quas placet esse consulum provincias, Senatus cognoscit.

Comitia deinde habita: consules creati C. 8.
 Claudius Pulcher, Tib. Sempronius Gracchus.

chus. & postero die prætores facti, P. Ælius Tubero iterum, C. Quintius Flamininus, C. Numisius, C. Mummius, C. Cornelius Scipio, C. Valerius Lævinus. Tuberoni urbana jurisdictio, Quintio peregrina evenit, Numisio Sicilia, Mummio Sardinia: sed ea propter belli magnitudinem provincia consularis facta. Gracchus eam fortitur, Istriam Claudius, Scipio & Lævinus Galliam in duas divisam provincias sortiti sunt, Idibus Martiis, quo die Sempronius Claudiusque consulatum inierunt, mentio tantum de provinciis Sardinia Istriaque, & utriusque hostibus fuit, qui in his provinciis bellum concivissent. Postero die legati Sardorum, qui ad novos magistratus * delati erant, L. Minutius Thermus, qui legatus Manlii consulis in Istria fuerat, in senatum (1) venit. Ab his edoctus est senatus, quantum belli ex provinciæ haberent.

* al.
dila-
ti.

C A P U T VI.

Socii Latini nominis querentes, cives suos Romanam migrasse, ibique censos esse, petunt a senatu, ut eos in suas civitates redire jubeat; atque impetrant.

Moverunt senatum & legationes socium nominis Latini, quæ & censores, & priores consules fatigaverant, tandem in senatum introductæ. Summa querelarum erat, *cives suos, Romanæ censos plerosque Romam commigrasse. quod si permittatur, perpauca lustris futurum, ut deserta oppida, deserti agri nullum militem dare possent. Fregellas quoque millia IIII. familiarum transisse ab se, Samnites Pelignique querebantur: neque eo minus aut (2) hos aut illos in delectum militum dare.* Genera autem fraudis duo mutandæ viritim civitatis inducta erant. Lex sociis ac nominis Latini, qui stirpem ex sese domi relin-

que-

(1) an, venerunt?

(2) aut Samnites, aut Pelignos.

querent, dabat, ut (1) cives Romani fierent. Ea lege male utendo, alii sociis, alii populo Romano injuriam faciebant. Nam, & (2) ne stirpem domi relinquerent, liberos suos quibus quibus Romanis in eam conditionem, ut manumitterentur, mancipio dabant, libertinique cives essent: & quibus stirps deesset, quam relinquerent, (3) cives Romani fiebant. Postea his quoque imaginibus juris spretis, promiscue sine lege, sine stirpe, in civitatem Romanam per migrationem & censum transibant. Hæc ne postea fierent, petebant legati, & ut redire in civitates juberent socios. deinde ut lege caverent, ne quis quem civitatis mutanda causa (4) suum faceret, neve (5) alienaret: & si quis ita civis Romanus factus esset, civis non esset. Hæc impetrata ab senatu.

Q 5

C A-

- (1) ipsi quidem patres, non autem filii.
 (2) alii: qui. & quidem ita exigit sensus. Parentes stirpem relinquendo domi cives Romani facti, postea liberos mancipio dabant Romanis, ut manumitterentur, & fierent ipsi quoque cives Romani, sed libertini. hoc genere fraudis, populo R. injuria fiebat, qui externo sanguine debonestabatur; & quidem libertina conditione.
 (3) alii addunt ita. h. e. eadem ratione qua priores illi; nempe se civibus R. in eandem conditionem mancipio dando. ita sociis injuria fiebat, quasi ipsorum civitas vilior esset mancipio, & postea libertino R. quamquam hæc injuria locum habet etiam in iis qui filios mancipio dabant. ceterum nullus dubito, quin hic locus corruptus sit. & profecto Livius hic exposuit genus fraudis ab iis inductum, quibus stirps deesset, & injuriam factam populo R. eam fraudem forte in eo positam esse, quod quibus stirps deesset, ii adoptarent quosdam cives suos, quos postea emancipatos domi relinquerent, & interim illi cives R. fierent: hac autem re factam injuriam populo R. in quem inquilini nullo jure, & fraude legis se immiscebant. (4) in servum acciperet.
 (5) mancipio daret.

CAPUT VII.

In Istriam, atque Sardiniam, decretas consulares provincias, exercitus scribuntur: prodigia procurantur: facta a coff. sortitione, C. Claudio Istria, Ti. Sempronio Sardinia obvenit: Lex deinde, quæ socii Latini nominis, qui Romæ censi erant, in suas civitates redire coguntur, fertur.

9. **P**ROVINCIAE deinde quæ in bello erant, Sardinia atque Istria decretæ. In Sardiniam duæ legiones scribi jussæ: quina millia in singulas, & ducenti pedites, trecenti equites, & duodecim millia peditum sociorum ac Latini nominis, & DC. equites, & X. quinquereemes naves, si deducere ex navalibus (1) vellet. Tantundem peditum equitumque in Istriam, quantum in Sardiniam, decretum. Et legionem unam cum (2) equitibus CCC. & v. millia peditum sociorum, & CCL. mittere equites in Hispaniam consules ad M. Titinium jussi. Priusquam consules provincias sortirentur, prodigia nuntiata sunt: lapidem in agro Crustumino in lacum Martis de cælo cecidisse: puerum (3) trunci corporis in agro Romano natum, & quadrupedem anguem visum: & Capuæ multa in foro ædificia de cælo tacta: & Puteolis duas naves fulminis ictu concrematas esse. Inter hæc quæ nuntiabantur, lupus etiam Romæ interdium agitato, cum Collina porta intrasset, per Æsquilinam magno confectantium tumultu evasit. Eorum prodigiorum causa consules majores hostias immolarunt, & diem unum circa omnia pulvinaria supplicatio fuit. Sacrificiis rite perfectis, provincias sortiti sunt. Claudio Istria, Sempronio Sardinia obvenit.

(1) intellige, Consul, cui ea provincia obvenisset.

(2) hi trecenti equites continentur ea legione. legio enim ex quinque millibus, & ducentis peditibus, & trecentis equitibus constabat.

(3) cui quedam membra decrant.

nit. Legem deinde fociis C. Claudius tulit S. C. & edixit, qui socii ac nominis Latini ipsi majoresve eorum M. Claudio T. Quintio censoribus, postque ea apud socios nominis Latini censi essent, ut omnes in suam quisque civitatem ante Kal. Novembres redirent. Quæstio, qui ita non redissent, L. Mummius Pr. decreta est. Ad legem, & edictum COSS. adjectum est, ut dictator, COS. & interrex, censor, Pr., qui nunc esset apud (1) forum, * darent operam, ut qui manumitteretur, in libertatem vindicaretur, jusjurandum daret: qui eum manumitteret, civitatis mutandæ causa manu non mittere, qui id non juraret, cum manumittendum non censuerunt. Hæc in posterum causa jurisque dictio C. Claudio Cos. decreta est.

* al. quous manus mittetur, in libertate vindicaret, ubi jusjurandum daret, qui manumitteret, non censuerunt.

CAPUT VIII.

C. Claudius cos., metu ne provincia Istria propter res prospere gestas a procos. M. Junio, & A. Manlio, sibi adimatur, propter celeritatem inauspicato ab Urbe profectus, eo pervenit: ob hanc temeritatem, & inconsulte ibi acta adversus procos. ludibrio ab exercitu habetur: reversus Romam ad capiendâ auspicia, denuo in Istriam abijt: excisis tribus oppidis, provinciam pacat.

DUm hæc Romæ geruntur, M. Junius, & A. Manlius, qui priore anno consules fuerant, cum Aquilejæ hibernassent, principio veris in fines Istrorum exercitum introduxerunt: ubi cum effuse popularentur, dolor magis & indignatio diripi res suas cernentes Istros, quam certa spes, satis sibi virium adversus duos exercitus, excivit. concursu ex omnibus populis juventutis facto, repentinus & tumultuarius exercitus acrius primo impetu quam perseverantius pugnavit. Ad

Q 6 qua-

(1) sectionis, quæ est in margine, hic sensus est. ut magistratus, apud quem in foro fieret manumissio, non aliter servam manumittendum in libertatem vindicaret, quam si manumissor jurasset &c.

quatuor millia eorum in acie cæsa. cæteri omisso bello in civitates passim diffugerunt. Inde legatos primum ad pacem petendam in castra Romana, deinde obsides imperatos miserunt. Hæc cum Romæ cognita literis proconsulum essent, C. Claudius consul veritus ne forte ea res provinciam exercitumque sibi adimeret, non votis nuncupatis, * non (1) paludatis lictoribus, omnium certiore facto collega, nocte profectus præceps in provinciam abiit: ubi inconsultius quam venerat, se gessit. Nam cum concione advocata fugam e castris A. Manlii adversis auribus militum, quippe qui primi ipsi fugissent, jactasset, ingessisset probra M. Junio, quod se dedecoris socium collegæ fecisset, ad extremum utrumque decedere provincia jussit. (2) Quod cum milites consulis imperio dicto audientes futuros sese dicerent, cunctis more majorum secundum vota in Capitolio nuncupata, lictoribus (3) paludatis profectus ab urbe esset, furens ira, vocatum qui pro quæstore Manlii erat, catenas poposcit, vinctos se Junium Manliumque minitans Romam missurum. Ab eo quoque spretum consulis imperium est, & circumfusus exercitus favens imperatorum causæ, & consuli infestus, animos ad non parendum addebat. Postremo fatigatus consul & contumeliis singulorum, & multitudinis (nam insuper irridebant) ludibriis, nave eadem qua venerat, Aquilejam rediit. Inde collegæ scripsit, ut militum novorum ei parti, quæ scripta in Istriam provinciam esset, ediceret, Aquilejam ut conveniret, (4) ne quid se Romæ teneret, quominus votis nuncupatis paludatus ab urbe exiret. Hæc collegæ obsequenter facta, brevisque dies ad conveniendum edicta est.

Clau-

- (1) paludamenta sunt propria Imperatorum. quare hæc lectio ferri non potest.
- (2) alii: quumque illi se Cos. i. d. a. f. esse dicerent &c. (3) lege cum lictoribus, paludatus. (4) ne res ulla ipsum Claudium teneret diutius Romæ.

Claudius prope consecutus est literas suas. Con-
 cione (1) adveniens de Manlio & Junio habi-
 ta, non ultra triduum moratus Romæ, * palu-
 datis lictoribus, votisque in Capitolio nuncupa-
 tis, in provinciam * æque amplius præcipiti ce-
 leritate abit. Paucis ante diebus Junius Man-
 liusque oppidum Nesattium, quo se principes I-
 strorum & regulus ipse Æpulo receperat, sum-
 ma vi oppugnant. Eo Claudius duabus legioni-
 bus novis adductis, vetere exercitu cum suis du-
 cibus dimisso, ipse oppidum circumsedit, & vi-
 neis oppugnare intendit: amnemque præterfluen-
 tem mœnia, qui & impedimento oppugnantibus
 erat, & aquationem Istris præbebat, multorum
 dierum opere exceptum novo alveo avertit. Ea
 res barbaros miraculo terruit abscissæ aquæ. & ne
 tum quidem memores pacis, in cædem conjugum
 ac liberorum versi, etiam ut spectaculo hostibus
 tam fœdum facinus esset, palam in muris truci-
 dados præcipitabant. Inter simul complorationem
 fœminarum puerorumque, simul nefandam cæ-
 dem, milites transgressi murum oppidum intra-
 runt. Cujus capti tumultum ut ex pavido cla-
 more fugientium accepit rex, trajecit ferro pe-
 ctus, ne vivus caperetur; cæteri capti aut occi-
 si. Duo deinde oppida Mutila & Faveria vi ca-
 pta & deleta. Præda, ut in gente inopi, spe ma-
 jor fuit, & omnis militibus concessa est. V. mil-
 lia capitum DCXXXII. sub corona venierunt.
 Auctores belli virgis cæsi, & securi percussi. I-
 stria tota trium oppidorum excidio, & morte re-
 gis pacata est; omnesque undique populi obsidi-
 bus datis in ditionem venerunt.

CA-

(1) cum Romanis venisset.

CAPUT IX.

De motu Ligurum T. Claudius proc. ex Etruria senatum, senatus C. Claudium cos. habentem in Istria exercitum, certiores facit.

12. **S**UB Istriaci finem belli, apud Ligures concilia de bello haberi cœpta. T. Claudius proconsul, qui prætor priore anno fuerat, cum præsidio legionis unius Pisis præerat. Cujus literis senatus certior factus, eas ipsas literas ad C. Claudium (nam alter consul jam in Sardiniam trajecerat) deferendas censet: & adjicit decretum, quoniam Istria provincia confecta esset, si ei videretur, exercitum traduceret in Ligures. Simul ex literis consulis, quas de rebus in Istria gestis scripserat, in biduum supplicatio decreta.

CAPUT X.

A cos. Ti. Sempronio in Sardinia, & C. Claudio in Liguribus res bene geritur.

ET ab altero consule Tib. Sempronio in Sardinia prospere res gestæ. Exercitum in agrum Sardonum Iliensium induxit. Balarorum magna auxilia Iliensibus venerant. Cum utraque gente signis collatis conflixit. Fusi fugatique hostes, castrisque exuti. XII. milia armatorum cæsa. Postero die arma lecta conjici in acervum jussit consul, sacrumque id Vulcano cremavit. Victorem exercitum in hiberna sociarum urbium reduxit. Et C. Claudius literis T. Claudii & S. C. accepto, ex Istria legiones in Ligures transduxit. Ad Scultennam flumen in campos progressi castra habebant hostes. Ibi cum his acie dimicatum. XV M. cæsa: plus DCC. aut in prælio, aut in castris (nam ea quoque expugnata sunt) capti, & signa militaria unum & L. capta. Ligures reliquæ cædis in montes refugerunt passim, populantique campestres agros consuli nulla usquam

apparuerunt arma. Claudius duarum gentium uno anno victor, duabus, quod raro alius, in consulatu pacatis provinciis, Romam revertit.

CAPUT XI.

Prodigia procurantur : in locum demortui Pontificis M. Claudii Marcelli sufficitur ejus filius M. Marcellus : Lucam colonia deducitur : C. Claudius cos. de Isthis, & Liguribus triumphat.

Prodigia eo anno nuntiata, in Crustumino a- 13.
vem (1) sangualem (quam vocant) (2)
sacrum lapidem rostro cecidisse. Bovem in Cam-
pania locutum. (3) Vaccam æneam Syracusis ab
agresti tauro, qui pecore aberrasset, initam, ac
femine aspersam. In Crustumino diem unum in
ipso loco supplicatio fuit : & in Campania bos
(4) alenda publice data : Syracusanumque pro-
digium expiatum, editis ab aruspiciibus diis, qui-
bus supplicaretur. Pontifex eo anno mortuus est
M. Claudius Marcellus, qui consul censorque fue-
rat. In ejus locum successus est pontifex filius e-
jus M. Marcellus. Et Lucam colonia eodem an-
no MM. civium Romanorum sunt deducta. Trium-
viri dexuxerunt ; P. Ælius, L. Egilius, Cn. Si-
cinius. Quinquagena & singula jugera & semif-
ses agri in singulos dati sunt. De Ligure captus
is ager erat : Etruscorum ante, quam Ligurum
fuerat. C. Claudius COS. ad urbem venit : cui,
cum in senatu de rebus in Istria Liguribusque
prosperè gestis disseruisset, postulanti triumphus
est decretus. triumphavit in magistratu de dua-
bus

(1) de ea v. Plin. 10. 7. & Fest. v. Alites. & Serv. in Virg. 1. Æn. 394.

(2) Deorum lapidea signa, sacri lapides diceban-
tur. hinc per Jovem lapidem jurabant. Plin. 33. 7.

(3) Vaccam æneam Myronis pro vera vacca pastor
abigere, taurus inire, ejusque ubera vitulus sitiens
appetere voluit. P. 4. Anthol. 7. & Aus. epigr.
58. (4) aut alendus, aut superius locutam.

bus simul gentibus. Tulit in eo triumpho denarium CCCVII. millia, & victoriatum LXXXV. millia DCCII. militibus in singulos quinideni denarii dati, duplex centurioni, triplex equiti: sociis dimidio minus, quam civibus datum. Itaque taciti, ut iratos esse sentires, secuti sunt curram.

CAPUT XII.

Ligures coacto clam exercitu subito impetu Mutinam capiunt: ut ad eam recipiendam redeat in provinciam C. Claudius cos., jubetur a senatu mature habere comitia: creantur novi magistratus: cos. sunt Cn. Cornelius Scipio Hispalus, Q. Petillius Spurius.

14. **D**Um is triumphus de Liguribus agebatur, Ligures postquam senserunt non consularem tantum exercitum Romam adductum, sed legionem ab T. Claudio Pisis dimissam, soluti metu, clam exercitu indicto, per transversos limites superatis montibus in campos digressi, agrum Mutinensem populati, repentino impetu coloniam ipsam ceperunt. Id ubi Romam allatum est, senatus C. Claudium consulem comitia primo quoque tempore habere iussit: creatisque in annum magistratibus in provinciam redire, & coloniam ex hostibus eripere. Ita ut censuit senatus, comitia habita. COSS. creati Cn. Cornelius Scipio Hispalus, Q. Petillius Spurius. Prætores inde facti, M. Popillius Lænas, P. Licinius Crassus, M. Cornelius Scipio, L. Papirius Mæso, M. Aburius, L. Aquilius Gallus. C. Claudio COS. prorogatum in annum imperium, & Gallia provincia. Et ne Istri quoque idem, quod & Ligures facerent, socios nominis Latini in Istriam mitteret, quos triumphus causa de provincia deduxisset.

CAPUT XIII.

Novis coſs. Cn. Cornelio , & Q. Petillio immolantibus prodigium in hoſtia obſicitur : Piſas , & Ligures conſulum eſſe provincias , ſenatus decernit .

CN. Cornelio , & Q. Petillio COSS. quo die magiſtratum inierunt , immolantibus Jovi ſingulis bubus , uti ſolet , in hoſtia , qua Q. Petillius ſacrificavit , in jecinore caput non inventum . Id cum ad ſenatum retuliſſet , (1) bove perlitare juffus . De provinciis deinde conſultus ſenatus , Piſas & Ligures provincias conſulibus decrevit . Cui Piſæ provincia obveniſſet , cum magiſtratum creandorum tempus eſſet , ad comitia reverti juffit . Additum decreto , ut binas legiones novas ſcriberent , & CCC. equites , & dena millia peditum ſociis nominique Latino ; & DC. imperarent equites . T. Claudio prorogatum eſt imperium in id tempus , quo in provinciam COS. veniſſet . Dum de his rebus in ſenatu agitur , Cn. Cornelius evocatus a viatore ; cum templo egreſſus eſſet , paulo poſt rediit conſuſo vultu : & (2) expoſuit patribus conſcriptis , bovis ſeſcenario , quem immolaviſſet , jecur (3) defluxiſſe : id ſe victimario nuntianti parum credentem , ipſum aquam effundi ex olla , ubi exta coquerentur , juffiſſe , & vidiſſe cæteram integram partem extorum , jecur omne inenarrabiliter abſumptum . Territis eo prodigio patribus , & alter COS. curam adjecit , qui ſe quod caput jecinori defuiſſet , tribus bubus (4) perlitariſſe negavit . Senatus majoribus hoſtiis uſque ad litationem ſacrificari juffit . Cæteris diis perlitatum ferunt , Saluti Petillium perlitariſſe negant .

C A-

- (1) ſemel , iterum , ac tertio ; uſque dum perli-
taſſet . (2) quod monitus ipſe fuerat a viatore .
(3) in aquam reſolutum eſſe .
(4) perlitare potuiſſe .

*Consules, prætoresque provincias sortiuntur: nonnul-
lorum prætorum, deprecantium, ne in provincias
abeant, accipitur excusatio.*

INde consules prætoresque provincias sortiti . Pisæ Cn. Cornelio, Ligures Petillio obvene-
runt . Prætores L. Papirius Maso urbanam, M.
Abnrius inter peregrinos sortiti sunt . M. Corne-
lius Scipio Maluginensis Hispaniam ulteriorem,
L. Aquilius Gallus Siciliam habuit . Duo depre-
cati sunt, ne in provincias irent, M. Popillius
in Sardiniam . Gracchum eam provinciam paca-
re, & T. Æbutium Pr. adiutorem ab senatu da-
tum esse . Interrumpi tenorem rerum, in quibus
peragendis continuatio ipsa efficacissima esset,
minime convenire . Inter traditionem imperii,
novitatemque successoris, (1) quæ noscendis
prius, quam agendis rebus imbuenda sit, sæpe
bene gerendæ rei occasiones interciderent . Probata
Popillii excusatio est . P. Licinius Crassus sacrifi-
ciis se impediri solennibus excusabat, ne in pro-
vinciam iret . Citerior Hispania obvenerat . Cæ-
terum aut ire iussus, aut jurare pro concione so-
lenni sacrificio se prohiberi . Id ubi in P. Lici-
nio ita statutum est, (2) & ab se uti iuramen-
tum acciperent, M. Cornelius postulavit, ne in
Hispaniam ulteriorem iret : Prætores ambo in ea-
dem verba iurejurarunt . M. Titinius & T. Fon-
tejus proconsules manere cum eodem imperii ju-
re in Hispania iussi : & ut in supplementum his
tria millia civium Romanorum cum equitibus
CC, V. millia socium Latini nominis, & CCC.
equites mitterentur .

C A-

(1) novitas . (2) etiam .

CAPUT XV.

*Feriae Latinae, quia non rite factae, instaurantur:
Cn. Cornelius cos. moritur: nuntiata prodigia procurantur.*

Latinæ feriae fuere ante diem III. Non. Maji: 16.
in quibus quia in una hostia magistratus Lanuvinus precatus non erat, P. R. Quiritium, religioni fuit. Id cum ad senatum relatum esset, senatusque ad pontificum collegium rejecisset, pontificibus, quia non rite factae Latinae essent, instauratis Latinis, placuit Lanuvinos, quorum (1) opera instauratae essent, hostias praebere. Accesserat ad religionem quod Cn. Cornelius COS. ex monte Albano rediens concidit, & parte membrorum captus, ad aquas Cumanas profectus, ingravescente morbo, Cumis decessit: sed inde mortuus Romam allatus, & funere magnifico elatus sepultusque est. Pontifex idem fuerat, COS. Q. Petillius cum primum per auspicia posset, collegae subrogando comitia habere iussus, & Latinas edicere: comitia* ad diem III. nonas Sextiles, Latinas in (2) A. D. III. Idus Sextiles, edi-^{* al.} in ante
xit. Plenis religionum animis prodigia insuper^{tiem.} nuntiata: Tusculi facem in caelo, visam, Gabiis aedem Apollinis & privata aedificia complura, Graviscais murum portamque de caelo tacta. Ea patres procurari, uti pontifices censuissent, iusserunt.

C A-

(1) causa.

(2) b. e. ante diem. illae duae litterae A. D. in causa fuerunt, cur saepe legatur ad, pro ante diem.

CAPUT XVI.

C. Claudius proc. Mutinam coloniam a Liguribus occupatam, caeso magno hostium numero, recipit: Tib. Sempronius Gracchus prospera multis in praeliis usus fortuna, in Sardinia debellat: ob id Romæ supplicatio decernitur.

DUM COSS. primum religiones, deinde alterum alterius mors, & comitia, & Latinarum instaurationes impediunt: interim C. Claudius exercitum ad Mutinam, quam Ligures priore anno ceperant, admovit. (1) Ante triduum quam oppugnare coeperat, receptam ex hostibus, colonis restituit. VIII. millia ibi Ligurum intra muros caesa, literæque Romani extemplo scriptæ, quibus non modo rem exponeret; sed etiam gloriaretur, sua virtute ac felicitate (2) neminem jam cis Alpes hostem P. R. agrique (3) aliquantum captum, qui multis millibus hominum dividi viritim posset. Et Tib. Sempronius eodem tempore in Sardinia multis secundis praeliis Sardos perdomuit. XV. millia hostium sunt caesa. Omnes Sardorum populi, qui defece-
rant, in ditionem redacti. Stipendiariis veteribus duplex vestigal imperatum exactumque. ceteri frumentum contulerunt. Pacata provincia, obsidibusque ex tota insula CCXXX. acceptis, legati Romam, qui ea nuntiarent, missi: quique ab senatu peterent, ut ob eas res ductu, auspicioque Tib. Sempronii prospere gestas, diis immortalibus honos haberetur, ipsique decedenti de provincia exercitum secum deportare liceret. Senatus in æde Apollinis legatorum verbis auditis, supplicationem in biduum decrevit, & XL. maioribus hostiis consules sacrificare iussit: Tib. Sempronium proconsulem exercitumque eo anno in provincia manere.

C A-

(1) ante tertium diem, ex quo &c.

(2) intellige: superesse. (3) alii tantum.

CAPUT XVII.

In locum demortui Cn. Cornelii cos. suffectus M. Valerius Lævinus suscipit curam belli contra Ligures rebellantes : hi , accedente cum exercitu C. Claudio proconsule , montes occupant : eo paulo post peruenientes coss. Valerius , atque Petillius dividunt copias , sortitique regiones diversi abeunt . Petillius tristi omine hostes aggressus , dum incautius præliatur , occiditur : milites tamen ejus , cæsis Liguribus , strenue vincunt .

Comitia deinde consulis unius subrogandi , quæ (1) ad diem III. nonas Sextiles edita erant , eo ipso die sunt confecta . Q. Petillius COS. collegam , qui extemplo magistratum occiperet , creavit C. Valerium Lævinum . Is jam diu cupidus provinciæ , cum opportuniæ cupiditatis ejus literæ allatæ essent , Ligures rebellasse , nonis Sextilibus paludatus , literis auditis , tumultus ejus causa legionem tertiam ad C. Claudium proconsulem in Galliam proficisci (2) jussit : & duumviros navales cum classe Pisas ire , qui Ligurum oram , maritimum quoque terrorem admoventes , circumvestarentur . Eodem & Q. Petillius COS. ad conveniendum exercitui diem edixerat . Et C. Claudius proconsul , audita rebellionem Ligurum , præter eas copias , quas secum Parmæ habebat , subitariis collectis militibus , exercitum ad fines Ligurum admovit . Hostes sub adventum C. Claudii , a quo duce se meminerant nuper ad Scultennam flumen victos fugatosque , locorum magis præsidio adversus infeliciter expertam vim , quam armis se defensuri , duos montes Letum & Ballistam ceperunt :
mu-

(1) alii ; in ante diem .

(2) poterat id jubere cos. etiam non paludatus . paludamentum sumebant magistratus profecturi in provincias . suspicor igitur hic deesse aliquid de protectione Consulis paludati .

muroque insuper amplexi, tardius ex agris demigrantes, oppressi ad M. & D. perierunt. Cæteri montibus se tenebant, & ne in metu quidem feritatis ingenitæ obliti, seviunt in prædani, quæ Mutinæ parta erat: captivos cum fœda laceratione interficiunt: pecora in fanis trucidant verius passim, quam rite sacrificant. Satiati cæde animantium, quæ inanima erant, parietibus affigunt, vasa omnis generis usui magis quam ornamento (1) in speciem facta. P. Petillius COS. ne absente se debellaretur, literas ad C. Claudium misit, ut cum exercitu ad se in Galliam veniret, campis Macris se eum expectaturum. Literis acceptis Claudius ex Liguribus castra movit, exercitumque ad campos Macros consuli tradidit. Eodem paucis post diebus C. Valerius consul alter venit. Ibi divisis copiis, priusquam digrederentur communiter ambo exercitus iustraverunt. tum sortiti, quia non ab eadem utrumque parte aggredi hostem placebat, regiones quas peterent. Valerium auspicato sortitum constabat, quod in templo (2) fuisset: in Petillio id vitio factum, postea augures responderunt, quod (3) extra templum sortem in sitellam in templum latam foris ipse posuerit. Profecti inde in diversas regiones. Petillius adversus Balistæ & Letijugum, quod eos montes perpetuo dorso inter se jungit, castra habuit. Ibi adhortantem eum pro concione milites, immemorem ambiguitatis verbiominatum ferunt, (4) se eo die Letum capturum esse. Duabus simul partibus subire in adversos montes cœpit. Ea pars, in qua ipse erat, impigre succedebat. Alteram hostes cum propulissent, ut restitueret rem inclinam, consul equo advectus, suos quidem a fuga revocavit: ipse dum incautius ante signa obversatur, missili trajectus cecidit. Nec hostes ducem occisum fenserunt, & suorum pauci qui

vi-

(1) alii addunt, &. (2) cum sortem conjiceret in sitellam. (3) consecrerit sortem in sitellam.
(4) Val. Max. l. 1. c. 5. 9.

viderant, haud negligenter, ut qui in eo victoriam verti scirent, corpus occultavere. Alia multitudo peditum equitumque, deturbatis hostibus, montes sine duce cepere. Ad v. millia Ligurum occisa, ex Romano exercitu duo & quinquaginta ceciderunt. Super tam evidentem tristis obitinis eventum etiam ex pullario auditum est, vitium in auspicio fuisse, nec id consulem ignorasse.

CAPUT XVIII.

C Valerius audita [„ morte Q. Petillii, e „ xercitum sine duce relictum ad suas co „ pias adjunxit, (1) iterumque aggressus ho „ stes, eorum sanguine collegę manibus egregie „ parentavit. Triumphavit de Liguribus. In le „ gionem cujus ante signa Cos. occisus erat, se „ vere ab senatu animadversum est. ei universę „ neque stipendium anni procedere, neque æra „ dari placuit, quia pro salute imperatoris ho „ stium telis se non obtulerant. Sub hæc tempo „ ra legati Dardanorum, quos ingens Bastarna „ rum exercitus, (2) Elonico duce, ut ante me „ moravimus, premebat, Romam venire. Qui „ cum de Bastarnis exposuissent, quanta esset eo „ rum multitudo, quam procera & immania cor „ pora, quanta in periculis audacia, adjecerunt, „ societatem iis esse cum Perseo, & vero eum „ majori sibi, quam Bastarnas ipsos, esse terro „ ri: ac proinde, ut auxilium sibi ferretur, ab „ Senatu postularunt. Patres decreverunt, mit „ tendos esse legatos qui Macedonię res inspice „ rent: & statim A. Postumio negotium datum, „ ut eo proficisceretur. Collegas ei adjunxerunt „ e junioribus, ut penes eum præcipua esset le „ gationis vis & auctoritas. Inde actum de co „ mitiis magistratuum in insequentem annum: „ quæ

(1) *Pigh. Ann. Rom. Val. Max. 2. 7.*

(2) *Liv. l. 40. c. 31. n. 58. Polyb. Legit. 62.*

qua de re non mediocris disceptatio incidit ,
 „ quod] (1) Periti religionum , jurisque pu-
 „ blici , quando duo (2) ordinarii coss. ejus ani-
 „ ni , alter morbo , alter ferro periisset , suffectum
 „ cos. negabant comitia habere posse [„ Res ad
 „ interregnum rediit . creati Coss. per (3) in-
 „ terregem P. Mucius Scævola , M. Æmilius Le-
 „ pidus iterum . Prætores inde facti sunt C. Po-
 „ pillius Lanas , T. Annius Luscus , C. Mem-
 „ mius Gallus , C. Cluvius Saxula , Ser. Corne-
 „ lius Sulla , Ap. Claudius Centho . Consulibus
 „ provinciæ obtigere (4) Gallia & Ligures . (5)
 „ Prætorum Cornelius Sulla Sardiniam obtinuit ,
 „ Claudius Centho citeriorem Hispaniam . Reli-
 „ quæ prætorix provinciæ quibus evenerint , non
 „ extat memoria . Annus hic pestilentia intamis ,
 „ quæ tamen in (6) armenta tantum grassata
 „ est . Ligures gens semper victa , semper rebel-
 „ lans , (7) Lunam Pisasque depopulati fuerant .
 „ Simul & Gallicus tumultus increpuerat . Le-
 „ pidus Gallorum motu facile compresso in Li-
 „ gures transcendit . Aliquot populi se se ejus
 „ arbitrio permiserunt : quos , ut sunt fere simi-
 „ lia locis cultorum ingenia , asperis montium
 „ jugis , quæ incolebant , efferari ratus , quorum-
 „ dam ante se Consulum exemplo , in plana]
 19. deduxit . Cis Apenninum Garuli & Lapicini , &
 Hercates , trans Apenninum Brinates fuerant .
 Inter Audenam amnem P. Mutius cum iis qui Lu-
 nam Pisasque depopulati erant , bellum gessit ,
 omnibusque in ditionem redactis arma ademit .
 Ob eas res in Gallia Liguribusque gestas duorum
 consulum ductu auspicioque , senatus in triduum
 supplicationes decrevit , & XL. hostiis sacrificari
 iussit : Et tumultus quidem Gallicus & Lignstius ,

- (1) hanc periodum eruit Sigonius ex Prisciani l. 17.
 (2) primis Comitibus creati . his opponuntur suffecti .
 (3) Fast. Capit. Pigh. Ann. Rom.
 (4) Liv. infra n. 19. (5) de provinciis prætorum
 v. Liv. infra n. 21. (6) infra n. 21.
 (7) infra n. 19.

nus, qui principio ejus anni exortus fuerat, haud magno conatu brevi oppressus erat.

CAPUT XIX.

Senatus certior factus ab legatis ex Macedonia reversis de bello inter Dardanos, & Bastarnas exorto, monet regem Persea, ne quid contra fœdus Romanum fiat: certamen inter Dardanos, & Bastarnas exponitur.

Belli Macedonici subibat jam cura, miscente Perseo inter Dardanos Bastarnasque certamina: & legati qui missi ad res visendas in Macedoniam erant, jam reverterant Romam, renuntiaverantque bellum in Dardania esse. Simul venerant & ab rege Perseo oratores, qui purgarent, nec accitos ab eo Bastarnas, nec auctore eo quicquam facere. Senatus nec liberavit ejus culpæ regem, neque arguit: moneri eum tantummodo jussit, ut etiam atque etiam curaret, ut sanctum haberet fœdus, quod ei cum Romanis esse videri posset. Dardani cum Bastarnas non modo non excedere finibus suis, quod speraverant, sed graviores fieri in dies cernerent, subnixos Thracum accolarum & Scordischorum auxiliis, audendum aliquid vel temere rati, omnes undique armati ad oppidum, quod proximum castris Bastarnarum erat, conveniunt. Hiems erat, & id anni tempus elegerant, ut Thraces Scordiscique in fines suos abirent. Quod ubi ita factum, & solos jam esse Bastarnas audierunt, bifariam dividunt copias: pars ut recto itinere ad laceffendum ex aperto iret: pars devio saltu circumducta, ab tergo aggrediretur. Cæterum priusquam circumire castra hostium possent, pugnatum est: victique Dardani compelluntur in urbem, quæ fere XII. millia ab castris Bastarnarum aberat. Victores confestim circumsidunt urbem, haud dubie postero die aut metu dedituris se hostibus, aut vi expugnaturi. Interim Dardanorum altera manus, quæ circumducta erat, ignara cladis suorum, castra

Bastarnarum sine præsidio relicta [„ nullo negotio
 „ cepit . Bastarnæ omni & commeatu & apparatu
 „ bellico, qui in castris fuerat, exuti, cum ejus
 „ reparandi facultas ex hostili regione, & infesto
 „ tempore anni, nulla esset, patrias sedes repe-
 „ tere statuerunt . Itaque (1) ad Istrum regressi,
 „ non sine ingenti lætitia flumen alta concretum
 „ glacie offenderunt, quæ nullum onus recusare
 „ videretur . Verum incumbente festinantium se-
 „ que cursu agglomerantium hominum ac jumen-
 „ torum toto simul agmine, glacies sub immenso
 „ pondere fatiscens subito dissiluit, universum-
 „ que agmen, quod diu sustinuerat, mediis gur-
 „ gitibus, victa tandem & comminuta destituit .
 „ Plurimi statim vorticibus hausti sunt . Multos
 „ enatare conantes crustæ dissolutæ fragmina su-
 „ perinducta merferunt . Pauci ex omni populo
 „ per utranque ripam vix concisis visceribus eva-
 „ serunt .

„ Per ea tempora (2) Antiochus, Magni An-
 „ tiochi filius, qui diu Romæ obses fuerat, mor-
 „ tuo Seleuco fratre, Syriæ regnum occupavit .
 „ Namque Seleucus, quem Philopatora Græci vo-
 „ cavere, cum paternis cladibus fractas admodum
 „ Syriæ opes accepisset, post otiosum nullisque
 „ admodum rebus gestis nobilitatum annorum
 „ duodecim regnum, hunc minorem natu fra-
 „ trem, misso Romam in ejus locum filio suo
 „ Demetrio, revocavit, ex fœderis legibus, (3)
 „ quo mutari identidem obsides oportebat . Vix
 „ ille Athenas pervenerat, cum Seleucus insi-
 „ diis Heliodori unius ex purpuratis, oppressus
 „ interiit . Hunc regnum affectantem Eumenes
 „ & Attalus expulerunt, induxeruntque in ejus
 „ possessionem Antiochum, quem sibi hoc tanto
 „ beneficio devinctum habere magnæstimabant .
 „ Jam enim ob quasdam offensunculas suspectos
 „ habebant Romanos . Eorum auxiliis regno po-
 „ titus Antiochus tanto populorum gaudio ex-

ce-

(1) *Oros. l. 4. c. 20.* (2) *Appian. Syr.*(3) *Liv. l. 38. n. 38. v. & Appian.*

„ ceptus est, ut ei cognomen indiderint Epi-
 „ phani, quod cum alieni a stirpe regia regnum
 „ invaderent, ipse avitæ ditionis assertor exor-
 „ tus suis illuxisset. Neque vero ei ad res bel-
 „ licas defuit indoles, & vigor animi. Verum
 „ ita pravus, & inconsultus fuit in tota mo-
 „ rum, & instituendæ vitæ ratione, ut brevi,
 „ cognomine mutato, pro Epihane (1) Epi-
 „ manes, id est insanus vocitaretur. Sæpe enim
 „ egressus e regia insciis ministris, uno aut al-
 „ tero comite per urbem rosa coronatus & auro
 „ textam indutus vestem incedebat, interim la-
 „ pidibus, quos sub ala gerebat, incessens obvios:
 „ interdum contra nummos in vulgus spargens,
 „ vociferansque, *sumat cui fortuna dederit*.
 „ Alias vero per aurificum, Cælatorumque, &
 „ aliorum fabrorum officinas discurrebat, de cu-
 „ jusque arte ambitiose differens: nunc cum ob-
 „ vio quoque plebejorum hominum sermones mi-
 „ scebat in publico, nunc circum popinas ober-
 „ rans, cum ultimæ sortis peregrinis & advenis
 „ computationi indulgebat. Si quos forte juve-
 „ nes tempestivum celebrare convivium senserat,
 „ ipse statim cum poculo & symphonia impro-
 „ visus aderat comissabundus & lasciviens, ita
 „ ut rei novitate perculsi plerique se in fugam
 „ darent, partim metu conticescerent. In pu-
 „ blicis quoque balneis cum turba eum lavare
 „ solitum fuisse constat. Ibi cum unguentis ta-
 „ men pretiosissimis uteretur, ferunt quemdam
 „ ei de plebe hominem dixisse quondam: *Beatus*
 „ *es, o rex: unguentis maximi pretii oles*. Cui
 „ ille, dicto delectatus, *jam te*, inquit, *ita*
 „ *beabo, ut saturum te esse fateare*: & statim in
 „ ejus caput ingentem unguenti nobilissimi ur-
 „ nam effundi jussit: ita ut natante pavimento
 „ in lubrico lapsantes tum cæteri, tum ipse rex
 „ in primis cachinnos tollens concideret.
 „ Postremo, sumpta loco vestis regiæ toga,

R 2

„ quem-

(1) Polyb. apud Athen. l. 5. & 10. & Ptolem.
 Everg. apud eundem l. 10. Diod. Sicul. apud Valesf.

„ quemadmodum Romæ a candidatis fieri vido-
 „ rat, forum circumibat, Angulos e plebe pren-
 „ sans amplexansque, & modo Ædilitatem, mo-
 „ do Tribunatum plebis petens: ac denique po-
 „ puli suffragiis Magistratum adeptus, Romano]

CAPUT XX.

*Regis Antiochi vile ingenium: in urbibus tamen,
 Deorumque templis exornandis magnificus animus.*

20. more sella eburnea posita jus dicebat, discepta-
 batque controversias minimarum rerum: adeoque
 nulli (1) fortunæ adhærebat animus per omnia
 genera vitæ errans, uti nec sibi nec aliis, qui-
 nam homo esset, satis constaret. Non alloqui a-
 micos, vix notis familiariter arridere: munifi-
 centia inæquali sese aliosque ludificari: quibus-
 dam honoratis, magnoque æstimantibus se, pue-
 rilia, ut escæ, aut lusus, munera dare: alios ni-
 hil exspectantes ditare. Itaque nescire quid sibi
 vellet, quibusdam videri. quidam ludere eum
 simpliciter, quidam haud dubie insanire ajebant.
 In duabus tamen magnis honestisque rebus ve-
 re regius erat animus, in urbium donis, & deo-
 rum cultu. Megalopolitanis in Arcadia murum
 se circumdaturum urbi est pollicitus: majorem-
 que partem pecuniæ dedit. Tegeæ theatrum ma-
 gnificum e marmore facere instituit. Cyzici in
 prytaneum, id est, penetrale urbis, ubi publice,
 quibus is honos datus est, vescuntur, vasa au-
 rea mensæ unius posuit. Rhodiis nihil unum in-
 signe, ita omnis generis, ut quæque usus eorum
 postulaverunt, dona dedit. Magnificentiae vero
 in deos, vel Jovis Olympii templum Athenis,
 unum in terris inchoatum pro magnitudine dei,
 potest testis esse. Sed & Delonæ aris insignibus,
 statuarumque copia exornavit. & Antiochiæ Jo-
 vis Capitolini magnificum templum non laquea-
 tum auro tantum, sed parietibus totis lamina
 imauratum, & alia multa in aliis locis pollici-
 tus,

(1) alii: formæ.

tus, quia perbreve tempus regni ejus fuit, non perfectit. Spectaculorum quoque omnis generis magnificentia superiores reges vicit, (1) reliquorum sui moris & copia Græcorum artificum. gladiatorum munus Romanæ consuetudinis primo majore cum terrore hominum insuetorum ad tale spectaculum, quam voluptate dedit: deinde sæpius dando, & modo vulneribus tenus, modo sine (2) missione etiam, & familiare oculis gratumque id spectaculum fecit, & armorum studium plerisque juvenum accendit. Itaque qui primo ab Roma magnis præmiis paratos gladiatores arcessere solitus erat, jam suo [„ e regno „ voluntarios facile paravit gladiatores, operam „ ultro ad depugnandum exigua mercede offerentes. (3) Cæterum eandem in edendis spectaculis, quam & in cætera vita pravitatem „ animi, levitatemque exhibuit, ut ludorum apparatu nihil magnificentius, nihil ipso rege „ vilius videretur. quod quidem cum sæpe alias, tum maxime in iis ludis apparuit, quos, „ æmulatus eorum magnificentiam, qui a Paulo „ in Macedonia post devictum Persea dati fuerant, immani sumptu, nec minore suo dedecore, Antiochiæ edidit. Verum ad Romanas „ res revertamur, a quibus nos longius abstraxit „ hujus regis mentio.

„ Ti. Sempronius Gracchus, qui per biennium (4) Sardiniam obtinuerat, tradita Ser. „ Cornelio Sullæ prætori provincia, reversus „ Romam triumphavit de Sardis. Tantam captivorum multitudinem ex ea insula illum abduxisse ferunt, ut longa eorum venditiones „ in proverbium venerit, & (5) *Sardi venales*

R 3

„ pro

(1) videtur deesse aliquid. satis tamen liquet alia spectacula more Syriaco data esse; in quibus magna copia Græcorum artificum, h. e. histrionum, & similium; alia more Romano.

(2) cum victi gladiatores juberentur occidi.

(3) Polyb. & Diod. ubi supra. (4) hujus lib. n. 17.

(5) Festus v. sardi venales.

„ pro rebus vilibus vulgari joco celebrati fue-
 „ rint. Triumphaverunt & Consules ambo, Scæ-
 „ vola de Liguribus, Lepidus de iisdem, & Gal-
 „ lis. Tum (1) comitia magistratuum in inse-
 „ quentem annum habita. Creati consules sunt
 „ Sp. Postumius Albinus, Q. Mucius Scævola.
 „ Pretoriis comitiis fortuna inter ceteros candi-
 „ datos P. Africani filium L. Cornelium Scipio-
 „ nem, siue is Cnæus fuit, non sine magna in-
 „ vidia in certamen conjecit cum C. Cicerejo,
 „ qui patris ejus scriba fuerat. Nam quinque
 „ jam nominatis prætoribus, C. Cassio Longi-
 „ no, P. Furio Philo, L. Claudio Asello, M.
 „ Atilio Serrano, Cn. Servilio Cæpione, cum
 „ extremo saltem loco adhærescere Scipio nite-
 „ retur, adeo a patris virtutibus degenerasse vi-
 „ sus est, ut omnium Centuriarum suffragiis ei
 „ Cicerejus anteferretur, nisi hic siue fortunæ
 „ crimen, siue comitiorum errorem modestia sua
 „ emendasset. In hoc campestri certamine Pa-
 „ troni sui filium vincere non sustinuit, abjecta-
 „ que statim candida toga, ex competitore de
 „ victoria certo gratus cliens & competitoris sui
 „ suffragator factus est. Sic honorem, quem a
 „ populo impetraturus Scipio non videbatur,
 „ (2) ope Cicereji consecutus est, majore Cice-
 „ reji gloria, quam sua. Consulibus provinciæ
 „ assignatæ sunt Gallia, & Ligures.

CAPUT XXI.

*Facta provinciarum sortitione, exercitus decernun-
 tur: fæda grassante pestilentia, ingens moritur mor-
 talium numerus: extinctis nonnullis sacerdotibus,
 novi sufficiuntur: pestilentia non cessante, fit sup-
 plicatio, votumque a populo concipitur: prodigia
 quoque præcurantur.*

21. „ **M**Ox sortiti prætores; C. Cassius Longinus
 „ urbanam jurisdictionem obtinuit. L.
 Cor-

(1) Fasti Capit. adde Pighium.

(2) Val. Max. 4. 5. & 3. 5.

Cornelius Sci., Ipio inter peregrinos. M. Atilio prætori provincia Sardinia obvenerat, sed cum legione nova, quam consules conscripserant, V. millibus peditum, CCC. equitibus in Corsicam iussus est transire. Dum is ibi bellum gereret, Cornelio prorogatum imperium, uti obtineret Sardiniam. Cn. Servilio Cæpioni in Hispaniam ulteriorem, & P. Furio Philo in citeriorem tria M. Peditum Romanorum, equites CL. & socium Latini nominis V. millia peditum, CCC. equites. Sicilia L. Claudio sine supplemento decreta: Duas præterea legiones COSS. scribere iussi. cum iusto numero peditum equitumque & X. millia peditum sociis imperare, & DC. equites. Delectus consulibus eo difficilior erat, quod pestilentia, quæ priore anno in boves ingruerat, eo verterat in homines. in morbos qui incidebant, haud facile septimum diem superabant: qui superaverant, longinquo maxime quartanæ implicabantur morbo. Servitia maxime moriebantur. eorum strages per omnes vias infepultorum erat. Ne liberorum quidem funeribus libitina sufficiebat. Cadavera intacta a canibus ac vulturibus tabes absumebat; satisque constabat nec illo, nec priore anno in tanta strage boum, hominumque vulturium usquam visum. Sacerdotes publici ea pestilentia mortui sunt, Cn. Servilius Cæpio pontifex pater prætoris, & Tib. Sempronius C. F. Longus Decemvir sacrorum, & P. Ælius Pætus augur, & Tib. Sempronius Gracchus, & C. Mamilius Vitulus curio maximus, & M. Sempronius Tuditanus pontifex. Pontifices suffecti sunt, C. Sulpitius Galba in locum Tuditani. (1) Augures suffecti sunt, in Gracchi locum T. Veturius Crassus Sempronianus, in P. Ælii Q. Ælius Pætus. Decemvir sacrorum C. Sempronius Longus, curio maximus C. Scribonius Curio sufficitur. Cum pestilentiae finis non fieret, senatus decrevit, uti Decemviri li-

(1) excidit hic nomen Pontificis suffecti in locum Cn. Servilii Cæpionis demortui.

bro Sibyllinos adirent. Ex decreto eorum diem unum supplicatio fuit : & Q. Martio Philippo verba præeunte , populus in foro votum concepit , si morbus pestilentiaque ex agro Romano emota esset , biduum ferias ac supplicationem se habiturum . In Vejenti agro biceps natus puer , & Sinuessæ unimanus , & Oximi puella cum dentibus , & (1) arcus interdiu sereno cœlo super ædem Saturni in foro Romano intentus , & tres simul soles effulserunt , & faces eadem nocte plures per coelum lapsæ sunt . Lanuvini , Cæritesque anguem in oppido suo (2) iubatam aureis maculis sparsum apparuisse affirmabant , & in agro Campano bovem locutum esse satis constabat .

CAPUT XXII.

Legati redeuntes ex Africa nuntiant , legationem a Perseo rege Macedonia missam ad Carthaginenses , & ab iis nocte auditam : ab senatu legati in Macedoniam mittuntur .

22. **L**egati Nonis Jun. ex Africa redierunt , qui convento prius Masaniſſa rege Carthaginem ierant . cæterum certius aliquanto quæ Carthagine acta essent , ab rege rescierant , quam ab ipsis Carthaginensibus . compertum tamen affirmaverunt , legatos ab rege Perseo venisse , iisque noctu senatum in æde Æsculapii datum esse . ab Carthagine legatos in Macedoniam missos , & rex affirmaverat , & ipsi parum constanter negaverant . In Macedoniam quoque mittendos legatos senatus censuit . Tres missi sunt , C. Lælius , M. Valerius Messala , Sex. Digitius .

C A-

(1) iris .

(2) cristatum , aut crinitum .

CAPUT XXIII.

Perseus rex Macedoniae Græcas civitates, alias ipse coram, alias per legatos aut literas, sibi conciliat: sollicitati Achæi quoque jam ante Macedonibus insens, deliberant: amicitiam cum rege dissuadet Callicrates; suadet Arco: decretum differtur.

PErseus per id tempus, quia quidam Dolopum non parebant, & de quibus ambigebatur rebus, disceptationem ab rege ad Romanos revocabant, cum exercitu profectus, sub jus iudiciumque suum totam coegit gentem. Inde per Oetæos montes transgressus, religionibus quibusdam animo objectis, oraculum aditurus Delphos ascendit. Cum in media repente Græcia apparuisset, magnum non finitimis modo urbibus terrorem præbuit, sed in Asiam quoque ad regem Eumenem nuntius tumultus ejus venit. Triduum non plus Delphis moratus, per Phtiotidem Achajam, Thessaliamque sine damno injuriaque agrorum, per quos iter fecit, in regnum rediit. Nec earum tantum civitatum, per quas iturus erat, satis habuit animos sibi conciliare: sed aut legatos, aut literas dimisit, petens ne diutius simultatum, quæ cum patre suo fuissent, meminissent: nec enim tam atroces fuisset eas, ut non cum ipso potuerint ac debuerint finire: secum quidem omnia illis integra esse ad instituendam fideliter amicitiam. Cum Achæorum maxime gente reconciliandæ gratiæ viam quærebat. Hæc una ex omni Græcia gens, & Atheniensium civitas, eo processerat irarum, ut finibus interdiceret Macedonibus. Itaque serviitiis ex Achaja fugientibus receptaculum Macedonia erat: quia cum finibus suis interdixissent, intrare regni terminos ipsi non audebant. Id cum Perseus animadvertisset, comprehensis omnibus, literas (1) ad Achæos misit, quibus se servos eo-

R 5 rum,

(1) hæc supplevit Sigonius, ex Callicratis verbis, quæ mox sequuntur. inde litteras ad nos &c.

rum, qui ad se transfugerant, benigne remittere illis scripsit. Cæterum ne similis fuga servorum postea fieret, cogitandum & illis esse. Recitatis his per Xenarchum prætorem, qui privatæ gratiæ aditum apud regem quærebat: & plerisque moderate & benigne scriptas esse censentibus literas, atque his maxime qui præter spem recepturi essent amissa mancipia: Callicrates ex iis, qui in eo verti salutem gentis crederent, si cum Romanis inviolatum fœdus servaretur, Parva, inquit, aut mediocris res, Achai, quibusdam videtur agi; ego * maxime gravissimam omnium, non agique tantum arbitror, sed quodam modo aeternam esse. Nam qui regibus Macedonum Macedonibusque ipsis finibus interdixissemus, manereque id decretum volumus; scilicet ne legatos, ne nuntios admitteremus regum, per quos aliquorum ex nobis animi sollicitarentur: si concionantem quodammodo absentem audimus regem, & si diis placet, orationem ejus probamus: & cum ferè bestię cibum ad fraudem suam positum plerumque aspernentur & refugiant, nos cæci specie parvi beneficii inescamur: & servulorum minimi pretii recipiendorum spe, nostram ipsorum libertatem subruere & tentari patimur. Quis enim non videt viam regię societatis quæri, qua Romanum fœdus, quo nostra omnia continentur, violetur? Nisi hoc dubium alicui est, bellandum Romanis cum Perseo esse: & quod vivo Philippo expectatum, morte ejus interpellatum est, id post mortem Philippi futurum. Duos, ut scitis, habuit filios Philippus, Demetrium, & Persea. Genere materno, virtute, ingenio, favore Macedonum, longe præstitit Demetrius. Sed quia in Romanos odii regnum posuerat (1) præmium, Demetrium nullo alio crimine, quam Romanæ amicitie iniuste, occidit: Persea, quem (2) P. R. prius pene, quam

(1) præmium odii.

(2) hic nullus sensus; nisi addas, & mutes aliquid. ex. gr. quem odii populi Romani (h. e. in pop. R. prius pene, quam &c. vel, quem belli in populum R. prius pene.

quam regni heredem futurum sciebat, regem fecit. Itaque quid hic post mortem patris egit aliud, quam bellum paravit? Bastarnas primum ad terrorem omnium Dardaniam immisit: qui si sedem eam tenuissent, graviores eos accolae Græcia habuissent, quam Asia (1) Gallos habeat. Ea spe depulsus, non tamen belli consilia omisit: imo si vera volumus dicere, jam inchoavit bellum. Dolopiam armis subegit, nec (2) provinciis de controversis ad disceptationem P. R. * revocantem audivit. inde transgressus Oetam, ut repente in medio umbilico Græciæ ^{* al. pro-} conspiceretur, Delphos ascendit. Hæc usurpationis ^{vocem.} insoliti quo vobis spectare videtur? Thessaliam deinde peragravit, quod sine ullius eorum quos ode- rat noxia, hoc magis temptationem metuo. Inde literas ad nos cum muneris specie misit, & cogitare jubet quomodo in reliquum hoc munere non egeamus, hoc est, ut decretum, quo arcentur Peloponneso Macedones, tollamus: rursus legatos regios, & hospitia cum principibus, & mox Macedonum exercitus, ipsum quoque a Delphis (3) (quantum enim interluit fretum?) trajicientem in Peloponnesum videamus: immisceamur Macedonibus armantibus se adversus Romanos. Ego nihil novi censeo decernendum, servandaque omnia integra, donec ad certum * dirigatur, ^{* al. redi-} vanusne ^{gatur.} hic timor noster, an verus fuerit: si pax invio-
lata inter Macedonas Romanosque manebit, nobis quoque amicitia & commercium sit, nunc de eo cogitare periculosum & immaturum videtur. Post 24.
hunc Arco frater Xenarchi prætoris ita disseruit. Difficilem orationem Callicrates & mihi, & omni-
bus, qui ab eo dissentimus, fecit: agendo enim Ro-
manæ societatis causam ipse, tentarique & oppugna-
ri dicendo, quam nemo neque tentat neque oppugnat;
effecit, ut qui ab se dissentiret, adversus Romanos
dicere videretur. Ac primum omnium tanquam non
hic nobiscum fuisset, sed aut ex curia P. R. veni-
ret,

R 6

(1) Gallo-græcos.

(2) nec provocantem, vel provocantes, (scil. Dolopas) de controversiis ad d. P. R. audivit.

(3) nim. brevis trajetibus Corinthiaci sinus.

rer, aut regum arcanis interesset, omnia scit & nunti-
 at quæ occulte facta sunt: divinat etiam quæ futu-
 ra fuerant, si Philippus vixisset: quid ita Perseus
 regni heres sit, quid parent Macedones, quid cogi-
 tent Romani. Nos autem, qui nec ob quam causam,
 nec quemadmodum perierit Demetrius, scimus, nec
 quid Philippus, si vixisset, facturum fuerit: ad hæc
 quæ palam geruntur, consilia nostra accommodare o-

* al. portet. Ac scimus Persea regno accepto * ad legatos Romanos venisse, ac regem Persea a P. R. appellatum: audivimus legatos Romanos venisse ad regem, & eos benigne exceptos. Hæc omnia pacis equidem signa esse iudico, non belli: nec Romanos offendi pos-

se, si ut bellum gerentes eos secuti sumus, nunc quoque pacis auctores sequamur. Cur quidem nos inextinguibile omnium soli bellum adversus regnum Macedonum geramus, non video. (1) Opportuni propinquitate ipsa Macedonia sumus: an infirmissimi omnium tanquam quos nuper subjecit, Dolopes? I-

* al.
con-
tra
eam
* al.
Epi-
rota-
que

mo * contra ea vel viribus nostris deum benignitate, vel regionis intervallo tuti. Sed sumus æque (2) subjecti ac Tbessali * Ætolique, nibilo plus fidei auctoritatisque habemus (3) adversus Romanos, qui semper socii atque amici fuimus, quam Ætoli, qui paulo ante hostes fuerunt. Quod Ætolis, quod

qui paucis ante hostes fueram. Quod Aetolis, quod Thessalis, quod Epirotis, omni denique Græciæ cum Macedonibus juris est, idem & nobis sit. cur execrabilis ista nobis solis velut desertio juris humani est? Fecerit aliquid Philippus, cur adversus eum armatum & bellum gerentem hoc decerneremus. quid Perseus novus rex, omnis injuriæ insons, suo beneficio paternas similitates obliterans meruit? Cur soli omnium hostes ei sumus? Quanquam & illud dicere poteram, tanta priorum Macedonia regum merita erga nos fuisse, ut Philippi unius injurias, si quæ forte fuerunt, oblivisceremur utique post mortem.

- (1) *periculo obnoxii*.
(2) *idem quod supra dixit, opportuni propin-
quitate*.
(3) *apud Romanos pares sumus aliis Græcis: ergo
pares sumus etiam apud Macedonas*.

tem . cum classis Romana (1) Cenchreis staret ,
 COS. cum exercitu Elatiæ esset , triduum in concilio fuimus consultantes , utrum Romanos , an Philip-
 pum sequeremur . nonnihil metus præsens ab Romanis sententias nostras inclinavit : fuit certe tamen aliquid , quod tam longam deliberationem faceret , id quod erat vetusta conjunctio cum Macedonibus , vetera & magna in nos regum merita . Valeant & nunc eadem illa , non ut præcipue amici , sed ne præcipue inimici simus . Ne id quod non agitur , Callicrates , simulaverimus . nemo novæ societatis aut novi fœderis , quo nostemere illigemus , conscribendi est auctor : sed commercium tantum juris præbendi repetendique fit : ne interdictione finium nostrorum & nos quoque regno arceamus : ne servis nostris aliquo fugere liceat . Quid hoc adversus Romana fœdera est ? Quid rem parvam & apertam , magnam & suspectam facimus ? Quid vanos tumultus ciemus ? Quid ut ipsi locum assentandi Romanis habeamus , suspectos alios ac invisos efficimus ? Si bellum erit , ne Perseus quidem dubitat , quin Romanos secuturi simus : in pace , etiam si non odia finiuntur , intermittantur . Cum iidem huic orationi , qui literis regis adsentierant , * adsentirentur ; indignatione principum , quod quam rem ne legatione quidem dignam judicasset Perseus , literis paucorum versuum impetraret , decretum differtur . Legati deinde postea missi ab rege , cum Megalopoli concilium esset : dataque opera est ab iis , qui offensionem apud Romanos timebant , ne admitterentur .

* al-
 non
 ha-
 bent
 hoc
 ver-
 bum .

CA-

CAPUT XXIV.

Intestine Ætolorum, Cretensiumque discordiæ, adventu Romanorum legatorum, qui ad eas sedandas ab senatu missi fuerant, exasperantur.

25. **P**ER hæc tempora Ætolorum in semetipsos versus furor, mutuis cædibus ad internecionem adducturus videbatur gentem. Fessi deinde & Romanam utraque pars miserunt legatos, & inter se ipsi de reconcilianda concordia agebant: quæ novo facinore discussares, veteres etiam iras excitavit. Exulibus (1) Hypateis, qui factionis Proxenierant, cum reditus in patriam promissus esset, fidesque data per principem civitatis Eupolemum, LXXX. illustres homines, quibus redeuntibus inter cæteram multitudinem Eupolemus etiam obvius exierat, cum salutatione benigne excepti essent, dextræque datæ, ingredientiæ portam, fidem datam deosque testes nequicquam invocantes interfecti sunt. Inde gravius de integro bellum exarsit. C. Valerius Lævinus, & Ap. Claudius Pulcher, & C. Memmius, & M. Popillius, & L. Canulejus missi ab senatu venerant. Apud eos cum Delphis utriusque partis legati magno certamine egerint, Proxenus maxime cum causa, tum eloquentia, præstare visus est: qui paucos post dies ab Orthobula uxore veneno est sublati, damnataque eo crimine in exilium abiit. Idem furor & Cretenses lacerabat. adventu deinde Q. Minutii legati, qui cum decem navibus missus ad sedanda eorum certamina erat, in spem pacis venerant: cæterum (2) induciæ & antea sex mensium fuerunt: inde multo gravius bellum exarsit. Lycii quoque per idem tempus ab Rhodiis bello vexabantur. Sed exter-
- no-

(1) *Hypata non erat in Ætolia, sed in Thessalia. ea tamen Thessalia pars erat in ditione Ætolorum.*

(2) *alii: inducias tantum sex mensium fecerunt,*

norum inter se bella, quo quæque modo gesta sunt, persequi non operæ est, satis superque oneris sustinenti res a P. R. gestas scribere.

CAPUT XXV.

Ap. Claudius proc. oppressis rebellantibus Celtiberis, debellat.

Celtiberi in Hispania, quî bello domiti se Tib. Graccho dediderant, pacati manserant M. Titinio Pr. obtinente provinciam, rebellaverunt sub adventum Ap. Claudii, orisque bellum sunt ab repentina oppugnatione castrorum Romanorum. Prima lux ferme erat, cum vigiles in vallo, quique in portarum stationibus erant, cum vidissent procul venientem hostem, ad arma conclamaverunt. Ap. Claudius signo proposito pugnae, ac paucis adhortatus milites, tribus simul portis eduxit. Obfistentibus ad exitum Celtiberis, primo par utrinque prælium fuit, quia propter angustias non omnes in faucibus pugnare poterant Romani. urgentes deinde alii alios secuti evaserunt extra vallum, ut pandere aciem, & exæquari cornibus hostibus, quibus circumibantur, possent. ita repente eruperunt, ut sustinere impetum eorum Celtiberi nequirent. Ante horam secundam pulsi sunt, ad XV. millia cæsa aut capta, signa adempta duo & XXX, castra etiam eo die expugnata, debellatumque: nam qui superfuere prælio, in oppida sua dilapsi sunt: quieti deinde paruerunt imperio.

CAPUT XXVI.

Censura Q. Fulvii Flacci, & A. Postumii Albini: intestinarum inter Patavinos discordiarum per Consulem, ab Roma missum, sedatio.

Censores eo anno creati Q. Fulvius Flaccus, 27.
& A. Postumius Albinus legerunt senatum.
princeps lectus M. Æmilius Lepidus pont. max.
de

de senatu novem ejecerunt. Insignes notæ fuerunt M. Cornelii Maluginensis, qui biennio ante Pr. in Hispania fuerat, & L. Cornelii Scipionis Pr. cujus tum inter cives & peregrinos jurisdictio erat, & Cn. Fulvii, qui frater germanus, &, ut * Valerius Antias tradit, (1) confors etiam censoris erat. COSS. votis etiam in Capitolio nuncupatis, in provincias profecti sunt. Ex iis * * senatus negotium dedit, ut Patavinorum in Venetia seditionem comprimeret: quos certamine factionum ad intestinum bellum exarsisse & ipsorum legati attulerant. Legati qui in Ætoliæ ad similes motus comprimendos ierant, renuntiaverunt coerceri rabiem gentis non posse. Patavinis salutis fuit adventus (2) consulis: neque aliud quod ageret in provincia cum habuisset, Romam rediit. Censores vias sternendas silice in urbe, glareæ extra urbem substruendas (3) marginandasque primi omnium locaverunt: pontesque multis locis faciendos, & scenam ædilibus prætoribusque (4) præbendam, & (5) carceres in circo, & (6) ova ad notas curriculis numerandas, (7) & * dam, & metas trans * & caveas ferreas ꝑe * intrmitterentur fer-

(1) qui communi, & nondum diviso patrimonio utebatur.

(2) hoc anno Coss. fuerunt Sp. Posthumius Albinus, & Q. Mutius. igitur in præcedenti lacuna non videtur supplendum M. Æmilio; qui Cos. fuerat anno superiore. (3) de Marginibus viarum Bergierius l. 2. sect. 31. de public.

(4) qua uterentur in edendis theatralibus ludis.

(5) ubi coercerentur equi, ne intempestive exirent.

(6) ova fuere fabrica quadam ex ligno, ovali figura factæ, cum basi, qua fissi possent, & erigi; erant illa veluti notæ quibus curricula numerabantur. primo curriculo peracto unum ovum e medio tollebatur, secundo curriculo, alterum; ita de reliquis. hinc fortasse legendum, numerandis, pro, numerandas.

(7) hic locus ne conjectura quidem sanari potest.

* ferreis in monte Albano consulibus, & clivum Capitolinum filice sternendum curaverunt, & porticum ab æde Saturni in Capitolium ad (1) cœnaculum, ac super id curiam. & extra portam Tergeminam emporium lapide straverunt, stipitibusque sepserunt, & porticum Æmilianam reficiendam curarunt, gradibusque ascensum ab Tiberi in emporium fecerunt: & extra eandem portam in Aventinum porticum filice straverunt, & (2) eo publico ab æde Veneris fecerunt. Iidem Calatiæ & Oxini muros faciendos locaverunt. venditisque ibi publicis locis, pecuniam, quæ redacta erat, tabernis utrique foro circundandis consumpserunt. & alter ex iis Fulvius Flaccus, (nam Postumius nihil nisi senatus Romani, populi jussu se locaturum ipforum (3) pecunia). Jovis ædem Pisauri & Fundis, & Pollentiæ etiam aquam adducendam, & Pisauri viam filice sternendam, & Sinuessam (4) a ga * aviariæ. In his & cloacam in fluvium circunducendam, & forum porticibus tabernisque claudendum, & (5) Janos tres faciendos. Hæc ab uno cenfore opera locata cum magna gratia colonorum. Moribus quoque regendis diligens & severa censura fuit. multis equi adempti.

C A-

(1) alii: senaculum; (2) an ex publico Emporii proventu ab æde Veneris porticum fecerunt?

(3) intellige, dicebat.

(4) hic pluscula exciderunt.

(5) Cic. de Nat. Deor. 2. 27. transitiones perviæ, Jani, foresque in liminibus profanarum ædium, januæ appellantur.

CAPUT XXVII.

Fit supplicatio propter res, in Hispania prospere gestas ab Ap. Claudio proc., qui paulo post ovans Urbem ingreditur: nuntiatum prodigium procuratur: habitis comitiis; novi coff. creantur L. Postumius Albinus, & M. Popillius Lænas.

28. **E**Xitu prope anni diem unum supplicatio fuit ob res prospere gestas in Hispania, ductu auspicioque Ap. Claudii proconsulis, & majoribus hostiis XX. sacrificatum, & alterum diem supplicatio ad Cereris Liberi Liberæque fuit, quod ex Sabinis terræmotus ingens cum multis ædificiorum ruinis nuntiatus erat. Cum Ap. Claudius ex Hispania Romam redisset, decrevit senatus, ut ovans urbem iniret. Jam consularia comitia appetebant: quibus magna contentione habitis, propter multitudinem petentium, creati L. Postumius Albinus, & M. Popillius Lænas. Prætores inde facti, Cn. Fabius Buteo, M. Martienus, C. Cicerejus, M. Furius Crassipes iterum, A. Atilius Serranus iterum, C. Cluvius Saxula iterum. Comitiis perfectis Ap. Claudius Centho ex Celtiberis ovans cum in urbem iniret, decem millia pondo argenti, quinque millia auri in ærarium tulit. Flamen dialis inauguratus est Cn. Cornelius.

CAPUT XXVIII.

In æde matris Matutæ tabulam ponit Tib. Gracchus cum titulo rerum ab se gestarum: insigne gladiatorium munus dat T. Flamininus.

EOdem anno tabula in æde Matris Matutæ cum indice hoc posita est: *Tib. Sempronii Gracchi consulis imperio auspicioque legio exercitusque P. R. Sardiniam subegit. In ea provincia hostium cæsa aut capta supra LXXX. millia. Rep. feliciss.*

licissime gesta atque (1) libertatis * vectigalibus
 (2) restitutis, exercitum saluum atque incolumem
 plenissimum præda domum reportavit: iterum trium-
 phans in urbem Romam rediit: cujus rei ergo hanc
 tabulam donum Jovi dedit. Sardiniae insulae forma
 erat, atque in ea simulacra pugnarum picta.
 Munera gladiatorum eo anno aliquot parva alia
 data. unum ante cætera insigne fuit T. Flami-
 nini, quod mortis causa patris sui cum viscera-
 tione epuloque & ludis scenicis quatrimum ded-
 dit. magni tamen muneris ea summa fuit, ut
 per triduum quatuor & septuaginta homines pu-
 gnarint. [„ Finis hujus anni insignis est nova,
 „ eaque magni momenti lege, quæ non sine a-
 „ liquo motu animorum agitata civitatem exer-
 „ cuit. Hactenus foeminas non minus, quam vi-
 „ ros, ad hæreditates admitti jus fuerat. Inde
 „ fiebat, ut Illustrissimarum sæpe familiarum bo-
 „ na in alienas domos transfunderentur, magno-
 „ cum reipublicæ damno, cujus interest cloro-
 „ rum nominum hæredibus suppetere opes, qui-
 „ bus splendorem generis, onus alioqui magis,
 „ quam decus, tutari & exornare possint. Deinde
 „ etiam, cum crescentibus jam imperii opi-
 „ bus crescerent quoque privatorum divitiæ,
 „ metus erat ne pronior natura in luxum, & e-
 „ legantioris cultus affectationem muliebris ani-
 „ mus, nactus ex affluentia opum cupiditatis
 „ irritamenta, in sumptus immodicos atque in
 „ luxuriam prolaberetur. ac deinde a prisca for-
 „ tasse sanctitate descisceret, nec minor fieret
 „ morum, quam cultus mutatio. His incommo-
 „ dis obviam ire statuit Q. Voconius Saxa, tri-
 „ bunus pleb. tulitque ad populum (3) ne quis,
 „ qui post A. Postumium Q. Fulvium censores
 „ census esset, hæredem virginem, neve mulierem
 face-

(1) an intelligendum, sociis? qui rebus suis spo-
 liati fuerant ab iis, qui desciverant.

(2) quia Sardi Montani deficiendo a Romanis ve-
 ctigalia imminuerant.

(3) Cic. 1. in Ver. c. 42. Dio. l. 56.

„ faceret : neve ulli Virgini , vel mulieri , bona
 „ cujusquam liceret hereditate percipere ultra cen-
 „ tum millia sestertium . Sed & cavendum quo-
 „ que duxit Voconius , ne magnitudine legato-
 „ rum hereditates , quod fiebat interdum , ex-
 „ haurirentur . Adjecit igitur rogationi , (1)
 „ ne quis plus cuiquam legaret , quam ad heredem ,
 „ heredesve perveniret . Atque hoc quidem poste-
 „ rius legis caput facile se populo probabat ,
 „ quod & æquissimum videretur , nec cuiquam
 „ magnopere grave esset . De priore , quo remo-
 „ vebantur foeminae ab omnium omnino civium
 „ hereditatibus , ambigebatur . Dubitationem e-
 „ xemit M. Cato , (2) acerrimus jam olim in de-
 „ fendenda lege Oppia mulierum adversarius &
 „ castigatior , qui & hanc quoque majoris mo-
 „ menti adversus illas legem , annos natus quin-
 „ que & sexaginta , (3) magna voce & bonis la-
 „ teribus suasit , pro solita asperitate in mulie-
 „ brem invehens impotentiam , intolerandosque
 „ in opulentia spiritus : Cum hinc quoque ar-
 „ gueret divitum matronarum fastum & arrogan-
 „ tiam , quod illae magna saepe dote marito allata ,
 „ magnam sibi pecuniam reciperent ac retinerent ,
 „ eamque pecuniam ita postea Viro roganti mutuam
 „ darent , ut , quoties iratae essent , statim per rece-
 „ pitium servum consecrantem , & quotidie agi-
 „ tantem solutionem , maritum , tanquam debitorem
 „ extraneum , importune cogerent . Hac indignatio-
 „ ne commoti legem , uti rogabat Voconius , ac-
 „ cipiendam censuerunt .

LI-

(1) Cic. 1. in Ver. c. 43. (2) Liv. 34. 1. & seqq.
 (3) Cic. de senect. 5.

LIBER XLII.

CAPUT I.

Novorum magistratuum provinciae.

Ucius Postumius Albinus, M. Popilius Lænas, cum omnium primum de provinciis exercitibusque ad senatum retulissent : Ligures utrique decreti sunt, ut novas ambo, quibus eam provinciam obtinerent, legiones (binæ singulis decretæ) socium Latini nominis dena millia peditum, & DC. equites, & supplementum Hispaniæ III. millia peditum Romanorum scriberent, & CC. equites. Ad hoc mille & D. pedites Romani cum centum equitibus scribi iussi, cum quibus Pr. cui Sardinia obtigisset, in Corsicam transgressus bellum gereret : interim M. Atilius vetus prætor provinciam obtineret Sardiniam. Prætores deinde provincias sortiti sunt, A. Atilius Serranus urbanam, C. Cluvius Saxula inter cives & peregrinos, Cn. Fabius Buteo Hispaniam citeriorem, M. Matienus ulteriorem, M. Furius Crassipes Siciliam, C. Ciceræjus Sardiniam.

CAPUT II.

L. Postumius Cos. privatim iratus Prænestinis, in Campaniam ad agros recognoscendos proficiscens, jubet eorum magistratus sibi obviam exire; parique hospitium publico sumptu: hic primus omnium Romanorum magistratuum sociis oneri est.

Præterquam magistratus proficiscerentur, senatus placuit, L. Postumium COS. ad agrum publicum a privato terminandum, in Campaniam ire: cujus ingentem modum possidere privatos, paulatim proferendo fines, constabat. Hic ira-

iratus Prænestinis, quod cum eo privatus sacrificii in templo Fortunæ faciundi causa profectus esset, nihil in se honorifice neque publice neque privatim factum a Prænestinis esset; priusquam ab Roma proficisceretur, literas Præneste misit, ut sibi magistratus obviam exiret, locum publice pararet, ubi diverteretur: jumentaue, cum exiret inde, præsto essent. Ante hunc COS. nemo unquam sociis in ulla re oneri aut sumptui fuit: ideo magistratus mulis tabernaculisque, & omni alio instrumento militari ornabantur, ne quid tale imperarent sociis. privata hospitia habebant: ea benigne comiterque colebant: domusque eorum Romæ hospitibus patebant, apud quos ipsis diverti mos esset. Legati qui repente aliquo mitterentur, singula jumenta per oppida, iter qua faciendum erat, imperabant. aliam impensam socii in magistratus Romanos non faciebant. (1) Injuria COS. etiam si justa, non tamen in magistratu exercenda, & silentium nimis aut modestum aut timidum Prænestinorum, jus, velut probato exemplo, magistratibus fecit graviorum in dies talis generis imperiorum.

C A P U T III.

Legati ex Macedonia reversi renuntiant, a Perseo rege parari bellum: id antequam suscipiatur, prodigia expiantur.

PRincipio hujus anni, legati, qui in Ætoliam & Macedoniam missi erant, renuntiarunt, sibi conveniendi regis Persei, cum alii abesse eum, alii agrum esse, falso utrunque fingerent, potestatem non factam. Facile tamen apparuisse sibi, bellum parari, nec ultra ad arma ire dilaturum. Item in Ætolia seditionem gliscere in dies: neque discordiarum principes auctoritate sua coerceri potuisse. Cum bellum Macedonicum in expectatione esset, priusquam id susciperetur, prodigia expiari, pacemque deum

(1) alii: ira.

deum peti precationibus, quæ editæ ex fatalibus libris essent, placuit. Lanuvii classis magnæ species in cœlo visæ dicebantur, & Priverni lana pulla terra enata, & in Vejenti apud (1) Rementem lapidatum, Pomptinum omne velut nubibus locustarum coopertum esse, in Gallico agro, qua induceretur aratrum, sub existentibus glebis pisces emeruisse. Ob hæc prodigia libri fatales inspecti, editumque ab decemviris est, & quibus diis, quibusque hostiis sacrificaretur, & ut supplicatio pròdigiiis expiandis fieret. altera quæ priore anno valetudinis populi causa vota esset, ea uti feriæque essent. Itaque sacrificatum est, ut decemviri scriptum ediderunt.

CAPUT IV.

Q. Fulvius Flaccus censor templo Junonis Lacinie tegulas marmoreas detrabit, ut ædem, ab se votam Fortunæ Equestri, exornet: hoc factum aversati Patres jubent tegulas, unde ablatae essent, reportari.

Eodem anno ædes Junonis Lacinie detecta. Q. 3.
Fulvius Flaccus censor ædem Fortunæ equestris, quam in Hispania Prætor bello Celtiberico voverat, faciebat enixo studio, ne ullum Romæ amplius aut magnificentius templum esset. Magnum ornamentum se templo ratus adjecturum, si tegulæ marmoreæ essent; profectus in Bruttios ædem Junonis Lacinie ad partem dimidiam deregat, id satis fore ratus ad tegendum quod ædificaretur. Naves paratæ fuerunt, quæ tollerent atque asportarent, auctoritate censoria sociis deterritis id sacrilegium prohibere. Postquam censor rediit, tegulæ expositæ de navibus ad templum portabantur. quanquam unde essent filebatur: non tamen celari potuit. Fremitus igitur in curia ortus est: ex omnibus partibus postulabatur, ut consules eam rem ad senatum refer-

(1) an, Cremeram?

ferrent. Ut vero arcessitus in curiam censor venit, multo infestius singuli universique præsentem lacerare, templum augustissimum regionis ejus, quod non Pyrrhus, non Annibal violassent, violare parum habuisse, nisi detexisset fœde, ac prope diruisset. Detractum culmen templo, nudatum tectum patere imbribus putrefaciendum. censorem moribus regendis creatum, cui sartatecta exigere sacris publicis, & loca tuenda more majorum traditum esset, cum per sociorum urbes diruentem templa, nudantemque tecta ædium sacrarum vagari: & quod si in privatis sociorum ædificiis faceret, indignum videri posset, id deum immortalium templa demolientem facere: & obstringere religione P. R. ruinis templorum templa ædificantem: tanquam non iidem ubique dii immortales sint, sed spoliis aliorum alii colendi exornandique. Cum priusquam referretur, appareret, quid sentirent patres, relatione facta in unam omnes sententiam ierunt, ut hæ tegulæ reportandæ in templum locarentur, piaculariaque Junoni fierent. Quæ ad religionem pertinent, cum cura facta. tegulas relictas in area templi, quia reponendarum nemo artifex inire rationem potuerit, redemptores nuntiarunt.

CAPUT V.

Mortuo Massiliæ Num. Fabio prætore, remanet in Hispania citeriore, in quam is succedebat, P. Furius, facta sortitione cum Cn. Servilio. Ager Ligustinus, & Gallicus vacans, ex senatusconsulto viritim dividitur.

4. **E**X prætoribus, qui in provincias ierant, N. Fabius Massiliæ moritur, cum in citeriorem Hispaniam iret. Itaque cum id nuntiatum a Massiliensibus legatis esset, senatus decrevit, ut P. Furius & Cn. Servilius, quibus succedebatur, inter se compararent, aut sortirentur, uter citeriorem Hispaniam prorogato imperio obtineret. Sors opportuna fuit: P. Furius idem, cujus ea provincia fuerat, * remaneret. Eodem anno cum
agri

* at
re-
man-
et.

agri Ligustini, & Gallici, quod bello captum erat, aliquantum vacaret, S. C. factum, ut is ager (1) viritim divideretur. Decemviros in eam rem ex S. C. creavit A. Atilius, prætor urbanus, M. Æmilium Lepidum, C. Cassium, T. Æbutium Carum, C. Tremellium, P. Cornelium Cethegum, Q. & L. Apulejos, M. Cæcilium, C. Salonium, C. Munatium. Diviserunt dena jugera in singulos, fociis nominis Latini terna.

CAPUT VI.

Et in Ætolia, & in Thessalia res, intestinis seditionibus turbata, per legatos Rom. componuntur: nuntiantibus Thessalorum legatis Persea regem bellum agitare, ad res inspiciendas legati in Macedoniam mittuntur: cum Ptolemæo Alexandria rege amicitia renovatur.

PER idem tempus quo hæc agebantur, legati ex Ætolia Romam venerunt de discordiis seditionibusque suis, & Thessali legati, nuntiantes quæ in Macedonia gererentur. Perseus jam bellum vivo patre cogitatum in animo volvens, omnes non gentes modo Græciæ, sed civitates etiam, legationibus mittendis, pollicendo plura quam præstando, sibi conciliabat. Erant tamen magna ex parte hominum ad favorem ejus inclinati animi, & aliquanto quam in Eumenem propensiores, cum Eumenis beneficiis muneribusque omnes Græciæ civitates & plerique principum obligati essent, & ita se in regno suo gereret, ut quæ sub ditione ejus urbes essent, nullius libere civitatis fortunam secum mutatam vellent. Contra Persea fama erat post patris mortem uxorem manu sua occidisse: Apellem ministrum quondam fraudis in fratre tollendo, atque ob id requisitum a Philippo ad supplicium, exulantem, arcessitum post patris mortem ingentibus promissis

Tom. IV.

S

ad

(1) inter milites, qui adversus Ligures, & Gallos pugnarunt.

ad præmia tantę perpetratę rei, clam interfecisse. Intestinis externisque præterea multis cędibus infamem, nec ullo commendabilem merito, præferebant vulgo civitates tam pio erga propinquos, tam iusto in cives, tam munifico erga omnes homines (1) regi, seu fama & maiestate Macędonum regum præoccupati ad spernendam originem (2) novi regni, seu mutationis rerum cupidi, seu quia (3) eum objectum esse Romanis volebant. Erant autem non Ætoli modo in seditionibus propter ingentem vim eris alieni, sed Theßali etiam: & contagione, velut tabes, in Perreßiam quoque id pervaserat malum. Cum Theßalos in armis esse nuntiatum est, Ap. Claudium legatum ad eas res aspiciendas componendasque senatus misit. Qui utriusque partis principibus castigatis, cum injusto fœnore gravatum æs alienum, ipsis magna ex parte concedentibus qui onerarent, levasset, iusti crediti solutionem in annorum pensiones distribuit. Per eundem Appium, eodemque modo compositę in Perræbia res. Ætolorum causas Marcellus Delphis per idem tempus hostilibus actas animis, (4) quas intestino gesserant bello, cognovit. Cum certatum utrinque temeritate atque audacia cerneret, decreto quidem suo neutram partem aut levare, aut onerare voluit. communiter ab utrisque petiit, abstinere bello, & oblivione præteritorum, discordias finirent. Hujus reconciliationis inter ipsos fides obsidibus ultro citroque datis firmata est. Corinthum, ut ibi deponerentur obsides, convenitur. A Delphis & Ætolico concilio Marcellus in Peloponnesum trajecit, quo Achæis edixerat conventum. Ubi collaudata gente, quod constanter vetus decretum de arcendis aditu finium regibus Macędonum tenuissent, (5) insigne adversus Persea odium Romanorum fecit: quod

(1) Eumeni. (2) Eumenes, secundus ex gente sua, Pergami, & in Asia regnabat.

(3) Persea. (4) alii: quasi.

(5) notum, eo ipso quod laudavit Achæos.

quod ut maturius erumperet, Eumenes rex, commentarium ferens secum, quod de apparatus belli omnia inquirens fecerat, Romam venit. Per idem tempus quinque legati ad regem missi, qui res in Macedonia aspicerent, Alexandriam iidem ad Ptolemæum renovandæ amicitiae causa proficisci iussi. Legati erant hi, C. Valerius, C. Lutatius Cerco, Q. Bæbius Sulca, M. Cornelius Mammula, M. Cæcilius Denter.

CAPUT VII.

Antiochus Syriae rex missis Romam legatis cum stipendio, & donis, impetrat ab Senatu, ut secum, quæ cum patre suo fuerat, amicitia renovetur.

ET ab Antiocho rege sub idem tempus legati venerunt, quorum princeps Apollonius in senatum introductus, multis iustisque causis regem excusavit, quod stipendium serius, quoad diem præstaret, id se omne advexisse, ne cuius nisi temporis gratia regi fieret. Donum præterea asferre, vasa aurea quingentum pondo. petere regem, ut quæ cum patre suo societas atque amicitia fuisset, ea secum renovaretur, imperaretque sibi P. R. quæ bono fidelique socio regi essent imperanda: se nullum usquam cessaturum officio. Ea merita in se senatus fuisse, cum Romæ esset, eam comitatem juventutis, ut pro rege, non pro obside omnibus ordinibus fuerit. Legatis benigne responsum, & societatem renovare cum Antiocho, quæ cum patre ejus fuerat, A. Atilius Prætor urbanus iussus. Quæstores urbani stipendium, vasa aurea censores acceperunt, eisque negotium datum est, ut ponerent ea in quibus templis videretur: legatoque centum millium æris munus missum, & ædes libere hospitio datæ, sumptusque decretus, donec in Italia esset. Legati qui in Syria fuerant, renuntiaverunt, in maximo eum honore apud regem esse, amicissimumque P. R.

CAPUT VIII.

C. Cicerejus Prætor Corsicam subigit: M. Popillius Cos. Ligures Statellites ad deditionem compellit, atque in eos feroci utitur victoria: ob id neque literis, neque ipse coram impetrat, ut suo nomine senatus supplicationem decernat; resque ab se gestas ratas habeat.

7. **I**N provinciis eo anno hæc. C. Cicerejus prætor in Corsica signis collatis pugnavit: septem millia Corsorum cæsa. capti amplius M. & DCC. Voverat in ea pugna prætor ædemi Junoni (1) Menetæ. Pax deinde data petentibus Corsis, exacta ceræ ducena millia pondo. Ex Corsica subacta Cicerejus in Sardiniani transmissit. Et in Liguribus in agro Statellati pugnatum ad oppidum Caristum: eo se magnus exercitus Ligurum contulerat. Primo sub adventum M. Popillii consulis moenibus sese continebant: deinde, postquam oppidum oppugnaturum Romanum cernebant, progressi ante portas aciem struxerunt: nec consul, ut qui id ipsum oppugnatione comminanda quæsisset, moram certamini fecit. Pugnatum est amplius tres horas, ita ut neutro inclinaret spes. Quod ubi consul vidit, nulla parte moveri Ligurum signa, imperat equitibus, ut equos conscendant, ac tribus simul partibus in hostes quanto maximo possent tumultu incurrant. pars magna equitum mediam trajecit aciem, & ad terga pugnantium pervasit. Inde terror injectus Liguribus. diversi in omnes partes fugerunt, perpauci retro in oppidum, quia inde se maxime objecerat eques. & pugna tam pervicax multos absumpserat Ligurum, & in fuga passim cæsi sunt. decem millia hominum cæsa traduntur, amplius DCC. passim capti. Signa militaria relata LXXXII. nec incruenta victoria fuit. amplius tria millia militum amissa, cum

ce-

(1) a monendo dicta.

cedentibus neutris, ex parte utraque (1) pri-
mores caderent. Post hanc pugnam ex diversa 8.
fuga in unum collecti Ligures, cum maiorem
multo partem civium amissam, quam supereffe
cernerent, (nec enim plus decem millia homi-
num erant) dediderunt sese, nihil quidem illi
pacti, speraverant tamen non atrocius, quam su-
periores imperatores, COS. in se sæviturum. At
ille arma omnibus ademit, oppidum diruit, ipsos
bonaque eorum vendidit, literasque senatui de
rebus ab se gestis misit. Quas cum A. Atilius
prætor in curia recitasset, (nam COS. alter Po-
stumius agris recognoscendis in Campania occu-
patus aberat) atrox res visa senatui, Statellites
qui uni ex Ligurum gente non tulissent arma ad-
versus Romanos, tum quoque oppugnatos, non ul-
tro inferentes bellum, deditos in fidem populi Ro-
mani, omni ultimæ crudelitatis exemplo laceratos
ac deletos esse: tot millia capitum innoxiorum, fi-
dem implorantia populi Romani, ne quis unquam
se postea dedere auderet, pessimo exemplo venisse, &
distractos passim, justis quondam hostibus P. R. (2)
pacatis servire. Quas ob res S. C. factum est pla-
cere senatui, M. Popillium COS. Ligures, precio
emptoribus reddito, ipsos restituere in libertatem,
bonaque ut iis, quicquid ejus recuperari possit, red-
dantur curare: arma primo quoque tempore (3)
fieri in ea gente: consulem de provincia decedere,
cum deditos in sedem suam Ligures restituisset. cla-
ram victoriam vincendo oppugnantes, non sæviendo
in afflictos feri. COS. qua ferocia animi usus est 9.
in Liguribus, eandem ad non parendum senatui
habuit. legionibus extemplo Pisas in hibernacu-
la missis, iratus patribus, infestus prætori Ro-
nam rediit: senatuque extemplo ad ædem Bel-
lonæ vocato, multis verbis invehitus est in præ-
torem: qui cum ob rem bello bene gestam, ut diis

S 3

im-

- (1) qui in prima acie stabant.
(2) nunc data pace quietis.
(3) ergo Cos. arma non solum ademerat, sed etiam
fabricari vetuerat.

immortalibus bonos haberetur, referre ad senatum debuisse, adversus se pro hostibus S. C. fecisset, quo victoriam suam ad Ligures transferret; dedique iis prope consulem prætor juberet. Itaque multam ei se dicere: a patribus postulare, ut S. C. in se factum tolli juberent, supplicationemque, quam absentes ex literis de bene gesta Rep. missis, decernere debuerint, præsentis honoris deorum primum causa, deinde sui aliquo tandem respectu decernerent. Nihil lenioribus, quam absens, senatorum aliquot orationibus increpitus, neutra impetrata re, in provinciam rediit.

CAPUT IX.

Novi creantur magistratus: Coss. sunt C. Popillius Lænas, P. Ælius Ligus. a censoribus Q. Fulvio Flacco, L. Postumio Albino lustrum conditur: idem Q. Fulvius censor ædem Fortune Equestris ab se votam dedicat: locustarum pestilentia in Apulia grassatur: ad id malum tollendum mittitur C. Sicinius prætor.

- A**lter COS. Postumius, consumpta æstate in recognoscendis agris, ne visa quidem provincia sua, comitiorum causa Romam rediit. COSS. C. Popillium Lænatem, P. Ælium Ligurem creavit. Prætores exinde facti, C. Licinius Crassus, M. Junius Pœnus, Sp. Lucretius, Sp. Cluvius, Cn. Sicinius, C. Memmius iterum.
10. **E**o anno Lustrum conditum est. Censores erant Q. Fulvius Flaccus, & A. Postumius Albinus. Postumius condidit. Censa sunt civium Romanorum capita CCLXIX. millia, & XV. Minor aliquanto numerus, quia L. Postumius COS. pro concione edixerat, qui socium Latini nominis ex edicto C. Claudii COS. redire in civitates suas debuissent, ne quis eorum Romæ, sed omnes in suis civitatibus censerentur. Concoris & e Rep. censura fuit. Omnes quos senatu moverunt, quibusque equos ademserunt, ærarios fecerunt, & tribu moverunt, neque ab altero nota-

tatum alter probavit. Fulvius ædem Fortunæ equestris, quam proconsul in Hispania dimicans cum Celtiberorum legionibus voverat, annos sex postquam voverat dedicavit, & scenicos ludos per quatrimum, (1) unum diem in circo fecit. L. Cornelius Lentulus decemvir sacrorum eo anno mortuus est: in locum ejus suffectus A. Postumius Albinus. Locustarum tantæ nubes a mari vento repente in Apuliam illatæ sunt, ut examinibus suis agros late operirent. Ad quam pestem frugum tollendam Cn. Sicinius prætor designatus, cum imperio in Apuliam missus, ingenti agmine hominum ad colligendas eas, coacto, aliquantum temporis absumpsit.

CAPUT X.

Contendunt consules, & Senatus: hic vult ut de M. Popillio, qui in deditos Ligures contra jus & fas usus sævitia fuerat, referatur: consulibus non obsequentibus (est enim M. Popillius frater alterius consulum) statuit nihil aliud prius decernere.

P Rincipium insequentis anni, quo C. Popillius ^{U.C.} & P. Ælius fuerunt COSS. residuas contention^{578.}es ex priore anno habuit. Patres referri de Liguribus, renovarique S. C. volebant, & COS. Ælius referebat. Popillius & collegam & senatum pro fratre deprecabatur, & præ se ferens, si quid decernerent, intercessurum, collegam deterruit. patres eo magis utrique pariter COSS. infensi in incepto perstabant. Itaque cum de provinciis ageretur, & Macedonia, jam imminente Persei bello, peteretur, Ligures ambobus consulibus decernuntur. Macedoniam decreturos negant, ni de M. Popillio referretur. Postulantibus deinde ut novos exercitus scribere, aut supplementum veteribus liceret, utrumque negatum est. Prætoribus quoque in Hispaniam sup-

S 4 ple-

(1) an ludos circenses?

plementum petentibus negatum, M. Junio in ceteriorem, Sp. Lucretio in ulteriorem. C. Licinius Crassus urbanam jurisdictionem, Cn. Sici-nius inter peregrinos erat fortitus, C. Mem-nius Siciliam, Sp. Cluvius Sardiniam. COSS. ob ea irati senatui, Latinis feriis in primam quanque diem indictis, in provinciam abituros se denuntiarunt, nec quicquam rei pub. acturos, præterquam quod ad provinciarum administra-tionem attineret.

CAPUT XI.

Rex Eumenes Romam venit: introductus in Sena-tum, bellum a Perseo Macedoniae rege parari num-riat: Patres, commemoratis in pop. Rom. inju-riis, ad occurrendum hortatur.

- xi. **A**ttalum regis Eumenis fratrem legatum ve-nisse Romam Valerius Antias his COSS. scribit ad deferenda de Perseo crimina, indi-candosque apparatus belli. Plurimum annales, & quibus credidisse malis, ipsum Eumenem venisse tradunt. Eumenes igitur ut Romam venit, ex-ceptus cum tanto honore, quantum non meri-tis tantum ejus, sed beneficiis etiam suis, in-gentia quæ in eum congesta erant, existimaret deberi P. R. in senatum est introductus. *Causam veniendi sibi Romam fuisse, dixit, præter cupidi-tatem visendi deos hominesque, quorum beneficio in ea fortuna esset, supra quam ne optare quidem au-deret, etiam ut coram moneret senatum, ut Persei conatis obviam iret. Orsus inde a Philippi consi-liis, necem Demetrii filii retulit, adversantis Ro-mano bello. Bastarnarum gentem excitam sedibus suis, quorum auxiliis fretus in Italiam transiret. Hac eum volutantem in animo, oppressum fato re-gnum ei reliquisse, quem infestissimum esse sensisset Romanis. Itaque Persea hereditarium a patre reli-ctum bellum, & simul cum imperio traditum, jam-jam primum alere ac fovere omnibus consiliis. Flo-tere præterea juventute, quam stirpem longa pax edi-*
de.

derit : florere opibus regni , florere etiam ætate . Quæ cum corporis robore ac viribus vigeat , animum esse inveteratum diutina arte atque usu belli . Jam inde a puero , patris contubernio , Romanis quoque bellis , non finitimis tantum assuetum , missum a patre in expeditiones multas variasque . Jam ex quo ipse accepisset regnum , multa quæ non vi , non dolo , Philippus omnia expertus potuisset moliri , admirando rerum successu tenuisse . Accessisse ad vires eam , quæ longo tempore , multis magnisque meritis pareretur , auctoritatem . Nam apud Græciæ atque Asiæ civitates , vereri majestatem ejus omnes . Nec pro quibus meritis , pro qua munificentia , tantum ei tribuatur , cernere : nec dicere pro certo posse , utrum felicitate id quadam ejus accadat , an quod ipse vereatur dicere , invidia adversus Romanos , favorem illi conciliet . Inter ipsos quoque reges ingentem auctoritate , Seleuci (1) filiam duxisse eum non petentem , sed petitum ultro : sororem dedisse Prusiæ precanti ac oranti : celebratas esse utrasque nuptias gratulatione donisque innumerabilium legationum : & velut auspiciis nobilissimis populis deductas esse . Bæotorum gentem captam Philippo nunquam ad scribendum amicitiae fœdus adduci potuisse : tribus nunc locis cum Perseo fœdus incisum liceris esse , uno Thebis , altero ad Delum augustissimo & celeberrimo in templo , tertio Delphis . In Achaico concilio vero , nisi discussa res per paucos Romanum imperium (2) intentantes esset , eo rem prope ad ductam , ut aditus & in Achajam daretur . At Hercule (3) suos honores , cujus merita in eam gentem Privatim an publice sint majora , vix dici posset , partim desertos per incultum ac negligentiam , partim hostiliter sublato esse . Jam Ætolos quem ignorare in seditionibus suis non ab Romanis , sed a Perseo præsidium petiisse ? His eum fultum societatibus atque amicitiiis , eos domesticos apparatus belli habere , ut externis non egeat , XXX. millia pedatum , v. millia equitum : in X. annos frumen-

(1) Laodicen . (2) metum incutientes a Romanis .
(3) Eumenis .

sum præparare : ut abstinere & suo & hostium agro frumentandi causa possit . Jam pecuniam tantam habere , ut X. millibus mercenariorum militum , præter Macedonum copias , stipendium in totidem annos præparatum habeat , præter annum , quod ex metallis regis capiat , vectigal . Arma vel tribus (1) tantis exercitibus in armamentaria congeßisse . Juventutem , ut jam Macedonia deficiat , velut ex perenni fonte unde hauriat , Thraciam subiectam esse .

13. Reliquum orationis adhortatio fuit . Non ego hæc , inquit , incertis jactata rumoribus , & cupidius credita , quia vera esse de inimico crimina volebam , afferro ad vos , P. C. , sed comperta & explorata , haud secus , quam si speculator missus a vobis subiecta oculis referrem . Neque relicto regno meo , quod amplum & egregium vos fecistis , mare tantum trajecissem , ut vana ad vos afferendo , fidem abrogarem mihi . Cernebam nobilissimas Asiæ & Græciæ civitates in dies magis (2) denudantes iudicia sua : mox si permetteretur , eo processuras , unde receptum ad pœnisendum non haberent . Cernebam Persea non continentem se Macedoniæ regno , alia armis occupantem , alia , quæ vi subigi non possunt , favore ac benevolentia complectentem . Videbam , quam impar esset fors , cum ille vobis (3) bellum , vos ei securam pacem præstaretis . Quanquam mihi quidem non parare , sed gerere pœne bellum videbatur . (4) Abrupolim socium atque amicum vestrum regno expulit . Artetarum Illyrium , quia scripta ab eo quædam vobis comperit , socium item atque amicum vestrum , interfecit : Eversam & Callicritum Thebanos , principes civitatis , quia liberius adversus eum in concilio Bœotorum locuti fuerant , delaturosque ad vos quæ agerentur , professi erant , tollendos curavit . Auxilium Byzantiis adversus fœdus

tu-

(1) tam magnis , quam magnus est exercitus , quem modo habet . h. e. triginta millium peditum ; quinque equitum .

(2) aperientes quid sentirent .

(3) alii addunt , pararet .

(4) Regem Thraciæ .

tulit. Dolopie (1) bella intulit. Thessaliam & Doridem cum exercitu pervasit, ut in bello intestino deterioris partis auxilio meliorem affligeret. Confudit & miscuit omnia in Thessalia Perræbiaque spe (2) novarum tabularum, ut manu debitorum obnoxia sibi optimates opprimeret. Hæc cum vobis quiescentibus & patientibus fecerit, & concessam sibi Græciam esse a vobis videat, pro certo habet, neminem sibi, antequam in Italiam trajecerit, armatum occursurum. Hoc quam vobis tutum aut honestum sit, vos videritis: ego certe mihi turpe esse duxi, prius Persæ ad bellum inferendum, quam me socium ad prædicendum ut caveretis, venire in Italiam. Functus necessario mihi officio, & quodam modo liberata atque exonerata fide mea, quid ultra facere possum, quam uti deos deasque precer, ut vos & vestræ Reipublicæ, & nobis sociis atque amicis, qui ex vobis pendemus, consulatis? Hæc oratio movit patres conscriptos: cæterum in præsentia nihil, præterquam fuisse in curia regem, scire quisquam potuit. eo silentio clausa curia erat. Bello denique perfecto, quæque dicta ab rege, quæque responsa essent, emanavere.

14.

CAPUT XII.

Persei regis legati, quos ad crimina purganda Romanam miserat, in Senatum introducti, averis auribus, animisque audiuntur: est ingrata Rhodiorum quoque legatio propter orationem habitam intemperantius contra Eumenem, quod crederent suspectam fecisse senatui civitatem suam.

Persei deinde regis legatis post paucos dies senatus datus est. Cæterum præoccupatis, non auribus magis, quam animis ab Eumene rege, omnis & defensio & deprecatio legatorum respuebatur: & exasperavit animos ferocia * ani- * al.
mi Harpali, qui princeps legationis erat. Is ni-
mis.

S 6

vel-

(1) alii: bellum. id enim semel fecit.

(2) abolitis debitorum nominibus.

velle quidem & laborare dixit regem, ut purgaret se nihil hostile dixisse aut fecisse, fides habeatur: ceterum si pervicacius causam belli quæri videat, forti animo defensurum se. Martem communem esse, & eventum incertum belli. Omnibus civitatibus Græciæ atque Asiæ curæ erat, quid Persei legati, quid Eumenes in senatu egisset: & propter adventum ejus, quem moturum aliquid rebantur, miserant pleræque civitates, alia in speciem præferentes, legatos: & legatio Rhodiorum erat, ac Satyrus princeps, haud dubius quin Eumenes civitatem quoque suam Persei criminibus junxisset. Itaque omni modo per patronos hospitesque disceptandi cum rege locum in senatu quærebat. Quod cum contigisset, libertate intemperantius investus in regem, quod Lyciorum gentem adversus Rhodios concitasset, graviorque Asiæ esset, quam Antiochus fuisset, popularem quidem ac gratam populis Asiæ, (nam eo quoque jam favor Persei venerat) orationem habuit, cæterum invisam senatui, inutilemque sibi, & civitati suæ. Eumeni vero conspiratio adversus eum favorem apud Romanos fecit. ita omnes ei honores habiti, donaque quam amplissima data, cum sella curuli, atque eburneo scipione.

CAPUT XIII.

Perseus rex certior factus ab legatis suis, bellum sibi ab Romanis instare, infestus ante omnes regi Eumeni, clam immittit in eum percussores: ab his in itinere petitus insidiis Eumenes, ad vitæ periculum proxime adducitur.

25. **L**egationibus dimissis, cum Harpalus, quantæ Leximia celeritate poterat, regressus in Macedoniam, nuntiasset regi, nondum quidem parantes bellum reliquisse se Romanos, sed ita infestos, ut facile appareret non dilaturos: & ipse, præterquam quod & ita credebat futurum, jam etiam volebat, in flore virium se credens esse.

Eu-

Eumeni ante omnes infestus erat : a cujus sanguine ordiens bellum, Evandrum Crentensem ducem auxiliorum, & Macedonas tres assuetos ministeriis talium facinorum, ad cædem regis subornat, literasque eis dat ad (1) Praxo hospitam, principem auctoritate & opibus Delphorum. Satis constabat, Eumenem, ut sacrificaret Apollini, Delphos ascensurum. Progressi cum Evandro insidiatores, nihil aliud ad peragendum inceptum, quam loci opportunitatem omnia circumeuntes quærebant. Ascendentibus ad templum a Cirra, priusquam perveniretur ad frequentia ædificiis loca, maceria erat ab læva semitæ paulum exstans a fundamento, qua singuli transirent. dextra pars labe terræ in aliquantum altitudinis diruta erat. post maceriam se abdiderunt, gradibus astructis, ut ex ea velut e muro tela in prætereuntem conjicerent. Primo a * mari circumfusa turba amicorum ac satellitum procedebat : deinde extenuabant paulatim angustię agmen. Ubi ad eum locum ventum est, qua singulis eundum erat, primus semitam ingressus Pantaleon Ætolię princeps, cum quo institutus regi sermo erat : tum insidiatores exorti saxa duo ingentia devolvunt : quorum altero caput ictum est regi, altero humerus (2) sopitus, ex semita proclivi in declive multis super prolapsum jam saxi congestis. & ceteri quidem etiam amicorum & satellitum postquam cadentem videre, diffugiunt. Pantaleon constanter impavidus mansit ad protegendum regem. Latrones cum brevi circumitu macerię decurrere ad conficiendum faucium possent, velut perfecta re, in jugum Parnasi refugerunt eo cursu, ut, cum unus, non facile sequendo per invia atque ardua, moraretur fugam eorum, ne comprehenso indicium emanaret, occiderint comitem. Ad corpus regis primo amici, deinde satellites ac servi concurrerant, tollentes sopitum vulnere,

(1) nomen muliebri; ut Sappho.

(2) oblato sensu.

re, ac nihil sentientem: vivere tamen ex calore & spiritu remanente in præcordiis senserunt; victurum exigua ac prope nulla spes erat. Quidam ex satellitibus secuti latronum vestigia, cum usque ad jugum Parnasi nequicquam fatigati pervenissent, re infecta redierunt. Aggressi facinus Macedones ut inconsulte, ita audacter coeptum, nec consulte & timide reliquerunt. (1) Compotem jam sui regem amici postero die deferunt ad navem: inde Corinthum, a Corintho per Isthmi jugum navibus traductis, Æginam trajiciunt. Ibi adeo secreta ejus curatio fuit, admittentibus neminem, ut fama mortuum in Asiam perferret. Attalus quoque celerius, quam dignum concordia fraterna erat, credidit. Nam & cum uxore fratris, & præfecto arcis, tanquam jam haud dubius regni heres, est locutus. Quæ postea non sefellere Eumenem: & quanquam dissimulare, & tacite habere id patique statuerat, tamen in primo congressu non temperavit, quin uxoris petendæ præmaturam festinationem fratri objiceret. Romam quoque fama de morte Eumenis perlata est.

C A P U T XIV.

Ab legatis Romanis, reversis ex Macedonia, Romam adducitur L. Rammus Brundisinus, quo Perseus decreverat clandestini in Romanos sceleris uti ministro: ab hoc detectis in senatu omnibus pravis Persei consiliis, in eum ut in non dubium hostem agitur bellum; cujus parandi negotium Cn. Sicinio prætori datur.

27. **S**ub idem tempus C. Valerius ex Græcia, qui legatus ad visendum statum regionis ejus, speculandaque consilia Persei regis missus erat, rediit: congruentiaque omnia criminibus ab Eumene allatis referebat. simul & adduxerat secum Praxo a Delphis, cujus domus receptaculum latro-

1) revocatis sensibus.

tronum fuerat ; & L. Rammium Brundisium ,
 qui talis indicii delator erat . Princeps Brundi-
 sii Rammius fuit : hospitio quoque & duces Ro-
 manos omnes , & legatos , exterarum quoque
 gentium insignes , præcipue regios , accipiebat .
 Ex eo notitia ei cum absente Perseo fuerat :
 literisque spem amicitiae interioris , magnæque
 inde fortunæ facientibus , ad regem profectus ,
 brevi per familiaris haberi , trahique magis quam
 vellet in arcanos sermones est coeptus . Promis-
 sis enim ingentibus præmiis petere institit ab eo
 rex , quoniam duces omnes legatique Romani hospi-
 tio ejus uti assuescent , quibus eorum ipse scripisset ,
 ut venenum (1) dandum curaret . (2) Cujus scire
 se comparationem plurimum difficultatis & periculi
 habere , pluribus consciis comparari : eventu prætereâ
 incerto esse , ut aut satis efficacia ad rem peragen-
 dam , aut tuta ad rem celandam dentur . se datu-
 rum , quod nec in dando , nec datum , ullo signo
 deprehendi posset . Rammius veritus , ne si abnuis-
 set , primus ipse veneni experimentum esset , fa-
 cturum pollicitus proficiscitur : nec Brundisium
 ante redire , quam convento C. Valerio legato ,
 qui circa Calcidem esse dicebatur , voluit . Ad
 eum primum indicio delato , jussu ejus Romam
 simul venit . introductus in curiam , quæ acta
 erant exposuit . Hæc ad ea quæ ab Eumene de- 18.
 lata erant , accessere , quo maturius hostis Per-
 seus judicaretur , quippe quem non justum modo
 apparare bellum regio animo , sed per omnia
 clandestina grassari scelera latrociniorum ac ve-
 neficiorum cernebant . Belli administratio ad no-
 vos COSS. rejecta est : in præsentia tamen Cn.
 Sicinium prætorem , cujus inter cives & peregri-
 nos jurisdictio erat , scribere milites placuit ,
 qui Brundisium ducti , primo quoque tempore
 Apolloniam in Epirum trajicerentur , ad occu-
 pandas maritimas urbes : ubi COS. cui provincia
 Macedonia obvenisset , classem appellere tuto ,
 &

(1) iis , de quibus ipse scripisset .

(2) veneni .

& copias percommode exponere posset. Eumenes aliquandiu Æginæ retentus periculosa & difficili curatione, cum primum tuto potuit, profectus Pergamum, præter pristinum odium recenti etiam scelere Persei stimulante, summa vi parabat bellum. Legati eo ab Roma, gratulantes quod & tanto periculo evasisset, venerunt.

C A P U T XV.

M. Junio, & Sp. Lucretio prætoribus Hispaniam provinciam sortitis, supplementum ad exercitum datur: ager Campanus per recognitionem Postumii Cos. in publicum vindicatus, locatur.

79. CUM Macedonicum bellum in annum dilatum esset, cæteris prætoribus jam in provincias profectis, M. Junius & Sp. Lucretius, quibus Hispaniæ provinciæ obvenerant, fatigato sepe idem petendo senatu, tandem pervicerunt, ut supplementum sibi ad exercitum daretur. tria millia peditum, C. & quinquaginta equites in Romanas legiones, in socialem exercitum V. millia peditum, & ccc. equites imperare fociis jussi. Hoc copiarum in Hispanias cum prætoribus novis portatum est. Eodem anno quia per (1) recognitionem Postumii COS. magna pars agri Campani, quem privati sine discrimine passim possederant, recuperata in publicum erat, M. Lucretius tribunus plebis promulgavit, ut agrum Campanum censores fruendum locarent: quod factum tot annis post captam Capuam non fuerat, ut in vacuo vagaretur cupiditas privatorum.

CA-

(1) perquisitionem.

CAPUT XVI.

Ariarathes, Cappadocię rex, filium suum Romam educandum mittit: amicitia cum Thracibus petentibus conjungitur: instante cum Perseo rege bello, ad explorandos sociorum animos legati in Asiam mittuntur.

Cum in expectatione senatus esset, bello etsi non indicto, tamen jam decreto, qui regum suam, Persei qui secuturi amicitiam essent, legati Ariarathis, puerum filium regis secum adducentes Romam venerunt. Quorum oratio fuit, regem educandum filium Romam misisse: ut jam inde a puero assuesceret moribus Romanis hominibusque. Petere, ut eum non sub hospitum modo privatorum custodia, sed publicę etiam curę ac velut tutelę vellent esse. Ea regis legatio grata senatui fuit. Decreverunt ut Cn. Sicinius prætor ædes instructas locaret, ubi filius regis comitesque ejus habitare possent. Et Thracum legatis apud se disceptantibus, & societatem amicitiamque petentibus, & quod petebant datum est: & munera binum millium æris summę in singulos missa. Hos utique populos, quod ab tergo Macedonia Thracia esset, assumptos in societatem gaudebant. Sed ut in Asia quoque & insulis explorata omnia essent, T. Claudium Neronem, M. Decimium legatos miserunt. Adire eos Cretam & Rhodum jusserunt, simul renovare amicitiam, simul speculari, num sollicitati animi sociorum ab rege Perseo essent.

CAPUT XVII.

Prodigia, & eorum expiatio.

IN suspenſa civitate ad expectationem novi belli, nocturna tempeſtate columna (1) roſtra-

(1) roſtris navium ornata.

strata in Capitolio, bello Punico priore posita a M. Æmilio COS. cui collega Ser. Fulvius fuit, tota ad imum fulmine discussa est. Ea res prodigii loco habita, ad senatum relata est. Patres ad aruspices referre, & decemviros adire libros jusserunt. Decemviri lustrandum (1) oppidum, supplicationem obsecrationemque habendam, victimis majoribus sacrificandum & in Capitolio Romæ, & in Campania ad Minervæ promontorium renuntiavit: ludos per X. dies Jovi opt. max. primo quoque die faciendos. Ea omnia cum cura facta. aruspices in bonum versurum id prodigium, prolationemque finium, & interitum perduellium portendi responderunt: quod ex hostibus spolia fuissent ea rostra, quæ tempestas disjecisset. Accesserunt quæ cumlarent religiones animis. (2) Saturniæ nuntiatum erat sanguine per triduum in oppido pluuisse: Calatiæ a finum tripedem natum, & taurum cum quinque vaccis, uno ictu fulminis exanimatos: Oximi terra pluuisse. Horum quoque prodigiorum causa, res divinæ factæ, & supplicatio unum diem, feriæque habitæ.

CAPUT XVIII.

Coactis tribunicia denunciatione exire in provinciam COSS. C. Popillio, & P. Ælio, renovatur expuli jussu senatusconsultum, quod illi impediebant, de restituendis in libertatem Liguribus, scelere oppressis a M. Popillio: hic, majore in se concitata invidia propter denuo vexatos bello Ligures, minis Romam pertractus, bis causa dicta, tandem callida prætoris Licinii arte judicio eximitur. Inter hæc de Corsis triumphat in monte Albano C. Ciceræjus prætor.

21. **C**onsules ad id tempus in provincias non exierant: quia neque uti de M. Popillio refer-

(1) Roma hic oppidum appellatur, ut infra n. 36. & l. 45. n. 16.

(2) Ea videtur fuisse Etruriæ urbs.

ferrent, senatui obsequebantur, & nihil aliud decernere prius, statutum patribus erat. Aucta etiam invidia est Popillii, literis ejus, quibus iterum cum Statiellatibus Liguribus proconsul pugnasse se scripsit, ac se * decem millia eorum^{al.} occidisse: propter cujus injuriam belli, cæteris^{ex de-} quoque Ligurum populi ad arma ierunt. Tum^{cim} vero non absens modo Popillius, qui deditis contra jus ac fas bellum intulisset, & pacatos ad (1) rebellium incitasset: sed COSS. quod non exirent in provinciam, in senatu increpiti. Hoc consensu patrum accensi M. Martius Sermo, & Q. Martius Scylla tribuni plebis, & COSS. multam se dicturos, nisi in provinciam exirent, denuntiarunt, & rogationem, quam de Liguribus deditis promulgare in animo haberent, in senatu recitarunt. Sanciebatur, uti qui ex Statiellis deditis in libertatem restitutus ante Kalendas Sexriles (2) primas non esset, cujus dolo malo is in (3) servitutem venisset, ut juratus senatus decerneret, qui eam rem quæret animadverteretque. Ex auctoritate deinde senatus eam rogationem promulgarunt. Priusquam proficiscerentur COSS. C. Cicerejo prætori prioris anni ad ædem Bellonæ senatus datus est. Is, expositis, quas in Corsica res gessisset, postulatoque frustra triumpho, in monte Albano, quod jam in morem venerat, ut sine publica auctoritate fieret, triumphavit. Rogationem Martiam de Liguribus magno consensu plebes scivit iussitque. ex eo plebiscito C. Licinius prætor consuluit senatum, quem quære ex rogatione vellet. Patres ipsum eum quære jusserunt. Tum^{22.} demum COSS. in provinciam profecti sunt, exercitumque a M. Popillio * ceperunt. neque ta^{* al.} men M. Popillius reverti Romam audebat, ne^{acce-} causam diceret, adverso senatu, infestiore popu-^{pe-} lo, apud prætorem qui de quæstione in se posi-^{ta}

(1) *alii*: rebellandum.(2) *hujus anni*.(3) *alii*: servitute mansisset.

ta senatum consuluisse. Huic detractioni ejus tribuni pl. alterius rogationis denuntiatione occurrerunt: ut si non ante Idus Novembres in urbem Romam introisset, de absente eo C. Licinius statueret ac judicaret. Hoc tractus vinculo cum redisset, ingenti cum invidia in senatum venit. Ibi cum laceratus jurgiis multorum esset, S. C. factum est, ut qui Ligurum post Q. Fulvium, L. Manlium COSS. hostes non fuissent, ut eos C. Licinius, Cn. Sicinius prætores in libertatem restituendos curarent, agrumque iis trans Padum COS. (1) Popillius daret. Multa millia hominum hoc S. C. restituta in libertatem, transductisque Padum ager est assignatus. M. Popillius rogatione Martia bis apud C. Licinium causam dixit: tertio prætor gratia COSS. absentis, & Popillie familie precibus victus, Idibus Martiis adesse reum jussit, quo die novi magistratus inituri erant honorem: ne diceret jus, qui privatus futurus esset. Ita rogatio de Liguribus arte fallaci elusa est.

CAPUT XIX.

Carthaginenses de regis Masanissæ injuriis queruntur apud Senatum: qui permotus, præsentem Guluffam regis filium, quoniam super iis, de quibus Carthaginenses querantur, nulla a patre mandata se ait accepisse, jubet in Macedoniam proficisci, nuntiareque Masanissæ patri, ut Romam ad disceptandum jure cum Carthaginensibus legatos mittat.

23. **L** Egati Carthaginenses eo tempore Romæ erant, & Guluffa filius Masanissæ. inter eos magnæ contentiones in senatu fuere. Carthaginenses querebantur, præter agrum, de quo ante legari ab Roma, qui in re præsentem cognoscerent, missi essent, amplius LXX. oppida castellaque agri Carthaginensibus biennio proximo Masanissam vi atque armis

(1) Cajus.

mis possedisse. Id illi, cui nihil pensi sit, facile esse: Carthaginenses fœdere illigatos silere: prohiberi enim extra fines efferre arma. Quanquam sciant in suis finibus, si inde Numidas pellerent, se gesturos bellum: illo haud ambiguo capite fœderis deterri, quo diserte vetentur cum sociis P. R. bellum gerere. Sed jam ultra superbiam crudelitatemque & avaritiam ejus non pati posse Carthaginenses: missos esse qui orarent senatum, ut triumphum harum rerum unam ab se impetrari sinerent: ut vel ex æquo apud socium populum, quid cujusque esset, disceptarent: vel permetterent Carthaginensibus, ut adversus injusta arma pio iustoque se tutarentur bello: vel ad extremum, si gratia plus quam veritas apud eos valeret, semel statuerent, quid donatum ex alieno Masanissæ vellent. Modestius certe daturus eos, & scituros quid dedissent: ipsum nullum præterquam suæ libidinis arbitrio finem facturum. Horum si nihil impetrarent, & aliquod suum post datam a P. Scipione pacem delictum esset, ipsi potius animadverterent in se. Tutam servitutem se sub dominis Romanis, quam libertatem expositam ad injurias Masanissæ malle. Perire namque semel ipsis satius esse, quam sub acerbissimi carnificis arbitrio spiritum ducere. Sub hæc dicta lacrymantes procubuerunt, stratique humi non sibi magis misericordiam, quam regi (1) invidiam concitarunt. Deinde interrogari Gulussam placuit, quid ad ea responderet: aut si prius mallet, expromeret super qua re Romam venisset. Gulussa neque sibi facile esse dixit de iis rebus agere, de quibus nihil mandati a patre haberet: neque patri facile fuisse mandare, cum Carthaginenses nec de qua re acturi essent, nec omnino ituros se Romam indicaverint. In æde Æsculapii clandestinum eos per aliquot noctes consilium principum habuisse, unde præterea legatos occultis cum mandatis Romam mitti. Eam causam fuisse patri mittendi se Romam, qui deprecaretur senatum, ne quid comunibus inimicis criminantibus se crederent, quem ob nullam aliam causam, nisi propter

con-

(1) has tres voces Sigon. restituit.

constantem fidem erga P. R. odissent. His utrinque auditis, senatus de postulatis Carthaginiensium consultus respondere ita iussit: Gulussam placere exemplo in Numidiam proficisci, & nuntiare patri, ut de iis, de quibus Carthaginienses querantur, legatos quamprimum ad senatum mittat, denuntietque Carthaginiensibus, ut ad disceptandum veniant. Si aliquid possent Masanissæ bonoris causa, & fecisse & facturos esse: (1) ius gratiæ non dare: agrum qua cuiusque sit, possideri velle: nec novos statuere fines, sed veteres observari in animo habere. Carthaginiensibus victis se & urbes & agros concessisse, non ut in pace eriperent per injuriam, quæ jure belli non ademissent. Ita regulus Carthaginiensesque dimissi. Munera ex instituto data utrisque, aliaque hospitalia comiter conservata.

CAPUT XX.

Reversi ex Macedonia legati, qui ad renuntiandam regi Perseo amicitiam missi fuerant, exponunt in senatu, quid viderint, quid cum rege collocuti sint, quoque habitu digressi: instante igitur inde bello, subit cura de creandis quamprimum novis magistratibus.

25. **S**ub idem tempus Cn. Servilius Cæpio, Ap. Claudius Centho, T. Annius Luscus, legati ad res repetendas in Macedoniam, renuntiantque amicitiam regi missi, redierunt: qui jam sua sponte infestum (2) Persi senatum insuper accenderunt, relatis ordine, quæ vidissent, quæque audissent. *Vidisse se per omnes urbes Macedonum summa vi parari bellum. Cum ad regem pervenissent, per multos dies conveniendi ejus potestatem non factam. Postremo cum desperato jam colloquio profecti essent, tum demum se ex itinere revocatos, & ad eum introductos esse. Suae orationis summam fuisse, fœdus cum Philippo iustum, cum ipso*

(1) contra ius nolle gratificari.

(2) alii: Perseo.

ipso eo post mortem patris renovatum: in quo diserte prohiberi eum extra fines arma efferre. prohiberi socios P. R. laceffere bello. Exposita deinde ab se ordine, quæ ipsi nuper in senatu Eumenem vera omnia & comperta referentem audissent. Samothraciæ præterea per multos dies occultum consilium cum legationibus civitatum Asiæ regem habuisse: Pro his injuriis satisfieri senatum æquum censere, reddique sibi res sociisque suis, quas contra jus fœderis habeat. Regem ad ea primo accensum ira, inclementer locutum, avaritiam superbiamque Romanis objicientem frequenter, quod alii super alios legati venirent, speculari dicta factaque sua: quod se ad nutum imperiumque eorum omnia dicere ac facere æquum censerent. Postremo multum ac diu vociferatum reverti postero die jussisse, scriptum se responsum dare velle: tum ita sibi scriptum traditum esse. Fœdus cum patre iſtum, ad se nihil pertinere. Id se renovari, non quia probaret, sed quia in nova possessione regni patienda omnia essent, passum. Si novum fœdus secum facere vellent, convenire prius de conditionibus debere: & si in animum inducerent, ut ex æquo fœdus fieret, & se visurum quid sibi faciundum esset, & illos credere Reip. consulturos. Atque ita se proripuisse, & summoveri e regia omnes cæptos: tum se amicitiam & societatem renuntiassse. Quæ voce eum accensum restitisse, atque voce clara denuntiassse sibi, ut triduo regni sui decederent finibus. Ita se profectos: nec sibi aut venientibus, aut manentibus quidquam hospitaliter aut benigne factum. Theſſali deinde Ætolique legati auditi. Senatui, ut scirent quamprimum quibus ducibus usura Respub. esset, literas mitti consulibus placuit: ut, uter eorum posset, Romanæ ad magistratus creandos veniret. Nihil magnopere quod memorari attineat Reip. eo anno consules gesserant: magis e Rep. visum erat comprimi ac sedari exasperatos Ligures.

CAPUT XXI.

Illyriorum regem Gentium, tanquam Persei amicum, Iffenses legati suspectum senatui faciunt, atque de accepta injuria queruntur: ad illum legationem senatus decernit.

Cum Macedonicum bellum expectaretur, Gentium quoque Illyriorum regem suspectum Iffenses legati fecerunt: simul questi fines suos (1) secundo populatum: simul nuntiantes, uno animo vivere Macedonum atque Illyriorum regem, communi consilio parare Romanis bellum: & specie legatorum Illyrios speculatores Romæ esse, Perseo auctore missos, ut quid ageretur scirent. Illyrii vocati in senatum: qui cum legatos se esse missos ab rege dicerent ad purganda crimina, si qua de rege Iffenses deferrent: quæsitum ecquid ita non adissent magistratum, ut ex instituto loca lautia acciperent: sciretur denique venisse eos, & super qua re venissent. Hæsitantibus in responso, ut curia excederent dictum: responsum tanquam legatis, ut qui adire senatum non postulassent, dari non placuit: mittendosque ad regem legatos censuerunt, qui nuntiarent, * qui socii quererentur a quod. pud senatum, exustum a rege agrum: non æquum eum facere, qui ab sociis suis non abstineret injuriam. In hanc legationem missi A. Terentius Varro, C. Plætorius, C. Cicerejus.

CAPUT XXII.

Solos Rhodios ex omnibus Asiæ sociis Persei regis sollicitatione labefactatos, legati inde redeuntes renuntiant: bellum contra regem strenue paratur: instructa classe atque exercitu Brundisii, eo proficiscitur Cn. Sicinius prætor trajecturus in Macedoniam, eamque obtenturus provinciam usque ad novi consulis adventum.

EX Asia, qui circa socios reges missi erant, legati redierunt, qui renuntiaverunt, Eumenum in ea, Antiochum in Syria, Ptolemæum (1) in Alexandria sese convenisse. Omnes sollicitatos legationibus Persei, sed egregie in fide permanere, pollicitosque omnia, quæ P. R. imperasset, præstaturus: & civitates socias adisse: ceteras satis fidas, solos Rhodios fluctuantes & imbutos Persei consiliis invenisse. Venerant Rhodii legati ad purganda ea, quæ vulgo jactari de civitate sciebant: cæterum senatum iis dari, cum novi consules magistratum inissent, placuit. Belli apparatus non differendum censuerunt. C. Licinio prætori negotium datur, ut ex veteribus quinquagemis in navalibus Romæ subductis, quæ possent usui esse, reficeret, pararetque naves quinquaginta: si quid ad eum numerum explendum deesset, C. Memmio collegæ in Siciliam scriberet, ut eas, quæ in Sicilia naves essent, reficeret atque expediret, ut Brundisium primo quoque tempore mitti possent. Socios navales libertini ordinis in viginti & quinque naves ex civibus Romanis C. Licinius prætor scribere jussus: in quinque & viginti parem numerum Cn. Sicinius sociis imperaret: idem prætor peditum VIII. millia, CCCC. equites a sociis Latini nominis exigeret. Hunc militem qui Brundisii acciperet, atque in Macedoniam mitteret, A. Atilius Serranus, qui prior anno prætor fuerat, deligitur; Cn. Sicinius

Tom. IV.

T

præ-

(1) an Alexandria?

prætor, (1) qui exercitum paratum ad trahendum haberet. C. Popillio COS. ex auctoritate senatus C. Licinius prætor scribit, ut & legionem secundam, quæ maxime veterana in Liguribus erat, & socios Latini nominis IIII. millia peditum, CC. equites Idib. Febr. Brundisii adesse juberet. Hac classe & hoc exercitu Cn. Sicinius provinciam Macedoniam obtinere, donec successor veniret, jussus, prorogato in annum imperio. Ea omnia quæ senatus censuit, impigre facta sunt. Dnodequadraginta quinque remes ex navalibus deductæ; qui deduceret eas Brundisium, L. Porcius Licinus præpositus: duodecim ex Sicilia missæ. Ad frumentum classi exercituique coemendum in Apuliam Calabriamque tres legati missi, Sex. Digitius, T. Juventius, M. Cæcilius. Ad omnia præparata Cn. Sicinius prætor paludatus ex urbe profectus Brundisium venit.

CAPUT XXIII.

C. Popillius cos. Romam reversus, differens de rebus ab se in provincia gestis, minus aquis auribus auditur propter non restitutos in libertatem Ligures, a fratre M. Popillio oppressos: ab eo deinde comitia consularia, atque prætoria habentur: Coss. sunt P. Licinius Crassus, C. Cassius Longinus: hi votum pro imminenti belli felici exitu suscipiunt.

28. **E**Xitu prope anni C. Popillius COS. Romam rediit, aliquanto serius, quam senatus censuerat: * cui primo quoque tempore magistratus creare, cum tantum bellum immineret, * al. jussum erat. Itaque non secundis auribus patrum auditus est COS., cum in æde Bellonæ de rebus in Liguribus gestis differeret: succellamones frequentes erant, interrogationesque, cur scelere fratris oppressos Ligures in libertatem non resti-

(1) pro ut, seu quo.

stituiſſet. Comitia conſularia in quam edicta erant diem, ad diem XII. Kal. Mart. ſunt habitata. Creati COSS. P. Licinius Craſſus, C. Caſſius Longinus. Poſtero die prætores facti, C. Sulpitius Galba, L. Furius Philus, L. Canulejus Dives, C. Lucretius Gallus, C. Caninius Rebilus, L. Junius Annalis. His prætoribus provinciæ decretæ, duæ jure Romæ dicendo, Hiſpania, & Sicilia, & Sardinia; ut (1) uni fors integra eſſet, quo ſenatus cenſuiſſet. conſulibus designatis imperavit ſenatus, ut qua die magiſtratum inſſent, hoſtiis majoribus rite maſtatis precarentur, ut quod bellum P. R. in animo haberet gerere, ut id proſperum eveniret. Eodem die decrevit ſenatus, ut C. Popillius COS. ludos per dies X. Jovi Opt. Max. voveret; donaque circa omnia pulvinaria dari, ſi Reſp. X. annos in eodem ſtatu fuiſſet. Ita ut cenſuerant, in Capitolio vovit COS. ludos fieri, donariaque dari, quanta ex pecunia decreſſet ſenatus. cum centum & quinquaginta non minus adēſſent, præeunte verba Lepido pontifice maximo, id votum ſuſceptum eſt.

CAPUT XXIV.

Moriuntur duo publici ſacerdotes L. Æmilius Papus, & Q. Fulvius Flaccus: ſœda eſt mors Q. Fulvii.

EO anno ſacerdotes (2) publici mortui, L. Æmilius Papus decemvir ſacrorum, & Q. Fulvius Flaccus pontifex, qui priore anno fuerat cenſor. Hic ſœda morte periit. ex duobus filiis ejus, qui tum in Illyrico militabant, nuntiatum alterum deceſſiſſe, alterum gravi & periculoſo morbo ægrum eſſe. Obruīt animum ſimul

T 2

mul

(1) ut unus ex ſex prætoribus reſervaretur ad id munus, quod Senatus assignaret.

(2) qui peragunt ſacra publica; quæ ſacra opponuntur gentilitiis. v. l. 5. n. 32.

mul luctus metusque . mane ingressi cubiculum servi , laqueo dependentem invenere . Erat opinio , post censuram minus compotem fuisse sui . vulgo Junonis Laciniae iram ob spoliatum templum alienasse mentem ferebant . Suffectus in Æmilii locum decemvir M. Valerius Messalla , in Fulvii pontifex Cn. Domitius Ahenobarbus , oppido adolescens , sacerdos lectus .

C A P U T XXV.

*De jam instante bello Macedonico , atque Romano
diversæ sunt regum populorumque Europæ , at-
que Asiæ pro cuiusque studiis atque consiliis sen-
sentia , & voluntates .*

29. **P** Licinio , C. Cassio COSS. non urbs tantum
U.C. 399. ▲ Roma , nec terra Italia , sed omnes reges
civitatesque , quæ in Europa , quæque in Asia e-
rant , converterant animos in curam Macedonici ac Romani belli . Eumenem cum vetus odium stimulabat , tum recens ira , quod scelere ejus prope ut victima mactatus Delphis esset . Prusias Bithyniæ rex statuerat abstinere armis , eventumque exspectare . nam neque pro Romanis se æquum censere adversus fratrem uxoris arma ferre ; & apud Persea victorem veniam per sororem impetrabilem fore . Ariarathes Cappadocum rex præterquam quod Romanis suo nomine auxilia pollicitus erat , ex quo est junctus Eumeni (1) affinitate , in omnia belli pacisque se consociaverat consilia . Antiochus imminabat quidem Ægypti regno , & pueritiam regis , & inertiam tutotum spernens , & (2) ambigendo de Coele Syria , causam belli se habiturum existimabat , gesturumque sine ullo impedimento , occupatis

-
- (1) filia Ariarathis Stratonice Eumeni nupserrat .
(2) contendendo . Cælen Syriam occupaverat olim Antiochus magnus . hæc est causa nunc repetendi a Ptolemæo Sexto , cum ejus patri Ptolemæo Epiphani restituta fuerit ; Cleopatra , Antiochi M. filia , in uxorem data .

patis Romanis in Macedonico bello, id bellum : tamen omnia & per suos legatos senatui, & ipse legatis eorum eximie pollicitus erat. Ptolemæus propter ætatem alieni etiam tum arbitrii erat : tutores & bellum adversus Antiochum parabant, quo vindicarent Coeleſyriam, & Romanis omnia pollicebantur ad Macedonicum bellum. Maſaniſſa & frumento juvabat Romanos, & auxilia cum elephantis, Miſagenemque filium mittere ad bellum parabat. Conſilia autem in omnem fortunam ita diſpoſita habebat. Si penes Romanos victoria eſſet, ſuas quoque in eodem ſtatu manſuras res, neque ultra quidquam movendum : non enim paſſuros Romanos vim Carthaginienſibus afferri. Si fractæ eſſent opes Romanorum, quæ tum protegerent Carthaginienſes, ſuam omnem Africam fore. Gentius rex Illyriorum fecerat potius, cur ſuſpectus eſſet Romanis, quam ſatis ſtatuerat utram ſoveret partem : impetuque magis, quam conſilio iis aut illis ſe adiuncturus videbatur. Cotys Thrax Odryſarum rex evidenter Macedonum partis erat. Hæc ſententia regibus cum eſſet de bello, in liberis gentibus populisque plebs ubique omnis ferme, ut ſolet, (1) deterioribus erat (2) ob regem Macedonaſque inclinata : principum diverſa cerneret ſtudia. Pars ita in Romanos effuſi erant, ut auctoritatem immodico favore corrumpere : pauci ex iis juſtitia imperii Romani capti : plures ita, ſi præcipuam operam navarent, potentes ſeſe in civitatibus ſuis futuros rati. Pars altera regiæ adulationis erat, quos æs alienum & deſperatio rerum ſuarum eodem manente ſtatu præcipites ad novanda omnia agebat : quosdam ventofum ingenium, quia Perſeus magis auræ popularis erat. Tertia pars optima eadem & prudentiſſima, ſi utique optio domini potioris daretur, ſub Romanis quam ſub rege mælebat eſſe. ſi liberum inde arbitrium fortunæ eſſet,

(1) *intelligo* : ſtudiis.(2) *alii* : ad.

fer, neutram partem volebant potentiorē altera oppressa fieri : sed illibatis potius viribus utriusque partis, pacem * ex eo manere : ita inter utroque optimam conditionem civitatum fore, protegente altero semper inopem ab alterius injuria. Hæc sentientes, certamina fautorum utriusque partis taciti ex tuto spectabant.

CAPUT XXVI.

Coss., peractis rebus sacris, factisque precationibus, ex auctoritate Patrum de bello regi Perseo indicendo ad populum ferunt.

COSS. quo die magistratum inierunt ex S. C. cum circa omnia fana, in quibus lectisternium majorem partem anni esse solet, majoribus hostiis immolassent, inde preces suas acceptas ab diis immortalibus ominati, senatui rite sacrificatum, precationemque de bello factam renuntiaverunt. Aruspices ita responderunt, si quid rei novæ inciperetur, id maturandum esse : victoriam, triumphum, prorogationem imperii portendi. Patres, quod faustum felixque P. R. esset, centuriatis comitiis primo quoque die ferre ad populum COSS. iusserunt, ut quod Perseus Philippi filius, Macedonum rex, adversus sordus cum patre Philippo ictum, & secum post mortem ejus renovatum, sociis P. R. arma intulisset, agros vastasset, urbesque occupasset : * al. quodque belli * parandi adversus P. R. consilia inisset, arma, milites, classem ejus rei causa comparasset : ut, nisi de iis rebus satisfecisset, bellum cum eo iniretur. Hæc rogatio ad populum lata est.

CAPUT XXVII.

Ex decreto senatus coss. novum delectum militum habent: propter curam Macedoniae provinciae, quaedam ex vetere ordine scribendi milites mutantur: praetores, ac deinde etiam consules post aliquam inter ipsos contentionem provincias sortiuntur: P. Licinio Macedonia, C. Cassio Italia obvenit.

S C. inde factum est, ut consules inter se pro- 31.
vincias Italiam & Macedoniam compararent, sortirenturve. Cui Macedonia obvenisset, ut is regem Persea, quique ejus sectam secuti essent, nisi P. R. satisfecissent, bello persequeretur. Legiones quatuor novas scribi placuit, binas singulis COSS. Id praecipue provinciae Macedoniae datum, quod cum alterius COS. legionibus quina millia & ducenti (1) equites ex vetere instituto darentur in singulas legiones: in Macedoniam sena millia peditum scribi iussa, equites trecenti aequaliter in singulas legiones. & in sociali exercitu consuli alteri auctus numerus, XVI. millia peditum, DCCC. equites (praeter eos quos Cn. Sicinius duxisset, DC. equites) in Macedoniam trajiceret. Italiae satis visa XII. millia sociorum peditum, DC. equites. Illud quoque praecipuum datum forti Macedoniae, ut centuriones militesque veteres scriberet, quos vellet COS. usque ad quinquaginta annos. In tribunis militum novatum eo anno propter Macedonicum bellum, quod COSS. ex S. C. ad populum tulerunt, ne tribuni militum eo anno (2) suffragiis crearentur; sed COSS. praetorumque in iis faciendis iudicium arbitriumque esset. Inter praetores ita partita imperia. Praetorem, cujus fors fuisset, ut iret quo senatus censuisset, Brundisium ad classem ire placuit: utque ibi recognosceret socios navales: dimissisque, si qui parum idonei essent, supplementum

T 4 le-

(1) immo pedites.

(2) v. l. 7. n. 3. & l. 9. n. 30.

legeret ex libertinis : & daret operam , ut duæ partes civium Romanorum , tertia sociorum esset . Commeatus classi legionibusque ut ex Sicilia Sardiniaque subveherentur : prætoribus , qui eas provincias sortiti essent , mandari placuit , ut (1) alteras decumas Siculis Sardinisque imperarent , utque id frumentum ad exercitum in Macedoniam portaretur . Siciliam C. Caninius Rebilus est sortitus , L. Furius Philus Sardiniam , L. Canulejus Hispaniam , C. Sulpitius Galba urbanam jurisdictionem , L. Villius Annalis , inter peregrinos . C. Lucretio Gallo , quo senatus censuisset , fors evenit . inter COSS. magis cavillatio , quam magna contentio , de provincia fuit . Cassius *sine sorte se Macedoniam * oppugnaturum dicebat : nec posse collegam salvo jurejurando secum sortiri* . Prætores eum , *ne in provinciam iret , in concione jurasse , se statò loco , statisque diebus sacrificia habere , quæ absente se recte fieri non possent , quæ non magis COS. quam prætores absente recte fieri possent* . Si senatus , ** non quid vellet in consulatus potius , quam quid in prætura juraverit P. Licinius , animadvertendum esse censeat : se tamen futurum in senatus potestate* . Consulti patres , cui consulatum P. R. non negasset , ab se provinciam negari superbum rati , sortiri consules jusserunt . P. Licinio Macedonia , C. Cassio Italia obvenit . Legiones inde sortiti sunt : prima & tertia in Macedoniam trajicerentur , secunda & quarta ut in Italia remanerent .

32.

WAL
OPRA
TU-
STON

Gro
expu
git
1971

C A-

(1) *duplicem decimam.*

CAPUT XXVIII.

Scribente P. Licinio cos. ex senatusconsulto ad bellum Macedonicum veteres quoque milites, ac centuriones, horum nonnulli appellantes tribunos, recusant parere, si inferiores ordines, quam quos antea habuissent, attribuantur: Sp. Ligustinus, & ipse emeritus miles, gravi oratione pollicitus Reip. operam suam quocunque loco, perficit, ut ceteri quoque obediētes sint.

DElectus COSS. multo intentiorem, quam alias, curam habebant. Licinius veteres quoque scribebat milites centurionesque: & multi voluntate nomina dabant, quia locupletes videbant, qui priore Macedonico bello, aut adversus Antiochum in Asia stipendia fecerant. Cum tribuni militum centuriones, sed (1) primum quęque, citarent, tres & XX. centuriones, qui primos pilos duxerant, citati tribunos plebis appellarunt. Duo ex collegio, M. Fulvius Nobilior, & M. Claudius Marcellus ad COSS. rejiciebant. Eorum cognitionem esse debere, quibus delectus quibusque bellum mandatum esset. Ceteri, cognituros se de quo appellati essent, agebant: & si injuria fieret, auxilium civibus laturos. Ad subsellia tribunorum res agebatur. Eo M. Popillius consularis advocatus, centuriones, & consul venerunt. COS. inde postulanti, ut in concione ea res ageretur, populus in concionem advocatus. Pro centurionibus M. Popillius, qui biennio ante consul fuerat, ita verba fecit. *Militares homines & stipendia justa, & corpora & ætate & assiduis laboribus confecta habere: nihil recusare tamen, quominus operam reip. dent: id tantum deprecari, (2) ne inferiores iis ordines, quam quos, cum militassent,*

33.

T 5 ha-

(1) primores dignitate, & numero stipendiorum.

(2) ne gradus inferiores, quam quos habuissent &c.

habuissent, attribuerentur. P. Licinius COS. (1) S. C. recitari iussit. Primum, (2) quod bellum senatus cum Perseo iussisset: deinde quod veteres centuriones quamplurimum ad id bellum scribi censuisset: nec ulli, qui non major annis quinquaginta esset, vacationem militiæ esse. Deprecatus est deinde, ne novo bello, tam propinquo Italiæ, adversus regem potentissimum, aut tribunos militum delectum habentes impedirent: aut prohiberent COS. quem cuique ordinem assignari e rep. esset, eum assignare. si quid in ea re dubium esset, ad senatum rejicerent. Postquam COS. quæ voluerat dixit, Sp. Ligustinus ex eo numero, qui tribunos plebis appellaverant, a COS. & ab tribunis petiit, ut sibi paucis ad populum agere liceret. Permissu omnium ita locutus fertur. *Sp. Ligustinus tribus Crustumine ex Sabinis sum oriundus, Quirites. Pater mihi jugerum agri reliquit, & parvum tugurium, in quo natus educatusque sum, hodieque ibi habito. Cum primum in ætatem veni, pater mihi uxorem fratris sui filiam dedit: quæ secum nihil attulit, præter libertatem pudicitiamque, & cum his fecunditatem, quanta vel in diti domo satis esset. Sex filii nobis, duæ filiæ sunt, utraque jam nuptæ. Filii III. togas viriles habent, duo prætextati sunt. Miles sum factus P. Sulpitio, C. Aurelio COSS. In eo exercitu, qui in Macedoniam est transportatus, biennium miles gregarius fui adversus Philippum regem: tertio anno virtutis causa mihi T. Quintius Flamininus (3) decumum ordinem hastatum assignavit. Devicto Philippo Macedonibusque, cum in Italiam portati ac dimissi essemus, continuo miles volun-*

(1) Consulta.

(2) alii: quo. ut & mox.

(3) hic primus e gregaria militia in Centuriones ascendendum gradus. ordines in Legione triginta erant. decem hastatorum, decem principum, decem triariorum. in unoquoque ordine duæ centuriæ, prior, & posterior. v. plura in Turn. 30. adv. 32. sed toti huic orationi Ligustini lux affulget ex Lips. 2. de mil. R. 8.

luntarius cum M. Porcio COS. in Hispaniam sum
profectus. Neminem omnium imperatorum qui vi-
vant, acriorem virtutis spectatorem ac iudicem fuisse
sciunt, qui & illum & alios duces longa militia
experti sunt. Hic me imperator dignum iudicavit,
cui (1) primum hastatum prioris centuriæ assigna-
ret. Tertio iterum voluntarius miles factus sum in
eum exercitum, qui adversus Ætolos & Antiochum
regem est missus. a Man. Acilio mihi (2) primus
princeps prioris centuriæ est assignatus. Expulso rege
Antiocho, subactis Ætolis, reportati sumus in Ita-
liam: & deinceps bis quæ (3) annua merebant le-
giones stipendia feci. Bis deinde in Hispania mili-
tavi, semel Q. Fulvio Flacco, iterum Tib. Sempro-
nio Graccho prætor. a Flacco inter ceteros quos vir-
tutis causa secum ex provincia ad triumphum dedu-
cebat, deductus sum: a Tib. Graccho rogatus, in
provinciam ii. Quater intra paucos annos (4) pri-
mum pilum duxi. quater & tricies virtutis causa
donatus ab imperatoribus sum, sex civicas coronas
accepi. XXII. stipendia annua in exercitu emerita
habeo, & major annis sum quinquaginta. Quod si
mihi nec stipendia omnia emerita essent, necdum æ-
tas vacationem daret, tamen cum (5) quatuor mi-
lites pro me uno vobis dare, P. Licini, possem, æ-
quum erat me dimitti. Sed hæc pro causa mea di-
cta accipiat, velim: ipse me, quoad quisquam qui
exercitus scribit, idoneum militem iudicabit, nun-
quam sum excusaturus. * Ordinem quo me dignum ^{* al.}
judicent tribuni militum, ipsorum est potestatis: ne ^{Ordi-}
quis me virtute in exercitu præstet, dabo operam, * ^{ne.}
ut semper ita fecisse me, & imperatores mei, & qui ^{* al.}
una stipendia fecerunt, testes sunt. Vos quoque æ-
quum est, commilitones, etsi (6) appellationis vo-
bis usurpatis jus, cum adulescentes nihil adversus

T 6

ma-

- (1) primi hastati centurio, prior fuit.
(2) prior centurio fuit in primo principum ordine.
(3) qui hæc explicet, erit mihi magnus Apollo.
(4) fui prior centurio in primo ordine triariorum.
(5) liberos, qui ætate militari erant.
(6) appellarunt enim Tribunos pl.

magistratuum senatusque auctoritatem usquam feceritis, nunc quoque in potestate senatus ac consulum esse, & omnia honesta loca ducere, quibus Rempub. defensuri sitis. Hæc ubi dixit, collaudatum multis verbis, consul ex concione in senatum duxit. Ibi quoque ei ex auctoritate senatus gratiæ actæ, tribunique militares in legione prima primum pilum virtutis causa ei assignarunt. Cæteri centuriones, omissa appellatione, ad delectum obedientes responderunt.

CAPUT XXIX.

Præter delectum, quem habent coss., alius quoque a C. Sulpitio Galba prætoris scribitur exercitus, mittendus quo censuisset senatus: P. Licinio coss. petenti ad civilem, socialemque exercitum auxilia adduntur.

Quo maturius in provincias magistratus proficiscerentur, (1) Latinæ Kal. Jun. fuere: eoque solenni perfecto C. Lucretius prætor omnibus quæ ad classem opus erant præmissis, Brundisium est profectus. Præter eos exercitus quos COSS. comparabant, C. Sulpitio Galbæ prætori negotium datum, ut quatuor legiones scriberet urbanas iusto numero peditum equitumque: iisque IIII. tribunos mil. ex senatu legeret, qui præessent: sociis Latini nominis imperaret XV. millia peditum, & M. & CC. equites: is exercitus uti paratus esset quo senatus censuisset. P. Licinio COS. ad exercitum civilem socialemque petenti addita auxilia, Ligurum MM. Cretenses sagittarii, (incertus numerus, quantum rogati auxilia Cretenses misissent) Numidæ item equites elephantique. in eam rem legati ad Masanißam Carthaginienfesque missi, L. Postumius Albinus, Q. Terentius Culleo, C. Aburius. In Cretam item

(1) hæc feriæ celebrabantur eo die, in quem a coss. erant edictæ. Varro l. 5. L. L. 49.

item legatos tres ire placuit, A. Postumium Albinum, C. Decimium, A. Licinium Nervam.

CAPUT XXX.

Irrita Persei regis legatio, Romam missa ad bellum, jam contra se decretum, avertendum.

PER idem tempus legati ab rege Perseo venerunt. Eos in (1) oppidum intromitti non placuit, cum jam bellum regi eorum & Macedonibus & senatus decreffet, & populus jussisset. in ædem Bellonæ in senatum introducti; ita verba fecerunt. *Mirari Persea regem, quid in Macedoniam exercitus transportati essent. Si impetrari a senatu posset, ut ii revocentur, regem de injuriis, si quas sociis factas quererentur, arbitratu senatus satisfacturum esse.* Sp. Carvilius ad eam ipsam rem ex Græcia remissus ab Cn. Sicinio in senatu erat. Is Perræbiam expugnatam armis, Thesaliæ aliquot urbes captas, cetera, quæ aut ageret aut pararet rex, cum argueret: respondere ad ea legati jussi, postquam hæsitabant, negantes sibi ultra quidquam mandatum esse: jussi renuntiare regi, COS. P. Licinium brevi cum exercitu futurum in Macedonia esse. *Ad eum, si satisfacere in animo esset, mitteret legatos: Romam quod præterea mitteret, non esse: * neminem eorum per Italiam ire liciturum.* Ita dimissis, P. Licinio COS. mandatum, intra XI. diem juberet eos Italia excedere: & Sp. Carvilius mitteret, qui, donec navem conscendissent, custodiret. Hæc Romæ acta nondum profectis in provinciam COSS.

C A-

(1) hic iterum Romæ dicitur oppidum.

CAPUT XXXI.

Cn. Sicinius prætor trajectas in Epirum copias ad tutandas ab impetu Macedonum sociorum urbes mittit.

JAm Cn. Sicinius, qui priusquam magistratu abiret, Brundisium & ad classem & ad exercitum præmissus erat, trajectis in Epirum V. M. peditum, CCC. equitibus, ad Nymphæum in agro Apolloniati castra habebat. Inde tribunos cum II. millibus militum, ad occupanda Dassaretiorum & Illyriorum castella, ipsis arcessentibus præsidia, ut tutiores a finitimorum impetu Macedonum essent, misit.

CAPUT XXXII.

Legati Romani in Græciam missi, ab Corcyra digrediuntur: diversi regiones circumeuntes, societates belli contra Persea regem contrahunt.

37. **P**AUCIS post diebus Q. Martius, A. Atilius, & P. & Ser. Cornelii Lentuli, & L. Decimius, legati in Græciam missi, Corcyram peditum mille secum advexerunt. ibi inter se & regiones quas obirent, & milites diviserunt. Decimius missus est ad Gentium regem Illyriorum: quem, si aliquem respectum amicitiae eum habere coneretur, tentare, aut etiam ad belli societatem pellicere, jussus. Lentuli in Cephalleniam missi, ut in Peloponnesum trajicerent, oramque maris in occidentem versi ante hiemem circumirent. Martio & Atilio Epirus, Ætolia, & Thesalia circumeundæ assignantur. Inde Boeotiam atque Euboeam aspicere jussi, tum in Peloponnesum trajicere: ibi congressuros se cum Lentulis constituunt. Priusquam digrederentur a Corcyra, literæ a Perseo allatæ sunt, quibus quærebatur, quæ causa Romanis aut in Græciam trajiciendi copias, aut urbes occupandi esset. Cui rescribi;

scribi nihil placuit, nuntio ipsius, qui literas attulerat, dici, praesidii causa ipsarum urbium Romanos facere. Lentuli circumuehentes Peloponnesi oppida, cum sine discrimine omnes civitates adhortarentur, ut, quo animo, qua fide adjuuissent Romanos Philippi primum, deinde Antiochi bello, eodem adversus Persea juvarent, fremitum in concionibus audiebant: Achæis indignantibus eodem se loco esse, qui omnia a principiis Macedonici belli praestitissent Romanis, & Macedonum Philippi bello hostes fuissent, quo Messenii atque Elia, qui pro Antiocho hoste arma adversus P. R. tulissent: ac nuper in Achaicum contributi concilium, velut praemium belli se victoribus Achæis tradi quererentur. Martius & Atilius ad Gitanas Epiri oppidum X. millia ab mari cum ascenderent, concilio Epirotarum habito, cum magno omnium assensu auditi sunt: & quadringentos juventutis eorum in Orestas, ut praesidio essent liberatis ab (1) se Macedonibus, miserunt. Inde in Ætoliā progressi: ac paucos ibi morati dies, dum in praetoris mortui locum alius sufficeretur, & Lycisco praetore facto, quem Romanorum favere rebus satis compertum erat, transferunt in Thessaliā. Eo legati Acarnanum, & Boeotorum exules venerunt. Acarnanes nuntiare iussi, quæ Philippi primum, Antiochi deinde bello, decepti pollicitationibus regis, adversus P. R. commississent, ea corrigendi occasionem illis oblatam. Si male meriti clementiam P. R. experti essent, bene merendo liberalitatem experirentur. Boeotis exprobratum, societatem eos cum Perseo junxisse, iis, cum culpam in Ismeniam principem alterius partis conferrent, & quasdam civitates dissentientes

(1) hic fortasse aliquod mendum latet, aut delendum rō se. ut sensus sit: quadringenti Epirotarum missi sunt, qui praesidio essent Orestis liberatis a potestate Macedonum. Orestæ enim gens erat Macedonum; sed cum Philippi bello defecissent ad Romanos, reddita iis suæ leges fuerunt. Liv. 33. n. 34. & Polyb. in Leg. 9.

res in (1) causam deductas, appariturum id esse Martius respondit. Singulis enim civitatibus de se ipsis consulendi potestatem facturos, Thessalorum Larissæ fuit concilium. Ibi & Thessalis benigna materia gratias agendi Romanis pro libertatis munere fuit: & legatis, quod & Philippi prius, & post Antiochi bello enixe adjuti a gente Thessalorum essent. hac mutua commemoratione meritorum accensi animi multitudinis ad omnia decernenda, quæ Romani vellent.

CAPUT XXXIII.

Martius, & Arilius, legati Romani, ab Larissa veniunt ad colloquium cum rege Perseo, petatum ab eo, fiducia maxime privati hospitii cum Martio: objecta crimina, quibus permotus illi populus Rom. bellum inferret, ita diluit, ut spes pacis fiat a Martio, si Romam legatos mittat: ad id dantur ei induciæ.

SECUNDUM hoc concilium legati a Perseo rege venerunt, privati maxime hospitii fiducia, quod ei paternum cum Martio erat, ab hujus necessitudinis commemoratione orsi, petierunt legati, in colloquium veniendi regi potestatem faceret. Martius & se ita a patre suo accepisse dixit, amicitiam hospitiumque cum Philippo fuisse: minime immemorem necessitudinis ejus legationem eam suscepisse. Colloquium, si satis commode valeret, non fuisse dilaturum: nunc, ubi primum posset, ad Peneum flumen, qua transitus ab Omoliodium esset, præmissis qui nuntiarent regi venturos.

39. Et tum quidem ab Dio Perseus in interiora regni recepit se, leviaura spei objecta, quod Martius ipsius causa suscepisse se legationem dixisset. Post dies paucos ad constitutum locum venerunt. Magnus comitatus fuit regius, cum amicorum, tum satellitum turba stipante. non minore agmine legati venerunt: & ab Larissa multis

) Persei pertractas.

tis prosequantibus, & legationibus civitatum, quæ convenerant Larissam, & renuntiare domum certa, quæ audissent, volebant. Inerat cura insita mortalibus videndi congregientes nobilem regem, & populi principis terrarum omnium legatos. Postquam in conspectu steterunt dirimentæ amne, paulisper internuntiando cunctatio fuit, utri transgredierentur. aliquid illi regis majestati, aliquid hi P. R. nomini, cum præsertim Perseus petisset colloquium, existimabant deberi. joco etiam Martius cunctantes movit. (1) *Minor*, inquit, *ad majorem*, & quod Philippo ipsi cognomen erat, *filius ad patrem transeat*. Facile persuasum id regi est. Aliud deinde ambigebatur, cum quam multis transiret. Rex cum omni comitatu transire æquum censebat: legati vel cum tribus venire jubebant; vel, si tantum agmen traduceret, obsides daret nihil fraudis fore in colloquio. Hippiam & Pantaucum, quos & legatos miserat, principes amicorum obsides dedit: nec tam in pignus fidei obsides desiderati erant, quam ut appareret sociis, nequaquam ex dignitate (2) pari congregi regem cum legatis. Salutatio non tanquam hostium, sed hospitalis ac benigna fuit, positisque sedibus confederunt. Cum paulisper silentium fuisset: *Exspectari nos*, 40. inquit Martius, *arbitror, ut respondeamus literis tuis, quas Corcyram misisti: in quibus quæris, quid ita legati cum militibus venerimus, & præsidia in singulas urbes dimittamus. Ad hanc interrogationem tuam & non respondere vereor, ne superbum sit: & vera respondere, ne nimis acerbum audienti tibi videatur. Sed cum aut verbis castigandus, aut armis sit, qui fœdus rumpit: sicut bellum adversus te alii, quam mihi mandatum malim: ita orationis acerbiter adversus hospitem, utcunque est, subibo: sicut medici cum salutis causa tristiora remedia adhibent. Ex quo regnum adeptus es, unam rem te, quæ facienda fuerit, senatus fecisse censet, quod legatos*

Ro.

(1) *Ætate.*(2) *majorem enim esse dignitatem Legatorum R.*

Romam ad renovandum (1) fœdus miseris: quod tamen ipsum tibi fuisse non renovandum iudicat potius, quam cum renovatum esset, violandum. (2) Abrupolim socium atque amicum P.R. regno expulisti. (3) Artetari interfectores, ut cade (ne quid ultra dicam) lētatum appareret, recepisti; qui omnium Illyriorum fidissimum Romano nomini regulum occiderant. Per Thessaliam & Maliensem agrum cum exercitu contra fœdus Delphos isti: Byzantiis item contra fœdus misisti auxilia: cum Bœotii sociis nostris secretam tibi ipsi societatem, quam non licebat, jurejurando pepigisti. Thebanos legatos, Eversam & Callicritum, venientes a nobis, quærere malo quis interfecerit, quam arguere. In Ætolia bellum intestinum & cedes principum, per quos, nisi per tuos factæ videri possunt? Dolopes a te ipso evastati sunt. Eumenes rex ab Roma cum in regnum rediret, prape ut victima Delphis in sacrato loco ante aras mactatus, quem insimulet, piget referre. Quæ hospes Brundisinus occulta facinora indicet, certum habeo, & scripta tibi omnia ab Roma esse, & legatos tuos renuntiasse. Hæc ne dicentur a me, uno modo vitare potuisti, non quærendo, quam ob causam exercitus in Macedoniam trajicerentur, aut præsidia in sociorum urbes mitteremus. Quærenti tibi superbius tacuissimus, quam vera respondimus. Equidem pro paterno nostro honoris spatio faveo orationi tuæ: & opto ut aliquam mihi materiam præbeas agendæ tuæ apud senatum cautionis. Ad ea rex: Bonam causam, si apud iudices æquos ageretur, apud eosdem & accusatores & iudices agam. Eorum autem, quæ obiecta sunt mihi, partim ea sunt quibus nescio an gloriari debeam; partim quæ fateri non erubescam; partim quæ

(1) his imperfectam sententiam absoluit Sig.

(2) inter alia, hujus rei historia excidit apud Livium lib. præc. narrat autem Paus. in Achaic. 10. cum Perseus fœdus, quod sibi cum Romanis erat, violandum esse decrevisset, Abrupolim Sæpensium Regem aggressum esse, & pop. R. socios vexasse. (3) v. supra n. 13.

quæ verbo objecta, verbo negare satis sit. Quid enim, si legibus vestris hodie reus sim, aut index Brundisinus, aut Eumenes mihi objiciat, ut accusare potius vere, quam conviciari videantur? (1) Scilicet nec Eumenes, cum tam multis gravis publice ac privatim sit, alium quam me inimicum habuit: neque ego potiores quenquam ad ministeria facinorum, quam Rammiuni, quem neque unquam ante videram, nec eram postea visurus, invenire potui. & Thebanorum, quos naufragio perisse constat, & Arsetari cædis mihi reddenda ratio est. in qua tamen nihil ultra objicitur, quam interfectores ejus in regno exulasse meo. Cujus conditionis iniquitatem ita non sum recusaturus, si vos quoque accipitis, ut quicumque exules in Italiam aut Romanam se contulerunt, his facinorum, propter quæ damnati sunt, auctores vos fuisse fateamini. Si hoc & vos recusabitis, & omnes aliæ gentes, ego quoque inter cæteros ero. Et hercule quid attinet cuiquam exilium patere, si nusquam exuli futurus locus est? Ego tamen istos, ut primum in Macedonia esse, admonitus a vobis comperi, requisitos abire ex regno jussi, & in perpetuum interdixi finibus meis. Et hæc quidem mihi tanquam causam dicenti reo objecta sunt: illa tanquam regi, & quæ de fœdere, quod mihi est vobiscum, disceptationem habeant. Nam si est in fœdere ita scriptum, ut ne si bellum quidem quis inferat, tueri me regnumque meum liceat: mihi fatendum est, quod me armis adversus Abrupolim socium populi Romani defenderim, fœdus violatum esse. Sin autem hoc & ex fœdere licuit, & jure gentium ita comparatum est, ut arma armis propulsentur: quid tandem me facere decuit, cum Abrupolis fines mei regni usque ad Amphipolim pervastasset: multa libera capita, magnam vim Mancipiorum, multa millia pecorum abegisset? Quiescerem & paterer, donec Pellam & in regiam meam armatus pervenisset? At enim bello quidem justum persecutus, sed vinci non oportuit eum, neque

ea

ea quæ victis accidunt, pati: quorum (1) casum cum ego subierim, qui sum armis laceffitus, quid potest queri sibi accidisse, qui causa belli fuit? Non sum eodem modo defensurus, Romani, quod Dolopas armis coercuerim: quia etsi non merito eorum, jure feci meo: cum mei regni, meæ ditionis essent, vestro decreto patri attributi meo. Nec, si causa reddenda sit, non vobis, nec fœderatis, sed iis qui ne in servos quidem sæva atque injusta imperia probant, plus æquo & bono sevisse in eos videri possum: quippe Euphranorem præfectum a me impositum ita occiderunt, ut mors pœnarum ejus levissima fuerit. * Ac cum processissem inde ad visendas Larissam & Antrona & (2) Pylleon, quo in propinquo multo ante debita vota persolverem, Delphos sacrificandi causa ascendi. Et hic criminis augendi causa, cum exercitu me fuisse adjicitur. scilicet, ut quod nunc vos facere queror, urbes occuparem, arcibus imponerem præsidia. vocate in concilium Græciæ civitates, per quas iter feci: queratur unusquisque militis mei injuriam: non recusabo quin simulato sacrificio aliud petisse videar. Ætolis & Byzantiis præsidia misimus, & cum Boæotis amicitiam fecimus. Hæc qualiacunque sunt, per legatos meos non solum indicata, sed etiam excusata sunt sæpe in senatu vestro: ubi aliquos ego disceptatores, non tam æquos, quam te, Q. Marti, paternum amicum & hospitem, habebam. Sed nondum Romanæ accusator Eumenes venerat, qui calumniando omnia, detorquendoque suspecta & invisæ efficeret: & persuadere vobis conaretur, non posse Græciam in libertate esse, & vestro munere frui, quoad regnum Macedoniæ incolume esset. Circumagetur hic orbis: erit mox qui arguat, nequicquam Antiochum ultra juga Tauri remotum: graviolem multo Asia, quam Antiochus fuerit, Eumenem esse; nec conquirere socios vestros posse, quoad regia Pergami sit: eam arcem supra capita finitimarum civitatum impositam. Ego hæc, Q. Marti & A. Atili, quæ aut a vobis obje-

(1) periculum. (2) Pteleum: ex Hom. catalogo, II. 3. v. 697.

objecta, aut purgata a me sunt, talia esse scio, ut aures, ut animi audientium sint: nec tam referre quid ego aut qua mente fecerim, quam quo modo id vos factum accipiat. Consciens mihi sum, nihil me scientem deliquisse: & si quid fecerim imprudentia lapsus, corrigi me & emendari castigatione hac posse. nihil certe insanabile, nec quod bello & armis persequendum esse censeatis, commisi. Aut frustra clementiæ gravitatisque vestræ fama vulgata per gentes est, si talibus de causis, quæ vix querela & expostulatione dignæ sunt, arma capitis, & regibus sociis bella infertis. Hæc dicenti tum accensus Martius, auctor fuit mittendi Romam legati, cum experienda omnia ad ultimum, nec prætermittendam spem ullam censuisset. reliqua consultatio erat, quonam modo tutum iter legatis esset. ad id cum necessaria petitio induciarum videretur, cuperetque Martius, neque aliud colloquio petisset, gravate & in magnam gratiam petentis concessit. Nihil enim satis paratum ad bellum in præsentia habebant Romani, non exercitum, non ducem; cum Perseus, ni spes vana pacis occæcasset confilia, omnia præparata atque instructa haberet, & suo maxime tempore, alieno hostibus incipere bellum posset.

CAPUT XXXIV.

In Bæotia Chæronei, Thebani, & Haliartii non ratam habentes decretam a gente societatem cum Romanis, motum ingentem excitant: tandem is quoque, sprete Persei societate, sese Romanis adiungunt: Martius, & Atilius, pertractis in amicitiam Bæotis, in Peloponnesum profisciscuntur; petuntque ab Achæis, Chalcidem mittendum præsidium: Romam deinde redeunt.

A B hoc colloquio, fide induciarum interposita, legati Romani in Bæotiam * compara-
ti sunt. Ibi jam motus cæperat esse, discedentibus a
societate communis consilii Bæotorum quibusdam
populis: ex quo renuntiatum erat, respondisse le-
ga-

* al.
con-
ver-
si.

gatos, apparituum, quibus populis proprie societatem cum rege jungi displicuisset. Primi a Chæronea legati, deinde a Thebis in ipso itinere occurrerunt; affirmantes non interfuisse se, quo societas ea decreta esset, concilio. * quos al. legatos nullo in præsentia responso dato, Chalcidem se sequi iusserunt. Thebis magna contentio orta erat ex alio certamine. Comitibus prætoribus Bæotorum (1) victa pars injuriam persequens, coacta multitudine decretum fecit Thebis, ne Bæotarchæ urbibus reciperentur. (2) Exules Thespias universi concesserunt: inde (recepti enim sine cunctatione erant) Thebas jam mutatis animis revocati, decretum faciunt, ut XII. qui privati ceterum & concilium habuissent, exilio multarentur. Novus deinde prætor Ismenias, (is erat vir nobilis ac potens) capitalis poenæ absentes eos decreto damnat. Chalcidem fugerant: inde ad Romanos Larissam profecti, causam cum Perseo societatis in Ismeniam contulerant. Ex contentione ortum certamen: utriusque tamen partis legati ad Romanos venerunt, & exules accusatoresque Ismenias, & Ismenias ipse. Chalcidem ut ventum est, aliarum civitatum principes, id quod maxime gratum erat Romanis, suo quique proprio decreto Persei societatem aspernati, Romanis se adjungebant: Ismenias gentem Bæotorum in fidem Romanorum permitti æquum censebat. Inde certamine orto, nisi in tribunal legatorum perfugisset, haud multum absuit, quin ab exilibus fautoribusque eorum interficeretur. Thebæ quoque ipsæ, quod Bæotiæ caput est, in magno tumultu erant: aliis ad regem trahentibus civitatem, aliis ad Romanos: & turba Coroneorum Haliartiorumque convenerat ad defendendum decretum regis societatis. Sed constantia principum, docentium cladibus Philippi Antiochique quanta esset vis & fortuna imperii Romani, victa

(1) *cujus suffragia non prævaluerant.*

(2) *Bæotarchæ.*

ita eadem multitudo; & ut tolleretur regia societas, decrevit, & eos qui auctores paciscendæ amicitiae fuerant, ad satisfaciendum legatis Chalcidem misit, fideique legatorum commendari civitatem iussit. Thebanos Martius & Atilius læti audierunt; auctoresque & his (1) separatim singulis fuerunt ad renovandam amicitiam mittendi Romam legatos. Ante omnia exules restitui jusserunt, & auctores regiae societatis decreto suo damnarunt. Ita, quod maxime volebant, discusso Bœotico concilio, Peloponnesum proficiscuntur, Ser. Cornelio Chalcidem arcessito. Argis præbitum est iis concilium: ubi nihil aliud a gente Achæorum petierunt, quam ut mille milites darent. Id præsidium ad Chalcidem tuendam, dum Romanus exercitus in Græciam trajiceretur, missum est. Martius & Atilius, peractis quæ agenda in Græcia erant, principio hiemis Romam redierunt.

CAPUT XXXV.

Legati in Asiam missi socios ad bellum contra Persea pro Romanis suscipiendum hortantur: Rhodii, mutato, auctore Hegesilocho, favore in regem, atque redintegrato studio in Rom., parata jam navium auxilia advenientibus legatis ostendunt.

INde legatio sub idem tempus in Asiam circum 43.
cum insulas missa. Tres erant legati, Ti. Claudius, P. Postumius, M. Junius. ii circum-euntes, hortabantur socios ad suscipiendum adversus Persea pro Romanis bellum: & quo quæque opulentior civitas erat, eo accuratius agebant: quia minores secuturæ majorum auctoritatem erant. Rhodii maximi ad omnia momenti habebantur, quia non favere tantum, sed adjuvare etiam viribus suis bellum poterant, XL. navibus auctore Hegesilocho comparatis: qui cum

(1) alii addunt, & . ut sensus sit; & his Thebanis, & separatim singulis Bæotiæ civitatibus.

cum in summo magistratu esset (1) (Prytanin ipsi vocant) multis rationibus pervicerat Rhodios, ut omissa, quam sæpe vanam experti essent, regum fovendorum spe, Romanam societatem, unam tum in terris vel viribus vel fide stabilem, retinerent. Bellum imminere cum Perseo. desideraturos Romanos eundem navalem apparatus, quem nuper Antiochi, quem Philippi ante bello vidissent: trepidaturos tum repente paranda classe, cum mittenda esset, nisi reficere naves, nisi instruere navibus sociis cœpissent. Id eo magis enixe faciundum esse, ut crimina delata ab Eumene, fide rerum refellerent. His incitati, XL. navium classem instructam, ornatamque, legatis Romanis advenientibus, ut non exspectatam adhortationem esse appareret, ostenderunt. Et hæc legatio magnum ad conciliandos animos civitatum Asiæ momentum fuit. Decimius unus sine ullo effectu, captarum etiam pecuniarum ab regibus Illyriorum suspicione infamis Romam rediit.

CAPUT XXXVI.

Rex Perseus Romam legatos mittit ad pacem tentandam; quæ quia in ambiguo est, sollicitat interim Rhodios, & Bæotiæ civitates: præterquam apud Coronæos, & Haliartios, nihil proficit.

46. **P**erseus cum a colloquio Romanorum in Macedoniam recepisset sese, legatos Romam de inchoatis cum Martio conditionibus pacis misit. & Byzantium & Rhodum literas legatis ferendas dedit. In literis eadem sententia ad omnes erat, collocutum se cum Romanorum legatis. quæ audisset, quæque dixisset, ita disposita, ut superior fuisse in disceptatione videri posset.

Apud

(1) ab Atheniensibus orti Rhodii hac voce utebantur. is erat apud Athenienses princeps τῶν ἀρχόντων. quem ἐπὶ τῶν μόνων vocabant, quod ejus nomine Fasti inscriberentur. quemadmodum nominibus Coss. apud Romanos,

Apud Rhodios legati addiderunt, *confidere pacem futuram. auctoribus enim Martio atque Atilio missos Romanos legatos. Si pergerent Romani contra fœdus movere bellum, tum omni gratia, omni opẽ omnium rerum jus ac potestas ad unum populum perveniat. Cum ceterorum id interesse, tum præcipue Rhodiorum, qui plus inter alias civitates dignitate atque opibus excellant: (1) quæ servæ atque obnoxia fore, si nullus alio sit, quam ad Romanos respectus. Magis & literæ & verba legatorum benigne sunt audita, quam momentum ad mutandos animos habuerunt. potentior esse partis melioris auctoritas cœperat. Responsum ex decreto est, optare pacem Rhodios: si bellum esset, ne quid ab Rhodiis speraret aut peteret rex, quod veterem amicitiam, multis magnisque meritis pace belloque partam, (2) disjungeret sibi ab Romanis. Ab Rhodo redeuntes, Bœotiæ quoque civitates, & Thebas, & Coroneam, & Haliartum adierunt; quibus expressum invitis existimabatur, ut relicta regia societate, Romanis adjungerentur. Thebani nihil moti sunt, quanquam nonnihil & damnatis principibus, & restitutis exulibus, succensebant Romanis. Coronæi & Haliarrii, favore quodam infuso in reges, legatos in Macedoniam miserunt, præsidium petentes, quo se adversus impotentem superbiam Thebanorum tueri possint. Cui legationi responsum ab rege est, præsidium se propter inducias cum Romanis factas mittere non posse; tamen suadere, ita & Thebanorum injuriis qua possent ut se vindicarent, ne Romanis præberent causam in se sæviendi.*

(1) omnia, scil. dignitatem, & opes.

(2) in gratiam sui. scil. Persei.

CAPUT XXXVII.

Martius, & Atilius ab se acta in legatione renunciantes in senatu, inter cætera commemorant, spe vana pacis a se Persea regem deceptum: id tanquam dolum, & a more Romano abhorrentem artem vituperant seniores: comprobata tamen a senotu legatione, denuo in Graciam Martius, in Thessaliam Atilius, quo belli vocat necessitas, mittuntur.

47. **M**artius & Atilius Romam cum venissent, legationem in Capitolio ita renuntiaverunt, ut nulla re magis gloriarentur, quam decepto per inducias & spem pacis rege. Adeo enim apparatus belli fuisse instructum, ipsis nulla parata re, ut omnia opportuna loca præoccupari ante ab eo potuerint, quam exercitus in Graciam trajiceretur. Spatio autem induciarum sumpto, venturum illum nihilo paratiorem, Romanos omnibus instructiores rebus cepturos bellum. Bæotorum quoque se concilium arte distraxisse. ne conjungi amplius ullo consensu Macedonibus possent. Hæc, ut summa ratione acta, magna pars senatus approbabat: veteres, & moris antiqui memores negabant se in ea legatione Romanas agnoscere artes. Non per insidias, & nocturna prælia, nec simulatam fugam, improvisosque ad incautum hostem reditus; nec ut astu magis quam vera virtute gloriarentur, bella majores gessisse. Indicare prius, quam gerere solitos bella: denuntiare etiam, interdum locum finire, in quo dimicaturi essent. Eadem fide indicatum (1) Pyrrho regi medicum vitæ ejus insidiantem: eadem Fœliscis vinctum traditum proditorem liberorum (2)

**Grut. delet regis.* Hæc Romana esse, non versutiarum Punicarum, neque calliditatis Græcæ, apud quos fallere
ho-

(1) v. Epit. 13. Flor. l. 1. c. 18. Val. Max. 6. c. 5. Gcl. l. 3. c. 8. Cic. 3. Off.

(2) errorem hic esse patet ex l. 5. n. 27. ubi refert, eos fuisse liberos principum Faleriorum.

hostem, quam vi superare gloriosius fuerit. Interdum in præsens tempus plus profici dolo quam virtute: sed ejus demum animum in perpetuum vincit, cui confessio expressa sit, se neque arte neque casu, sed collatis cominus viribus iusto ac pio bello esse superatum. Hæc seniores, quibus nova hæc minus placebat sapientia. vicit tamen ea pars senatus, cui potior utilis quam honesti cura erat, ut comprobaretur prior legatio Martii: & eodem rursus in Græciam cum quinqueringibus remitteretur, jubereturque cætera, uti e Repub. maxime visum esset, agere. A. quoque Atilium miserunt ad occupandam Larissam in Thessalia: timentes, ne, si induciarum dies exisset, Perseus, præsidio eo misso, caput Thessaliæ in potestate haberet. duo millia peditum Atilius ab Cn. Sicinio accipere ad eam rem agendam iussus: & P. Lentulo, qui ex Achaja redierat, CCC. milites Italici generis dati, ut Thebis daret operam, ut in potestate Bœotia esset.

CAPUT XXXVIII.

Legati Persei regis, frustra in senatu tentata pace, dimittuntur: C. Lucretius prætor ab urbe cum classe in Cephalleniam proficiscitur, præmisso fratre Lucretio, qui naves ab sociis ex fœdere contrahat.

His præparatis, quanquam ad bellum consilia 48.
erant destinata, senatum tamen præberi legatis placuit. Eadem fere, quæ in colloquio ab rege dicta erant, relata ab legatis. Insidiarum Eumeni factarum crimen & maxima cura, & minime tamen probabiliter (manifesta enim res erat) defensum. Cætera deprecatio erat: sed non eis animis audiebantur, qui aut doceri aut flecti possent. Denuntiatur extemplo mœnibus urbis Romæ, Italia intra XXX. diem excederent. P. Licinio deinde COS. cui Macedonia provincia obvenerat, denuntiatur, ut exercitui diem primam quanque diceret ad conveniendum. C.

* a.
Bru-
tiis.
al.
Tu-
tiis.

Lucretius prætor, cui classis provincia erat, cum XL. quinquereimis ab urbe profectus. nam ex resectis navibus alias in alium usum retineri ad urbem placuit. Præmissus a prætore est frater Lucretius cum quinquereime una: jussusque ab sociis ex fœdere acceptis navibus ad Cephale-niam classi occurrere. ab Rheginis trireni una, ab Locris duabus, ab * Uritibus quatuor, præ-ter oram Italiæ supervectus Calabriæ extremum promontorium in Jonio mari Dyrrachium traji-cit. Ibi decem ipsorum Dyrrachinorum, XII. Issæorum, LIIII. Gentii regis lembos nactus, simulans se credere eos in usum Romanorum com-paratos esse; omnibus abductis, die tertio Cor-cyram, inde protinus in Cephaleniam trajicit. C. Lucretius prætor ab Neapoli profectus, supe-rato freto, die quinto in Cephaleniam transmi-sit. Ibi stetit classis, simul opperiens, ut terre-stres copiæ trajicerentur, simul ut onerariæ ex ag-mine suo per altum dissipatæ, consequerentur.

CAPUT XXXIX.

P. Licinius cos. ad bellum Macedonicum profici-scens, nuncupatis votis, paludatus ab urbe exit: studium hominum describitur, habitusque animo-rum, qui tum alias in ejusmodi spectaculo esse consuevit, tum est nunc, cum abeuntem consulens prosequuntur.

49. **P**ER hos forte dies P. Licinius COS. votis in Capitolio nuncupatis, paludatus ab urbe pro-fectus est. Semper quidem ea res cum magna di-gnitate ac majestate geritur: præcipue tamen convertit oculos animosque, cum ad magnum nobilemque aut virtute aut fortuna hostem, eun-tem COS. prosequuntur. Contrahit enim non officii modo cura, sed etiam studium spectaculi, ut videant ducem suum, cujus imperio consilio-que summam Remp. tuendam permiserunt. Subit deinde cogitatio animum, qui belli casus, quam incertus fortunæ eventus, communisque Mars belli sit:

fit: adversa, secunda, quæque inscitia & temeritate ducum clades sæpe acciderint, quæ contra bona prudentia & virtus attulerit. Quem scire mortaliū, utrius mentis, utrius fortunæ COS. ad bellum mittant? triumphantem ne mox cum exercitu victore scandentem Capitolium ad eosdem deos, a quibus proficiscatur, visuri; an hostibus eam præbituri letitiam sint. Persi autem regi, adversus quem ibatur, famam & bello clara Macedonum gens, & Philippus pater inter multa prospera gesta Romano etiam nobilitatus bello, præbebat: tum ipsius Persei nunquam, ex quo regnum accepisset, desitum belli exspectatione celebrari nomen. cum his cogitationibus omnium ordinum homines proficiscentem consulem prosecuti sunt. Duo consulares tribuni militum cum eo missi, C. Claudius, Q. Mutius; & tres illustres juvenes, P. Lentulus, & duo Manlii Acidini: alter M. Manlii, alter L. Manlii filius erat. Cum iis COS. Brundisium ad exercitum, atque inde cum omnibus copiis transvectus ad Nymphæum, in Apolloniati agro posuit castra.

CAPUT XL.

Rex Perseus, desperata pace, consilium advocat: aliis pacem cum Romanis quoquo modo habendam censentibus, multo major pars bellum suadet: bellum ut geratur Perseus decernens, copias omnes Citium contrahit: quas ad concionem vocatas oratione accendit: inde profectus in Thessaliam, futurus obviam Romano consuli, passim urbibus in potestatem reductis, descendit.

PAUCOS ante dies Perseus, postquam legati ab Roma regressi præciderant spem pacis, consilium habuit. Ibi aliquandiu diversis sententiis certatum est. Erant, quibus *vel stipendium pendendum, si injungeretur, vel agri parte cedendum, si multarent: quidquid denique aliud pacis causa patiendum esset, non recusandum videretur: nec committendum ut in aleam tanti casus se regnumque*

daret. Si possessio haud ambigua regni maneret, multa diem tempusque asferre posse: quibus non amissa modo recuperare, sed timendus ultro iis esse, quos nunc timeret, posset. Cæterum multo major pars ferocioris sententiæ erat. Quidquid cessisset, cum eo simul regno protinus cedendum esse affirmabant. Neque enim Romanos pecunia aut agro egere: sed hoc scire, cum omnia humana, tum maxima quæque & regna & imperia sub casibus multis esse. Carthaginiensium opes fregisse sese, & cervicibus eorum præpotentem finitimum regem imposuisse: Antiochum progeniemque ejus ultra juga Tauri remotum. Unum esse Macedoniae regnum, & regione propinquum, & quod, sicubi (1) P. R. sua fortuna labet, antiquos animos regibus suis videatur posse facere. Dum integræ res sint, cogitare apud animum suum Persea debere, utrum singula concedendo, nudatus ad extremum opibus extorrisque regno, Samothraciam aliamve quam insulam petere ab Romanis, ubi privatus superstes regno suo in contemptus atque inopia consenescat, malit: an armatus vindex fortunæ dignitatisque suæ, ita ut viro forti dignum sit, patiatur quodcumque casus belli tulerit: aut victor liberet orbem terrarum ab imperio Romano. Non esse admirabilius, Romanos Græcia pelli, quam Annibalem Italia pulsam esse. Neque hercule videre qui conveniat (2) fratri affectanti per injuriam regnum, summa vi restitisse, alienigenis bene parto eo cedere. Postremo ita (3) * bello & pace quæ bellum
& pa-
cem. esse, quam sine certamine cessisse regno: nec præclarior quicquam, quam pro dignitate ac majestate omnem fortunam expertum esse. Pellæ in vetere regia Macedonum hoc consilium erat. Geramus ergo, inquit, diis bene juvantibus, quando ita videtur, bellum: literisque circa præfectos dimissis, Citium (Macedoniæ oppidum est) copias omnes contrahit. Ipse centum hostiis sacrificio regaliter Minervæ, quam vocant Alcidem, confecto,
cum

(1.) populo R. (2.) Demetrio.

(3.) an, bello pacem quæri &c.

cum purpuratorum & satellitum manu profectus
 Citium est. Eo jam omnes Macedonum exter-
 norumque auxiliorum convenerant copiae. Castra
 ante urbem ponit, omnesque armatos in campo
 struxit. Summa omnium * XL. millia armata *
 fuere, quorum pars ferme dimidia phalangitæ e- Gr. m.
xliii.
 rant: Hippias Beroeæus præerat. Delecta dein-
 de & viribus & robore ætatis ex omni cetrato-
 rum numero duo erant agemata, hanc ipsi le-
 gionem vocabant. præfectos habebant Leonatum
 & Thrasippum Eulyestas. Cæterorum cetratorum
 trium ferme millium hominum dux erat Anti-
 philus Edeffæus. Pæones, & ex Parorea, & Par-
 strymonia (sunt autem ea loca subiecta Thra-
 ciæ) & Agrianes admixtis etiam Thracibus in-
 colis trium millium ferme & ipsi expleverunt
 numerum. Armaverat contraxeratque eos Didas
 Pæon, qui adolescentem Demetrium occiderat.
 Et armatorum duo millia Gallorum erant præse-
 cto Æsclepiodoto. Ab Heraclea ex Sintiiis tria
 millia Thracum liberorum suum ducem habe-
 bant. Cretensium par pœne numerus suos duces
 sequebatur, Susum Phalafarnæum, & Syllum
 Gnosium. Et Leonides Lacedæmonius quingentis
 ex Græcia, misto generi hominum, præerat. Re-
 gii is generis ferebatur: exul damnatus frequen-
 ti concilio Achæorum, literis ad Persea depre-
 hensus. Ætolorum & Bœotorum, qui non ex-
 plebant plus quam quingentorum omnes nume-
 rum, LycoAchæus præfectus erat. Ex his mix-
 tis tot populorum, tot gentium auxiliis, XII.
 millia armatorum ferme efficiebantur. Equitum
 ex tota Macedonia contraxerat III. millia. Ve-
 nerat eodem Cotys Seuthæ filius rex gentis O-
 drysarum, cum mille delectis equitibus, pari fer-
 me peditum numero. Summa totius exercitus
 XXXIX. millia peditum erant, IV. equitum.
 Satis constabat, secundum eum exercitum, quem
 magnus Alexander in Asiam trajecit, nunquam
 ullius Macedonum regis copias tantas fuisse. (1)

(1) alii: sextus. nim. C. Cornelio, Q. Minutio Coss.

Tertius & viceſimus annus agebatur, ex quo petenti Philippo data pax erat: per id omne tempus quieta Macedonia & progeniem ediderat, cujus magna pars matura militiæ eſſet, & levibus bellis Thracum accolarum, quæ exercerent magis quam fatigarent, ſub aſſidua tamen militia fuerat: & diu meditatam Philippo primo, deinde & Perſi Romanum bellum, omnia ut inſtructa parataque eſſent, effecerat. Mota parumper acies, non juſto (1) decurſu tamen, ne ſtetiſſe tantum in armis viderentur: armatoſque, ſicut erant, ad concionem vocavit. Ipſe conſtitit in tribunali, circa ſe habens filios duos, quorum major Philippus (2) natura frater, adoptione filius: minor, quem Alexandrum vocabant, naturalis erat. Cohortatus eſt milites ad bellum, injuriam P. R. in patrem ſequæ commemoravit. *Ullum omnibus indignitatibus compulſum ad rebellandum, inter apparatus belli ſato oppreſſum: ad ſe ſimul legatos, ſimul milites ad occupandas Græciæ urbes miſſos. Fallaci deinde colloquio per ſpeciem reconciliandæ pacis extractam biennem, ut tempus ad comparandum haberent. Conſulens nunc venire cum duabus legionibus Romanis, (3) quæ * trecenos equites habeant, & pari ferme numero ſociorum peditum equitumque. eo ut accedant regum auxilia Eumenis & Maſaniſſæ, non plus VII. millia peditum, II. equitum futura. Auditis hoſtium copiis, reſpicerent ſuum ipſi exercitum, quantum numero, quantum genere militum præſtarent tyronibus raptim ad id bellum conſcriptis, ipſi a pueris erudiſi artibus militiæ, tot ſubaſti atque durati bellis. Auxilia Romanis Lydos, & Phrygas, & Numidas eſſe: ſibi Thracas Galloſque, ferociſſimas gentium. Arma illos habere ea, quæ (4) ſibi quiſque paraverit pauper miles: Macedonas prompta ex*
regio

(1) exercitio militari. (2) ergo Philippi Regis ex concubina filius, quem Perſeus adoptavit.

(3) Gron. ſupplet, quæ ſingulæ ſena millia peditum, & trecenos &c.

(4) ex inſtituto Ser. Tullii, l. 1. n. 43.

regio apparatus, per tot annos patris sui cura & impensa facta. Commeatum illis cum procul, tum omnibus sub casibus maritimis fore: se & pecuniam & frumentum, præter redditus metallorum, in decem annos seposuisse. Omnia quæ deorum indulgentia, quæ regia cura præparanda fuerant, plena cumulatæque habere Macedonas: animum habendum esse, quem habuerint majores eorum, qui Europa omni domita, transgressi in Asiam, incognitum fama aperuerint armis orbem terrarum: nec ante vincere desierint, quam rubro mari inclusis, quod vincerent, (1) defuerit. At hercule nunc non de ultimis Indiæ oris, sed de ipsius Macedonia possessione certamen fortunam indixisse. Cum patre suo gerentes bellum Romanos, speciosum Græciæ liberandæ tulisse titulum: nunc propalam Macedoniam in servitutem petere, ne rex vicinus imperio sit Romano, ne gens bello nobilis arma habeat. Hæc enim tradenda superbis dominis esse cum rege regnoque, si absistere bello, & facere imperata velint. Cum per omnem orationem satis frequenti assensu succlamatum esset; tum vero ea vociferatio simul indignantium minitantiūque, partim jubentium bonum animum habere regem, exorta est, ut finem dicendi faceret, tantum jussis ad iter parari: jam enim dici, movere castra ab Nymphæo Romanos. Concione dimissa, ad audiendas legationes civitatum Macedonia se contulit. Venerant autem ad pecunias pro facultatibus quæque suis, & frumentum pollicendum ad bellum. Omnibus gratiæ actæ, remissum omnibus; satis regio apparatus ad ea dictum sufficere: vehicula tantum imperata, ut tormenta, telorumque missilium ingentem vim præparatam, bellicumque aliud instrumentum veherent. Profectus inde, toto exercitu Heordæam petens, ad Begorritem quem vocant lacum positis castris, postero die in Elimæam ad Haliacmona fluvium processit.

V 5

De-

(1) non deerat Alexandro quod vinceret ultra Indum, & Gangem, sed ejus victorias Perseus exaggerat, quo Macedonibus addat animos.

Deinde saltu angusto superatis montibus, quos Cambunios vocant, descendit ad (Tripolim vocant) Azorum, Pithium, & Dolichen incolentes. Hæc tria oppida paulisper cunctata, quia obsides Larissæis dederant, victa tamen præsentimetu in deditionem concesserunt. Benigne his appellatis, haud dubius Perræbos quoque idem facturos, urbem, nihil cunctatis qui incolebant, primo adventu recipit. Cyretias oppugnare conatus, primo etiam die acri concursu ad portas armatorum est repulsus: postero die omnibus copiis adortus, in deditionem omnes ante noctem accepit. Mylæ proximum oppidum, ita munitum, ut inexsuperabilis munimenti spes incolas ferociores faceret, non portas claudere regi satis habuerunt; sed probris quoque in ipsum, Macedonasque procacibus * jaculati sunt. Quæ res cum infestiores hostem ad oppugnandum fecisset, ipsos desperatione veniæ ad tuendos sese acrius accendit. Itaque per triduum ingentibus utrinque animis & oppugnatae sunt, & defensione. Multitudo Macedonum ad subeundum invicem prælium haud difficulter succedebat: oppidanos diem noctem eisdem tuentes moenia, non vulnera modo, sed etiam vigiliæ & continens labor conficiebat. Quarto die cum & scalæ undique ad muros erigerentur, & porta vi majore oppugnaretur, oppidani depulsi muris ad portam tuendam concurrunt, eruptionemque repentinam in hostes faciunt: quæ cum iræ magis inconsultæ, quam veræ fiduciæ virium esset, pauci & fessi ab integris pulsi terga dederunt, fugientesque per patentem portam hostes acceperunt. Ita capta urbs, ac direpta est: libera quoque corpora, quæ cædibus superfuerunt, venundata. Diruto magna ex parte & incenso oppido, profectus ad Phalannam castra movit: inde postero die Cyrtonem pervenit. Quo cum T. Minutium Rufum, & Hippium Thessalorum prætores cum præsidio intrasse accepisset; ne tentata quidem oppugnatione prætergressus, Elatiam & Gonnum, perculsis inopinato adventu oppidanis, recepit.

Utra-

Utraque oppida in faucibus sunt, (1) quæ Tempe adeunt, magis Gonnus: itaque & firmitiore id præsidio tutum equitum peditumque, ad hoc fossa triplici ac vallo munitum reliquit. Ipse ad Sycurium progressus, opperiri ibi hostium adventum statuit: simul & frumentari passim exercitum jubet in subiecto hostium agrò. Nanque Sycurium est sub radicibus Offæ montis: qua in meridiem vergit, subiectos habet Thessaliæ campos, ab tergo Macedoniam atque Magnesiā. Ad has opportunitates accedit summa salubritas & copia, pluribus circumjectis fontibus perennium aquarum.

CAPUT XLI.

P. Licinius cos., motis castris ab Nymphæo, expertus admodum difficile iter per Athamaniam, pervenit in Thessaliam; ubi habet castra rex Perseus.

COS. Romanus per eisdem dies Thessaliam 35. cum exercitu petens, iter expeditum primo per Epirum habuit: deinde postquam in Athamaniam est transgressus, asperi ac prope invii foli, cum ingenti difficultate parvis itineribus ægre Gomphos pervenit. cui si vexatis hominibus equisque, tyronem exercitum ducenti, acie instructa & loco suo & tempore obstitisset rex; ne Romani quidem abnuunt magna sua cum clade fuisse pugnatos. Postquam Gomphos sine certamine ventum est, præter gaudium periculosi saltus superari, contemptus quoque hostium adeo ignorantium opportunitates suas accessit. Sacrificio rite perfecto COS. & frumento dato militibus, paucos ad requiem jumentorum hominumque moratus dies, cum audiret vagari Macedonas effusos per Thessaliam, vastarique sociorum agros, satis jam refectum militem ad Larissam ducit. Inde cum III. millia ferme abesset a

V 6 Tri-

(1) alii: qua Tempe adeuntur.

Tripoli (Scæam vocant) super Peneum amnem posuit castra .

CAPUT XLII.

Rex Eumenes Chalcidem cum auxiliis venit : relicta ibi parte copiarum , cum reliquis ad Licinium cos. super Peneum amnem castra habentem , pergit : aliorum quoque sociorum auxilia Chalcidem conveniunt : interim navalis Romanorum exercitus in Bœotia Haliartum circumfidet .

56. **P**ER idem tempus Eumenes ad Chalcidem navibus accessit cum Attalo atque Athenæo fratribus , Philetæro fratre relicto Pergami ad tutelam regni . inde cum Attalo & quatuor millibus peditum , mille equitum ad COS. venit . Chalcide relicta duo millia peditum , quibus Athenæus præpositus . Et alia eodem auxilia Romanis ex omnibus undique Græciæ populis convenerunt , quorum pleraque (adeo parva erant) in oblivionem adducta . Apolloniæ CCC. equites , centum pedites miserunt . Ætolorum alæ unius instar , quantum in tota gente equitum erat , venerant . & Thessalorum omnis equitatus separatus erat . non plus quam CCC. erant equites in castris Romanis . Achæi juventutis suæ , Cretico maxime armatu , ad mille dederunt . Sub idem tempus & C. Lucretius prætor , qui navibus præerat ad Cephalleniam , M. Lucretio fratre cum classe super Maleam Chalcidem jussu petere , ipse triremem conscendit ; sinum Corinthium petens ad præoccupandas in Bœotia res . tardior ei navigatio propter infirmitatem corporis fuit . M. Lucretius Chalcidem adveniens , cum a P. Lentulo Haliartum oppugnari audisset , nuntium prætoris verbis , qui abscedere eum inde juberet , misit . Bœotorum juventute , quæ pars cum Romanis stabat , eam rem aggressus legatus a mœnibus abcessit . Hæc soluta obsidio locum alteri novæ obsidioni dedit : nanque extemplo M. Lucretius cum exercitu navali X. millibus armatorum ,

rum, ad hoc duobus millibus regionum, qui sub Athenæo erant, Haliartum circumsedit: parantibusque jam oppugnare supervenit a Creusa prætor. Ad idem fere tempus & ab sociis naves Chalcidem convenerunt: duæ Punicæ quinqueremes, duæ ab Heraclea ex Ponto triremes. quatuor Chalcedone, totidem Samo, tum quinque Rhodiæ quadriremes. prætor, quia nusquam erat maritimum bellum, remisit (1) sociis, & Q. Martius Chalcidem navibus venit, Halope capta, Larissa, quæ Cremaste dicitur, oppugnata.

CAPUT XLIII.

P. Licinius cos. in Thessalia, commisso dubia fortuna cum rege Perseo levi certamine, congregitur deinde equestri prælio; quo superatus procul ab hoste castra movet: rex Perseus victoria, consulisque trepidatione elatus, milites, alacres parva præda, oratione insuper inflammat.

Cum hic status in Bœotia esset, Perseus cum ad Sycurium (sicut ante dictum est) stativa haberet; frumento undique circa ex agris convento, ad vastandum agrum Pheræorum misit: ratus ad juvandas sociorum urbes, longius ab castris abstractos deprehendi Romanos posse. Quos cum eo tumultu nihil motos animadvertisset, * ^{al.} prædam quidem, præterquam hominum, (pecora ^{præda quod erat.} autem maxime omnis generis fuere,) divisit ad epulandum militibus. Sub idem deinde tempus ^{57.} concilium & consul & rex habuerunt, unde bellum ordirentur. Regis creverunt animi vastatione concessa sibi ab hoste Pheræi agri. Itaque eundem inde ad castra, nec dandum ultra spatium cunctandi censebat. & Romani censebant cunctationem suam infamem apud socios esse, maxime indigne ferentes non latam Pheræis opem. consultantibus quid agerent, (aderant autem

(1) alii: socios, scil. donum dimisit.

tem Eumenes & Attalus in concilio) trepidus nuntius affert, hostem magno agmine adesse. Concilio dimisso, signum extemplo datur, ut arma capiant. Interimplacet ex regiis auxiliis centum equites & parem numerum jaculatorum peditum exire. Perseus hora ferme diei quarta cum paulo plus mille passus abesset a castris Romanis, consistere signa peditum iussit: prægressus ipse cum equitibus ac levi armatura, & Cotys cum eo ducesque aliorum auxiliorum præcesserunt. Minus quingentos passus ab castris aberant, cum in conspectu fuere (1) hostium equites. duæ alæ erant magna ex parte Gallorum: Cassignatus præerat, & levis armaturæ centum fere & quinquaginta Myfi aut Cretenses. Constitit rex, incertus quantum esset (2) hostium. Duas inde ex agmine turmas Thracum, duas Macedonum, cum binis Cretensium cohortibus & Thracum misit. Prælium, cum pares numero essent, neque ab hac aut illa parte nova auxilia subvenirent, incerta victoria finitum est. Eumenis ferme XXX. intercepti: inter quos Cassignatus dux Gallorum cecidit. & tunc quidem Perseus ad Sycurium copias reduxit: postero die circa eandem horam in eundem locum rex copias admovit, plaustis cum aqua sequentibus: nam duodecim millium passuum via omnis sine aqua & plurimi pulveriserat: affectosque siti, si primo in conspectu dimicassent, pugnatuuros fuisse apparebat. Cum Romani quiescent, stationibus etiam intra vallum reductis, regii quoque in castra redeunt. Hoc per aliquot dies fecerunt, sperantes fore ut Romani equites abeuntium novissimum agmen aggrederentur: inde certamine orto, cum longius a castris eos eliciissent, facile, ubi ubi essent, se, qui equitatu & levi armatura plus possent, 58. conversuros aciem. Postquam inceptum non succedebat, castra propius hostem movit rex, & a quinque millibus passuum communiit. Inde luce prima in eodem, quo solebat, loco peditum acie in-

(1) *Macedonum.* (2) *Romanorum.*

instrueta, equitatum omnem levemque armaturam ad castra hostium ducit. Visus & plurium & propior solito pulvis trepidationem in castris Romanis fecit: & primo vix creditum nuntianti est, quia prioribus continuis diebus nunquam ante horam quartam hostis apparuerat, tum solis ortus erat. Deinde ut plurium clamore & cursu a portis dubitatio exempta est, tumultus ingens oboritur. tribuni praefectique & centuriones in praetorium, miles ad sua quisque tentoria discurrit. Minus quingentos passus a vallo instruxerat Perseus suos, circa tumulum, quem Calicinum vocant. Laevo cornu Cotys rex praerat cum omnibus suae gentis: equitum ordines levis armatura interposita distinguebat. In dextro cornu Macedones erant equites, intermixti turmis eorum Cretenses. Huic armaturae Milo Beroeus, equitibus & summae (1) parti ejus Meno Antigonensis praerat. Proximi cornibus constiterant regii equites, & mixtum genus delecta plurium gentium auxilia: Patrocles Antigonensis his, & Paeoniae praefectus Didas, erant praepositi. Medius omnium rex erat. circa eum agema quod vocant, equitumque (2) sacrae alae. ante se statuit funditores jaculatoresque. quadringentorum manus utraque numerum expleverat. Jonem Thessalonicensem & Timanora Dolopem iis praefecit. Sic regii constiterant. Consul intra vallum peditum acie instrueta, & ipse equitatum omnem cum levi armatura misit. pro vallo instructi sunt. Dextro cornu praepositus C. Licinius Crassus consulis frater cum omni Italico equitatu, velitibus intermixtis: sinistro M. Valerius Laevinus sociorum ex Graecis populis equites habebat, ejusdem gentis levem armaturam. Mediam autem aciem cum de-

(1) lege, partis, h. e. dextri cornu; cum Cotys sinistro praesset, Meno ex Antigonis urbe habebat summum, seu praecipuum imperium in dextro.

(2) alae dictae Sacrae fortasse quae ab Arriano 3. 11. regiae vocantur. quae tuenda Regi speciatim additae erant.

59. delectis equitibus extraordinariis tenebat Q. Mu-
tius. CC. equites Galli ante signa horum instru-
cti, & de auxiliis Eumenis Cyrtiorum gentis
CCC. Theffali CCCC. equites parvo intervallo
super lævum cornu locati. Eumenes rex Attalus-
que cum omni manu sua ab tergo inter postremam
aciem ac vallum steterunt. In hunc modum ma-
xime instructæ acies, par ferme utrinque numerus
equitum ac levis armaturæ concurrunt; a fundi-
toribus jaculatoribusque, qui præcesserunt, præ-
lio orto. Primi omnium Thraces, haud secus,
quam diu claustris retentæ feræ, concitati cum
ingenti clamore in dextrum cornu Italicos equi-
tes incurrerunt: ut usu belli & ingenio impavi-
da gens turbaretur. (1) * gladiis hastas pete-
re pedites, nunc succidere crura equis, nunc ilia
suffodere. Perseus in mediam investus aciem,
Græcos primo impetu avertit: quibus cum gravis
ab tergo instaret hostis, Theffalorum equitatus,
qui a lævo cornu brevi spatio disjunctus in sub-
sidiis fuerat, extra concursum primo spectator cer-
taminis, deinde inclinata re maximo usui fuit.
Cedentes enim sensim integris ordinibus, post-
quam se Eumenis auxiliis adjunxerunt, & cum eo
tutum inter ordines suos receptum sociis fuga dis-
sipatis dabant: & cum minus conferti hostes in-
starent, progredi etiam ausi, multos fugientium
obvios exceperunt. Nec regii, sparsi jam ipsi pas-
sim sequendo, cum ordinatis & certo incedenti-
bus gradu manus conferere audebant; cum victor
equestri prælio rex parvo momento si adjuvisset,
* debellatum esset; opportune (2) adhortanti
supervenit phalanx, quam sua sponte, ne audaci
cocepto deessent, Hippias & Leonatus raptim ad-
duxerant, postquam prospere pugnasse equitem ac-
ceperunt. Fluctuante rege inter spem metumque
tantæ rei conandæ, Cretensis Evander, quo mi-
nistro Delphis ad insidias Eumenis regis usus e-
rat,

* al.
debel-
latus.
rus.

(1) hic erat lacuna. sensus tamen constat.

(2) alii: adhuc stanti.

rat, postquam agmen (1) * impeditum venien-
 tium sub signis vidit, ad regem accurrit, & ^{* al. peditum.}
 monere institit, ne elatus felicitate summam rerum
 temere in non necessariam aleam daret. Si contentus
 bene re gesta quiesset eo die, vel pacis honestæ condi-
 tionem habiturum, vel plurimos belli socios, qui for-
 tunam sequerentur, si bellare mallet. In hoc consi-
 lium pronior erat animus regis. Itaque collauda-
 to Evandro, signa referri, peditumque agmen re-
 dire in castra jubet, equitibus receptui canere.
 Cecidere eo die ab Romanis CC. equites, duo
 millia haud minus peditum, capti ferme CC. e-
 quites: ex regiis autem XX. equites, XL. pedi-
 tes interfecti. Postquam redire in castra victores
 omnes quidem læti, ante alios Thracum insolens
 lætitia eminebat. cum cantu enim (2) superfixa
 capita hostium portantes redierunt. Apud Roma-
 nos non mœstitia tantum ex male gesta re, sed
 pavor etiam erat, ne extemplo castra hostis aggre-
 deretur. Eumenes suadere, ut trans Penum
 transferret castra, ut pro munimento amnem ha-
 beret, dum perculsi milites animos colligerent.
 COS. (3) moveri flagitio timoris fatendi: victus
 tamen ratione, silentio noctis transductis copiis,
 castra in ulteriore ripa communit. Rex postero
 die ad laceffendos prælio hostes progressus, post-
 quam trans amnem in tuto posita castra animad-
 vertit, fatebatur quidem peccatum, quod pridie
 non institisset victis: sed aliquanto maiorem cul-
 pam esse, quod nocte foret cessatum. Nam ut ne-
 minem alium suorum moveret, levi armatura im-
 missa, trepidantium in transitu fluminis hostium
 deleri magna ex parte copias potuisse. Romanis
 quidem præsens pavor demptus erat, in tuto ca-
 stra habentibus. damnum inter cetera præcipue
 fame

- (1) an impeditum, ratione pugnae quæ incunda e-
 rat? melior enim illa, si pugna stataria commit-
 tenda foret. at si loco moveri, & cedenti hosti in-
 stare deberet, impedita propter hastarum longitudi-
 nem. v. supra 32. n. 17. 33. n. 8. (2) hastis.
 (3) commovebatur turpitudine.

fame movebat . & in consilio apud COS. pro se quisque in Ætolos conferebant causam : ab iis fugę terrorisque principium ortum : secutos pavorem Ætolorum & cęteros socios Gręcorum populorum . Quinque principes Ætolorum primi terga vertentes conspecti dicebantur . (1) Thessali pro concione laudati , ducesque eorum etiam virtutis causa donati . Ad regem spolia cęsorum hostium referebantur : dona ex his aliis arma insignia , aliis equos , quibusdam captivos dono dabat . Scuta erant supra M. D. lorice , thoracesque M. amplius summam explebant ; galearum gladiatorumque & missilium omnis generis major aliquanto numerus . Hęc per se ampla , pleraque multiplicata verbis regis , quę ad concionem vocato exercitu habuit . *Præjudicatum eventum belli habetis : meliorem partem hostium , equitatum Rom. quo invictos se esse gloriabantur , fudistis . equites enim illis principes juventutis , equites seminarium senatus : inde lectos in patrum numerum consules , inde imperatores creant . Horum spolia paulo ante divisimus inter vos . Nec minorem de legionibus peditum victoriam habetis , quę nocturna fuga vobis subtracta , naufragorum trepidatione passim natantium flumen compleverunt . Sed facilius nobis sequentibus victos Peneum superare erit , quam illis trepidantibus fuit : transgressique extemplo castra oppugnabimus , quę hodie cepissemus , ni fugissent . Aut si acie decernere volent , eundem pugnæ pedestris eventum expectate , qui equitum in certamine fuerit .* Et qui vicerant , alacres spolia cęsorum hostium humeris gerentes (2) * ante ora sua audivere , ex eo quod acciderat , spem futuri præcipientes : & pedites aliena gloria accensi , præcipue qui Macedonum phalangis erant , sibi quoque & navandę regi operę , & similem gloriam ex hoste pariendi occasionem optabant . Concione dimissa , postero die profectus inde ad Mopsium posuit castra . tumultus hic inter Tempe & Larissam
me-

* al.
faci-
nora.

(1) qui inclinata re maximo usui fuerunt supra .

(2 .) si quid ante ora sua significat , coram significat . Alii : facinora sua ,

medius est. Romani non abscedentes ab ripa Penei, transtulerunt in locum tutiorem castra. Eo Misagenes Numida venit cum M. equitibus, pari peditum numero; ad hoc elephantis duobus & XX.

CAPUT XLIV.

Rex Perseus post superatum equestri praelio Licinium cos., ex amicorum consilio mittit ad eum legatos de pace; pecunia quoque sollicitato frustra consulis animo, parat belli casum tentare.

PER eos dies consilium habenti regi de summa, cum jam confedisset ferocia ab re bene gesta, ausi sunt quidam amicorum consilium dare, ut secunda fortuna * in conditione honestæ pacis uteretur, potius, quam spe vana evectus in casum irrevocabilem se daret. Modum imponere secundis rebus, nec nimis credere serenitati præsentis fortunæ, prudentis hominis & merito felicitis esse. Mitteret ad COS. qui fœdus in easdem leges renovarent, quibus Philippus pater ejus pacem a T. Quintio victore accepisset. neque finiri bellum magnificentius, quam a tam memorabili pugna: neque spem firmiorem pacis perpetuæ dari, quam quæ perculsos adverso praelio Romanos molliores facturâ sit ad paciscendum. Quod si Romani tum quoque insita pertinacia æqua aspernarentur, deos hominesque, & moderationis Persei, & illorum pervicacis superbie, futuros testes. Nunquam ab talibus consiliis abhorrebat regis animus. itaque plurium assensu comprobata est sententia. Legati ad COS. missi, adhibito frequenti consilio audiri sunt. Pacem petere, veltigal quantum Philippus pactus esset, daturum Perseæ Romanis pollicentes: urbibus agrisque, quibus Philippus cessisset, cessurum * Perseum. Hæc legati. Summotis his cum consultarent, Romana constantia vicit in consilio. Ita tum mos erat, in adversis vultum secundæ fortunæ gerere, moderari animos in secundis. Responderi placuit; ita pacem dari, si de summa

verum liberum senatui permittat rex de se deque universa Macedonia statuendi jus. Hæc cum renuntiassent legati, (1) miraculo ignaris moris pertinacia Romanorum esse: & plerique vetare amplius mentionem pacis facere. ultro mox quæsituros quod oblatum fastidiant. Perseus hanc ipsam superbiam, quippe ex fiducia virium esse, timere: & summam pecuniæ augens, si pretio pacem emere posset, non destitit animum COS. tentare. postquam nihil ex eo, quod primo responderat, mutabat: desperata pace, ad Sycurium, unde profectus erat, rediit, belli casum de integro tentaturus.

C A P U T XLV.

Vulgata per Græciam fama equestris prælii, infelicitè & Licinio cos. cum Perseo commissi, detegit hominum animos in Romanos.

63. **F**ama equestris pugnae vulgata per Græciam, nudavit voluntates hominum. non enim solum qui partis Macedonum erant, sed plerique ingentibus Romanorum obligati beneficiis, quidam vim * superbiamque experti, læti eam famam acceperere: non ob aliam causam, quam pravo studio, quo etiam in certaminibus ludicris vulgus utitur, deteriori atque infirmiori favendo.

* al.
ad-
dunt
Ma-
cedo-
rum.

C A P U T XLVI.

C. Lucretius prætor in Bæotia Haliartum urbem acriter obsessam tandem expugnat: Thebas inde se convertens, sine certamine recipit.

Eodem tempore in Bæotia summa vi Haliartum Lucretius prætor oppugnavit. & quamquam nec habebant externa auxilia obsessi, præter

(1) pro miraculo erat pertinacia Romanorum Macedonibus ignaris moris eorumdem.

ter Coronæorum juniores, qui prima obsidione mœnia intraverant, neque sperabant: tamen ipsi animis magis quam viribus resistebant. Nam & eruptiones in opera crebro faciebant, & arietem admotum libramento plumbi gravatum ad terram urgebant: & si qua declinarent qui (1) agebant ictum, pro diruto muro novum tumultuario opere, raptim ex ipsa ruinæ strage congestis saxis, extruebant. Cum operibus oppugnatio lentior esset, scalas per manipulos dividi prætor jussit, ut corona undique mœnia aggressurus: eo magis suffecturam ad id multitudinem ratus, quod, qua parte palus urbem cingit, nec attinebat oppugnari, nec poterat. Ipse ab ea parte, qua duæ turres, quodque inter eas muri prorutum fuerat, duo M. militum delectorum admovit; ut eodem tempore, quo ipse transcendere ruinas conaretur, concursu adversus se oppidanorum facto, scalis vacua defensoribus mœnia capi parte aliqua possent. Haud segniter oppidani vim ejus arcere parant. Nam super stratum ruinis locum fascibus aridis sarmentorum injectis, stantes cum ardentibus facibus accensuros ea se sæpe minabantur, ut incendio intersepti ab hoste spatium ad obijciendum interiorem murum haberent. quod incoëptum eorum fors impediit. Nam tantus repente effusus est imber, ut nec accendi facile pateretur, & extingueret accensa. Itaque & transitus per distracta fumantia virgulta patuit, & in unius loci præsidium omnibus versis, mœnia quoque pluribus simul partibus scalis capiuntur. In primo tumultu captæ urbis seniores impubesque, quos casus obvios obtulit, passim cæsi: armati in arcem confugerunt: & postero die cum spei nihil superesset, deditione facta, sub corona venierunt. fuerunt autem M M. ferme & D. ornamenta urbis, statuæ, & tabulæ pictæ, & quicquid pretiosæ prædæ fuit, ad naves delatum: urbs diruta a fundamentis. inde Thebas ductus exercitus. quibus sine certamine receptis,

ur-

(1) arietem; ut hinc muri partem prouerent.

urbem tradidit exulibus, & qui Romanorum partis erant: adversæ factionis hominum, fautorumque regis ac Macedonum familias sub corona vendidit. His gestis in Bœotia, ad mare ac naves rediit.

CAPUT XLVII.

Rex Perseus ab Sycurio clam ad castra Rom. accedit. conatus ibi frumentum ex agris congestum incendere, repellitur: occupatis tumulis, tentat deinde equestre prælium: ubi nihil movet, denuo ad Sycurium signa convertit.

64. **C**UM hæc in Bœotia gererentur, Perseus ad Sycurium stativa dierum aliquot habuit. Ubi cum audisset, raptim Romanos circa ex agris demessum frumentum convehere, deinde ante sua quæque tentoria spicas fascibus defecantem, quo purius frumentum tereret, ingentes acervos per tota castra stramentorum fecisse: ratus incendio opportuna esse, faces tædamque & malleolos stuppæ illitos pice parari jubet: atque ita media nocte profectus, ut prima luce aggressus falleret, nequicquam *tentavit*. (1) Nam primæ stationes oppressæ tumultu ac terrore suo cæteros exciverunt: signumque datum est arma extemplo capiendi, simulque in vallo ad portas miles instructus erat, & intentus propugnationi castrorum. Perseus & extemplo circumegit aciem, & prima impedimenta ire, deinde peditum signa ferri iussit. Ipse cum equitatu & levi armatura substitit ad agmen cogendum, ratus id quod accidit, insecuturos ad extrema ab tergo carpenda hostes. Breve certamen levis armaturæ maxime cum procuratoribus fuit. equites peditesque sine tumultu in castra redierunt. Demessis circa segetibus, Romani ad Crannonium intactum agrum castra movent. Ibi cum securi, & propter ca-

(1) *has duas voces apposuit Sigon. iis tamen omissis, sensus constat.*

castrorum longinquitatem, & viæ inopis aquarum difficultatem, quæ inter Sycurium & Crannonon est, stativa haberent, repente prima luce in imminentibus tumulis equitatus regius cum levi armatura visus ingentem tumultum fecit. Pridie per meridiem profecti ab Sycurio erant: peditum agmen sub lucem reliquerant in proxima planicie. Stetit paulisper in tumulis, elici posse ratns ad equestre certamen Romanos. qui postquam nihil movebant, equitem mittit, qui pedites referre ad Sycurium signa juberet; ipse mox insecutus. Romani equites modico intervallo sequentes, sicubi sparsos ac dissipatos invadere possent, postquam confertos abire signa atque ordines servantes viderunt, & ipsi in castra redeunt.

CAPUT XLVIII.

Rex Perseus in frumentatores Romanos prospero successu impetum facit: proximum deinde aggressus Rom. præsidium, vehementer oppugnat: superveniente Lic. cos. ad ferendum obsessis auxilium, prælium conferitur: Perseus ingentem cladem (quidam auctores sunt) accipit: profectus ex Thessalia in Macedoniam se recipit.

INde offensus longinquitate itineris rex, ad 65.
Mopsium castra movit. & Romani demessis Crannonis segetibus, in Phalannæum agrum transeunt. Ibi cum ex transfuga cognosset rex, sine ullo armato præsidio passim vagantes per agros Romanos metere, cum M. equitibus, duobus millibus Thracum, & Cretensum profectus, cum quantum accelerare poterat, effuso agmine issent, improvise aggressus est Romanos. Juncta vehicula, pleraque onusta, M. admodum capiuntur, DC. ferme homines. Prædam custodiendam ducendamque in castra CCC. Cretensum dedit. Ipse, revocato ab effusa cæde equite, & reliquis peditum, ducit ad proximum præsidium, ratus haud magno certamine opprimi posse. L. Pompejus

pejus tribunus militum præerat, qui perculosos milites repentino hostium adventu, in propinquum tumultum recepit, loci se præsidio, quia numero & viribus impar erat, defensurus. Ibi cum in orbem milites coegisset, ut densatis scutis ab iactu sagittarum & jaculorum sese tuerentur; Perseus, circumdato armatis tumultu, alios ascensum undique tentare jubet, & cominus prælium conferere, alios eminus tela ingerere. Anceps Romanos terror circumstabat: nam neque conferti pugnare, propter eos qui ascendere in tumultum conabantur, poterant: & ubi ordines procurfando solvissent, patebant jaculis sagittisve. Maxime cestrophendonis vulnerabantur. hoc illo bello novum genus teli inventum est. Bipalme spiculum hastili semicubitali infixum erat, crassitudine digiti. huic ad libramen (1) pinnae tres, velut sagittis solent, circumdabantur: (2) funda media, duo funalia imparia habebant. cum majori sinu (3) libratum fuaditor habena rotaret, excussum velut glans emicabat. Cum & hoc & alio omni genere telorum pars vulnerata militum esset, nec facile jam arma fessi sustinerent: instare rex ut dederent se, fidem dare, præmia interdum polliceri: nec cujusquam ad deditionem hætebatur animus, cum ex insperato jam obstinatis mori spes affulsit. Nam cum ex frumentatoribus refugientes quidam in castra, nuntiaissent COS. circumsideri præsidium: motus periculo tot civium (nam DCCC. ferme & omnes Romani erant) cum equitatu ac levi armatura (accesse-

-
- (1) pinnae circumdatae efficiebant, ut teli volatus librior, certiorque esset.
 (2) funda, quæ medio hastili inhaerebat, habebat, (ita lego, pro habebant) duas chordas impares, id est funalia. prius funale brevius, posterius, majus & latius, ut telum aptius sustineret. hinc majorem sinum efficiebat.
 (3) telum. plura pete a Turn. 30. adv. 32. v. etiam Lips. 4. Poliorc. 3.

ferant nova auxilia Numidæ pedites equitesque & elephantum) castris egreditur : & tribunis militum imperat , ut legionum signa sequantur . Ipse, velut ad firmanda levium armorum auxilia adjectis, ad tumulum præcedit . Consul latera tegunt Eumenes , Attalus , & Misagenes regulus Numidarum . Cum in conspectu prima signa suorum circumfessis fuerunt, Romanis quidem ab ultima desperatione recreatus est animus . Perseus, cui primum omnium fuerat , ut contentus fortuito successu , captis aliquot frumentatoribus occisisque , non tereret tempus in obsidione præsidii ; secundum, ea quoque tentata utcumque, cum sciret nihil roboris secum esse, dum liceret intacto, abire ; & ipse hostium adventum elatus successu mansit, & qui phalangem arcefferent, propere misit, qua & serius quam res postulabat, & raptim acta, turbati cursu adversus instructos & præparatos erant adventuri . COS. anteveniens, extemplo prælium conferuit . Primo resistere Macedones . deinde ut nulla re pares erant , amissis CCC. peditibus , XXIII. primoribus equitum ex ala , quam Sacram vocant, inter quos Antimachus etiam præfectus alæ cecidit, abire conantur . Cæterum iter prope ipso prælio tumultuosius fuit . Phalanx abs trepido nuntio accita cum raptim duceretur , primo in angustiis captivorum agmini oblata , vehiculisque frumento onustis : iis cæsis, ingens ibi vexatio partis (1) utriusque fuit ; nullo expectante * utcumque explicaretur agmen : sed armatis detrudentibus per præceps impedimenta (neque enim aliter via aperiri poterat) iumentis, cum stimulantur, in turba sævientibus . Vix ab incondito agmine captivorum expedierant sese , cum regio agmini percussisque equitibus occurrunt . Ibi vero clamor iubentium referre signa, ruinæ quoque prope similem trepidationem fecit ; ut si hostes introire angustias ausi longius insecuti essent, magna clades accipi potuerit .

Tom. IV.

X

COS.

* al.
dum
ut-
rum-
que.

(1) ut invicem locum daret .

COS. recepto ex tumulo præsidio, contentus modico successu, in castra copias reduxit. Sunt qui eo die magno prælio pugnatum auctores sint. VIII. millia hostium cæsa, in his Sopatrum & Antipatrum regios duces: vivos captos circiter MMDCCC. Signa militaria capta XXVII. Nec incruentam victoriam fuisse: supra quatuor millia & CCC de exercitu consulis cecidisse: signa 67. finistræ alæ quinque amissa. Hic dies & Romanis refecit animos, & Persea perculit, ut dies paucos ad Mopsium moratus, sepulturæ maxime militum amissorum cura, præsidio satis valido ad Gonnum relicto, in Macedoniam reciperet copias. Timotheum quendam ex regiis præfectis cum modicâ manu relinquit ad Philam, iussu Magnetæ & propinquos tentare. Cum Pellam venisset, exercitu in hiberna dimisso, ipse cum Cotye Thessalonicam est profectus. Eo fama affertur, Atlesbium regulum Thracum, & Corragum Eumenis præfectum, in Cotyis fines impetum fecisse, & regionem Marenen, quam vocant, cepisse. Itaque dimittendum Cotyn ad sua tuenda ratus, magnis proficiscentem donis prosequitur. Ducenta talenta, semestris stipendium equitatui numerat, cum primo (1) annum dare constituisset,

C A P U T XLIX.

P. Licinius cos., profecto in Macedoniam Perseo rege, ipse quoque, divisus per Thessaliam præsidiis, redactisque in potestatem multis oppidis, in Bæotiam, & Thebanis arcessitus, venit,

COS. postquam profectum Persea audivit, ad Gonnum castra movet, si potiri oppido posset. Ante ipsa Tempe in faucibus (2) situm, Macedoniæ claustra tutissima præbet, & in Thessaliam opportunum Macedonibus decursum. Cum
&

(1) ea tamen ducenta talenta, non plura.
(2) oppidum.

LIB. XLII. CAP. XLVIII. 471

& loco & præsidio valido inexpugnabilis * res ^{* al. Urb.} esset, abstulit incepto. In Perræbiam flexis itineribus, Malloea primo impetu capta ac direpta, Tripoli aliaque Perræbia recepta, Larissam rediit. inde Eumene atque Attalo domum remissis, Misagenem Numidasque in hiberna in proximis Thessalis urbibus distribuit. & partem exercitus ita per totam Thessaliam divisit, ut & hiberna commoda omnes haberent, & præsidio urbibus essent. Q. Mutium legatum cum duobus millibus ad obtinendam Ambraciam misit. Græcarum civitatum socios omnes præter Achæos dimisit. cum exercitus parte profectus in Achajam Phthiotim, Pteleum desertum fuga oppidanorum diruit a fundamentis. Antrona voluntate colentium recepit. Ad Larissam deinde exercitum admovit. urbs deserta erat: in arcem omnis multitudo concesserat: eam oppugnare aggreditur. Primi omnium Macedones, regium præsidium, metu excefferant. a quibus relictii oppidani, in deditionem extemplo veniunt. Dubitari inde, utrum Demetrias prius aggredienda foret, an in Bœotia * aspiciendæ res. Thebani, vexantibus eos Coronæis, in Bœotiam arcessiebant. ad horum preces, quia hibernis aptior regio, quam Magnesia erat, in Bœotiam duxit.

* al.
adi-
pi-
scen-
dæ.

LIBER XLIII.

CAPUT I.

*In Illyrico duo oppida, quæ venerant in deditio-
nem, diripiuntur: C. Cassium Cos., ex Gallia
provincia sua in Macedoniam proficiscentem, se-
natus revocat.*

1.



Adem æstate, qua in Theſſalia e-
queſtri pugna (1) vicere Romani,
legatus in Illyricum a COS. miſ-
ſus, opulenta duo oppida vi atque
armis coegit in deditio-
nem; omnia-
que iis ſua conceſſit, ut opinione
clementiæ eos, qui Carnuntum munitam urbem
incolebant, alliceret. Poſtquam nec ut dederent
ſe compellere, neque capere obſidendo poterat:
ne duabus oppugnationibus nequicquam fatigatus
miles eſſet: quas prius intactas urbes reliquerat,
diripuit. Alter COS. C. Caſſius nec in Gallia,
quam ſortitus erat, memorabile quicquam geſ-
ſit: & per Illyricum ducere legiones in Mac-
edoniam vano incepto eſt conatus. Ingreſſum
hoc iter conſulem, ſenatus ex Aquilejenſium le-
gatis cognovit: qui querentes coloniam ſuam
novam & infirmam, necdum ſatis munitam, in-
ter infeſtas nationes Iſtrorum & Illyriorum eſ-
ſe, cum peterent ut ſenatus curæ haberet, quo-
modo ea colonia muniretur; interrogati, vel-
lent ne eam rem C. Caſſio COS. mandari: reſ-
ponderunt, Caſſium Aquilejam indiſto exercitu,
profeſtum per Illyricum in Macedoniam eſſe.
Ea res primo incredibilis viſa, & pro ſe quiſ-
que credere, Carnis forſitan aut Iſtris bellum
illatum. Tum Aquilejenſes, nihil ſe ultra ſci-
re, nec audere affirmare, quam XXX. dierum
fru-

(1) primum victi l. præc. n. 59. deinde n. 66.
vicere.

frumentum militi datum: & duces, qui ex Italia itinera in Macedoniam nossent, conquisitos abductosque. Enimvero senatus indignari, tantum consulem ausum, ut suam provinciam relinqueret, in alienam transfiret: exercitum novo periculoso itinere inter exteras gentes duceret, viam tot nationibus in Italiam aperiret. Decernunt frequentes, ut C. Sulpicius prætor tres ex senatu nominet legatos, qui eo die profisciscantur ex urbe, & quantum accelerare possent, Cassium COS. ubicunque sit, persequantur: nuntient, ne bellum cum ulla gente moveat, nisi cum qua senatus gerendum censuerat. Legati III. profecti, M. Cornelius Cethegus, M. Fulvius, P. Martius Rex. Metus de consule atque exercitu distulit eo tempore muniendæ Aquilejæ curam.

CAPUT II.

Legati ex Hispania queruntur de nonnullis prætoribus, qui avaræ superbeque eam provinciam administraverant: duo accusati abeunt exulatum.

Hispaniæ deinde utriusque legati aliquot populorum in senatum introducti. Ii de magistratuum Romanorum avaritia superbiaque conquesti, nixi genibus ab senatu petierunt, ne se socios foedius spoliari vexarique, quam hostes, patiantur. Cum & alia indigna quererentur, manifestum autem esset pecunias captas; L. Canulejo prætori, qui Hispaniam sortitus erat, negotium datum est, ut in singulos, a quibus (1) Hispani pecunias peterent, quinos recuperatores ex ordine senatorio daret, patronosque quos vellent sumendi potestatem faceret. Vocatis in curiam legatis, recitatum est S. C. iussuque nominare patronos, quatuor nominaverunt, M. Porcium Catonem, P. Cornelium Cn. F. Scipionem, L. Ænilius M. F. Paulum, C. Sul-

X 3 pi-

(1) *tanquam actores.*

pitium Gallum. Cum M. Titinio primum, qui Prætor A. Manlio, M. Junio COSS. in citeriore Hispania fuerat, recuperatores (1) sumpserunt. Bis (2) ampliatus, tertio absolutus est reus. Dissensio inter duarum provinciarum legatos est orta: citerioris Hispaniæ populi M. Catonem & Scipionem; ulterioris L. Paulum & Gallum Sulpicium patronos sumpserunt. Ad recuperatores adducti a citerioribus populis P. Furius Philus: ab ulterioribus M. Matienus. Ille Sp. Postumio, Q. Murio COS. triennio ante, hic biennio prius L. Postumio, M. Popillio COSS. prætor fuerat. Gravissimis criminibus accusati ambo ampliati-que, cum dicenda de integro causa esset, excusati exilii causa solum vertisse. Furius Præneste, Matienus Tibur exulatum abierunt. Fama erat, prohiberi a patronis nobiles ac potentes compellare: auxitque eam suspicionem Canulejus prætor, quod omissa ea re delectum habere instituit: dein repente in provinciam abiit, ne plures ab Hispanis vexarentur. Ita (3) præteritis silentio oblitteratis, in futurum consultum ab senatu Hispanis: quod impetrarunt, ne frumenti æstimationem magistratus Romanus (4) haberet, neve cogeret (5) vicesimas vendere Hispanos quanti ipse velleret. & ne præfecti in oppida sua ad pecunias cogendas imponerentur.

CA-

- (1) *Legati sumpserunt recuperatores adversus M. Titinium.*
 (2) *dilatatum iudicium est.*
 (3) *qui præterito tempore Hispanos spoliaverant.*
 (4) *sed constitueretur pretium pro ratione liberi commercii, frumento, quod tributii nomine præstatur. nisi sensus est, ut magistratus non æstimationem frumenti exigeret, sed ipsum frumentum acciperet.*
 (5) *frumenti. quas vicesimas fortasse Hispani iubeantur Romanis vendere; in quam rem magistratus Romani pecuniam e Rep. accipiebant: statuto autem vilissimo pretio, partem pecuniæ ad se avertabant.*

CAPUT III.

Potentibus ab senatu per legatos oppidum hominibus, qui in Hispania ex Romanis militibus, & mulieribus Hispanis nati fuerant, Carteja colonia, appellata libertinorum, deducitur.

ET alia novi generis hominum ex Hispania legatio venit. Ex militibus Romanis, & ex Hispanis mulieribus, cum quibus (1) connubium non esset, natos se memorantes, supra quatuor millia hominum, orabant, ut sibi oppidum, in quo habitarent, daretur. senatus decrevit, uti nomina sua apud L. Canulejum profiterentur: eorumque si quos (2) manumississet, eos Cartejam ad Oceanum deduci placere. Qui Car-tejensium domi manere vellent, potestatem fore, ut in numero colonorum essent, agro assignato. Latinam eam coloniam * fuisse, libertinorum-^{* al. esse.} que appellari.

CAPUT IV.

Gulussa regis Masanissæ filius de auxiliis a patre missis ad bellum Macedonicum senatum certiores facit, simulque ut a Carthaginiensibus caveat, admonet.

EOdem tempore ex Africa & Gulussa Masanissæ regis filius legatus patris, & Carthaginienses venerunt. Gulussa prior in senatum introductus, & quæ missa erant ad bellum Macedonicum a patre suo, exposuit, & si qua præterea vellent imperare, præstaturum merito P. R. est pollicitus: & monuit Patres conscriptos, ut a fraude Carthaginiensium caverent. Classis eos magnæ parandæ consilium cepisse, specie pro Ro-

X 4 ma-

(1) connubii ius.

(2) ergo ex ancillis nati erant. nam partus sequitur ventrem.

manis, & adversus Macedonas: ubi ea parata instructaque esset, ipsorum fore potestatis, quem hostem aut socium habeant. [„ Egit deinde „ Masaniissæ causam de agro, de oppidis, quæ ablata sibi ab eo Carthaginienſes quererentur, „ magnaque contentione inter regulum, & legatos Carthaginienſes disceptatum. quæ ultro „ citroque jactata sint, quid a Senatu responsum fuerit, in incerto est. Quievit tamen velut sopita hæc controversia per aliquot annos. „ Renovata postea in acre bellum exarsit. quod „ adversus (1) Masaniissam a Pœnis susceptum cum Romanis gerendum fuit, nec nisi Carthaginis interitu finitum est. Hoc invenimus in Annalibus, puerum factum ex Virgine sub parentibus jussuque aruspicum deportatum in insulam desertam.

„ Habita sunt a C. Cassio consule Comititia, „ (2) quibus creati consules sunt A. Hostilius Mancinus, A. Atilius Serranus. Prætores inde facti M. Retius, Q. Mænius, L. Hortensius, Q. Ælius Pætus, T. Manlius Torquatus, C. Hostilius. Decretæ consulibus provinciæ Italia & Macedonia. Italia Atilio, Hostilio Macedonia obvenit. Prætores Retius urbanam jurisdictionem, peregrinam Mænius sortitus est. Classis cum ora maritima Græciæ Hortensio obtigit. Reliquæ prætoriæ provinciæ fuerunt procul dubio, quemadmodum anno priore, Hispania, Sicilia, Sardinia. Sed singulas quinam prætores obtinuerint silentibus veterum monumentis, certo sciri non potest. Interea P. Licinius, quasi ad bellum non cum Perſeo sed cum Græcis gerendum missus esset, inanes adversus justum hostem iras in miseros, & viribus impares vertit, compluresque in Bœotia, „ ubi hibernabat, urbes expugnavit, (3) & crudeliter diripuit. Coronæi maxime vexati cum

„ ad

(1) Appian. Pun.

(2) Fasti Capit. infra n. 4. & 11.

(3) Zonaras. epit. hujus lib. & c. 4. & 8.

„ ad Senatum confugissent, Patres decreverunt,
 „ ut captivi, qui sub corona venissent, in liber-
 „ tatem restituerentur. Consul crudelitatem,
 „ & avaritiam imitatus est, aut etiam superavit
 „ (1) Lucretius prætor, qui classi præerat, ad-
 „ versus socios ferox, hosti spernendus. Siqui-
 „ dem classem ad Oreum stantem adortus repen-
 „ te Perseus, naves onerarias frumentum por-
 „ tantes viginti cepit, reliquas depreffit, & qua-
 „ tuor etiam quinquereuib; potitus est. (2) Res
 „ quoque prospere gestę in Thracia a Perseo,
 „ cum eo ad Cotyn defendendum adversus A-
 „ tlesbis, & Corragi copias divertisset. Nec ve-
 „ ro ipse sibi Cotys defuit, vir bello strenuus,
 „ consilio præstans, Thrax genere solo, non mo-
 „ ribus. Nam & unicę sobrietatis, ac temperan-
 „ tię fuit, idemque clementia & moderatione a-
 „ nimi plane amabilis.

„ Cuncta Perseo ex voto fluebant. Nam & tunc
 „ Epirotarum gens in ejus partes transiit, au-
 „ ctore Cephalo, quem tamen ad defectionem ne-
 „ cessitas magis compulit, quam voluntas. Is,
 „ singulari prudentia, & constantia præditus,
 „ tum quoque optima mente erat. Deos enim
 „ immortales precatus fuerat, ut bellum inter
 „ Romanos & Persea ne conflaretur, neve de
 „ summa rerum decerneretur. At exorto bello
 „ statuerat ex foederis præscripto Romanos ju-
 „ vare: præter foederis autem leges nihil ultro
 „ facere, neque obsequi indecore, & turpiter.
 „ Turbavit hæc consilia Charopus quidam ejus
 „ Charopi, (3) qui saltum ad Aoum annem
 „ T. Quintio contra Philippum bellanti aperue-
 „ rat, nepos, vilis pontentiorum assentator, &
 „ mirus calumniarum in optimum quenque arti-
 „ fex. Romę educatus fuerat, missus ab avo in
 „ urbem, ut linguam Romanam litterasque per-

(1) *Plut. in Paulo.*

(2) *Epit. buj. lib. & Liv. l. 42. n. 67. Polyb. & Diod. apud Valesium.*

(3) *Liv. l. 32. c. 11. Polyb. & Diod. ubi supra.*

„ disceret . Hinc notus carusque plurimis Ro-
 „ manorum, cum revertisset domum, natura le-
 „ vis, & ingenio pravius, cum & Romana ei a-
 „ micitia faceret animos, principes viros usque
 „ allatrabat . Sed primo despiciebatur ab omni-
 „ bus, nec ulla ejus ratio habebatur . Postquam
 „ autem bellum Persicum conflatum est, cum ple-
 „ na omnia suspicionum in Græcia essent, mul-
 „ tis palam pluribus occulte Perseo studentibus,
 „ non destitit Charopuseos, qui auctoritate in-
 „ ter Epirotas præstabant, apud Romanos crimi-
 „ nari . Et speciem quamdam coloremque dabat
 „ ejus calumniis ea necessitudo, quæ olim Ce-
 „ phalo cæterisque eandem sectam sequentibus
 „ cum regibus Macedonum fuerat . Jam vero o-
 „ mnia illorum dicta factaque maligne explo-
 „ rans, & in pejus semper detorquens, verita-
 „ temque adjectis, detractisque, quæ voluerat,
 „ adulterans, fidem criminibus faciebat . Neque
 „ his tamen commovebantur Cephalus & ii, qui
 „ eorundem in republica consiliorum socii erant,
 „ freti egregia conscientia illibatæ erga Roma-
 „ nos fidei . Verum ubi illis criminationibus au-
 „ rem præbere Romanos senserunt, & principes
 „ quosdam Ætolorum, quos pariter suspectos fe-
 „ cerant obtrectatorum calumniæ, Romam addu-
 „ ctos, tum demum opus esse crediderunt, ut si-
 „ bi ipsi consularent . Cum autem nihil succur-
 „ reret præter regiam amicitiam, cum Perseo so-
 „ cietatem inire coacti sunt eique gentem suam
 „ tradere . Romæ A. Hostilius A. Atilius cons. i-
 „ nito magistratu, & peractis, quæ divina hu-
 „ manaque in urbe, & circa urbem fieri a cons.
 „ mos est, in provincias profecti sunt . Hosti-
 „ lius, cui Macedonia obtigerat, cum in Thes-
 „ saliam ad exercitum properaret, (1) Epi-
 „ rum, quæ nondum aperte defecerat, ingressus,
 „ parum absuit, quin incideret in Persei manus .
 „ Theodorus enim quidam, & Philostratus, ra-
 „ ti se se, si cum regi traderent, magnam gra-
 „ tiam

(1) Polyb. ubi supra.

„ tiam apud Persea inituros, & gravissimum in
 „ presentia Romanis damnum illaturos, ad re-
 „ gem litteras dedere, ut, quanta maxima pos-
 „ set celeritate; accurreret. Quod nisi & Per-
 „ seum objecta a Molossis ad Aoum annum mo-
 „ ra retardasset, & consul de imminente peri-
 „ culo monitus, ab instituto itinere deflexisset,
 „ vix videtur effugere potuisse. Igitur relicta E-
 „ piro navigavit Anticyram, unde in Thessaliam
 „ contendit. Ibi accepto exercitu ad hostem per-
 „ rexit. Sed nihilo felicius bellum administra-
 „ vit, quam priore anno gestum fuerat. (1)
 „ Nam & prelio commisso cum rege pulsus est,
 „ & cum primum per Elyneam vim facere ten-
 „ tasset, deinde per Thessaliam occulte moliri
 „ iter, ubique occurrente Perseo, vano conatu
 „ absistere coactus est. Nec Hortensius pretor,
 „ cui classis obtigerat, quidquam satis scite &
 „ fortunate egit, cujus ex rebus gestis nihil ad
 „ memoriam insignius est, (2) quam crudelis
 „ & perfida urbis Abderitarum direptio, cum in-
 „ toleranda sibi imposita onera deprecarentur. (3)
 „ Igitur Perseus Romanos jam despiciens, ac ve-
 „ lut otiosus plane & vacuus, corollarii vicem
 „ in Dardanos excursionem fecit, & decem mil-
 „ libus barbarorum interfectis, ingentem pre-
 „ dam abduxit.

„ Movere hoc anno Celtiberi in Hispania bel-
 „ lum, instigante novo duce (4) Olonico, (5)
 „ Salondicum quidam vocant. Is summa callidi-
 „ tate, & audacia hastam argenteam quatens
 „ velut cœlo missam, vaticinanti similis, omnium
 „ in se mentes converterat. Sed cum pari teme-
 „ ritate castra pretoris Romani, uno furiosi con-
 „ filii socio assumpto, sub noctem adiisset, pre-
 „ torem videlicet obtruncaturus, juxta tentorium
 „ ipsum pilo vigiliis exceptus est: socius pares
 „ solidi incepti poenas luit. Amborum capita

X 6

præ-

(1) Plut. in Paulo. (2) hoc lib. n. 4.

(3) Plut. (4) alii nominant Elonicum, alii
 Clondicum. (5) Flor. l. 2. c. 17.

„ præcidi statim jussit prætor, atque hastis suffi-
 „ xa delectis e numero captivorum tradi ad suos
 „ perferenda.

C A P U T V.

^{4.}
^{U. C.} ^{180.} **H**I] tantum pavorem ingressi castra ostentantes
 capita fecerunt, ut, si admotus extemplo
 exercitus foret, capi castra potuerint. Tum
 quoque fuga ingens facta est: & erant qui le-
 gatos mittendos ad pacem precibus petendam,
 censerent: civitatesque complures eo nuntio au-
 dito in deditionem venerunt. Quibus purganti-
 bus sese, culpamque in duorum amentiam con-
 ferentibus, qui se ultro ad poenam ipsi obtulis-
 sent, cum veniam dedisset prætor: profectus ex-
 templo ad alias civitates, omnibus imperata fa-
 cientibus, quieto exercitu pacatum agrum, qui
 paulo ante ingenti tumultu arserat, peragravit.
 Hæc lenitas prætoris, qua sine sanguine ferocis-
 simam gentem domuerat, eo gratior plebi patri-
 busque fuit, quo crudelius avariusque in Græ-
 cia bellatum & ab consule Licinio, & ab
 Lucretio prætore erat. Lucretium tribuni plebis
 absentem concionibus assiduis lacerabant; cum
 Reipub. causa abesse excusaretur: sed tum adeo
 vicina etiam inexplorata erant, ut is eo tempo-
 re in agro suo Antiati esset, aquamque ex (1)
 manubiis Antium ex flumine Loracinæ duceret.
 Id opus centum triginta millibus æris locasse di-
 citur. tabulis quoque pictis ex præda sanum Æs-
 culapii exornavit. Invidiam infamiamque ab Lu-
 cretio averterunt in Hortensium successorem e-
 jus Abderitæ legati, flentes ante curiam, que-
 rentesque, oppidum suum ab Hortensio expugnatum
 ac direptum esse. Causam excidii fuisse urbi, quod
 cum centum millia denarium, & tritici quinquag-
 inta millia modium imperaret, spatium petierunt,
 quo de ea re & ad Hostilium consulem & Romanam
 mitterent legatos. vix dum ad consulem se perve-
 nisse, & audisse oppidum expugnatum, principes se-
 curi percussos, sub corona ceteros venisse: Indigna
 se-

(1) pecunia redacta ex manubiis hostium.

senatui visa, decreveruntque eadem de Abderitis, quæ de Coronæis decreverant priore anno: eademque pro concione edicere Q. Mænium prætorem iusserunt. Et legati duo, C. Sempronius Blæsus, Sex. Julius Cæsar, ad restituendos in libertatem Abderitas missi. Iisdem mandatum, ut & Hostilio consuli, & Hortensio prætori nuntiarent, senatum, Abderitis injustum bellum illatum, conquirique omnes, qui in servitute sint, & restitui in libertatem, æquum censere.

CAPUT VI.

Legati regis Gallorum Cincibili, simulque Carnorum, Istrorumque, & Japudum de C. Cassio consule queruntur: his senatus benigne respondet.

Eodem tempore de C. Cassio, qui COS. prio- 5.
re anno fuerat, tum Trib. militum in Macedonia cum A. Hostilio erat, querelæ ad senatum delatæ sunt, & legati regis Gallorum Cincibili venerunt. Frater ejus verba in senatu fecit, quæstus Alpinorum populorum agros, sociorum suorum, depopulatum C. Cassium esse, & inde multa millia hominum in servitutem abripuisse. Sub id tempus Carnorum Istrorumque & Japudum legati venerunt, duces sibi ab consule Cassio prius imperatos, qui in Macedoniam ducenti exercitum inter monstrarent: pacatum ab se tanquam ad aliud bellum gerendum abisse: inde ex medio regressum itinere, hostiliter peragrasse fines suos: passim rapinasque & incendia facta: nec se (1) ad id locorum scire, propter quam causam consuli pro hostibus fuerint. Et regulo Gallorum absenti, & his populis responsum est: senatum ea, quæ facta querantur, neque scisse futura, neque, si sint facta, probare: sed indicta causa damnari absentem consularem virum injurium esse, cum is Reipub. causa absit. Ubi ex Macedonia redisset C. Cassius, tum si coram eum arguere vellent, cognita re senatum daturum operari uti satisfaciat. Nec responderi tantum iis gentibus, sed legatos mitti, duos ad regulum trans alpes, tres

(1) adhuc.

tres circa eos populos placuit, qui indicarent, quæ patrum sententia esset; Munera mitti legatis ex binis millibus æris censuerunt: duobus fratribus regulis hæc præcipua, torques duo ex quinque pondo auri facti, & vasa argentea quinque * & viginti pondo, & duo equi phalerati cum agasfonibus, & equestria arma ac sagula: & comitibus eorum vestimenta liberis servisque. Hæc missa: illa petentibus data, ut denorum equorum iis (1) commercium esset, educendique ex Italia potestas fieret. legati cum Gallis missi trans Alpes, C. Lælius, M. Æmilius Lepidus: ad cæteros populos C. Sicinius, P. Cornelius Blasio, T. Memmius.

CAPUT VII.

Romam venientes ex Græcia, Asia, atque Africa sociorum legati, alii, jam ad bellum Macedonicum civitates suas præbuisse auxilia, alii præbere paratas esse, in senatu exponunt: comiter, benigneque acceptis omnibus, soli Eretenses, quod eorum multa millia in Persei exercitu sint, ut non certi socii dimittuntur.

6. **M** ultarum simul Græciæ Asiæque civitatum legati Romam convenerunt. Primi Athenienses introducti: ii, se quod navium habuerint militumque, P. Licinio consuli & C. Lucretio prætori misisse exposuerunt, quibus eos non usos. frumenti sibi centum millia imperasse: quod, quamquam sterilem terram arent, ipsosque etiam agrestes peregrino frumento alerent, tamen, ne deessent officio, confecisse: & alia quæ imperarentur, præstare paratos esse. Milethi nihil præstitisse memorantes, siquid imperare ad bellum senatus veller, præstare se paratos esse polliciti sunt. Alabanden-

(1) facultas emendi. prudentiæ Romanæ non erat, plurimum militarium equorum commercium populis bellicosis concedere. v. l. 12. §. 1. ff. de re milit.

denſes (1) templum urbis Romę ſe feciſſe commemoraverunt, ludosque anniverſarios ei divę inſtituiſſe: & coronam auream quinquaginta pondo, quam in Capitolio ponerent, donum Jovi Opt. Max. attuliſſe: & ſcuta equeſtria CCC. ea cui juſſiſſent, tradituros. Donum ut in Capitolio ponere, & ſacrificareliceret, petebant. (2) Hoc Lamplaceni LXXX. pondo coronam afferentes petebant, commemorantes diſceſſiſſe ſe a Perſeo, poſtquam Romanus exercitus in Macedoniam veniſſet, cum, ſub ditione Perſei, & ante Philippi fuiſſent. Pro eo, & quod imperatoribus Romanis omnia preſtituiſſent, id ſe tantum orare, ut in amicitiam populi Romani reciperentur: & ſi pax cum Perſeo fieret, exciperentur, ne in regiam poteſtatem reciperentur. Cæteris legatis comiter reſponſum. Lamplacenos in ſociorum formulam referre Q. Męnius prætor juſſus. munera omnibus in ſingulos binum millium æris data. Alabandenſes ſcuta reportare ad A. Hoſtilium conſulem in Macedoniam juſſi. Et ex Africa legati ſimul Carthaginienſium tritici decies centum (3) millia & bordei quingenta indicantes ſe ad mare deveſta habere, ut, quo ſenatus cenſuiſſet, deportarent. Id munus officiumque ſuum ſcire minuiſſe, quam pro meritis populi Romani, & voluntate ſua: ſed ſepe alias (4) bonis in rebus utriuſque populi ſe gratorum fideliumque ſocium muneribus fuñctos eſſe. Item Maſaniſſæ legati tritici eandem ſummam polliciti, & mille & CC. equites, XII. elephantos, & ſi quid aliud opus eſſet, uti imperaret ſenatus: æque propenſo animo, ac quæ ipſe ultro pollicitus ſit, præſtaturum eſſe. Gratia & Carthaginienſibus, & regi actæ, rogatique ut ea quæ pollicerentur, ad Hoſtilium conſulem in Macedoniam deportarent. Legatis in ſingulos binum-millium æris munera miſſa. Cretenſium legatis commemoran-

tibus

- (1) hoc Smyrni ſe primos M. Porcio Catone conſ. ante 25. annos feciſſe jactant apud Tacit. 4. An. 36. (2) ut donum ponere, & ſacrificareliceret. (3) intellige, modium. (4) utilibus.

tibus, se quantum sibi imperatum a P. Licinio COS. esset, sagittariorum in Macedoniam misisse: cum interrogati non inficiarentur, apud Persea majorem numerum sagittariorum, quam apud Romanos militare: responsum est, si Cretenses bene & graviter destinarent potiorum pop. Rom. quam regis Persei amicitiam habere; senatum quoque Romanum iis tanquam certis sociis responsum daturum esse. interea nuntiarent suis, placere senatui, dare operam Cretenses, ut quos milites intra præsidia regis Persei haberent, eos primo quoque tempore domum revocarent.

CAPUT VIII.

Chalcidenses legati de crudelitate C. Lucretii, qui prætor in Græcia fuerat, & de L. Hortensio, qui nunc ibi prætor est, queruntur in senatu: C. Lucretius Romæ a tribunis plebis accusatus, damnatur.

C Retensibus cum hoc responso dimissis, Chalcidenses vocati: quorum legatio ipso introitu, ob id quod Mistio princeps eorum pedibus captus lætica est introlatus, ultimæ (1) necessitatis extemplo visa res: in qua ita affecto excusatio valetudinis aut ne ipsi quidem petenda visa foret, aut data petenti non esset. Cum sibi nihil vivi reliquum, præterquam linguam ad deplorandas patriæ suæ calamitates, præfatus esset, exposuit civitatis primum suæ benefacta & vetera, & ea quæ Persei bello præstitissent ducibus exercitibusque Romanis: tum quæ primo C. Lucretius in populares suos prætor Romanus superbe, avaro, crudeliter fecisset: deinde quæ tum cum maxime L. Hortensius faceret. (2) Quemadmodum omnia sibi, etiam iis quæ patiantur tristiora, patienda esse ducant, potius quam se dedant Persi. quod ad Lucretium

(1) *b. e. visi sunt extrema necessitate adacti Chalcidenses, ut hunc præcipuum legatum mitterent,*
 (2) *repete, exposuit.*

sium Hortensiumque attineret, scire, tutius fuisse claudere portas, quam in urbem eos accipere. Quæ exclusissent eos, Emathiam, Amphipolim, Maroneam, Ænum, incolumes esse: apud se templa omnibus ornamentis compilata, * spoliataque sacrilegiis C. Lucretium navibus Antium devexisse: libera corpora in servitutem abrepta, fortunas sociorum P. R. direptas esse, & quotidie diripi. Nani ex instituto C. Lucretii Hortensium quoque in tellis hieme pariter atque æstate navales socios habere, & domos suas plenas turba nautica esse: versari inter se, conjuges, liberosque suos; (1) quibus nihil neque dicere pensi, neque facere. Arcessere in senatum Lucretium placuit, ut disceptaret coram, purgaretque sese. Cæterum multo plura præsens audivit, quam in absentem jacta erant: & graviores potentioresque arcessere accusatores duo Tribuni plebis, M. Juventius Thalna, & Cn. Aufidius. Ii non in senatu modo eum lacerarunt, sed in concionem etiam pertracto, multis objectis probris, diem dixerunt. Senatus jussu Chalcidensibus Q. Mænius prætor respondit: quæ bene meritos sese, & ante, & in eo bello quod geratur, de populo Romano dicant, ea & scire vera eos referre senatum, & perinde ac debeant grata esse. Quæ facta a C. Lucretio, fierique ab L. Hortensio Prætoribus Romanis querantur, ea neque facta, neque fieri voluntate senatus, quem non posse existimare? qui sciat bellum Persi, & ante Philippo patri eius intulisse P. R. pro libertate Græciæ; non ut ea a magistratibus sociis atque amicis paterentur. Literas se ad L. Hortensium prætorem daturus esse: quæ Chalcidenses querantur acta, ea senatui non placere. Si qui in servitutem liberi venissent, ut eis conquirendos primo quoque tempore restituendosque in libertatem curaret. Sociorum navalium neminem præter magistros in hostia deduci æquum censere. Hæc Hortensio jussu senatus scripta. Munera binum millium æris legatis missa, & vehicula Mictioni publice locata,

(1) quibus sociis nihil curæ est quid loquantur aut quid agant.

ta, quæ cum Brundisium commode perveherent. C. Lucretium, ubi dies, quæ dicta erat, venit, tribuni ad populum accusarunt, multaque decies centum millium æris dixerunt. Comitibus habitis, omnes quinque & XXX. tribus eum condemnarunt.

CAPUT IX.

Propter suspectum Illyriorum regem Gentium navales copiae instruuntur: Ap. Claudius, qui in Illyricum missus fuerat, transgressus in Macedoniam dolo ab hostibus capitur, & afficitur clade: hac Romani nuntiata, mittuntur in Macedoniam legati ad res inspiciendas, simulque placet novos magistratus subrogari. habitis comitiis, consules, prætoresque creantur: novi COSS. sunt Q. Martius Philippus, & Cn. Servilius Cæpio.

9. **I**N Liguribus eo anno nihil memorabile gestum. Nam nec hostes moverunt arma, neque consul in agrum. eorum legiones induxit: & satis explorata pace ejus anni, milites duarum legionum Romanarum intra dies LX., quam in provinciam venit, dimisit. sociorum nominis Latini exercitu mature in hiberna Lunam & Pisas deducto, ipse cum equitibus Gallie provincie pleraque oppida adiit. Nusquam alibi quam in Macedonia bellum erat: suspectum tamen & Gentium Illyriorum regem habebant. itaque & octo naves ornatas a Brundisio senatus censuit mittendas ad C. Furium legatum Issam, qui cum præsidio duarum Issensium navium insulæ præerat. duo millia militum in eas naves sunt imposita, quæ Q. Mænius prætor ex S. C. in ea parte Italie, quæ objecta Illyrico est, conscripsit. & COS. Hostilius Ap. Claudium in Illyricum cum quatuor millibus pedum misit, ut accolæ Illyrici tutarentur: qui non contentus iis, quas adduxerat, copiis, auxilia ab sociis corrogando, ad VII. millia hominum vario genere armavit: peragrataque omni-

ea regione, ad Lychnidum Dassaretiorum confedit. Haud procul inde Uscana oppidum, finium 10.

(1) plerunque Persei erat. X. millia civium habebat, & modicum custodiæ causa Cretenesium præsidium. Inde nuntii ad Claudium occulti veniebant: *si propius copias admovisset, paratos fore qui proderent urbem: & operæ pretium esse: non se amicosque tantum, sed etiam milites præda expleturum.* Spes cupiditati admota ita occæcavit animum, ut nec ex iis qui venerant, quenquam retineret; nec obsides (2) pignus futuros furto & fraude agendæ rei posceret, nec mitteret exploratum, nec fidem acciperet. die tantum statuta profectus a Lychnido, duodecim millia ab urbe, ad quam tendebat, posuit castra. Quarta inde vigilia signa movit, mille ferme ad præsidium castrorum relictis. incompositi longo agmine effusi, infrequentes, cum nocturnus error dissiparet, ad urbem pervenerunt. Crevit negligentia, postquam neminem armatum in muris viderunt. Cæterum ubi primum sub jactu teli fuerunt, duabus simul portis erumpitur: & ad clamorem erumpentium ingens strepitus e muris ortus, ululantium mulierum cum crepitu undique æris, & incondita multitudo, turba immixta fervili, variis vocibus personabat. Hic tam multiplex undique objectus terror effecit, ne sustinere primam procellam eruptionis Romani possent. Itaque fugientes plures, quam pugnautes interempti sunt: vix duo millia hominum cum ipso legato in castra perfugerunt. Quo longius iter in castra erat, eo plures fessos confectandi hostibus copia fuit. Ne moratus quidem in castris Appius, ut suos dissipatos fuga colligeret: quæ res palatis per agros salutis fuisset: ad Lychnidum protinus reliquias cladis reduxit. Hæc & 11.
alia haud prospere in Macedonia gesta, ex Sexto Digitio tribuno militum, qui sacrificii causa Romam venerat, sunt audita. Propter quæ veriti Patres, ne quæ major ignominia acciperetur,
lega-

(1) non semper. (2) pignus rei agendæ.

legatos in Macedoniam M. Fulvium Flaccum , & M. Caninium Rebilum miserunt , qui com-
 perta quæ ageretur referrent : & ut A. Hostilius
 COS. comitia consulibus subrogandis ita ediceret ,
 ut mense Januario comitia haberi possent ; & ut
 primo quoque tempore in urbem rediret . Interim
 M. Recio prætori mandatum , ut edicto senato-
 res omnes ex tota Italia , nisi qui reipublicæ cau-
 sa abessent , Romam revocaret : qui Romæ essent ,
 ne quis ultra mille passuum ab Roma abesset . Ea
 uti senatus censuit , sunt facta . Comitia consu-
 laria (1) ad V. Kalend. Septemb. fuere . Creati
 COSS. sunt Q. Martius Philippus iterum , & Cn.
 Servilius Cæpio . Post diem tertium prætores sunt
 facti , C. Decimius , M. Claudius Marcellus , C.
 Sulpicius Gallus , C. Martius Figulus , Ser. Cor-
 nelius Lentulus , P. Fonteius Capito . Designa-
 tis prætoribus , præter duas urbanas , quatuor
 provinciæ sunt decretæ , Hispania , & Sardinia ,
 & Sicilia , & (2) classis .

C A P U T X.

*De statu rerum in Macedonia ab legatis inde re-
 versis certior factus senatus , destinat novis con-
 sulibus provincias Italiam , & Macedoniam ; mo-
 riuntur nonnulli Sacerdotes .*

L Egati ex Macedonia exacto admodum mense
 Februario redierunt . Hi , quas res ea æstate
 prospere gessisset rex Perseus , referebant : quantus-
 que timor socios populi Romani cepisset , tot urbibus
 in potestatem regis redactis . Exercitum consulis in-
 frequentem (3) comitatibus vulgo datis per am-
 bitionem esse : culpam ejus rei consulem in tribunos
 militum , contra illos in consulem conferre . Ignomi-
 niam

(1) disjunctis litteris . h. e. ante diem . pro Se-
 ptembres , fortasse Februarias : paulo ante ; men-
 se Januario Comitia haberi possint .

(2) imperium navale est pro provincia .

(3) comitatus hic significat facultatem abundi .

niam Claudii temeritate acceptam elevare eos Patres acceperunt; qui perpaucos Italici generis, & magna ex parte tumultuario delectu conscriptos ibi milites amissos referebant. Consules designati, ubi primum magistratum inissent, de Macedonia referre ad senatum iussi: destinataeque provinciae iis sunt Italia & Macedonia. Hoc anno (1) interkalatum est: (2) tertio die post Terminalia Kalendae interkalares fuere. Sacerdotes intra eum annum mortui, L. Flamininus (3) *augur*. pontifices duo decesserunt, L. Furius Philus, & C. Livius Salinator. In locum Furii T. Manlium Torquatum, in Livii M. Servilium pontifices legerunt.

CAPUT XI.

Novi consules primum omnium de provinciis ad senatum referunt, militum supplementum, maxime ad bellum Macedonicum, senatus decernit.

PRincipio insequentis anni cum COSS. novi ^{12.} Q. Martius & Cn. Servilius de provinciis ^{U. C.} retulissent, primo quoque tempore aut comparare eos inter se Italiam & Macedoniam, aut fortiri placuit. Priusquam id fors cerneret, in incertum, ne quid gratia momenti faceret, in utramque provinciam, quod res desideraret supplementi, decerni. In Macedoniam peditum Romanorum sex millia, sociorum nominis Latini sex millia, equites Romanos CCC. socios CCC. veteres milites dimitti, ita ut in singulas Romanas legiones ne plus sena millia peditum, CCC. equites essent. Alteri COS. nullus certus finitus numerus civium Romanorum, quem in supplementum legeret: id modo finitum, ut duas legiones scriberet, quae quina millia peditum & ducenos haberent, equites trecenos. Peditum ^{581.} La-

(1) *b. e. hic annus 13. menses habuit.*

(3) *alias, postridie.*

(3) *banc vocem apposuit Sig.*

Latinorum major quam collegæ decretus numerus: peditum X. millia, & DC. equites. quatuor præterea legiones scribi jussæ, quæ, si quo opus esset, educerentur. Tribunos milit. non permissum ut consules facerent. populus creavit. Sociis nominis Latini XVI. millia peditum, & mille equites imperati. Hunc exercitum parari tantum placuit, ut exiret, si quo res posceret. Macedonia maxime curam præbebat. in classem mille socii navales cives Romani, libertini ordinis ex Italia scribi jussi: totidem ut ex Sicilia scriberentur: & cui ea provincia evenisset, mandatum ut eos in Macedoniam, ubicunque classis esset, deportandos curaret. In Hispaniam tria millia peditum Romanorum in supplementum, CCC. equites decreti. Finitus ibi quoque in legiones militum numerus, peditum quina millia, treceni & XXX. equites. Et sociis imperare prætor, cui Hispania obvenisset, jussus quatuor millia peditum, & CCC. equites.

CAPUT XII.

Prodigia, & eorum procuratio.

13. **N**on sum nescius, ab eadem negligentia, qua nihil deos portendere vulgo nunc credant, ^{al.} neque nuntiari admodum * nulla prodigia in publica ^{ulla} blicum, neque in annales referri. cæterum & mihi vetustas res scribenti, nescio quo pacto antiquus sit animus: & quædam religio tenet, quæ illi prudentissimi viri publice suscipienda censuerint, ea pro dignis habere, quæ in meos annales referam. Anagnia duo prodigia eo anno sunt nuntiata: facem in cœlo conspectam: & bovem foeminam locutam publice (1) ali. Minurnis quoque per eos dies cœli ardentis species affulserat. Reate imbri lapidavit. Cum in arce Apollo triduum ac tres noctes lacrymavit. in urbe Romana duo æditui nuntiarunt, alter in e-

(1) donec Aruspices quid juberent.

de Fortunæ anguem jubatum a compluribus visum esse: alter in æde Primigeniæ Fortunæ, quæ in (1) colle est, duo diversa prodigia; palmam in area enatam, & sanguine interdum pluisset. Duo non suscepta prodigia sunt, alterum quod in privato loco factum esset: palmam enatam impluvio suo T. Martius Figulus nuntiabat: alterum, quod in loco peregrino: Fregellis in domo L. Atrei hasta, quam filio militi emerat, interdum plus duas horas arsisse, ita ut nihil ejus ambureret ignis, dicebatur. Publicorum prodigiorum causa libri a decemviris aditi, XL. majoribus hostiis, quibus diis consules sacrificarent. & addiderunt uti supplicatio fieret, cunctique magistratus circa omnia pulvinaria victimis majoribus sacrificarent, populusque coronatus esset. Omnia, uti decemviri (2) præierunt, facta.

CAPUT XIII.

Creantur censores C. Claudius Pulcher, Tib. Sempronius Gracchus: cum esset difficilis consulibus delectus, id negotium prætoribus mandatur: quod ut perficiatur, censores dicto promulgato adjuvant.

Censoribus deinde creandis comitia edicta sunt. Petierunt censuram principes civitatis 14. C. Valerius Lævinus, L. Postumius Albinus, P. Mutius Scævola, M. Junius Brutus, C. Claudius Pulcher, Tib. Sempronius Gracchus. Hos duos censores creavit populus Romanus. Cum delectus habendi major, quam alias propter Macedonicum bellum cura esset, COSS. plebem apud senatum accusabant, quod & juniores non responderent: adversus quos C. Sulpicius & M. Claudius tribuni plebis causam egerunt. Non consulibus, sed (3) ambitiosis consulibus delectum dif-

(1) Quirinali. alia enim ejusdem fortunæ ædes erat in Capitolio.

(2) alii præceperunt.

(3) qui offensiones fugerent, neminem cogendo.

difficilem esse : neminem invitum militem ab iis fieri . Id ita ut esse scirent & Patres conscripti : prætores , quibus & vis imperii minor & auctoritas esset , delectum , si ita senatui videretur , perfecturos esse . Id prætoribus magna patrum consensione non sine suggillatione consulum mandatum est . Censores ut eam rem adjuvarent , ita in concione edixerunt : legem censui (1) censendo dicturos esse , ut præter commune omnium civium iusjurandum hæc adjurarent . Tu minor annis sex & quadraginta es , tuque ex edicto C. Claudii , Tib. Sempronii censorum ad delectum prodito : & quotiescunque delectus erit , quicumque censores magistratum habebunt , si miles factus non eris , in delectum prodibis . Item quia fama erat , multos ex Macedonicis legionibus , incertis com meatibus per ambitionem imperatorum ab exercitu abesse , edixerunt de militibus P. Ælio , C. Popillio COSS. postve eos COSS. in Macedoniam scriptis : ut , qui eorum in Italia essent , intra dies XXX. censi prius apud sese , in provinciam redirent . qui in patris aut avi potestate essent , eorum nomina ad se ederentur . Missorum quoque causas sese cognituros esse : & quorum ante emerita stipendia gratiosa missio sibi visa esset , eos milites fieri iussuros . Hoc edicto literisque censorum per fora & conciliabula dimissis , tanta multitudo juniorum Romam convenit , ut gravis urbi turba insolita esset .

15. *Præter delectum eorum , quos in supplementum mitti oportebat , quatuor a C. Sulpicio Prætoris scriptæ legiones sunt , intraque undecim dies delectus est perfectus .*

CAPUT XIV.

Consulum , Prætorumque provincie .

Consules deinde sortiti provincias sunt : nam prætores propter jurisdictionem maturius sortiti erant . Urbana & Sulpicio , peregrina C. De-

(1 .) agendo .

Decimio obrigerat. Hispaniam M. Claudius Marcellus, Siciliam Ser. Cornelius Lentulus, Sardiniam P. Fonteius Capito, classem C. Martius Figulus erat sortitus. consulum Cn. Servilio Italia, Q. Martio Macedonia obvenit: Latinisque actis Martius extemplo est profectus. Cæpione deinde referente ad senatum, quas ex novis legionibus duas legiones secum in Galliam duceret; decrevere Patres, ut C. Sulpicius, M. Claudius prætores ex his, quas scripsissent, legionibus, (1) quas videretur consuli darent. Indigne (2) patiente prætorum arbitrio consulem * al. Gronpa- ciens consul se. subiectum, dimisso senatu, ad tribunal prætorum stans postulavit, ex S. C. destinarent sibi duas legiones. prætores consuli in eligendo arbitrium fecerunt.

CAPUT XV.

Censura C. Claudii Pulchri, & Tib. Sempronii Gracchi, ipsorum maxime censorum periculo memorabilis.

SENATUM deinde censores legerunt: M. Æmilius Lepidus princeps ab tertiis jam censoribus lectus. Septem e senatu eiectioni sunt. In censu accipiendo populi, milites ex Macedonico exercitu, qui quam multi abessent ab signis, census docuit, in provinciam cogeant: causas stipendiis (3) missorum cognoscebant; & cuius nondum iusta missio visa esset, ita iurjurandum adigebant. *Ex tui animi sententia tu ex edicto C. Claudii, Tib. Sempronii censorum in provinciam Macedoniam redibis: quod sine dolo malo facere poteris?* In equitibus recensendis tristis admodum eorum atque aspera censura fuit. Multis equos ademerunt. in ea re cum equestrem ordinem offendissent, 16.

Tom. IV.

Y

flam-

(1) notatum alias, pro quæ viderentur.

(2) Cæpione.

(3) eorum qui nondum confectis stipendiis missi erant.

flammam invidiæ adiecere edicto, quo edixerunt ne quis eorum, qui Q. Fulvio, A. Postumio censoribus publica vectigalia aut ultro tributa conduxis-
sent, ad hastam suam accederet, sociusve aut affinis
ejus conductionis esset. Sepe id querendo veteres
publicani, cum impetrare nequissent ab senatu,
ut modum potestati censoriæ imponerent, tan-
dem tribunum plebis P. Rutilium ex rei privatæ
contentione iratum censoribus, patronum causæ
nacti sunt. (1) Clientem libertinum parietem
in Sacra via adversus ædes publicas demoliri jus-
serant, quod publico inædificatus esset. appellati
a privato tribuni, cum præter Rutilium nemo
intercederet, censores ad pignora capienda mi-
serunt, multamque pro concione privato dixe-
runt. Hinc contentione orta, cum veteres publi-
cani se ad tribunum contulissent, rogatio repen-
te sub unius tribuni nomine promulgatur. *Quæ
publica vectigalia, ultro tributa, C. Claudius &
Tib. Sempronius locassent, ea rata locatio ne esset :
de integro locarentur, & ut omnibus redimendi
& conducendi promiscue jus esset.* Diem ad (2)
ejus rogationem concilio tribunus plebis dixit.
Qui postquam venit, ut censores ad dissuaden-
dum processerunt, Graccho dicente silentium
fuit, cum Claudio obstreperetur, audientiam fa-
cere præconem jussit. Eo facto (3) avocatum
a se concionem tribunus questus, & in ordinem
se coactum, ex Capitolio, ubi erat concilium,
abiit. Postero die ingentes tumultus ciere. Tib.
Gracchi primum bona (4) consecravit, quod in
mul-

(1) Rutilii. (2) rogationis. quæ vox paulo ante legem, vel plebiscitum significat. hic vero actum rogandæ, vel ferendæ legis.

(3) Concionem a magistratu, qui eam advocavit, abducere, jus erat aliquibus magistratibus, ut est apud Gellium 13. 14. Sed a Tribuno avocare, ut ex hoc Livii loco patet, nefas.

(4) ita Clodius Ciceronis exilio damnati domum libertati dicavit, ut eam domino restitui, religio esset.

multa pignoribusque ejus, qui tribunum appellasset, intercessioni non parendo, se in ordinem coegisset. C. Claudio diem dixit, quod concionem ab se avocaret: & utrique censori perduellionem se judicare pronuntiavit, diemque comitiis a C. Sulpicio prætore urbano petiit. Non recusantibus censoribus, quominus primo quoque tempore judicium de se populus faceret, in ante dies VIII. & VII. Kalend. Octob. comitiis perduellionis dicta dies. Censores extemplo in atrium Libertatis ascenderunt, & ibi signatis tabellis publicis, clausoque tabulario, & dimissis servis publicis, negarunt se prius quidquam publici negotii gesturos, quam judicium populi de se factum esset. Prior Claudius causam dixit: & cum ex * XII. centuriis equitum VIII. cen-^{*al.}forem condemnassent, multæque aliæ primæ clas-^{xviii.}sis, extemplo principes civitatis in conspectu populi annulis aureis positis vestem mutarunt, ut supplices plebem circumirent. Maxime tamen sententiam (1) vertisse dicitur Tib. Gracchus, quod cum clamor undique plebis esset, periculum Graccho non esse: conceptis verbis juravit, si collega damnatus esset, non exspectato de se judicio, comitem exilii ejus futurum. Adeo tamen ad extremum spei venit reus, ut octo centuriæ ad damnationem defuerint. Absoluto Claudio, tribunus plebis negavit se Gracchum morari.

CAPUT XVI.

Petentibus Aquilejensium legatis, numerus colonorum ibi augetur: legati missi ex Macedonia in Græciam ab A. Hostilio, prioris anni consule, socias civitates adeunt.

EO anno postulantibus a senatu Aquilejensium legatis, ut numerum colonorum augetet, 17.
M. & D. familiæ ex S. C. scriptæ: triumviri-
que,
— Y 2 —

(1) effecisse, ut populus sententiam mutaret.

que, qui eas deducerent, missi sunt, T. Annius Luscus, P. Decius Subulo, M. Cornelius Cethegus. Eodem anno C. Popillius & Cn. Octavius legati, qui in Græciam missi erant, S. C. Thebis primum recitatum per omnes Peloponnesi urbes circumtulerunt, *ne quis ullam rem in bellum magistratibus Romanis conferret, præterquam quod senatus censuisset*. Hoc fiduciam in posterum quoque præbuerat, levatos se oneribus impensisque, quibus alia aliis imperantibus exhauriebantur. Achaico concilio Argis agitato benigne locuti auditque, egregia spe futuri status fidissima gente relicta, in Ætoliam trajecerunt. Ibi nondum quidem seditio erat, sed omnia suspecta, criminumque inter ipsos plena. ob quæ obsidibus postulatis, neque exitu rei imposito, in Acarnaniam inde profecti legati sunt. Thyrii concilium legatis Acarnanes dederunt. Ibi quoque inter factiones erat certamen. quidam principum postulare, ut præsidia in urbes suas inducerentur, adversus amentiam eorum, qui ad * Macedonicam gentem trahebant: pars recusare, ne quod bello captis & hostibus mos esset, id patæ & sociæ civitates ignominie acciperent. Justa deprecatio hæc visa. Larissam ad Hostilium proconsulem, ab eo enim missi erant, legati redierunt. Octavium retinuit secum, Popillium cum M. ferme militibus in hiberna Ambraciam misit.

* al.
Ma-
cedo-
nas.

C A P U T X V I I .

Prosperæ Persei regis expeditiones in Illyrios, proximos Macedoniæ.

18. **P** Erseus principio hiemis egredi Macedoniæ finibus non ausus, ne qua in regnum vacuum irrumperent Romani, sub (1) tempus brumæ, cum inexcuperabiles ab Thessalia montes nivis

(1) media ferme hieme. refer hæc ad finem periodis: Stuberam venit.

nivis altitudo facit, occasionem esse ratus frangendi finitimorum spes animosque, ne quid averso se in Romanum bellum periculi subesset: cum a Thracia pacem Cotys, ab Epiro Cephalus repentina defectione a Romanis præstarent, (1) Dardanos recens domuisset bello: solum infestum esse Macedoniæ latus, quod ab Illyrico pateret, cernens, neque ipsis quietis Illyriis, & aditum præbentibus (2) Romanis, si domuisset proximos Illyriorum, Gentium quoque regem jamdiu dubium in societatem perlici posse: cum decem millibus peditum, quorum pars phalangitæ erant, & duobus millibus levium armatorum, & quingentis equitibus profectus, Stuberam venit. Inde frumento complurium dierum sumpto, jussuque apparatu oppugnandarum urbium sequi, tertio die ad Uscanam (Penestianæ terræ ea maxima urbs est) posuit castra: prius tamen, quam vim admoveret, missis qui tentarent nunc præfectorum præsidii, nunc oppidanorum animos; (erat autem ibi cum juventute Illyriorum Romanum præsidium) postquam nihil pacati referebant, oppugnare est adortus, & corona eam capere conatus est. Cum sine intermissione interdiu noctuque alii aliis succedentes, pars scalas muris, ignem portis inferrent, sustinebant tamen eam tempestatem propugnatores urbis: quia spes erat, neque hiemis vim diutius pati Macedonas in aperto posse, nec ab Romano bello tantum regi laxamenti fore, ut posset morari. Cæterum postquam vineas agi, turresque excitari viderunt, victa pertinacia est. Nam præterquam quod adversus vim pares non erant, ne frumenti quidem aut ullius alterius rei copia intus erat, ut in nec opinata obsidione. Itaque cum spei nihil ad resistendum esset, C. Carvilius Spoletinus, & C. Afranius a præsidio Romano missi, qui a Perseo peterent, primo

Y 3 ut

(1) pars ea, qua Perseum domuisse Dardanos tra-
debat Livius, habetur in superiore hujus libri
supplemento. (2) alii Romano.

- ut armatos suaque secum ferentes abire sineret : dein, si id minus impetrarent, vitæ tantum libertatisque fidem acciperent. Promissum id benignius est ab rege, quam præstitum : exire enim sua secum efferentibus iussis, primum arma ademit. His urbe egressis, & Illyriorum cohors (quingenti erant) & Uscanenses se urbemque
19. dederunt. Perseus, præsidio Uscanæ imposito, multitudinem omnem deditorum, quæ prope numero exercitum æquabat, Stuberam abducit. Ibi Romanis (quatuor M. autem hominum erant) præter principes, in custodiam civitatum divis, Uscanensibus Illyriisque venditis, in Penestiam exercitum reducit ad Oæneum oppidum in potestatem redigendum, & alioqui opportune situm : & transitus ea est in Labeates, ubi Genrius regnabat. Prætereunti frequens castellum, Draudacum nomine, peritorum quidam regionis ejus, nihil Oæneo capto opus esse ait, nisi in potestate & Draudacum sit : opportunius etiam ad omnia positum esse. Admoto exercitu omnes exemplo dederunt sese. Qua spe celeriore deditione erectus, postquam animadvertit quantus agminis sui terror esset, undecim alia castella eodem metu in potestatem redigit. Ad perpauca vi opus fuit : cætera voluntate dedita, & in his recepti M. & D. dispositi per præsidia milites Rom. Magno usui Carvilius Spoletinus erat in colloquiis, dicendo nihil in ipsos sævitum. Ad Oæneum perventum est, quod sine justa oppugnatione capi non poterat : & majore aliquanto quam cætera inventute, & validum oppidum mœnibus erat : & hinc amnis Artatus nomine, hinc mons præaltus & aditu difficilis cingebat. Hæc spem ad resistendum oppidanis dabant. Perseus, circumvallato oppido, aggerem a parte superiore ducere instituit, cujus altitudine muros superaret. Quod opus dum perficitur, crebris interim præliis, quibus per excursions & mœnia sua oppidani tutabantur, & opera hostium impediabant, magna eorum multitudo variis casibus absorpta est : & qui supererant, labore di-
- urno.

urno nocturnoque & vulneribus inutiles erant .
 Ubi primum agger injunctus muro est , & cohors regia , quos (1) Nicatorias appellant , transcendit : & scalis multis simul partibus impetus in urbem est factus : puberes omnes interfecti sunt : conjuges liberosque eorum in custodiam dedit : prædæ alia militum cessere .

CAPUT XVIII.

Perseus Illyriorum regem Gentium tentat per legatos in societatem pellicere .

S Tuberam inde victor revertens ad Gentium legatos , Pleuratum Illyrium exulantem apud se , & Aputeum Macedonem a Beroæa mittit . Iis mandat , ut exponerent æstatis ejus hiemisque acta sua adversus Romanos Dardanofque : adjicerent recentia in Illyrico hibernæ expeditionis opera : hortarentur Gentium in amicitiam secum & cum Macedonibus jungendam . Hi transgressi jugum Scordi montis , per Illyrici solitudines , quas de industria populando Macedones fecerant , ne transitus faciles Dardanis in Illyricum aut Macedoniam essent , Scodram labore ingenti tandem pervenerunt . Lissi rex Gentius erat . eo acciti legati mandata exponentes benigne auditi sunt . Qui responsum sine effectu tulerunt ; *voluntatem sibi non deesse ad bellandum cum Romanis : ceterum ad conandum id quod velit , pecuniam maxime deesse .* Hæc Stuberam retulere regi , tum maxime captivos ex Illyrico vendenti . Extemplo iidem legati , addito Glau-
 202
 cia ex numero custodum corporis , remittuntur , sine mentione pecuniæ , qua una barbarus inops impelli ad bellum poterat . Ancyram inde populatus Perseus , in Penestas rursus exercitum reducit : firmatisque Uscanæ , & circa eam per omnia castella quæ receperat , præfidiis , in Macedoniam sese recipit .

CA-

(1) *Victores , a νίκη , victoria .*

CAPUT XIX.

Uscanam a Perseorege occupatam frustra tentat recipere L. Caelius legatus, Illyrii præses: a Penestis, & Partinis obsides exigit: Ap. Claudius Phanotem castellum in Epiro nequicquam oppugnat.

21. **L** Coelius, legatus Romanus, præerat Illyrico: qui moveri non ausus, cum in iis locis rex esset, post profectiorem demum ejus conatus in Penestis Uscanam recipere, a præsidio, quod ibi Macedonum erat, cum multis vulneribus repulsus Lychnidum copias reduxit. Inde post dies paucos M. Trebellium Fregellatum cum satis valida manu in Penestas misit, ad obsides ab his urbibus, quæ in amicitia cum fide permanferant, accipiendos. Procedere etiam in Partinos (ii quoque obsides dare pepigerant) iussit: ab utraque gente sine tumultu * exigi. Penestiarum obsides Apolloniam, Partinorum Dyrhachium (tum Epidamni magis celebre nomen Græcis erat) missi. Ap. Claudius acceptam in Illyrico ignominiam corrigere cupiens, Phanotem Epiri castellum adortus oppugnare, & auxilia Athamanum Thesprotorumque præter Romanum exercitum ad sex M. hominum secum adduxit: neque operæ pretium fecit; Cleva, qui relictus a Perseo erat cum valido præsidio, defendente.

Gron
exc-
git.

CAPUT XX.

Rex Perseus Stratum recipiendi causa in Ætoliam vocatus venit: Stratii, mutato consilio, accedenti regi portas occludunt: ille abiens ab Aperantiis accipitur, inde in Macedoniam revertitur.

ET Perseus in Elimeam profectus, & circa eam exercitu lustrato, ad Stratum vocantibus Epirotis ducit. Stratus validissima tum urbs

urbs Ætoliæ erat. Sita est super Ambracium finum, prope amnem Acheloum. Cum decem M. peditum eo profectus est, & equitibus CCC., quos pauciores propter angustias viarum & asperitatem duxit. Tertio die cum pervenisset ad Citium montem, vix transgressus propter altitudinem nivis, locum quoque castris ægre invenit. Profectus inde, magis quia manere non poterat, quam quod tolerabilis aut via aut tempestas esset, cum ingenti vexatione, præcipue jumentorum, altero die ad templum Jovis, quem Niceum vocant, posuit castra. Ad Arachthum inde flumen, itinere ingenti emenso, retentus altitudine amnis, mansit. Quo spatio temporis ponte perfecto, traductis copiis, diei progressus iter, obvium Archidamum principem Ætolorum, per quem ei Stratus tradebatur, habuit. Eo die ad finem agri Ætoli castra posita. Inde 22. altero die ad Stratum perventum: ubi prope Acheloum amnem castris positus, cum expectaret effusos omnibus portis Ætolos in fidem suam venturos, clausas portas, atque ipsa ea nocte qua venerat, receptum Romanum præsidium cum C. Popillio legato invenit. Principes, qui præsentis Archidami auctoritate compulsi regem arcessierant, obviam egresso Archidamo segniores facti, locum adversæ factioni dederant ad Popillum cum M. peditibus ab Ambracia arcessendum. In tempore & Dinarchus præfectus equitum, gentis Ætolorum, cum DC. peditibus, & equitibus C. venit. Satis constabat, eum tanquam ad Persea tendentem Stratum venisse: mutato deinde cum fortuna animo, Romanis se, adversus quos venerat, junxisse. Nec Popillius securior, quam debebat esse, inter tam mobilia ingenia erat. claves portarum custodiamque murorum suæ extemplo potestatis fecit: Dinarchum Ætolosque cum juventute Stratorum in arcem per præsidii speciem amovit. Perseus, ab imminentibus superiori parti urbis tumultis tentatis colloquiis, cum obstinatos, atque etiam telis procul arcentes videret, quinque M. passuum ab urbe

urbe trans Petitarum amnem posuit castra . Ibi concilio advocato , cum Archidamus Epirotarumque transfugæ (1) retinerent , Macedonum principes non pugnandum cum infesto tempore anni censerent , nullis præparatis com meatibus : cum inopiam prius obsidentes quam obsessi sensuri essent , maxime quod hostium haud procul inde hiberna erant ; territus in Aperantiam castra movit . Aperantii eum , propter Archidami magnam in ea gente gratiam auctoritatemque , consensu omnium acceperunt . is ipse cum octingentorum militum præsidio his est præpositus . Rex * cum minore vexatione jumentorum hominumque , quam venerat , in Macedoniam rediit .

23.
* al.
don.


C A P U T X X I .

Clevas Persei regis præfectus adversus Ap. Claudium in Epiro rem prospere gerit : Perseus Illyriorum regem Gentium magis atque magis sollicitat .

A Ppium tamen ab obsidione Phanotes fama ducentis ad Stratuni . Persei summovit . Clevas cum præsidio impigrorum juvenum (2) infecurus , sub radicibus prope inviis montium ad mille hominum ex agmine impedito occidit , ad ducentos cepit . Appius , superatis angustiis , in campo , quem Eleona vocant , stativa dierum paucorum habuit . Interim Clevas assumpto Philostrato , qui Epirotarum gentem habebat , in agrum Antigonensem transcendit . Macedones ad depopulationem profecti . Philostratus cum cohorte sua in insidiis loco obscuro confedit . In palatos populatores cum erupissent ab Antigonea armati , fugientes eos persequentes effasius in vallem infessam ab hostibus præcipitant . ibi ad M. occisis , centum ferme captis , ubique prospere gesta re , prope stativa Appii castra movent , ne qua

(1) Perseum , ne discederet .

(2) Appium .



426

B.5.5.581



6 1 2 5 6 8 4 2 6

